

MENTEM ALIT ET EXCOLIT



K. K. HOFBIBLIOTHEK
ÖSTERR. NATIONALBIBLIOTHEK

BE.1. M. 34. 4v. 1.


B. I. m. 34

468

PHILIPPI MARIAE RENAZZI
J.C. ET ANTECESSORIS ROMANI
ELEMENTA
JURIS CRIMINALIS

*Hoc spectant Leges, hoc volunt incolumem esse Civium
conjunctionem, quam qui dirimunt, eos morte, exilio,
vinculis, damno coercent. Cic. Offic. 111. 3.*

LIBER I.
DE DELICTIS GENERATIM



ROMAE MDCCCLXXXII.
JOANNES GENEROSUS SALOMONI
PUBLICA EXCEDEBAT AUCTORITATE



III

CLEMENTI. XIII.

PONT. OPT. MAX.

PHILIPPUS MARIA RENAZZI.

QUandoquidem Jus Criminale comparatum est non solum ad domesticam Reipublicae pacem, Civiumque securitatem fovendam, et conservandam; sed etiam Religionis majestati tuendae, et vindicandae quodammodo inservit; proinde Opus, quo ejus Juris Elementa traduntur, aut nemini offerendum, aut ei tantum videbatur esse confectum.

a 2

secrandum, in quem summa utriusque rei cura, et patrocinium incumberet. Itaque si audeo primum hunc Librum Criminalium Elementorum, quem nunc in publicam lucem emitto, Tuo Sacratissimo Nomini CLEMENS MAXIME inscribere, non tam observantiae, qua a me es colendus, argumentum exhibere mihi videor; quam tributum offerre Tibi uni debitum, qui et Pontifex Religioni divinitus praees, et Princeps Rempublicam feliciter moderaris. Utinam mihi contigerit solida, et genuina Criminalis Juris principia, ac veras sacris, publicisque rebus consulendi rationes eo plane modo hoc Libro retegere, atque explanare, quo Tu illa tenes, has vero opportune adhibes in explendis muneribus utriusque Potestatis. Etenim mirando Numinis afflatu ad Summum Sacerdotium erectus sic regis Ecclesiam; ut in Te redivivos suspiciamus magnos illos Seraphici tui Instituti Alumnos, qui Divi Petri cathedram, doctrina, sapientia, et sanctitate illustrarunt. Profecto cum propter virtutum omnium ornamenta, quibus splen-

splendes, amplissimam hanc, caeloque proximam dignitatem meruisti; tum praecipue ob singularem illam tuam morum suavitatem, et christianam animi demissionem dignissimus es judicatus, qui turbulentissimis temporibus Ecclesiae navim regendam, gubernandamque susciperes. Quis ergo miretur si universae Christianae Reipublicae Reges, et Populi mirificis erga Te observantiae, fiduciae, benevolentiae officiis quodammodo certant; si ad Tuam redeunt obedientiam, qui se jam olim a Romani Pontificis obsequio subtraxerant Asiatici Episcopi, dissitissimaeque Nationes; si demum ii quoque, qui in Religionis negotio a nobis dissentiunt suae haeresis quasi obliti, et virtute tua, morumque facilitate commoti Te colunt, ac diligunt, summisque laudibus in caelum extollunt. Magnae vero cuidam Reipublicae felicitati adscribendum esse videtur, quod ei Princeps, Rectorque contigeris. Siquidem ita regnas, ut olim a Veteribus regnasse feruntur Cyrus ille a Xenophonte laudatus, et inter Romanos Imperatores Titus, Trajanus,

VIII

Poterit imprimi, si videbitur his, quibus ita jubendi jus est.

*Paulus Franciscus Antamorus S. Confessoris Advocatus,
et Romani Archigymnasi Rector Deputatus.*

IMPRIMATUR,

Si videbitur Reverendissimo Patri Magistro Sacri Palatii Apostolici.

Dominicus Jordani Patriarch. Antioch. Vicegerens.

APPROBATIONES.

IN prima parte Operis Clariss. Viri Philippus Mariae Renazzi Advocati, et Antecessoris Romani, inscripti *Elementa Juris Criminalis*, quam jussu legi Reverendiss. P. S. P. A. Magistri pleraque visa sunt mihi doctrinae plena, eruditionis, et elegantiae; nihil prorsus contrarium Catholicae Fidei, vel bonis moribus. Quare censeo imprimi posse, et publica luce donari; si tamen ita videatur eidem Reverendissimo Patri Magistro S. P. A.

Romae ex aedibus nostris hac die 10. Septembris an. 1772.

*Carolus Cribellius Protonotarius Apostolicus, S. Consultae Pontis,
et Tribunalis Gubern. Urbis Afferor.*

UT mandatis Reverendissimi P. Magistri S. P. A. obtemperarem attente perlegi, atque consideravi Tomum I. *Elementorum Juris Criminalis* Domini Advocati Philippi Mariae Renazzi in Romana Accademia Juris Utriusque Professoris Publici, in quo nihil dogmatibus nostrae Catholicae Religionis, bonisque moribus contrarium inveni, quod impediat, quin typis imprimi possit, et publica luce donari. A laudibus, quas certo certius Clarissimus Auctor a doctis Viris consequetur, consulto abstinco, ne illas Ego amicitiae tribuisse videar.

Romae ex nostro Museo hac die 8. Septembr. 1772.

*Jacobus Pistorozzi S. Rom. Universalis Inquisitionis Rectoris
Advocatus, et Consultor.*

HOC jamdiu in votis erat doctis Viris, et publici boni sollicitis, ut nempe Juris prudentiae Criminali, cujus in Republica summa necessitas, et utilitas, vetus sua dignitas, splendorque restitueretur. Quibus quidem votis magnam coepi animo voluptatem, cum ~~perlegi~~ *D. Advocatum Philippum Mariam Renazzi* in Romano Archigymnasio Antecessorem satisfacere aggregum esse primo Libro suorum Juris Criminalis Elementorum, quem jussu Reverendissimi P. Thomae Ricchini S. P. A. M. diligenter legi, et consideravi. Nam praeter quam quod nihil in eo offendi, vel a Catholicae Religionis dogmatibus, vel a bonis moribus alienum; summo opere miratus sum Cl. Auctoris Ingenium, qui felici ausu tentavit puriores recludere fontes, unde solida Criminalis Scientia promanat, et ejus vera principia non solum concinna methodo evolvere; sed etiam eleganti stylo explanare. Quare eundem Librum dignum censeo, ut in publicam lucem prodeat; si tamen ita placuerit praefato Reverendissimo P. S. P. A. M.

Dabam Romae in Coenobio S. Mariae de Araceli Kalendis Septemb. A. MDCCCLXXII.

*Fr. Ambrosius Erba Ord. Min. de Observ. S. Theologiae Lect. Jubil. Cleri Romani
Examinator Apostol. Congreg. Iudicis, et Sacr. Rituum Consultor.*

IMPRIMATUR.

Fr. Thomas Augustinus Ricchinius Ordinis Praedicatorum Sacri Palatii Apostolici Magister.

PRAE-

PRAEFATIO.

QUI Civilem Societatem, quae moralem constituit personam, humano corpori comparavit; non male utriusque naturam perspexisse videntur. Quum enim, ut cetera praetermittam, ex immutabili rerum vicissitudine fieri nequaquam possit, ut corpus perenni gaudeat sanitate; ita propter cognatas humano pectori cupiditates, vimque saevientium adfectuum nulla fuit unquam, erisque hominum Societas, quae jugiter interna tranquillitate fruatur. Profecto haud aliter humanae machinae functiones a morbis intercipiuntur, quam a Delictis oeconomia intervertitur Civilis Societatis. Si igitur necesse est noscere morbos, remedia callere, quibus ii nasci probibentur, nati depelluntur, ut corpus bona semper valetudine utatur, aegrum convalescat, et vivat; non minus quoque necessarium esse videtur Delicta, quae morbi sunt Corporis Civilis, cognoscere, poenarum notitiam habere, quibus, tamquam medelis in Cives noxios praescriptis, remedium commissis offertur delictis, committenda impediuntur; ne tranquillitas perturbetur, vel pereat Societatis. Itaque quod est corpori humano Medicina; id praestat Civili Societati Scientia Criminalis.

Quemadmodum autem statim ac homines obnoxii morbis esse coeperunt nasci oportuit, quaerique ars illos curandi, ac depellendi; sic Scientia Criminalis cum ipsis nata est, crevitque Civilibus Societatibus. Quum enim primus, ac praecipuus illas instituendi finis fuerit, ut hominibus in easdem convenientibus vitae, bonorumque securitas constaret, liceretque tranquillum degere aevum; proinde necesse fuit ea omnia habere perspecta, quae illorum poterant securitatem, pacemque perturbare, haec eadem probibere, atque interdicerere, ac demum media invenire, atque adhibere, quibus nequam homines, atque audaces ab aliis laedendis, violandisque cohiberentur: alioquin nec ulla unquam efformari poruisset Civilis Societas, nec efformata diu vigere, ac perseverare.

rare. Et re quidem vera si antiquiorum Populorum Leges, quae apud veteres Historicos referuntur, percurramus; earum pleraque in prohibendis criminibus, poenisque sanciendis versari inveniemus. Hinc qui primi eas scriverunt hominibus in Civitates coactis, tamquam auctores haberi debent Scientiae Criminalis, cujus materiem ipsae Leges conficiunt, quae de delictis, et poenis agunt. Hujusmodi autem scientia eos certe oportuit fuisse eruditos, quibus deinde seu fors, seu ratio Respublicas tradidit regendas, ac gubernandas. Quippe munus illorum, qui vel ipsi summa potiuntur in Republica potestate, vel eam a Supremis Reipublicae Reſtoribus acceperere exercendam, in impediendis, vetandisque Delictis, exequendis Criminalibus Legibus, Reisque puniendis praecipue consistit. Quare nil mirum si olim graviores cujuscumque Nationis Viri, ac sublimiora Ingenia Criminalis Scientiae peritia celebrarentur. Sane fas est affirmare apud Egyptios Sacerdotes ea debuisse pollere; Seniores apud Haebreos, Satrapas apud Assyrios, Persasque, quibus eas inter vetustissimas Gentes commissa erat delictorum cognitio, et animadversio. In Graecia autem non solum illustriores, sapientioresque Cives, quibus ea constabant Quaestorum Criminalium Collegia adeo prudentiae, justitiaeque fama celebrata, ut Numina quoque illos inter consedisse fabularentur; sed ipsi etiam Oratores Criminalis Scientiae laude floruerunt. Et re quidem vera pleraeque LISYAE, JSOCRATIS, DEMOSTHENIS Orationes, quibus vel Cives accusarunt delinquentes, vel accusatos defendere, demonstrant, eos non minus eloquentia, quam Criminali Scientia excelluisse.

Sed Romae, ubi Juris, Legumque scientia Patriciorum supra Plebejos potentiae effecta instrumentum, primo coepit incertum redigi ordinem, atque systema; potissimum exculta est, quae ad crimina, poenasque spectat ejus gravissima, atque utilissima pars. Cujus rei praeter Criminales Leges, quarum adhuc miramur sapientiam, sequimurque censuram, fidem nobis faciunt luculentissimam, quae adhuc in Pandectis extant Fragmenta Romanorum Jurisconsultorum, qui pluribus scriptis Operibus Criminalem Scientiam, isidem Romae ab Oratoribus semper excultam, auxerunt, illustrarunt, atque

que ad summam extulerunt dignitatem; a qua postmodum excidit cum gloria, Imperioque Romano. Nam Romano Imperio a Borealibus Gentibus in Occidente concusso, et demum extincto, cum Romanis Legibus, ceterisque Bonis Artibus, ac Disciplinis, elanguit quoque, ceciditque Scientia Criminalis. Et sane quid poterat Criminalis Scientia vigere, quum effleri mores, duraeque Leges vittricium Nationum, vix alicubi intermixtae reliquiis Romani Juris, inconditam invexissent, et inhumanam Jurisprudentiam, quumque, ut plurimum, pro ratione, legeque staret crudelis, et cerebrosa potentium, ferociumque victorum voluntas? Nec nisi post exculsa iterum veteris Jurisprudentiae Romanae jura cessatum paulatim ab illa barbarorum seculorum feritate, ac ignorantia, quam Boreales Gentes invexerant. Quo nihil verius: nam atrox illa illuvies humanitatis ignoratione grassabatur, inhumanitas vero ignoratione Jurium. Tunc demum humaniores Disciplinae rursus exsuscitatae, et cum reliquis partibus Juris Romani; ea quoque excoli coepit ejus praestantissima pars, quae circa crimina, poenasque versatur.

Jurisconsulti fere omnes indocti aequae, ac eruditi, qui post IRNERIUM fere usque ad nostram aetatem in interpretando, illustriandoque Jure Romano operam suam collocarunt, eam quoque consequenter illius partem attigerunt, quae ad delicta, poenasque pertinet; inter quos vel in primis eminet JACOBUS CUJACIUS, qui merito ab immortalis nostro GRAVINA redivivuae Romanae Jurisprudentiae pater est appellatus. Sed obiter, nec certo ordine excussa est ab illis pars haec Juris Romani. Neque vero ita numero multi existere Jurisperiti, qui eam peculiariter, et ex professo tractare susceperint. Quos tamen inter unus, vel alter doctus, ceteri sive suo, sive temporum vitio, quibus scripserunt, omnis necessariae, solidaeque expertes eruditionis partim ex Romano Jure, et Municipalibus Legibus, partim ex Longobardicis institutis, et usu, praxique forensi, partim denique ex placitis aliorum Interpretum Juris Romani, et opinionibus, ac sententiis suapte ingenio depromptis, et effictis principia illa, regulas, conclusiones, doctrinasque consueverunt, quibus constat Criminalis Scientia, quae docetur in Scholis, viget in Foro, et adhuc

dominatur ubicumque veteris manent vestigia ruris . Longum esset omnium heic nomina persequi : erit tamen operae praetium aliquos ex eis cognoscere , qui in vulgus sunt celebriores .

DAMOHUDERUS (Jodoccus) Brugensis , Jurisconsultus , ut sua aetas ferebat , doctus , inter primos numerandus , qui Criminali Scientiae ex professo tractandae vacaverint . Anno 1550. Opus edidit , quod primum sub titulo Enchiridion rerum criminalium , deinde Praxis Criminalis typis impressum est . Mira in eo eluces claritas , atque ordo ; virtutes Scriptori necessariae , sed vulgo Criminalium Jurisconsultorum ignotae : unde ex hoc capite nunc quoque ejus Opus commendandum illis , qui student Scientiae Criminali . Tulit autem Damohuderus industriae suae fructum . Nam CAROLO V. Caesari , et PHILIPPO II. ejus filio fuit in Belgio a consiliis .

DECIANUS (Tiberius) Urinensis , declinante Saeculo XV. Patavi Jus Caesareum docuit magna nominis celebritate . Scripsit praeter alia Opera , quae hic non pertinent , Tractatus Criminales doctos sane , et laboriosos , quibus universam Criminalem Jurisprudentiam , quae suaetate vigeat in Foris , aggressus est amplissime exponere , atque illustrare . Vir certe dignus meliori seculo . Quamvis enim vitio temporum , quibus floruit , ignoraverit Scientias , unde Jurisprudentia Criminalis vera sua derivat principia ; tamen agnovit eam a tius , quam tunc fieret , repeti debere , et a capite arcessi ; quod ex doctrinis , quae tunc regnabant in Scholis , primo Libro sui Operis praestitit . Morte tamen praeventus baud potuit illi exitum addibere manum . Post ejus fata Nicolaus filius paternum opus publica luce donavit .

CLARUS (Julius) Alexandrinus , PHILIPPI II. Hispaniarum Regis Mediolani Consiliarius , et Regens . Praeter ceteras partes Civilis , et Canonicae Jurisprudentiae ; eam quoque attigit , quae ad crimina , et poenas spectat . Libro V. sententiarum (sic enim suum Opus inscripsit) , qui initio seorsim editus , postea cum aliis prioribus IV. Libris excussus est , et in Practica Criminali , quam illi adjecit , in pauca contraxit , quae late prius Interpretes , rerumque criminalium Scriptores tradiderant , ac disputaverant . Sed laus haec , qua sola dignus est , ei invidere visi sunt nonnulli Jurisconsulti , qui notis , et ob-

et observationibus ejusdem scripta onerarunt; inter quos miror fuisse etiam HARPRECTUM, et GOVEANUM viros alicujus nominis inter eruditos, humanosque Jurisperitos. Ceterum fama, qua vivens gavisus est Clarus, vel perit cum eo, vel debuit certe perire.

FARINACCIUS (Prosper) natus est Romae, ubi Reis defendendis operam dabat sub CLEMENTE VIII. Narrat JANUS NTCIUS ERYTHRAEUS in Pinacothec. I. Farinaccium malorum criminum convictum (nefas ea nominare) poenas Legibus datum fuisse, nisi Antonii Mariae Salviati Cardinalis opera servatus ex eo judicio elapsus esset; cui Cardinali pro illo deprecanti Clemens VIII., cui ejus flagitia nota erant, Farina, inquit, ista bona est, vel pollis est potius, sed non sacculus cui ille includitur bonus est, sed foedus, ac turpis. PAULUS V., qui dum esset Auditor, ut vocant, Camerae Apostolicae Farinaccio usus erat vicario in cognoscendis causis criminalibus, ei munus contulit Procuratoris Generalis Fisci. Dubitari non potest quin vel in primis Farinaccio ferri debeat accepta universalis illa, putidissimaque corruptio, quae Scientiam Criminalem pervasit. Is enim non solum indocte, et obscure pluribus magnis voluminibus Criminalem Jurisprudentiam pertractavit; sed insuper nutantem reddidit, versatilem, incertam; adeo ut cui animus illam ab ejusdem scriptis attingere; is futurus erit nibilo doctior, quam dudum. Farinaccius, ut ceteri Jurisconsulti, qui tunc forensi operae in Italia vacabant, ex trivio sapiebat, omnisque expertus erat necessariae doctrinae; quin immo, quae pauca callebat vera Jurisprudentiae principia, ea non ex Legum fontibus hauserrat, sed, ut moris, ex vulgarij Interpretum lacunis, et Forensium Scriptorum centonibus arripuerat. Attamen habitus est, et adhuc in vulgus habetur princeps Criminalium Jurisconsultorum. Quam gloriam sibi perpetuam polliceri visus est ipsemet Farinaccius in Epistola nuncupatoria postremi, quod edidit, voluminis suae Theoricae, et Practicae Criminalis, ubi non erubuit de suo Opere usurpare illud POETAE:

Exegi monumentum aere perennius.

Sed suam spem Farinaccium fefellisse, ut plerosque fallit Auctores, qui magna de suis ominentur Operibus, docuit eventus.

tus. Ejus namque Libri jamdudum deferri incoeperunt in vicum vendentem sbus, et odores. Nonnullus, quod hic protulimus de Farinaccio iudicium nimis audax, plerisque iniquum videbitur. Sed quisquis mente anticipatis opinionibus vacua, et aliquo doctrinae lumine illustrata ejus Opera pervolutaverit, seduloque perpenderit, deprehendet Nos Lectoribus baud imponere, neque injustam dixisse sententiam. Multa quidem Ingeniis donanda sunt, sed vitia, ut apposite SENECA scribit, non portenta. Restat monere WLPINIUM quemdam suscepisse obscurum, inutilemque laborem Farinaccii Opera redigendi in Epitomen, quam sub inepto titulo publicavit = Succus Farinaccii =

CARPZOVIVS (Benedictus) Consiliarius Electoralis Saxonicus, Professor in Accademia Lipsiensi. Anno 1646. Wittembergae publici juris fecit Practicam novam Imperialem Saxonica rerum criminalium. Hoc opere universam persequutus est Criminalem Jurisprudentiam, quae apud Saxones, reliquasque Germaniae Gentes obtinebat. Sed ut Farinaccius sordibus infectis, tenebris obscuravit: fuit tamen illo si non felicior in opinando, saltem liberior. Tantam vivens doctrinae criminalis famam sibi comparavit; ut JUSTUS OLDEKOP Jurisconsultus Germanus duo adversus eum Tractatus ediderit. Dignum notatu est Oldekopium omnia fere capita Decadum Quaestionum exordiri hac ingenua, et officiosa formula: Errat D. Carpzovius: Sed Zoilus hic quum Adversario suo nibilo doctior esset, in errores incurrit is forsitan graviores, quos in illo redarguebat. Prudenter monet JUVENALIS, ut

Loripedem rectus derideat, Aethiopem albus.

MATTHAEVS (Antonius) Batavus, primum in Geldorum Lyceo, deinde in Accademia Ultrajectina Jus est professus. Laus haec, atque gloria debetur Matthaeo, quod primus is fuit, et ad nostram usque aetatem solus, qui partem illam Romanae Jurisprudentiae, quae circa crimina, poenaeque versatur a doctis Interpretibus perfunctorie illustratam, a vulgo Criminalium Scriptorum sordide corruptam, puris tetigeris manibus, et singillatim ex dignitate pertractaverit. Anno enim 1648. und cum Prolegomenis de Criminibus, Commentarios edidit in Libros 47., et 48. Digestorum (qui Libri sunt de

de re criminali) elegantes, luculentos, doctos, plenos bonae frugis, utiliumque animadversionum, omnigena demum eruditione refertos. Si brevitatis in his necessaria Speciminibus, id pateretur; multa possem, et vere de Matthaeo praedicare, atque ostendere quantum ei ferre debent acceptum, quicumque nunc operam suam in Criminali Scientia repurganda, atque expolienda velint collocare. Sed hoc, ut arbitror, majus erit, et compendiosius elogium Matthaei, nempe ejusdem Commentarios saepius, saepiusque typis recussos, semper maximi habitos ab eruditis Viris, et a doctis Jurisconsultis. Libri, nomenque illorum, qui surpiter literis, et otio abutuntur, vix unius sunt aevi, tandem pereunt: Opera ingenio elaborata, plena doctrinae jugiter versantur in hominum manibus, eorumque Auctorum fama viget immortalis.

DE AMENO (Ludovicus Sinistrari) erat ex familia reformata Franciscanorum. Praeter Praxim Criminalem, composuit Tractatum satis prolixum de Delictis, et Poenis, in quo pauca vera, multa falsa, nonnulla alicujus usus, pleraque excerpta, ut moris, ab aliis rerum criminalium Scriptoribus, omnia demum incondita, et perturbata. Sed tamen ex eo aliqua dignus est laude, quod scilicet satis opportuna methodo primum de quovis delicto, deinde de ejus probationibus, tandem de poenis, quae illud manent, distinctim, et separatim differueris. Quae quamvis ita se babeant, hunc tamen Auctorem non solum pragmatici homines, quod non miror; sed etiam viri non aliqui indocti summo habent in pretio, eique nostris in Foris magnum tribui dicunt pondus auctoritatis.

URSATA (Dominicus a Bosco Salernitanae Diaecesis). Quum in Urbis Archigymnasio Antecessoris munus obiret, scripsit Institutiones Criminales, quae in vulgus notissimae. Nil possis in illis laudare; contra dubites quid magis reprehendas, stylum ne inconditum, inversum ordinem, inutiles, futesque digressiones; an forensam illam, barbaramque scientiam criminalem, cujus pauca solida, veraque principia, innumerae cavillosae interpretationes, confictae ex arbitrio regulae, falsae consequentiae inficiunt, et veluti in profundum demergunt? Egit tamen in Foro magna opinione doctrinae Ad-

voca-

vocatam, docuitque Jus ingenti Discipulorum concursu, Externorum plausu, quo tempore immortalis GRAVINA exigua cingebatur selectorum Auditorum corona, paucis acceptus Sapientibus, neglectus a ceteris. Hoc semper fuit in more positum, ut docti, magnique Viri negligantur a coetaneis; qui sapiunt ex trivio celebrentur in vulgus. Obiit Ursaya anno 1742.

CARAVITA (Thomas) Neapoli munus sustinuit Regii Consiliarii in Suprema Camera S. Clarae. Florentie aetate animum appulit ad contexendas Institutiones Criminales, quas postea senex praelo commisit anno 1740. In iis frumentum cum lollio mixtum, et coecervatum. Nam fuit Caravita tam solida, veraque; quam vulgari, inanique doctrina praeditus. Sed quod ipsi omnia colligere intento difficile; id facile legenti, alteram nimirum ab altera distinguere, et separare, hanc seponere, illam arripere. Si Nobis fides, consulimus, ut Caravitae Institutiones loco Institutionum Ursayae, quorum communis est usus, Tyronibus impofterum offerantur.

ALPHANI (Nicolaus) in Regio Neapolitano Archigymnasio Jurisprudentiae Professor, doctissimus omnium, qui post Mattbaeum Jus Criminale tractarunt, quod tribus Libris complexus est anno 1732. Neapoli impressis. Quae causa Alphani moverit ad eos Libros elucubrandos, quidque illis praestare voluerit, ipse monuit in Praefatione affixa priori Libro. „ Mibi, inquit, Clariss. Vir, stimulos ad scribendum „ adjecit indigesta admodum, et perturbata nimis Doctorum „ quorundam in rebus criminalibus pertractandis, ac nun- „ quam satis detestanda methodus: meus hinc labor id res- „ xit, ut nonnulla concinnius aliorum prolixitate omissa degu- „ stavem omni contentione, quae confusionis est mater, prorsus „ ejecta, ac denique omnia suis quibusque locis eo dispone- „ rem ordine, qui rebus apposite perquirendis opportunior „ evasisset. „ Fidem vero abunde Auctor solvit. Ejus nam- „ que Libri absolutissimum, perfectiusque sunt Opus, quod adhuc lucem aspexerit. Nec alia ex causa Alphanum in hunc Scri- „ ptorum censum retulimus, nisi quia is, licet capax Scientiae Criminalis instaurandae; vulgatam tamen, receptamque, cu- „ jus

jus sordes, et novit, et magna ex parte feliciter repurgare tentavit, in aliquod systema redactam utilius duxit suis Auditoribus exhibere.

Interea dum Scientia Criminalis ab uno, vel altero ex memoratis Scriptoribus aliqua luce donata, ab aliis sordibus, tenebrisque obnuebatur prodire, sed diversa tamen aetate, Jurisconsulti, qui solidae Philosophiae, Prudentiae Civiles, reliquarumque sublimiorum Doctrinarum praesidio instructi, jacentem Juris Naturae, ac Gentium disciplinam erigere, atque excolere aggressi sunt, et Legum vim, ingeniumque expendere, et ad trutinam revocare. Qui quidem cum de jure, quod Summae Civili Potestati propter crimina competis super vitam, bonaque Civium differerent, et Leges scrutarentur, a quibus pendet Civilis Libertas, multa docte, sapienterque de delictis, et poenis disputarunt, et obiter solidae, germanaeque Criminalis Scientiae semina jecerunt. Solum haec inter eos nominabo HUGONEM GROTIUM; SAMUELEM PUFFENDORFIUM, et PRAESIDEM DE MONTESQUIEU, qui, ubi a Religionis Orthodoxae principiis non aberrant, merito aliorum omnium magistri, principesque putantur.

Sed quae semina castae, veraeque Criminalis Scientiae laudari Auctores incidenter, ut diximus, sparserant, in eorum Operibus latebant, paucis comperta Philosophis, et humanioribus Jurisperitis, ignota prophano vulgo Criminalium Jurisconsultorum, quum JOAN. SAMUEL FRIDERICUS BOEHMERUS Germanus Antecessor in Accademia Fridericiana editis anno 1730. Criminalis Jurisprudentiae Elementis, quibus nova, concinnaque methodo ea semina aliquantisper evoluit, reddiditque operosa, quasi signum aliquod extulit ad melius de Criminali Scientia sperandum. Et certe post eum superioribus annis prodit in scenam AUCTOR dei Delicti, e delle Pene, cujus Librum ANONYMUS quidam scriptis in eum vernaculo sermone Notis, et Observationibus declamatorio stylo est infectatus. Nollent prohi, doctique Viri nonnullas eum a supradictis, aliisque interdictis Scriptoribus hausisse doctrinas, propter quas sicut meruit a Sacra, Civilique Potestate damnari; ita etiam a liberioris ingenii hominibus laudes obtinuit, praesertim vero a D. VOLTAIRE, qui

qui gallico Commentario ejusdem Opus adornavit . Quod absque periculo , et offensione possumus Nos de memorato Auctore affirmare est , primum eum fuisse , qui animose tentaverit novam Criminalis Scientiae faciem induere . Nec est praetermittendus heic loci PAULUS RISI egregie cordatus Jurisconsultus , qui in ipsa Patria Ill. MARCHIONIS BECCARIA prudentissimas aequae , ac doctissimas elucubravit Animadversiones ad Criminalem Jurisprudentiam pertinentes , quibus multa verae , solidaeque Criminalis Scientiae principia , breviter quidem , sed clare , graviterque exposuit , atque exornavit .

Profecto conveniens tandem esse videbatur , ut nostra hac aetate , qua Disciplinae omnes , praesertim quae solidam hominum utilitatem respiciunt , sedulo excoluntur , et perficiuntur ; Scientia quoque Criminalis , illustribus ea quidem profecta initiis , et a sublimioribus Ingeniis educata ; tractata tamen per manus Imperitorum , et sordide contrectata , puris manibus denuo tractaretur , nativam suam recuperaret dignitatem , pristinumque splendorem , et Philosophiae , graviorumque Doctrinarum auxiliis nova ei quodammodo vita feliciter redderetur . Siquidem non video quaenam sit Scientia , quam hominum magis intersit diligentissime excoli , et puram , sinceramque florere . Nam vera vigente , et solida Criminali Scientia nullus vi , saevitati , tyrannidi locus in Republica , sua Religioni manebit dignitas , et auctoritas , Civibus aequa , et immota constabit securitas , et ipsa Libertas Civilis sacra erit , et intacta vigebit .

Me vero , cui in ipso aetatis flore Criminalis Scientiae in Patria Accademia publice docendi , ac prostandi munus traditum est , juvat , decetque aliorum industriam imitari , et licet dispari ingenio ; pari tamen studio publici boni spartam , quam nactus sum exornare , et symbolam quoque nostram in medium asferre . Quod praestare jam aggredimur his Elementis Juris Criminalis , quorum priorem Librum nunc in lucem emitimus ; reliquos , qui vix ultimam manum expectant , quamprimum edituri , si intellexerimus conatus nostros , atque labores nec ingratos , neque inutiles esse futuros . Equidem universam Criminalem Scientiam a sordibus , quibus redun-

redundat, tamquam Augiae flabulum repurgare, et vera simul ejusdem principia nitide evolvere, graviter exornare, et in certum aliquod systbema redacta exhibere, non diffiteor magnum opus esse, atque difficile. Praesertim quum oppugnandae sint praejudicatae illorum opiniones, qui aegre ferent sordidam, falsamque Criminalem Scientiam, quam imberbes didicere, senes perdendam esse fateri. Sed quid praeclarum non idem arduum? Nec vero admodum commovebimur, si ab iis improbabimur, qui frumento reperto glande vesci malunt. Qui enim primi aggrediuntur errores detegere, quibus Scientia aliqua inficitur, eosque novatione depellere, atque corrigere; ii non alios sibi aequos fore sperare debent, quam Juvenes, quorum mens nondum est depravata, vel pauci illi, quorum ideae, atque principia, cum eorumdem ideis, principisque conveniunt. Ceteros in se experientur iniquos; quoniam nil rectum, nisi quod eis placuit ducunt, et forsitan

Barbarus his Ego sum, quia non intelligor illis.

At timidiores aliquos, solitosque novitati irasci offender, quam quandoque iniurimus, ratio differendi de Legibus, praxi, consuetudine, opinionibus auctoritate reverendis, usque confirmatis. Profecto Nos quoque intelligimus gravissimas hasce res prudenter attingendas esse, probeque scimus venerandas hominum praejudicatas opiniones etiam cum corrigi, destruique curantur. Sed is nequit redargui, qui dum se consuetudini accommodat, Legibus, quae vigent obsequitur, verecunde quid de eis sentiat, profatur: Cautè autem id facere, atque modestè quis vertere vitio Nobis audebit scribentibus Romae ubi is divino munere PRINCEPS faustissime regnat, qui aemulator Augusti, Leonis X. imitator studiosos Viros, a quibus liberales Artes, gravioresque Disciplinae ejusdem auspiciis rursus florentes coluntur, munifice fovet, atque tuetur, quique nostris hisce, humilibus licet, exiguisque laboribus non est dedignatus supremum suum patrocinium benigne impertiri. Egregie EURIPIDES in Alcmen.

Ἀτρεκέια δ' ἄριστον αἰνέειν

Ἐν πόλει δικαίη πέλει.

Res est optima veritas

Iusti in Principis Urbe.

Cete-

Ceterum fortasse non deerunt, qui Nobis apud vulgum curabunt invidiam creare. Quamvis enim nostri mores ita sint conformati natura, ac studio compositi, ut neminem unquam dicto, vel facto laeserimus, omnesque controversias in primis litterarias vel maxime avversetur; jampridem nihilominus nonnullos ferimus in Nos gratuito male animatos, qui potissimum quaerunt industriae nostrae modum statuere. Atque ab his non mirabimur seu apud alios aperte traduci, seu maligne clam vellicari. Ingloriam vitam, et a forensi strepitu alienam agentes, amatores tamen publici boni, sollicitique spartam, quam nacti sumus illustrandi humaniores litteras aequae, ac severiores Disciplinas obscure, et pacifice colimus. Itaque vulgi favore, laudibusque augeri libenter sinimus, qui illum captare quaeritant, his ambiunt cumulari. Ut enim CICERO (si magna licet componere parvis) se scripsit facile pati solitum a ceteris reprehendi, ubi a Catone suo laudaretur; sic Nos quoque videbimur punctum omne tulisse, si unius, alteriusque aequi, ac vere sapientis Viri incorrupta suffragia referemus. Quod si nostra haec modesta vota incassum cedent, tranquille patiemur ea irrita abiisse, Nosque tacite consolabimur animadvertendo etiam errata illorum, qui primi Scientiae alieni expoliendae adlaborant, communem veniam mereri, et ipsis, qui errarunt, gratiam habendam ab omnibus esse. Quum enim res est de restaurandis, vel perficiendis Scientiis oportet quamplures errare, ne alii impofterum decipiantur, eorumque errores hoc saltem ex capite utilitatem ceteris afferunt, de quorum unoquoque proinde non male usurpaveris illud MARTIALIS

Si non errasset, fecerat ille minus.

Utinam Nobis liceat adeo esse beatis, ut Criminali Scientiae, quam excoli, atque florere publici, privati que boni summo pere interest, instaurandae, ac perficiendae potuerimus prodesse: Sin minus errores, in quos incidimus, eos, qui hanc provinciam deinceps suscipient, docebunt quid in ea illustranda cavendum, vitandumque sit; nostraeque haec qualiscumque opera, quam in Criminalem Scientiam contulimus, neque fructu, neque utilitate carebit.

PRO.

PROLEGOMENA

IN UNIVERSUM JUS CRIMINALE.

I.

OMNES Leges, quibus reguntur Civitates, comparatae sunt ad fovendam, conservandamque conjunctionem inter homines hominum simul congregatorum communis securitatis causa, quam dico CIVILEM SOCIETATEM. Id autem multis modis Leges intendunt; sed in primis libertatem tuendo etiam in sociali statu hominibus competentem, quae LIBERTAS CIVILIS vocatur. Consistit haec in facultate, qua quisque Civium pollet, vel se pollere arbitratur omnia pro lubitu agendi, quae Legibus permittuntur, resultatque ex fiducia, quam habent Cives, nil quidquam patiendi, quod sibi non sit jure ferendum. Jam vero varias inter Leges, quae latae sunt pro regendis Civilibus Societatibus, constat Leges Criminales eas esse, a quibus Civilis Libertas vel maxime pendet: Unde eae Legum omnium Civilium merito existimantur esse gravissimae.

Legum Criminalium praerogantia.

II.

LEGES CRIMINALES sunt, quae naturalem restringendo libertatem jubent, ut Cives actiones quasdam agant, alias contra omittant sancita poena adversus Violatores. Veniunt etiam, sed latius

Quaenam sint Leges Criminales.

A

ri

ri significatione, sub nomine Legum Criminalium eae Leges, quae formam praescribunt, juxta quam ab illis, qui in Republica praesunt Criminali Jurisdictioni, quaestio exercenda est de Delictis, ut legitimae poenae decernantur in Reos. Quamquam haud raro quae Lex aliquid agendum, vel omittendum imperat; eadem quoque rationem definit inquirendi in ejus Violatores. Hae porro omnes Leges ideo Criminales vocantur, quod de criminibus agant, et circa crimina versentur.

III.

Quid Jus Crimiale.

Complexio Legum Criminalium dicitur Jus CRIMINALE, quod generatim videtur esse externa Legum omnium obligatio. Eo quippe Jure poenae sanciantur, quae causae sunt extrinsecae, quibus Cives ad obsequendum Legibus impelluntur. Quod si nulla absque Legibus quit persistere Respublica; praeterea si Leges, ut vim nanciscantur, debent obligationem imponere; tandem si continuo humanae nequitiae experimento compertum est satis non esse obligationem internam, ut homines Legibus obsequantur: ex his omnibus, inquam, rebus necessario colligitur nullam posse Civilem Societatem extrinseco ad obsequendum Legibus impulsu carere. Hic fons, haec natura Juris Criminalis.

IV.

Quid Jurisprudencia Criminalis.

Juris Criminalis Disciplina appellatur JURISPRUDENTIA CRIMINALIS. Qui Disciplinam hanc nescirent, sed et exercent jure ac merito Justitiae Sacerdotes dici quodammodo possunt. Justitiam namque colunt aequum ab iniquo separantes,

PROLEGOMENA. 3

tes, licitum ab illicito discernentes: bonos non solum metu poenarum; sed etiam praemiorum exhortatione efficere satagunt: malis autem vario suppliciorum genere modo voluntatem, modo facultatem adimunt amplius peccandi; ut sacra te-
staque maneat publica, et privata securitas.

V.

Jurisprudentia Criminalis dividi commode potest in GENERALEM, et PARTICULAREM. Utraque in Delictis versatur, de eorum poenis agit, et forma, qua inquiruntur Delicta, poenaeque discernuntur in Delinquentes; quae tria objecta sunt Juris Criminalis. Generalis absolute, et indefinite haec objecta considerat, eorum indolem rimatur, proprietates examinat, axiomata ponit, regulas eligit singulis obvenientibus casibus accomodandas, et dici quodammodo posset ONTOLOGIA, seu *Scientia Prima JURIS CRIMINALIS*. Particularis eadem objecta singulatim enumerat, intuetur, eorumque circumstantias perpendit; et haec haberi posset veluti HISTORIA JURIS CRIMINALIS.

In Generalem,
et Particularem
dividitur.

VI.

Utrum vero Criminalis Jurisprudentia *Ars* sit, an *Scientia*, facile erit definire, ubi definiatur quid Artis, Scientiaeque nominibus velit intelligi. Etenim si *Scientiae* nomine intelligamus seriem, complexum, systema notionum, quo contemplatio, et cognitio intenditur alicujus objecti: sin vero *Artis* nomine complectimur ordinem, nexumque idearum, cujus finis sit productio alicujus extrinseci effectus; profecto Criminalis Jurisprudentia, quae hunc habet sibi propositum finem, ut nempe absolvantur insontes, fontef-

Utrum Ars, an
Scientia censu-
da?

que puniantur, Ars dicenda erit, atque renuncianda. Sed quoniam Jurisprudentia Criminalis praeter hanc partem, quam *Pragmatici* usu exequuntur, aliam quoque complectitur partem theoreticam, ex qua intelligimus quaenam actiones juxta Leges sint crimina, dignoscimus naturam poenarum, et regulas, quibus inquiri in delicta, et poenae in Reos infligi debent; proinde valet ea quoque in numerum Scientiarum referri, et Scientia vocari.

VII.

Jurisprudentiae Criminalis Theoria, et Praxis.

Criminalis ergo Jurisprudentia, ut reliquae fere Disciplinae, duplici sub aspectu considerari potest, quatenus nempe primo contemplatione, et quatenus dein usu continetur; atque hi duo aspectus vulgo THEORIA, et PRAXIS dici solent. Theoria est contemplatio, qua in originem idearum inquirimus, ordinem consideramus, seriemque netimus principiorum, quibus axiomata demonstrantur, et generales regulae innituntur Juris Criminalis. Praxis est habitus judicandi de actionibus hominum secundum Leges Criminales. Istud vero judicium consistit in cognitione, et adplicatione Legum Criminalium, et sese exferit I. procedendo legitimo ordine in Delictis investigandis: II. decidendo Causas Criminales absolutis, vel condemnatis Reis. Theoria est veluti PHILOSOPHIA JURIS CRIMINALIS; Praxis vero est illius EXERCITIUM. Si ad Praxim advertas, Jurisprudentia Criminalis Ars erit; si ad Theoriam Scientia. Ceterum tam Generalis, quam Particularis Jurisprudentia Criminalis theoria, et praxi constat, quarum primam contemplatione adsequimur, alteram usu comparamus.

Sed

VIII.

Sed quoniam Scientia est Criminalis Jurisprudencia; proinde ut, ceterae Scientiae, demonstrabilis erit, poteritque apodictice tractari. Nempe veritas propositionum, quas complectitur, exhibetque Criminalis Jurisprudencia, valet certis ex principiis deduci, et demonstrari. Neceffe ergo est Scientias, Artesque cognoscere, unde ejus principia derivantur. Profecto Scientiae omnes habent quoddam commune vinculum, et quasi cognatione quadam inter se continentur: Unde aliae in alias influunt. Docet ENCYCLOPEDIA.

Jurisprudencia Criminalis scientifico modo pertractabilis.

IX.

Scientiae, et Artes, ex quibus principia hauriuntur Criminalis Jurisprudenciae, quaedam *immediate* influunt in eandem, quaedam vero *mediate*. Prioris tanquam fontes haberi possunt, unde omnis ejusdem doctrina promanat. Posteriores autem aliquando rivulorum instar ad Criminalem Jurisprudenciam deriventur oportet. Non est hujus loci utrarumque genesim exponere, naturam exequi, mutuamque exprimere connexionem. Sufficiet proposito nostro, si nominales solum ipsarum definitiones heic afferamus, et breviter indicemus quemadmodum singulae influant in Criminalem Jurisprudenciam.

Quibus ex Scientiis principia defumat.

X.

PHILOSOPHIA, ut in omnibus Disciplinis, ita quoque in Criminali Scientia principem sibi locum vindicare videtur. Quandoquidem ea docet hominis naturam, facultates, ingenium, et fines, in rerum proprietatem nexumque inquirat, ea uno verbo, verum indagat, bonum proponit. Nulla est

Immediate L. a Philosophia.

est ergo pars humanae sapientiae, ad quam tenendam, exercendamque suas non praebeat manus Philosophia.

XI.

II. a Psychologia.

Sed inter Philosophiae partes primum Criminalis Disciplinae quasi germen est illa, quam vocant PSYCHOLOGIAM. Definitur haec vulgo scientia animae, eorumque, quae per animum esse possunt. Quum ergo Psychologia humanum animum contempletur, ejusque motus; est veluti fundamentum cujusvis Scientiae, quae in actionibus hominum dirigendis versatur, qualis adamussum est Jurisprudencia Criminalis. Itaque a Psychologia derivantur primigeniae notiones, quibus ejusdem Theoria superstruitur.

XII.

III. ab Ethica.

Neque vero satis est nosse naturam animi humani, quam discimus ex Psychologia; sed insuper cognoscamus oportet quasnam actiones agere, vel omittere consentaneum sit dignitati humanae naturae, et ex quibus actionibus felicitas, quae in virtute, infelicitas, quae in vitio consistit, hominibus comparetur. Eas Philosophiae pars illa Nos docet, quae ETHICE dicta Graecis, Latinis audit *Scientia Morum*, seu PHILOSOPHIA MORALIS. Quaerit Ethica de vita, de moribus, de rebus bonis, et malis, tradit quid honestum, quid decorum; ut homines ad utriusque regulas exactis, compositisque actionibus naturae suae dignitati congruenter vivant, et, quoad licet Mortalibus, vacent infelicitate, sintque felices. Quem finem, cum inter ceteros, Criminalis intendat Jurisprudencia; nulla est Disciplina, cujus in ea major sit necessitas, ususque frequentior. Sed

XIII.

IV. a Jure Naturali.

Sed non solum ex Ethicae praeceptis hominum actiones honesto, et decoro sunt adtemperandae; verum etiam *Juri* debent esse conformes. Jus porro multiplex pro multiplici hominum statu, in quo possunt considerari. Et primum si considerentur in primigenio illo statu, in quo DEUS nullo ipsorum interveniente facto eosdem constituit; plura intelligimus eos debere officia praestare, alia erga Deum, a quo creati, et bonis, quibus fruuntur, aucti sunt; alia erga se ipsos, prout constant mente, et corpore, ac ad suam feruntur quaerendam felicitatem; alia demum erga sui similes homines, quibuscum naturali cognitionis vinculo junguntur, atque impelluntur socialiter vivere. Quenam sint hujusmodi officia, quomodo, quatenus, et quando praestanda JUS NATURAE docet, definit, praescribit. Quum autem humanis Legibus pleraque horum officiorum repetita, inculcata sint, eorumque violationes interdictae, poenisque coercitae; patet scientiam Juris Naturae ad Criminalem Jurisprudentiam peculiariter pertinere.

XIV.

V. a Jure Civili.

Quod si spectentur homines in sociali statu, quem suo facto inierunt; tunc *Juri* debent suas actiones adtemperare, quo Republica utitur, cujus sunt Cives. Scientia igitur Legum Civilem, cujus syndrome JUS CIVILE nominatur, non tam influit in Criminalem Jurisprudentiam, quam potissima ejus pars esse videtur. Quippe cum nihil aliud Jus Civile sit, quam Legum omnium systema singulis, et infinitis Societatis cujuslibet cir-

circumstantiis accommodatum; manifestum est Criminalem Facultatem, quae extrinsecam Juris Civilis observantiam praecipue intendit, sine eo intelligi, et exerceri omnino non posse. Praeterea cum quaelibet Lex duabus constet partibus, quarum una definit quid faciendum, vel omittendum, altera, quae *Sanctio* proprie vocatur, exprimit quae poena omittenti praecepta, et interdicta facienti proposita sit; magis magisque in apicem profertur Jus Civile Criminalis Jurisprudentiae basim, et fundamentum esse.

XV.

vr. a Jure Romano.

Et quoniam Jus, quo olim sunt usi *Romani* prae ceterarum Gentium Legibus summam redolet sapientiam, atque aequitatem; proinde, quamquam illorum jamdiu fuerit imperium extinctum; viget adhuc tamen illud, observaturque inter cultiores Europae Nationes. Adeo ut Jus ROMANUM partem Juris Civilis constituere nunc videatur uniuscujusque Societatis, et dici quodammodo possit *Jus Civile Universale* ferme totius Europae. Quare Jus Romanum ingens ipsum quoque est campus, in quo Criminalis Jurisprudentia spatiatur.

XVI.

vr. a Jure Municipali.

Non secus autem ac quaevis Civilis Societas suis generalibus Legibus regitur; ita quaevis intra eam comprehensa Provincia, Civitas, Pagum, Collegium, etc. peculiares habent Leges, sibi quae proprias, quae Nobis sunt Jus MUNICIPALIS. Veniunt in hunc censum *Statuta*, *Pragmaticae*, *Edicta Magistratum*, *Consuetudines Fori*, etc. Atque Juris Municipalis scientiam nemo

PROLEGOMENA.

mo non intelligit in Jurisprudentiam Criminalem immediate influere, et in primis necessariam eis esse, qui illam in certa Provincia, et Civitate profitentur.

XVII.

JUS etiam GENTIUM, non tam quod nomine tenus differt a Jure Naturae, estque ipsum Jus Naturale integrarum Nationum negotiis applicatum; sed quod liberum, atque arbitrarium Populorum pactis, foederibus, moribus constat; inservit aliquando Jurisprudentiae Criminali. Ex eo namque Jure debent aestimari, quae Gens in Gentem, et homines, qui in diversis vivunt Civilibus Societatibus, contra ejusdem praescripta commiserint. Huc pertinent *Legati*, *Commercia*, etc.

VII. a Jure Gentium.

XVIII.

Verum enim vero praeter Civilem, alia inter Nos viget Societas, cujus finis aeterna bona sunt futuri aevi, quae Societas ECCLESIA vocatur, cujus Cives sumus quae Christiani. JUS CANONICUM, seu *Ecclesiasticum*, quod complectitur Leges universales latas pro regenda Christiana Societate magnopere adhaeret Criminali Jurisprudentiae: Unde ejus scientia necessaria, ut numeris omnibus absoluta habeatur Criminalis Disciplinae notitia.

IX. a Jure Canonico.

XIX.

THEOLOGIA autem REVELATA, quae Scientiarum omnium praestantissima, veram, sanctissimamque Nos docet Christianam Religionem, jugiter influit in Jurisprudentiam Criminalem. Non solum enim Christiana Religio basis est, et funda-

X. a Theologia Revelata.

damentum Religiosae Societatis, cujus Cives sumus quâ Christiani; sed etiam validius est, potentiusque vinculum, ac monumentum Civilis Societatis, cujus quâ Cives membra sumus.

XX.

xi. a Politica.

Praeter singula Jura, quibus actiones suas Homines debent attemperare, influit tandem immediate in generalem, et particularem Jurisprudentiam, in ejus theoriam, et praxim POLITICE, seu PRUDENTIA CIVILIS, quae est veluti *Philosophia Civilium Societatum*. Considerat enim haec naturam, constitutionem, vitia, virtutes, bona, et mala Rerumpublicarum: librat, adhibetque media, unde interna resultat tranquillitas Reipublicae, et Civibus maxima comparatur felicitas, atque ita humores temperat Corporis Civilis; ut eorum aequabili harmonia privata, et publica salus semper incolumis conservetur. Itaque prae ceteris Scientiis conjungitur cum Criminali Jurisprudentia, cujus quasi parens esse videtur, atque educatrix. Hujus Scientiae principia nostra hac Aetate primum subtiliter evoluta, atque explicata audiunt apud illos, qui de eis philosophantur LO SPIRITO DELLE LEGGI.

XXI.

Scientiae, et Artes, quae mediate influunt in Jurisprudentiam Criminalem duplicis generis.

Jam vero praeter haec enumeratas Scientias, ex quibus haurienda est omnis Jurisprudentia Criminalis tamquam a fontibus, qui in eam immediate influunt; aliae supersunt Scientiae, atque Artes, quae mediate tantum pertinent ad Criminalem Facultatem. Aestimant hae Scientiae

PROLEGOMENA: I

tiae, atque Artes qualitates, et quantitates Delictorum; atque aliae corpus hominis respiciunt, versantur aliae circa res, quae hominum dominio subiiciuntur.

XXII.

MEDICINA igitur, quae physicas aestimat laesas qualitates corporis humani, aliquando influit in Criminalem Jurisprudentiam. Ejus necessarius est usus in Veneficiis, in quampluribus Delictis Venereis, ut Stupro, Abortu etc. de quorum subjecto, seu corpore, ut inquirunt, delicti non aliter poterit constare, quam ex Medicinae aphorismis. Praesertim vero CHIRURGIA solet traduci ad Jurisprudentiam Criminalem. Nam vulnera exempli gratia, quibus homo est adfectus, vel periit, ex hujusce Artis regulis aestimanda sunt; ut de qualitate, et quantitate criminis constet.

I. Medicina,
Chirurgia.

XXIII.

Saepe etiam derivandae sunt in usum Criminalis Jurisprudentiae Artes, et Scientiae, quae res sitas in hominum proprietate respiciunt, puta AGRICULTURA, ubi damna aestimanda injuriâ data, frugum combustiones pensitandae, etc. ARCHITECTURA, ubi aedium ruinae, demolitiones, incendia pendenda. COMMERCIA, quando monopolia instituunt, fidem fallunt Negociatores. ARTES SINGULAE, in quibus exercendis delinquent Artifices, fraudant eumentibus, Civitati imponunt.

I. Agricultura,
Architectura,
etc.

XXIV.

Ex his, quae huc usque exposita sunt, intelligitur quot diversas res Jurisprudentia Criminalis complectatur, quam multis ex notioni-

Criminalis
Jurisprudentiae
extensio, diffi-
cultas.

bus coalescat, uno verbo, quanta sit ejus *extensio*. Inde exurgit *difficultas* eandem recte, et ex dignitate tradendi, addiscendi, exercendi. Verumtamen nemo arguat absolutam undique Scientiarum, Artiumque, quae mediate, vel immediate influunt in Jurisprudentiam Criminalem notitiam requiri; ut ea penitus teneatur. Non enim opus est illas ab origine retexere; sed sufficit singulares veritates, quas continent, prout res exposulat, in Criminalem Jurisprudentiam, tamquam in centrum, derivare.

Divisio Elementorum Juris Criminalis.

XXV.

Ceterum in quovis crimine tria consideranda veniunt: I. crimen ipsum, quale scilicet, et quantum: II. quaenam ei poena praescribenda: III. forma inquirendi in crimen, poenamque decernendi in Delinquentes. Haec, quae, ut supra innuimus, objecta sunt Juris Criminalis, possunt aut generatim spectari, aut singulatim. Sed ante necesse est ea generatim considerare, ut opportunius, clariusque postea valeant singulatim intueri, atque cognosci. Hinc fluit Juris Criminalis vera divisio. In quatuor ergo Libros nostra haec dividemus Juris Criminalis Elementa, quibus ejusdem systema complectimur. Primus Liber versabitur in Delictis generatim spectandis. Altero Libro Poenas similiter generatim considerabimus. Formam, ac ordinem inquirendi in crimen, poenamque decernendi in Delinquentes, seu Criminalia Judicia instituendi, exercendi, absolvendi exequemur Libro Tertio. Tandem postremo Libro theoriam, et praxim

PROLEGOMENA. 13

xim exhibebimus cujuscumque delicti , poenarum , quae illa manent , et formae , ordinisq; judicialis , qua singula crimina cognoscuntur , poenaeque decernuntur in illorum Reos.

Itaque erit

LIBER I.

DE DELICTIS GENERATIM.

LIBER II.

DE POENIS GENERATIM.

LIBER III.

DE JUDICIIS CRIMINALIBUS.

LIBER IV.

*DE DELICTIS, ET POENIS
SPECIATIM.*

LIBRI I,
QUI EST
DE DELICTIS GENERATIM
CONSPECTUS.

- CAPUT I. *Delicti Etymologia, et Varia Nomina.*
 CAP. II. *De Origine Delictorum.*
 CAP. III. *De Natura Delicti.*
 CAP. IV. *Conatus Delinquendi an, et quando Delictum?*
 CAP. V. *De Dolo.*
 CAP. VI. *De Culpa.*
 CAP. VII. *Doli, Culpaeque Incapaces, incapaces delinquendi.*
 CAP. VIII. *Doli, Culpaeque Capaces, interdum incapaces delinquendi.*
 CAP. IX. *Qui Causa sunt alienorum Delictorum.*
 CAP. X. *Adversus Quos Delicta committuntur.*
 CAP. XI. *Obligationes a Delicto natae.*
 CAP. XII. *Quot modis tollantur obligationes a Delicto natae.*
 CAP. XIII. *De Quantitate Delictorum.*
 CAP. XIV. *Differentiae Delictorum.*
 CAP. XV. *Divisio Delictorum.*

ELE-

ELEMENTA JURIS CRIMINALIS.

LIBER I.

DE DELICTIS GENERATIM.

CAPUT I.

DELICTI ETYMOLOGIA, ET VARIA NOMINA.

- | | |
|--|---|
| <p>I. <i>Delictum unde dicatur.</i></p> <p>II. <i>Delictum omissa, et commissa complectitur:</i></p> <p>III. <i>Sed plerumque commissa designat.</i></p> | <p>IV. <i>Varia Delicti nomina.</i></p> <p>V. <i>Singulares eorum nominum acceptiones.</i></p> <p>VI. <i>Monitum.</i></p> |
|--|---|

I.

DELICTUM, quoniam a nominis etymologia quavis est ordienda tractatio, a *delinquendo* derivatur.

Delictum unde dicatur.

Delinquere porro idem significat, ac non praetereunda (a) praetermittere: (1) unde Delictum est, quum non fit, quod fieri debet. Quoniam vero qui peccat, delinquit officium suum, scilicet non praetereunda praetermittit; ideo Delictum translate ponitur pro peccato. Proprie tamen delinquere minus est quam peccare, ut colligitur ex TULLIO (b): *Non est mirum, inquit, si nunc primum deliquerit. Nam necesse est eum, qui velit peccare, aliquando primum delinquere.*

(a) V. *Festus* verbo *Deliquis*.

(b) Lib. II. de *Invent.*

Sed

(1) PLAUTUS in *Menand.* act. 4. sc. 2. „Nun' quis servorum deliquit?“

II.

Delictum omnis
sa, et commissum
complectitur.

(a) In Libr. iv.
Quaestion. Papi-
niana.

(b) *Bohmer.*
Elemen. Jurispr.
Crim. Sect. 1.
cap. 2. §. 29.

Sed ampliori sensu saepe accipitur nomen Delicti; ut ea quoque complectatur, quae sunt minus recte commis-
sa, (1). Quum autem in Romanis Legibus et maleficium,
et culpam, stultitiam, negligentiam, ignorantiam (2) quam-
libet, ut Graecis ἀμαρτία, Delictum significet; proinde do-
ctissimus CUIACIUS ambiguum esse scribit nomen delicti. (a)
Generatim nihilominus apud Jurisconsultos Delicti nomine
veniunt non solum, quae cum essent facienda ex Legum
praescripto, tamen sunt praetermissa ab hominibus; sed et-
iam ea, quae sunt ab ipsis commissum, cum essent praetereun-
da: (b) Qua quidem generali significatione Nos jugiter De-
lictum nomine utemur.

(1) CAESAR de Bello Gallico Lib. vii.
» Nam majore commissio Delicti (Ver-
» cingetorix) igni, atque omnibus
» tormentis necat. »
(2) In Leg. Cum mancipium Dig. de Ac-

dilit. Edit. Delictum est culpa, seu stul-
titia: et in definitione Legis: Lex est,
inquit PAPINIUS L. i. Dig. de Legib.
Delictorum, quae sponte, vel ignorantia
contrahuntur coercitio.

III.

Sed plerumque
commissa defi-
gnat.

(a) Dig. Lib. 29.
tit. 5. Leg. 2.
(b) Dig. Lib. 48.
tit. 10. Leg. 9.

tit. Dig. Lib. 49.
(c) 16. Leg. 6.

Pleraque profecto Delicta committendo patrantur.
Quippe longe plura sunt, quae admissa laedunt tranquillita-
tem, commodumque Reipublicae; quam quae omnia ob-
sint communi bono, et Civium securitati; plusque nocet in-
terdum laedentia agere, quam praeterire juvantia. (1) At-
tamen non desunt Delicta, quae omittendo fiunt; et ho-
rum multa Jus Romanum suppeditat, quorum haec exempli
caussa proferemus. Servus, et Miles, qui quum possent, Do-
minum suum, et Praepositum non defenderunt, ille ex
S. C. Silaniano ultimo supplicio adficitur, (a) hic perinde
punitur, ac si sua manu occidisset. (b) Prohibere quis potuit,
ne nummi adulterarentur, nec tamen prohibuit; subjicitur
poenae Legis Corneliae (c) de Falsis. (2)

PUP.

(1) PUFFENDORPIUS de Offic. Hom. et Civ. lib. I. cap. I. §. 14. „ Longe tolerabilius habetur (hominibus) careere bono naturae conservationi non adeo necessario, quam excipere malum ad naturae destructionem tendens. „ Contrarium sequeretur si verum effet paradoxon illud a BAYLIO illustratum *Pensées sur la Comète* pag. 338. 4. edit. quod *L'Homme a plus d'amour pour la joye, que haine pour le douleur.*

¶ Haec Lectores duo usquequaque monitos volumus: I. Auctorum, qui interdicti sunt eas solum Nos, ut quisque legendo cognoscere poterit, in usum nostrum derivare Doctrinæ, quæ nulla sunt infectæ labe pravi-

tatis: ceteras Religioni, Sacerdotio, Imperio, Bonis Moribus adversas a Nobis penitus improbari. II. Libros vetitæ lectionis iis tantum a Nobis citari, quibus legitima potestas inest eosdem legendi.

(2) PLATO quoque crimini vertit Civi in sua Republica si omisset publicum sibi delatum munus obire, voluitque multam ab eo esse luendam. V. Lib. IX. de LL. Si Venetiis id nunc forte contingat refert MONTESQUIEU *Esprit de Loix* Liv. V. Chap. 19. not. 1. exilium Civi recusanti irrogari. Et Lex erat Lacædemone, ut narrat LYCURGUS Orator, quæ rei mortis renunciabantur, qui in periculo omisissent pro Patria mori.

IV.

1. Neque vero solo Delicti nomine designantur sive omissa ab hominibus, sive commissa præter officium; sed variis præterea nominibus in Civili, et Canonico Jure distincte efferuntur, quæ nunc a Jurisconsultis promiscue usurpantur. *Crimina* namque, *Maleficia*, *Scelera*, *Flagitia*, *Facinora*, *Injuriae*, *Capitales Fraudes*, *Noxæ*, *Excessus*, *Peccata* modo pro generico, modo pro speciali Delicti nomine adhibita passim invenies in Romanis, et Ecclesiasticis Legibus.

2. Sed antequam singulares asseramus horum nominum acceptiones operæ pretium erit prænotare Delicti, et Criminis nomina in angusta, strictaque significatione sæpe accipi a Romanis Jurisconsultis, qui tunc Delictum, et Crimen invicem opponunt. (a) Et *Delicta* dicunt *Privata*, illa, de quibus actione, judicioque Civili agebatur: *Crimina* vero, quæ Legibus Publicorum Judiciorum, vel extra ordinem quoque accusabantur, et vindicabantur.

Varia Delicti nomina.

(a) V. Cl. Alphoni Jur. Crim. Protheor. To. I. §. III.

(1) Cetera, quæ pertinent ad distinctionem, quæ Jure Romano intercedit Crimen inter atque Delictum opportunius exsequemur Cap. XIV. hujus

Libri, ubi præcipuam illam referemus Delictorum juxta Romanas Leges differentiam in *Publica*, et *Privata*.

C

I. Jam

V.

Singulares eorum nominum acceptiones.

(a) Can. unum
Orarium §. Crimen. Dist. 25.

(b) Lib. 50.
Digest. Tit. 17.
Leg. 121.

(c) Lib. 48. Digest.
Tit. 19.
Leg. 16.

(d) Lib. 6. Cod.
Tit. 21. Leg. 13.

(e) Lib. 9. Cod.
Tit. 12. Leg. 6.

(f) Lib. 47. Digest.
Tit. 10.
Leg. 1.

(g) Lib. 50. Digest.
Tit. 1. Leg. 23.

(h) Lib. 50. Digest.
Tit. 16. Leg. 238.

1. Jam vero Delicta primum *Crimina* vocantur, quod vocabulum, ut scriptum est apud GRATIANUM (a) *complectitur omne peccatum, quod ex deliberatione procedit*.

2. Deinde *Maleficia* dicuntur, quae licet, ut ipsa indicat vocis etymologia, solum malefacta praesferant; attamen ad ea quoque pertinguntur, quae perperam sunt commissa. (b)

3. *Scelus* etiam pro Delicto passim ponitur, et omnia significat, (c) quae sunt improbe facta.

4. Sed quoniam nullum est Delictum, quod flagitari id est accusari non mereat; propterea, ut vult DECIANUS, *Flagitii* (1) nomine universa promiscue veniunt Delicta. (d)

5. Si *Facinoris* vox sola adhibeatur, tunc ea accipitur in malam partem, et quibuscumque Delictis convenit.

(e) At neminem arbitror ignorare aliquando facinus contrario sensu usurpari; praesertim cum alteri adjungitur vocabulo, quod virtutem praesferat. (2)

6. *Injuria* plures quidem, ac diversas habet significationes: generatim tamen est omne id, quod non ex jure fit, ut inquit ULPIANUS, (f) unde hoc sensu ad omnia pertinet Delicta, quae facta sunt contra Jus. (3)

7. *Capitalem* quoque *Fraudem* (4) idem dixit ULPIANUS (g) tale aliquid delinquere, propter quod quis capite sit pueniendus.

8. *Noxae* autem nomine quodlibet ex CAII (h) mente Delictum venit. Latini enim culpam admittere crimenque, nocere dicebant. (5)

9. *Excessus* frequenter nuncupantur in Jure Canonico non solum transgressionem officii, regularumque, ad quas suos

suos mores debent exigere sacrae Personae; (i) sed etiam quaecumque Delicta, ut BARTOLUS adnotavit.

(i) Tot. Tit. de Exces. Praelat. in Decretal. et Clement.

10. Tandem *Peccatum* similiter a MODESTINO indefinite ponitur pro quocumque delicto; (l) quo sensu hoc nomen invenitur etiam in Jure Canonico: (m) quamquam apud Sacratum rerum Scriptores usus invaluit, nunc penes omnes vulgari sermone receptus, peccatum ad ea dumtaxat Delicta denotanda coerceri, quae contra Divinas Leges patrantur. (6)

(l) Lib. 44. D. Tit. 7. Leg. 52.
(m) Cap. 1. de Delict. pueror.

(1) Proprie tamen Flagitium est efflagitatio, hoc est acris postulatio cum clamore, et conviciis. PLAUT. *Epid.* 3. 4. 7. » Abjero flagitio cum ma- » jore: post tamen reddes ».

(2) SALLUST. *Bell. Jugurt.* n. 2. » In- » genii egregia facinora, sicut anima » immortalia sunt. »

(3) TULL. in *Paradox.* » Quocum- » que aspexisti ut furiae, sic tuae ti- » bi occurrunt injuriae, quae te res- » pirare non sinunt »: injuriae id est peccata, delicta.

(4) OVID. *Lib. xiii. Metam.* »... furiisque, et fraude simillimus ILLI (Sisypho).

(5) LIVIUS *Lib. ix. Cap. viii.* » Quan- » doquidem hie Homines injussu Po- » puli Romani, Quiritium foedus istum » iel sponponderunt, atque ob eam rem » noxa nocuerunt, ob eam rem ho- » sce homines Vobis dedo ».

(6) S. AUGUSTINUS *Lib. 22. Tract.* contra *Fausst.* peccatum definit: » di- » ctum, factum, vel concupitum con- » tra Legem Dei. »

VI.

Certe non nemo philosophica aduetus sobrietate lautam hanc nauseabit nomenclaturam: promiscuas interrim horum nominum acceptiones probe tenendas esse ille facile conveniet, qui arti hermeneuticae studeat, persuasus, non ultimum hanc sibi locum in tradenda aliqua Disciplina vindicare. Atque haec omnia diversa nomina ad significandum Delictum Nos quoque toto hoc Opere indiscriminatim adhibebimus; eo praesertim animo, ne si uni vocabulo, tamquam scopulo inhaereamus, oratio nostra incultior quam est, atque molestior evadat.

Monitum.

CAPUT II.

DE ORIGINE DELICTORUM.

- | | |
|--|--|
| I. <i>Duplex Delictorum Origo.</i> | VII. <i>An Homo ad Societatem</i> |
| II. <i>Homo duplici constat Natura, alia sensitiva, alia rationali.</i> | <i>reductus plena libertate frui queat, et unde Leges.</i> |
| III. <i>Homo facultati sensitivae limitatus consideratur.</i> | VIII. <i>Quid Jus, quid Lex, et unde Delicta.</i> |
| IV. <i>Homo facultate rationali dotatus libere agit: hinc Mores.</i> | IX. <i>Lex quoduplex, et quanam cujusque Legis natura.</i> |
| V. <i>Morales facultates hominem haud segregi vitae destinatum arguunt: hinc Societas.</i> | X. <i>Varia Civilium Societatum Regimina.</i> |
| VI. <i>Imbecillitas humana, et Societatis Commoda hominem ad Societatem impellunt.</i> | XI. <i>Unde variae Civilium Societatum Leges, et diversa apud diversas Gentes Delicta.</i> |
| | XII. <i>Animadversio.</i> |

I.

Duplex Delictorum Origo.

- I. **Q**Uoniam recta scribendi methodus primum rei, de qua agitur, naturam, seu essentiam, ut inquirunt, debet investigare; ordinis ratio postularet, ut idem in Delicto statim in limine praestaremus: sed si rerum essentiae nequeunt penitus intelligi, nisi prius ad earum usque originem adscendamus; hinc operae pretium erit, opinor, de Origine Delictorum antea disserere, quam sermonem instituamus de eorum natura, utpote quae, tamquam rivulus, ab ea, tamquam fonte, derivetur.

2. Sta-

2. Statim vero atque quis memoria recolit, quae superiori Capite praenotavimus, facile deducit Delictorum originem ab origine Legum esse repetendam; quandoquidem Delicta designant et omissa ab hominibus, quae praecipiuntur a Legibus, et commissa, quae ab eisdem ventantur (Cap. I. §. 11.). Verum praeter hanc, quae ultro dicta tenenti occurrit, alia, eaque sublimioris indaginis origo Delictorum statuenda, in ipsa hominis constitutione posita: et jure quisque posset instare, an homo, antequam in Societatem veniat, Legumque se submittat imperio, sit reapse ad Societatem destinatus, Legibus regendus, et ideo capax delinquendi. Duplex ergo Delictorum origo: alia ipsi homini congenita, alia cum Civiliū Societatum institutione confunditur, (1) hanc Historia, illam Philosophia rimatur.

(1) Ex *Natura Hominis Societas*, ex *Societate Leges*, ex *Legibus Delicta*. Hae ideas quam prono alveo fluant, quisque videt; sed quam una ex altera diverse deducta, et quam uniuscujusque natura sit male perspecta, nemo, qui vel a limi-

ne Philosophiam, et Jurisprudentiam salutarit, ignorat. Hinc operae pretium fore duxi hanc paucis aleam tractare, quae an bene jacta sit, institutisque limites excedat, videant aequi bonique rerum aestimatores.

II.

1. Principio recursum animo est hominem duplici, ut ita loquar, natura constare: (1) alia nimirum sensitiva, brutis communi, sensu, et imaginatione terminata, quae *Parti Inferiori* est, et Nobis *Instinctus* audit; alia rationali, homini propria, voluntatem, et libertatem regente, ac moderante, quae *Parti Superiori* dicitur, et heic a Nobis *Intellectus* nuncupatur. Instinctus est potentia confusas objectorum ideas eliciendi, Intellectus est potentia ideas rerum distinctas efformandi. Praeter com-

Homo duplici
constat natura
alia sensitiva,
alia rationali.

(a) V. Wolf.
Physiol. Empi-
ric.

munem hanc cognoscendi, suam Instinctus, et suam habet Intellectus appetendi, et movendi facultatem. (a)

2. Jam vero homo tria hæc facultatum genera cognoscendi, nempe, adpetendi, et movendi obtinuit a Summo Numine, ut suae semper adtentus promovendae perfectioni, Felicitatem consequatur. Quod Nos statumque nostrum perfectiores reddit BONUM est, MALUM, quod imperfectiores. Intuitiva perfectionis nostrae perceptio, seu cognitio VOLUPTATEM gignit, imperfectio- nis DOLOREM, et in constanti voluptate, profecta nimi- rum ex intuitiva perfectionis nostrae perceptione FELI- CITAS consistit, *sano abstractoque sensu accepta*; in con- stanti dolore jacet INFELICITAS. Ad bonum admovendum, et malum removendum varii ab homine, vehementesque conatus exeruntur ad cupiditatem, aut adversationem sensitivas consequenter excitati: ANIMI ADPECTUS Lati- nis, Graecis PATHEMATA nominantur. Ad felicitatem adsequendam se nemo non sentit inclinatum. Itaque nil mirum si bonorum adpetitus, et malorum adversatio sint Nobis congenita: hinc AMOR PROPRIUS, seu PHILANTIA parens, atque suafrix omnium adfectuum.

3. Facultas vero adpetendi bonum, et adversandi ma- lum confuse, seu sensuum ope perceptum CUPIDITAS, distin- cte, seu rationis lumine cognitum VOLUNTAS adpellatur. Voluntas ergo ratione, et intellectu, Cupiditas vero sen- su trahitur, et imaginatione. Denique facultas movendi, seu potentia agendi quod bonum Intellectus, et Ratio cen- sent, et quod Voluntas rationis nutui obsequens indicat LIBERTAS vocatur: quod autem bonum sensui, et imagina- tioni videtur, ac proinde quod suadet a Cupiditate, NA- TURAM Philosophi dicunt.

Nemo

(1) Nemo vitio vertat delictorum rem heic ab alto nimis repeti. CICERO quoque, si licet magna componere parvis, *Disputationem Juris, ac Legum repetendam* sibi fore duxit ab hominis natura Lib.1. de Leg. et off

ista recte docendi vis. ut eidem Q. FRATERA respondit cit. Op. lib.2. Ceterum Operis decursu elucescet principiorum utilitas, immo vel in praesentis Capite necessitas statim patebit.

III.

1. His ita stabilitis, pronum est hominem facultatibus sensitivis limitatum considerare. Si solo Instinctus exercitio confusas tantum rerum ideas (§.11.) valet adquirere, nullum unquam Ordinis, et Veritatis vestigium inveniet; si sensuum, et imaginationis fines adpetitus ejus non excedunt, nullam harmoniae cupiditatem efformabit; si demum sensuum, et cupiditatum impetu ducitur, nullum in ejus motubus naturalibus discrimen elucescet. Tunc porro homo solis corporeis sensationibus addictus, voluptate duce, comite dolore conservationis, et propagationis stimulos duntaxat experiretur, et ea sectaretur, quae utrique necessaria, ea aufegeret, quae eisdem contraria experimento saepe periculoso inveniret.

Homo facultati sensitivae limitatus consideratur.

2. Talem esse brutorum animantium instinctum unicuique assiduo ante oculos obversatur, famis videlicet, sitis, venerisque stimulo monita animalia, ut se conservent, propagentque, quovis fonte sitim, quovis cibo famem, et quavis foemella Venerem extinguunt. (1) Quin immo quotidiana monstrat experientia vel ipsos homines primis vitae temporibus sola ferme natura sensitiva duci; quum nihil, vel parum in cognitionibus, appetitibus, motubusque prae brutis animantibus excellant. Hinc Bruta, et Infantes a committendis Delictis suo loco [Cap.VII.] vindicabimus. Interim quo rem deducam audi.

(1) Cum nondum facultatum hominibus aeque, ac belluis communium analysi erat instituta, nec dum

erant divisionis termini rite percepti, definitionem *Juris Naturalis* a Legibus Romanis traditam Philosophi, et Juris-

24 ELEMENTA JURIS CRIMINALIS.

Jurif-Confulti nec infimae notae uno ore rejiciebant, inter quos Puffendorfius *Droit de la Nat. et des Gens* Liv. II. Chap. III. Jam vero, si bene dicta teneantur, adparebit quo sensu accipienda Romana Definitio. Aliud certe Jus inest in *Rationali* natura homini propria, aliud in *Sensitiva* brutis, hominique communi. Hoc po-

stremo sensu inficiari minime potest Jus Naturale esse quod *Natura omnia Animalia docuit*. Dio. Lib. I. Tit. I. Leg. I. Immortalis noster GRAVINA haec adprime noscens differentiae ergo *Leges* homini communes, et brutis *Promiscuas*, homini proprias *Leges Solius Mentis* adpellavit. *De Orig. Jur.* lib. II. §. 12.

IV.

Homo facultate rationali dotatus libere agit hinc Mores.

(a) V. *Condil-
liac Traité des
Sensations.*

(b) *Idem Ori-
gin. des Con-
nois: Humain:*

I. Homo firmiores corporis vires aetate adeptus, aliam, et quidem Brutorum natura longe superiorem naturam reperit sibi ingenitam, rationalem ajo, quasi divinae particulam aurae, quae experientia, et educatione, serius, vel ocyus, plus, aut minus suis evoluta facultatibus manifestatur. (a) Inest in ea vis rerum imagines, sive uti dicere solemus, objectorum ideas sibi tanquam in speculo distincte repraesentandi, quae vis Intellectus est (§ 11.). Intellectus ideas illas contemplatur, comparat inter se, componit, a se invicem separat, excutit, de illis statuit, quod judicare dicimus, et ratiocinari, quum adtentionis, abstractionis, ingenii vi ex ideis alias ideas colligit. Dum haec molitur intellectus invenit inter ideas, quas concipit, aut concipere valet, hoc est in rerum universitate, nexum quemdam, quamdam veluti mutuam inter illas necessitudinem, (b) quam ORDINEM dixere Majores nostri, et *Legem Aeternam*. Quae huic ordini, aeternae huic Legi conveniunt ideae, et judicia VERITATIS notionem efficiunt, quae minus FALSITATIS. Hinc ideae, et judicia vera, vel falsa. Ad haec vim homo sibi sentit inesse ideas quasdam adpetendi, alias adversandi, quae vis Voluntas est (§ 11.). Quum adpetit Voluntas, quae Ordini Legique Aeternae consonant, BONUM adpetit; quum quae dissentiant MALUM. (1).
Hinc

Hinc boni, malique adpetitus. Atque in voluntateprehendimus ineluctabilem quamdam necessitatem tendendi in bonum universum spectatum, et vim eligendi unum potius prae alio inter bona plura, et singularia, aut etiam propensionem cohibendi, et retinendi: Haec vis LIBERTAS est (§. II.), et *Arbitrium* quoque vocatur. (2)

2. Qui absque libertate, et electione proficiscuntur animi motus ACTUS HOMINIS dicuntur; qui vero cum libertate *Actus*, sive ACTIONES HUMANAЕ. Si hae intus in mente quasi latitantes maneant, et in sola cogitatione consistant *Internae* appellantur; si extrinsecus corporis operumpentes manifestentur, *Externae*. Actiones humanae igitur quā internae, quā externae cum libertate profectae *Bonae* sunt, vel *Malae*: primum si oriantur intellectu verum a falso distinguente, et voluntate bonum adpetente; secundum si voluntate in malum inclinata. Eaedem actiones humanae, sive internae, sive externae, quas homines regunt, ac dirigunt, ne cum ceteris confunderentur eorum actionibus, *Actiones Morales* dictae sunt, seu unico vocabulo MORES, (3) quorum, ni fallor, jam reclusi fontes. Bonarum autem actionum, seu Morum habitus VIRTUS audit, malarum vero VITIUM; et suum manet Virtuti PRAEMIUM, suum vitio SUPPLICIUM, quae humanarum actionum *Merita* sunt. Adparet ergo Bruta meritorum incapacia omnino esse (§. I. I.); ac proinde virtutis, vitiique, praemii, et supplicii. Adposuit CICERO *unum animal (hominem)*, inquit, *sentire quid sit ordo, quid sit quod deceat, in factis, discisque qui modus*. (c)

(1) Bonum, et Malum heic sensu morali acceptum qui *Bonus*, et *Malus* §. II. differat quisque videt. Ab Ordine, et rerum nexu manat PULCHRUM, quod quum omnes, qui il-

lud adpetunt, eique suae conformant actiones, beet, BONUM est. Bonum ergo si naturae humanae conveniat, adeoque eam reddat perfectiorem, dicitur PHISICUM; si rerum moral-

D

CON-

(c) De Offic.
lib. I. cap. 4.

consentiat MORALE vocatur. Contrarium patet.

(2) Libertatis theoriam, ut ceterarum Facultatum, tradere Operis nostri limites non patiuntur. Certe ex *Intimo Sensu*, et *Experientia* praecipua trahuntur libertatis argumenta; sed qui plura desiderat magnum C.J. VALSICHI Opus evolvat *dei Fundamenti della Religione lib. 1. cap. 5.* Opus

hoc doctum Iuppiter! et laboriosum, nostris majus eloquiis nitet fulgore suo.

(3) Vocabulum *MORAS* nunquam apud Latinos singulari numero usurpatum invenies, ut liberas Hominum actiones designet. *Mor* proprie valet consuetudo. HORAT. lib. 1. Sat. 9. v. 1., et hinc actiones, quas Homines admittere consueverunt, recte Mores dictae sunt.

V.

Morales facultates Hominem haud segrè vitae destinatum arguunt; hinc Societas.

1. Inferiores hominis facultates, quae brutis animalibus communes exstant, conservationi solum, et propagationi destinatas vidimus (§. I. I.). Restat modo inquirendum *cui bono* homo superioribus (§. IV.) augeatur. Et primo quidem morales hominis qualitates nil corporis oeconomiam respicere in propatulo est. Quis, cui sanum sinciput, Vocitatis perceptionem, Boni adfectionem, amorem Virtutis, nobilesque alias Mentis operationes digestionis alimentorum, spirituum animalium secretioni, ceterisque humanae machinae functionibus dixerit opitulari?

2. Profecto, si res sedulo evolvatur, nulli non homini intellectualibus facultatibus utenti primum occurrit inquirere quis ipse sit, a quo creatus, quid heic demum agat. Postquam ergo sibi notus, suae existentiae auctorem Entem a mundo corporeo diversum, omnipotentem, infinitum, DEUM agnoverit; sui similes, eodem quo ipse se prosequitur, prosequi amore, atque illis mutuo conjungi rerum ordini omnino consentaneum fateatur necesse est.

„ Conjunctio haec inter homines hominum, et quasi
 „ quaedam communicatio utilitatum, et ipsa charitas Gen-
 „ neris Humani nata a primo satu, quo a procreatoribus nati diliguntur, et tota domus conjugio, et stirpe
 „ conjungitur, serpit sensim foras cognationibus primum,
 „ tum adfinitatibus, deinde amicitiiis, post vicinitatibus
 „ cum

„ cum Civibus, et iis, qui publice socii, atque amici sunt,
 „ deinde totius complexu Gentis Humanæ „ (a) quam
 dico SOCIETATEM. Optime PLATO, *hominem*, inquit, *ut*
intelligentia ceteris animantibus antecellit, ita de Jure, et Diis
aliquam cognitionem animo concipere valet. (b)

(a) *Clerro de*
finib. lib. v. n. 23.

(b) *In Meno-*
xen.

3. Denique Hominem non segregi vitae destinatum confirmat peculiare sibi præter animantes (1) *Loquelæ* donum. Deus, et Dei ministra Natura nihil frustra moluntur: docet Philosophia. Et re quidem vera nemo vel pertinacissimus veritatis osor ibit inficias, loquelam hominibus unice traditam fuisse, ut sibi mutuo animi sensa aperirent, inventa communicarent, sancirent pacta, et sic porro. Non secus igitur atque ventriculus est digestionis instrumentum, oculus visionis, etc., sermo est instrumentum Societatis.

(1) Animantium nonnulli, Pſytacti, Picae, etc. blasos reddunt quidem sonos; sed hisce nullum signis ideam adfigere certum est. Præterea et illud occurrit opportune adnotandum inter animantium, et hominum organa vocalia nullum sensibile a sagacissimis Anatomicis dis-

crimen inveniri. V. PERRAULT *Histoire des Animaux*. Non ergo defectu organizationis, sed privatione intelligentiæ, quæ sola inter voces, et ideas relationem adstruit, animalia loquelæ usura destituuntur. Quid ergo delirat HELVETIUS? V. SENAC *Essai de Physique*.

V L

1. Sed duo potissimum sunt, quibus Homo a summo rerum Opifice ad Societatem (§. V.) necessario impellitur; physica, inquam, ejus IMBECILLITAS, et COMMODA Societatis. Caducum circa initia animal homines sumus. „
 „ dum in nuda humo natali die abjecit Natura ad vagitus
 „ statim, et ploratus; manibus pedibusque devinciendum
 „ flens animal ceteris imperaturum, cui non fari,
 „ non ingredi, non vesci, non aliud naturæ sponte. (a)
 „ Quum bene lacertos exercuit cujuslibet ferae pabulum,
 „ cujuslibet victima; alimenta metuens sua, quorum
 „ „ inodo

Imbecillitas
 Humana, et Societatis commoda
 Hominem ad Societatem impellunt.

(a) *Plin. Hist. Natur.*

(b) *Seroc. de
consul. ad Liv.*

„ modo inopia, modo copia rumpitur; anxiae sollicitae,
„ que tutelae, precarii spiritus, et male haerentis,
„ quem pavor repentinus, adiectusque ex improvviso so-
„ nus auribus gravis excutit. „ (b) Quae primo demon-
strant Homines suae imbecillitatis securitatem a sola So-
cietate, collatis in unum viribus singulorum, posse spe-
rare.

2. Vidimus Hominem ad felicitatem, quae est in con-
stanti voluptate, profecta nimirum ex intuitiva perfectio-
nis nostrae perceptione inclinatum. (§. I I.) Sciendum modo
alias esse animi, alias corporis voluptates. (1) Voluptates
animi, puta *Gloriam*, *Ambitionem*, etc. ad Societatem im-
pellere hominem dici nequit; quoniam hae non modo
certam Societatis institutionem, sed et perfectionem po-
nunt. Corporis ergo voluptates, quae generali nomine
COMMODA vocantur, (2) ad societatem incitamenta sunt,
ut pote quae ab ea sola pendere cuique ante oculos ob-
versatur. Quae satis superque evincunt homines tum phy-
sica, cum morali constitutione (§. V.) ad Societatem natos
esse. (3) Hinc facili negotio eos optime refellas, qui ne-
scio quo imaginationis correpti morbo, qui *Lycantropia*
filiis Medicorum audit, hominem ita a natura compara-
tum autumant, ut ad vitam in silvis brutorum more tra-
ducendam destinatus, fato quodam, infelicique successu
coiverit in Societatem. (4)

(1) Hominem duplici substantia
constare, *anima* nimirum, et *corpore*,
quorum jam Nobis delineata differen-
tia, omnibus in confesso est; nec in
praesentis rerum statu uni tantum
prae alia limitatus concipi potest.
Ex hujus distinctionis neglectu tanta
opinionum de rebus moralibus di-
screpantia, tanta in sublimiores Scien-
tias absurda, quae recta humana-

rum facultatum analysi, et syndrome
illico evanescunt. Haec physicas Ho-
minis ad Societatem examinamus di-
spositiones, quae solae quibusdam So-
cietatis fundamenta sunt; sed quam
perperam, adparet: Contra, qui mo-
rales facultates physicis dispositioni-
bus obponunt, plurimis adhuc ir-
retiri difficultatibus ultro fatendum
est; hinc nullus disputandi finis.

Utrum

Utrum vero principiis nostris utrique opinioni satisfieri, et utraque mutuo conciliari recte possit, aliorum esto iudicium.

(2) *Commoda* cum *Puffendorpio* retineo ad denotandas non tantum corporis voluptates, quas absque Societate Natura fitis, famis, venerisque satisfactioni posuit, sed eas, quae a Societate proprie gignuntur, puta, Agriculturam, Architecturam, Artes, Commercio, etc. *V. Droit de la*

Nature, et des Gens Liv. VII. Chap. 1.

(3) Naturalis Hominis *Insociabilitas* in Societate *Securitatem* invenit, securitas parit *Commoda*, et securitas, ac commoda sunt Societatis *UTILITAS*.

(4) In hanc sententiam (aequis nescit?) iivit prae ceteris *JOAN. JAC. ROUSSEAU* primum in Libro *Sur l'Origine de l'Inégalité des degrés parmi les Hommes*, dein in omnibus sermone, quae in lucem edidit, Operibus.

VII.

1. Si securitas, et commoda (§. VI.) sunt duo physici ad Societatem stimuli, ad ea adsequenda sat erit, inquiet fortasse aliquis, ut homo facultatibus, quibus auctus fuit a Deo (§. IV.) utatur; sed quantum a veritate longe aberraret mox palam fiet. Nullus in primis Libertatis lumen belluarum instar ponamus in homine; nullus certe in ejus actionibus ordo, nullum decus, nulla convenientia, ad quorum fines ceteras habuit facultates (§. V.), concipi omnino possunt. (a)

2. Deinde, ne ab hominis natura adtentionem uspiam declinemus, Pathematum [§. XI.], et Rationis dissidium meret heic paucis considerari, cujus insaufa vestigia post Protoplastae lapsum non est opus extra se quaerere. Quò quis adtentius rationem excolit, validius passiones refrænantur, quò magis sensibus obsequitur, et ad brutorum conditionem accedit, major illis potentia: itaut saepe quae bona Instinctui, seu parti inferiori videntur; eadem Intellectui, seu parti superiori videntur mala, et quae ratione duce cognoscuntur mala esse, ab instinctu bona deprehenduntur; aliudque cupido, mens aliud suadet: hinc bona, et mala realia, vel adparentia; hinc origo bonorum, et malorum tum physicorum, cum moralium, de quibus heic

An Homo ad Societatem redactus plena securitate frui quest: et unde Leges.

(a) *Puffendorf.*
Jur. Nat. & Gen.
lib. II. cap. 1.

heic tantum agimus. Moralia bona *Realia* sunt, quae nostrae felicitati conveniunt, neque se obponunt alienae; (1) contra *Adparentia*. Ut hujusmodi *Realia* bona homines adsequantur nemo non intelligit oportere, ut nec coeco ipsi adfectum impetu abripiantur, nec plena utantur libertate; sed illos fraenantes, hanc cohibentes debere homines actiones suas ad regulas quasdam conformare.

(b) De Benefic.
lib. 1. cap. x.

(c) V. Plin.
Histor. Natural.
lib. vii.

3. Praeterea tanta pathematum seges prae brutis in homine dominatur; ut eum brutis nequiores invito animo cum *SENECA* (b) fateamur oportet. Uni homini ambitio, avaritia, invidia, zelotypia, superstitio, maxima vivendi cupido, et quae taedet enumerare. (c) Haec proprie *Malitia* hominis constituunt, quam tamen eo usque procedere recordemur; ut non uni animantium in propriam speciem facere suadeat, quemadmodum plerique Philosophorum pleno ore pronunciant. (2)

(d) V. La Bruyere Les Caract.
de Theoph. et
les Moeurs de ce
Siede.

4. Si animum insuper advertamus pathemata unicuique propria inesse; ita ut aetate, sexu, climate, conditione, millenis modis variant, *Ingeniorum*, ut inquit, habebimus differentiam, ad quam penitus noscendam non est opus extra familiae cancellos abire; quin immo satis est in se ipsum intueri. (d) Hinc infiniti, et inter se omnino contrarii emergunt appetitus, et fere semper quod uni bonum est, alteri malum accidit. Itaque quot capita, tot sententiae. Quid quod? Quisnam non experitur se aliquando vespere odio habere, quod mane summa anxietate cupiverat: Tanta est humani ingenii inconstantia, atque mobilitas!

5. Ex quibus omnibus concludere licet homines hominibus, ut vetus fert adagium, lupos evadere, si in Societatem congregati pleno libertatis usu fruerentur; atque

que idcirco liberas omnes suas actiones tam pro suo, quam pro communi bono ad certas regulas debere exigere, quae LEGES sunt, (c) et harum jam in aprico posita necessitas, et exordia.

(c) V. Theorie des Loix Civil. ou princip. fondament. de la Société.

(1) QUID TIBI FIERI NON VIS, ALTERI NON EST FACIENDUM, praecipuum rationi maxime consentaneum, Societatis generale fundamentum: Hinc NEMINEM LAEDERE, SUUM UNICUSQUE TRIBUERE, et quot quot ex foecundissimo principio manant Juris universi axiomata. V. *Institut. Lib. I. tit. I. §. ult.*

(2) Hoc saepe Poetarum fide clamat. Non est hujus loci communia Poetarum, et Auctorum loca retexere; sed utroque turpiter decipi non inutile erit animadvertere. Igitur aut hominem generice spectamus, generice et bruta animantia spectanda nemo sanae mentis negabit; et tunc vel ipsi pueri norunt Quadrupedium

Tigrides, Accipitres Avium, Piscium Phocae, etc. aut hominem specifice consideramus; et tunc non secus ac homo impetu pathematum ab externis causis excitatarum ab homine trucidatur, Taurus cum Tauro venenis ergo dimicat, famis stimulo Lupus a Lupo devoratur. Praeterea millena prostant apud rerum naturalium Scriptores exempla, quibus edocemur, ejusdem speciei animalia sibi invicem in cibum cedere: atque in his non Poetarum auctoritati, sed adtentae naturae standum observationi. Ceterum nil mirum, si Poetae philosophentur; nil sane turpius, si Philosophi Poemata pangant.

VIII.

I. Quandoquidem vero non aliter conservari, vitamque secure, commodeque degere homines possunt, quam si normae cuidam liberas suas conforment actiones [§. VII.] ; jam quod uniuscujusque hominis conservationem, securitatem, et commoda respicit Jus est; et ea animi adfectio suum cuique tribuens, atque hanc „quam dico Societatem conjunctionis humanae, munifice, et aequae tuens, *Justitia* dicitur. (a) Jus ita in specie acceptum est potentia physica, seu facultas agendi, quae tendunt ad propriam securitatem, atque conservationem. Quare recte dicimus Nobis jus esse vim vi repellendi, vitam, et bona tuendi ab impetu hostili, etc. Sed potest Jus etiam altero sensu accipi, et in genere considerari prout est potentia moralis, seu facultas dirigendi hominum actiones ad publicam, privatamque conservationem, atque securitatem. Ejusmodi est jus

Quid Jus, quid Lex, et unde Delicta.

(a) Cicero de finib. lib. V. c. 13.

32 ELEMENTA JURIS CRIMINALIS.

jus, quod Superioribus (1) inest imperandi, prohibendi actiones, (2) prout eae officium, vel profunt publicis, privatisque commodis, atque incolumitati. (3)

2. Ceterum sine norma quadam seu regula, cujus in agendo ratio habeatur, haud possunt Jura cognosci, quae competunt unicuique. Hinc necessitas Legis insurgit. Lex est decretum Superioris quocumque modo sufficienter manifestatum, secundum quod Subiecti aut obligantur prohibita ab ipso Superiore sive generatim, sive in certis casibus omittere, et imperata agere, aut ab eodem permittuntur, vel omittere suo libitu, vel agere possunt. (b) Si Lex jubet ea, quae publicam, privatamque intendunt conservationem, securitatem, et comoda [absque tamen detrimento spiritualis felicitatis] *Justa* est; *Injusta* quoties, quae ab eadem prohibentur, vel imperantur publicae, privataeque securitati, et commodis obponuntur. Quis justam non dixerit Legem illam Atheniensem, qua diris devovebatur quisquis erranti viam non monstrasset? Singulorum namque commodum intendebat. Contra nemo non arguerit injustitiae Leges SYLLAE, et TRIUMVIRORUM, quibus infantium Civium capita, ac bona proscribebantur, et firmabatur Tyrannides; aut tamquam injustas non improbaverit Leges adversus veram CHRISTI Religionem Romae olim latas ab Imperatoribus Idololatriae litantibus? Ceterum, ut hoc obiter moneam, Jus, et Lex, quae duo confundi facile possunt, qui inter se differant, consideranti in oculos incurrit.

3. Atque ex his prono quoque alveo fluit omnem actionem Legibus conformem justam esse, difformem, esse injustam. Sic justa erit actio publicis sibi delatis muneribus fungi, alienas res non contrectare invito domino, quarum actionum alteram praescribunt Leges, alteram interdiciunt.

(b) V. Barbeyr.
ad Puffend. de off.
fic. Hom. et Civ.
lib. 1. cap. 2. §. 2.
not. 1.

cunt. Contra injustae erunt actiones innoxium hominem occidere, Patriam prodere, quae a Legibus ambae prohibentur. Actiones iustae OFFICIA sunt, injustae DELICTA, quorum jam patet origo. (4)

(1) Unde sit derivandum Jus, quod Superioribus inest in diversa abiire Scriptores, quorum haec celebrioribus sit erit referre sententias. Consent nonnulli non alio illud fundamento niti, quam sola virium praestantia, vel ut loquuntur, Ineluctabili potestate, ex qua, inquit, gignitur regnandi jus, quoniam iis, qui viribus praestant aliis praepollent nequit resisti. V. HOSIUS *de Civ. Cap. xv. §. 5.* Fundamentum hujusce juris alii repetunt a naturae praestantia, quod ejus est naturae praestantior, is non solum ab aliis non pendet, quorum minus praestans natura; verum hi alterius causae nati sunt. V. PUFFEND. *Droit de la N. et des G. Liv. I. Ch. v. §. 11.* Quidam denique afferunt generale principium juris Superiori competentis esse, quod homines natura Deo subditi sunt: unde partum illi jus homines cogendi ad eum facultatum usum, quem ipse praescripserit. V. BAKERPAQ *in Lib. I. cap. 11. de Offic. Hom. et Civis* PUFFEND. n. 2.

(2) Ex Jure, quod inest Superiori In Subjectis nascitur OBLIGATIO. Est obligatio proprio sensu accepta vinculum, quo moralis necessitas imponitur aliquid agendi, vel non agendi. V. CLARK *Relig. Natural. Tom. II. cap. 3. n. 7.* unde homo obligatus est vinculus. Quemadmodum enim funibus, aut catenis vinculus non se ipse

potest ad agendum movere; sic fieri se habet homo obligatus; cum eo tamen discrimine, quod illic externum, et physicum impedimentum est vires naturales cohibens; haec autem vinculum est morale, sive libertas se rationi submittit.

(3) Praeter expositas Jus peculiares alias habet significationes. Et non modo pro Lege singulariter sumitur; modo pro complexu, systematico, collectione Legum ejusdem generis accipitur. Sic priori sensu fallere fidem Jure Naturae vetitum dicimus, id est Lege Naturali. Juxta alterum sensum Jus Romanum, seu Civile vocamus collectionem Legum, quae apud Romanos obtinebant Imperatoris JUSTINIANI auctoritate digestam, et publicatam. Deum occurrunt apud J. C., veteresque Scriptores aliae etiam Juris acceptiones, quas nil interest haec exemplare. V. TERENT. *Phorm. 5. 7. 43. NER. in Attic. CIGARA Lib. 13. Epist. Familiar. DIG. Lib. I. Tit. I. Leg. 11.*

(4) DACIANUS *Tract. Crim. Lib. II. cap. 1.* originem expositurus Delictorum: *Delicta*, inquit, *origine praecessisse quascunque humanas actiones. Nam Lucifer antequam homo peccasset, vel creatus a Deo fuisset divinae majestatis laesae notatus de Coelo cecidit.* ISAIAE XIV.

IX.

1. Jam vero duplex constat esse genus Legum, quibus liberas suas omnes actiones [§. VII.] debent Homines conformare. Alias enim condidit Deus, alias ipsimet Homi-

E

mi-

Lex quodam
plex, et quoniam
nam casusque
Legis natura.

mines tulere in Civiles congregati Societates ; unde a suis auctoribus primaria Legum divisio in *Divinas*, et *Humanas*. Quae a Deo profectae Leges cum aeterno rerum ordine, atque humana natura consentiunt, et singulis hominibus rectae rationis ope manifestantur ; eae dicuntur LEGES NATURALES : quae vero ab Hominibus in Societatem adunatis sunt scitae, eas Publica ex cujusque in Societatem congregati voluntate viribusque in unum collatis efformata Voluntas et Suprema Potestas eidem Societati constituit, et LEGES CIVILES vocantur. (a) Adeo ut omnes Populi, qui Legibus, et moribus reguntur partim suo proprio, partim communi omnium hominum jure utantur, (b) quorum hoc Jus NATURAE, ac GENTIUM, (1) illud Jus CIVILE nuncupatur.

2. Duplici huic Legum generi aliae profecto Leges praesunt perquamnobilissimae originis, quandoquidem divinitus manifestatae a sola libera Dei voluntate dependent, et nominantur POSITIVAE, quae sublimior Legum *Divinarum* species. Hae enim Leges non solum quae quisque sibi, omnes singulique omnibus singulisque jura debent juxta naturalia dictata disertius, perfectiusque inculcant, et complectuntur ; sed etiam praecepta continent, quibus REVELATIO, supernum Divinae Gratiae donum, universas docuit Gentes cultum, quem Ratio suadet Deo O.M. debitum, ei gratissimum reddere : et haec duo RELIGIO sunt (c) primum, et firmissimum Societatis vinculum. (2) Rursus Religionem Deus administrandam dedit ECCLESIAE, cui, Societatem ceteris praestantiorem constituenti, inconcussa inheret ab ipso Deo immediate tradita auctoritas condendi Leges ; quae ideo dicuntur LEGES ECCLESIASTICAE, seu alio nomine CANONICAE, seu absolute *Canones*. (3)

(a) V. Vattel.
Droit des Gens,
ou princip. etc.
Liv. I.

(b) Dig. lib. I.
tit. I. Leg. 9.

(c) V. S. Tho-
mas 2. 2. qu. 93.

(1) Strictè loquendo aliqua inter Jus NATURALE, et Jus GENTIUM differentia intercedit; et quamquam eadem utriusque sint Leges; latius tamen illud, quam hoc patet. Homines quippe vel eorum singuli, vel in certas Societates coacti possunt considerari: *Jure Naturali* singulorum hominum actiones, *Jure autem Gentium* mutua Societatum negotia geruntur. V. HENRICO. *Elem. J. N. et G. lib. 1. cap. 1.*

(2) Contra BAALII figmenta, quae in hanc veritatem effudit legi moventur Le CLERC *Bibliothec. Chrétiq. Tom. V. BUDAEUS de Atheismo et su-*

perditione. BARNEYRAE in PUFFENDORF. *Commentar.* Sed de hac rursus sermo redibit cap. xv. §. 111., ad quem ablegamus Lectorem.

(3) Si Deus vitam largiatur, absolutam singulorum criminum tractationem, prout ingenii sinent vires, quae sentio, quam sint exiguae, publici juris facere constitui; hinc quoniam homo uni prae alia Legi adstrictus respici minime poterat, perspicua singularum Legum notio erat necessario praemittenda. Haec demum omnibus, ni mea iterum iterumque fallit opinio, suus locus, sua natura, sua dignitas.

X.

1. Non secus autem atque Divinae Leges, quae a libera Dei voluntate proficiuntur Positivae adpellantur; ita quoque POSITIVAE dicuntur Leges a libera hominum voluntatae profectae [§. IX.]. Hae proprie *Paſſum Sociale* respiciunt, quod quoniam liberam causam agnoscit; ideo pro hominum lubitu eas necesse est variare. Quamquam enim securitas, commodumque Civium unum sit opus universarum Civilium Societatum [§. VI.]; non tamen unum idemque est cujusque REGIMEN; sed pro morum, locorum, temporumque varietate distinguitur. (a) Nam qui primi ferebres, ferosque homines coegerunt in Civitates publicae securitatis, communisque cominodi rationem habentes, eorum mores, ut Populorum Religio, hominum ingenia, locorumque natura ferebant, formarunt, atque flexerunt, et ad suas cujusque regionis, et temporis circumstantias derivarunt.

Varia Civilium Societatum Regimina.

2. Hominum igitur, qui in Civilem Statum migrarunt aliis magis arrisit Publicam Potestatem, quae singulatim ab unoquoque derivabat, apud se fartam, incolumemque retinere. Alii quibusdam inter se delectis aetate, et

(a) *Montesq. Esprit, des Loix.*

E 2

con-

(b) *Locke Orig.
des Gouvern.
Civil.*

consilio gravioribus se ipsos tradiderunt regendos. Tandem aliis placuit suas vires, voluntatesque unius voluntati subicere. (b) Ex horum primo regimine nascitur DEMOCRATIA, seu Reipublicae forma Popularis: ex altero Olygarchia, quae ut pote ex Optimatibus coalita, ARISTOCRATIA quoque nominatur: demum ex ultimo nascitur MONARCHIA, Regnum, Principatus. (1) Nec infrequenter procedentibus temporibus, vel externis injuriis, vel intestinis seditionibus facta est conversio rerum civilium, et ejusdem Societatis regimen immutatum, versumque veluti in orbem. (2) Hinc tres illae regulares Reipublicae administrandae formae varie sunt conjunctae, ac mutuo temperatae, et tunc regimen MIXTUM vocatur, vel Irregularē. (c)

(c) *Herr. Pruden. Civil. l. 11.*

(1) Ad quorum ordinem Despotismum reducemus? Porro ad nulum, licet aliter sentiat Cl. Montesquieu *Esprit des Loix*. Est enim Despotismus Monarchiae abusus potius, quam regularis Societatis forma, humanae naturae dignitati consentanea. V. Ill. GORINI GORIO *L'Homme*.
(2) Sic: *Urbs Romam a principio Reges habuere. Libertatem, et Consulatum L. Brutus instituit. Dissaturae*

ad tempus sumebantur: neque Decemvralis potestas ultra biennium, neque Tribunorum Militum Consulare jus diu valuit. Non Cinnae, non Sullae longa dominatio, et Pompeii Crassique potentia cito in Caesarem, Lepidi atque Antonii arma in Augustum cessere, qui cuncta civilibus discordiis fessa, nomine Principis sub imperiis accepit. Tacitus Annal. lib. 1. n. 1.

XI.

Unde variae Civiliū Societatum Leges, et diversa apud diversas Gentes Delicta.

His fontibus diversae manarunt Populorum, et discrepantes inter se Leges, quae non semper easdem Civium actiones ut Delicta traduxere; sed prout exposcere videbantur Populorum Religio, Regionis natura, Hominum ingenia, et instituta Reipublicae illius, cui latae fuerunt. Atque hinc demum tanta ubique locorum nata est morum dissimilitudo, totque diversa extiterunt Delicta diversis in Rebuspublicis. LACAEDEMONE permixta furtiva secreta, quae severe vetita ATHENIS; hoc ex forma Rei-

Reipublicae, ex moribus Civium. Apud EPIDAMNIENSES crimen habebatur Privatos exercere commercia: contra CARTHAGINENSIVM institutis adeo mercatura vigeat, ut pauperes a summis arcerentur Reipublicae muneribus: in causa variae artes, situs opportunitasque locorum. (a) Quin immo non solum locorum distantia morum genuit discrepantiam; sed etiam eodem in loco mores variato regimine, et idcirco Delicta variantur. ROMAE quae virtutes libertate florente exultae fuerant, et summo opere celebratae; eae, Republica in unius imperium potestatemque traducta, Delicta evaserunt. Redintegrata CAESARIS nece a BRUTO, CASSIOQUE (b) pristina libertate ii solum bene animati in Rempublicam habiti Cives, qui illis favissent. Postea cum iam confirmata tyrannide imperaret TIBERIUS (c) MUTIO CODRO Historico objectum, quod Brutum, Cassiumque ultimos Romanorum dixisset, et animadversum statim in auctorem, scriptaque abolita. (f) NOVAE LEGES, NOVA CRIMINA. (2)

(a) *Plutarch. in Quaest. Graec.*

(b) *Cicero Phil. lib. II.*

(c) *Suetonius in Tiber.*

(1) VIDERETUR homo conditione servus, qui nobilium adolescentium conjurationem de reducendis Romam Tarquinii patefecit, libertate, et Civitate donatus est publica auctoritate. MILICIVS *Severini* servus praemia aeque retulit a Senatu, quod revelaverit conjurationem initam, ut NERONIS una cum tyrannide extingueretur. V. Liv. lib. II. cap. 2. Tacit. lib. xv. *Annal.* Adeo variant mores variata forma Reipublicae!

(2) Legum Civilium origo, incognita, vicissitudo patet; sed nalam inde dari Legem firmam, immutabilem, quae vera, et perpetua sit norma humanarum actionum nemo ex dictis arguit; quin immo quacvis humana Lex Naturali Legi repugnans (idem dicit de positivis Legibus a Deo latis) injusta, nulla prorsus habenda. Praeclare CICERO:

„Huius Legi (naturali) nec obrogari fas est, neque derogari ex hac aliquid licet, neque tota abrogari potest... Nec erit alia Lex Romana, alia Athenis, alia nunc, alia posthac: sed omnes Gentes, et omni tempore una Lex, et immutabilis continebit, unusque erit communis quasi Magister, et Imperator omnium Datus. Ille Legis huius inventor; disceptator, laborator: cui qui non parbit, ipse se fugiet, ac naturum hominis aspernabitur; atque hoc ipso luet maximas poenas, etiam si cetera supplicia, quae putantur, effugerit.” *De Republ. lib. II. apud LACTANTIUM. Instit. Divin. lib. II. cap. viii.* Sed vitio humanae

manae naturae, hominumque ignorantia saepe corrupta Lex Naturae, et veluti oblivione deleta: unde legimus varias apud Gentes permixta, aut praescripta, quae vel maxime abhorrebant a sanctis ejusdem dicta-

tis. Sic Assyrii, ut inquit Locravus, fas implere parentem: humana sacrificia apud Carthaginienses frequentia, in Taurica Chersoneso commania, etc.

XII.

Animadversio.

1. Ex exposita Regiminum [§. X.], et Delictorum apud diversas Gentes [§. XI.] diversitate, nemo sibi in mentem inducat velim, nullum certum, immotumque exstare Criminalis Jurisprudendae principium. Equidem fateor in qualibet Civili Societate peculiaria dari Delicta, quae in censum minime veniunt ab Elementari Scriptore expectandum; et sua laude certe non carent Juris Consulti, qui suam navarunt operam in exponendis ex instituto Delictis a peculiari manantibus constitutione Reipublicae, cujus ipsi natura, vel adlectione Cives. (1) Atque de utilissima scientia illum arbitrarer optime mereri, qui onerosum sibi munus ultro vellet adscisci cujuslibet aevi, cujuslibet Nationis Delicta in historiam contrahere, dilucidam, ordinatam, brevem, qualem, verbo, saeculum, rei dignitatem decet. Ex hujus Historiae penu, ecquis non videt? salutaria derivari exempla possent in Reipublicam, quoties in ea novas artes, nova commercia alia aetate, alia regione similia, occasio ferret instituere; ne ejus damno, ut fieri plerumque solet, discerent qui ipsam moderantur, sanctiones edere, et

Felix, quem faciunt aliena pericula cautum.

2. Interim unusquisque Nobis elargiatur oportet, certa poni posse principia, ac universalia theoremata, ex quibus corollaria fluunt regimini cujusvis Reipublicae accommodanda. Sic in Physicis, ut de aliis Scientiis taceam, ex
gene-

generalibus motus, et adtractionis, legibus infinita naturae phaenomena deducuntur, licet de his nulla in generali systemate mentio fiat. Quae quidem clarius patebunt, postquam Delicti natura expleta fuerit.

(1) Notissimi sunt apud Nos *RAYNALDUS*, ac duo *BOUFINIUS AVO*, et *NEPOS*, qui interpretati sunt *Leges Edictales* [vulgo vocant *Bandi Generali*] latae pro universis Romanae Ecclesiae dominio subiectis Provinciis, et latissime Delicta exposuerunt, quae ab eis peculiariter descendunt. *Raynaldus* expertus est omnis solidae Criminalis Jurispruden-

tiae, fuitque lulentus, et incompositus. In *Boufinio AVO* praeter breviter nil laudes. Copiosior est ejus *Nepos*, et aliquantulum doctior. Sed omnes agnoscas in ludo *FARRAGINIS* eruditos. Eos tamen magni aestimant *Pragmatici nostri*: Credo equidem, quia sunt usui peropportuni; quo ex capite nec a Nobis improbantur.



CAPUT III.

DE NATURA DELICTI.

- | | |
|---|--|
| I. <i>Generalis Natura Delictorum.</i> | VI. <i>De Conscientia.</i> |
| II. <i>Delictum juxta Leges Humanas:</i> | VII. <i>De Imputatione.</i> |
| III. <i>Ex interna, et externa actione coalescit:</i> | VIII. <i>Consilium.</i> |
| IV. <i>Ex actione externa arguitur.</i> | IX. <i>An, et quando Delictum solo consilio censendum.</i> |
| V. <i>Modus arguendi.</i> | X. <i>Quid Delictum differat a peccato?</i> |
| | XI. <i>Conclusio.</i> |

I.

Generalis natura Delictorum.

1. **D**iversa Legum natura a diversis, cuique propriis finibus primario resultat: hinc juxta fines ipsarum, naturam quoque Delictorum variare consequens est. Certe praecipuus, et generalis Legum omnium sive Divinarum, sive Humanarum finis est nostri beatitudo: eo enim omnes tendimus, uti universa corpora gravitatis vi terrae centrum constanter adfectant. Sed aliam Divinae Leges, aliam proponunt Humanae beatitudinem. Legum Divinarum tum naturalium, cum positivarum finis beatitudo est interminata; finis autem Humanarum *Salus Publica*, seu Societatis tranquillitas, et conservatio. (1) A variis ergo Legum finibus varia Delictorum indoles intelligitur.

2. Statim vero atque effectus attenderimus, quos pariunt Leges, generalem Delictorum naturam adsequemur: generatim quippe iidem a Divinis, iidem ab Humanis Legi-

Legibus, quibus omnibus Homines actiones suas conformare obligantur, gignuntur effectus. Omnes itaque Leges id in primis praeseferre, ut *imperent, prohibeant, (a) permittant* (2) paulo superius animadversum est (Cap. I. §. I.); ac proinde Rerum Criminalium Scriptores generalem Delicti naturam non male perspexisse videntur, quum illud COMMISSIONEM, et OMISSIONEM adversus Leges seu vetantes, seu praecipientes gestam definierint (b) [Cap. I. §. I. I. I.].

(a) Dig. lib. 1.
tit. 3. Leg. 2.

(b) V. *Vrsaya*
Instit. Crimin.
Lib. 1. Tit. 1.
n. 2.

(1) PUFFENDORPIUS ab ejus Interprete BARSEYRACIO, et CL. GENVANSI gravissime reprehenditur, opinans naturalem Jurisprudentiam non extra ambitum praesentis vitae pertendere, et Theologiae Moralis esse hominem ad sempiternam vitam formare. Humana ratio, cujus lumine Juris naturalis disciplina conficitur, animos corporibus superesse quidem docet, adeoque et vitam sempiternam ea spectat; sed molliori sensu accipiendam PUFFENDORPII opinionem monet prudentissimus BURLAMACHIVS. Nos autem, ut omnem ambiguitatem auferamus, ad primarios haec Legum tum Divinarum, cum Humanarum fines volumus. Ceterum non ignoro: *decere prudentes (Magistratus in Aetopag, non tam porticus implere Legibus, quam efficere ut Civis institum animis habeant pietatis, et justitiae studium. Quis autem nescit, atque non expiriter Leges Divinas ad praesentem aequae, ac aeternam vi-*

tam beatissime transigendam conditas esse: sed quid proprie hoc demum est quodcumque degimus aevum? Vanitas Vanitatum!

(2) GROTIUS, eique suffragatus PUFFENDORPIUS *permissio* sic proprie dictam, et in se ipsa spectatam non esse Legis effectum, seu actionem, sed ex parte Legislatoris merum arbitrantur esse actionis defectum. Quod Lege permittitur (sic ipsi ratiocinantur) illud nec praecipitur, nec prohibetur; et ideo Lex, quoties permittit, nil quidquam operatur. Sed hac de re verius, si quid Ego iudico, disputasti videntur BARSEYRACIUS, et BURLAMACHIVS, qui Legis essentiam non solum in *praecipione*, et *prohibitione* constituunt; sed etiam in *permissione*. Et re quidem vera, ut actiones *praescriptae* a Superiore, atque *prohibitae* per Legem certa ratione ordinantur; ita quoque actiones *permissae* suo modo, suaeque natura certo definiuntur a Lege.

I I.

x. Si autem Legum Humanarum finis expendatur [ad eas enim solum Leges jam nostra haec limitatur oratio] facile intelligitur non omnes Hominum actiones ab iis curari; sed illas tantum prohiberi, quae securita-

Delictum juxta
Leges Humanas.

F

tem

tem, et commodum Societatis intervertant : quas inter actiones eae quoque intelligi debent comprehensae, quibus Religio violatur fortius cujuslibet Societatis vinculum [Cap. I. l. §. IX.], et solidius monimentum publicae, privataeque securitatis. (1) Praeter igitur eas actiones, quae, ut innuimus, securitatem et commodum Societatis intervertunt nonnullae sunt a Legibus admitti jussae actiones, necessariae in primis servandae Reipublicae, quarum proinde praeteritio ut delictum habenda edicitur. Quapropter actiones, ex quarum commissione, vel omissione (2) nullum Societati detrimentum impendebat, suis Legibus Homines praetermiserunt, et singulorum Civium arbitrio reliquerunt, ac potestati.

2. Verum in Delictis non solum Societatis, sed et Sociorum ratio distincte erat habenda. Nam nonnulla quidem Delicta Societatem directim adficiunt, qualia sunt, quibus ejusdem status labefactatur vel prorsus evertitur; sed longe plura sunt, quibus Cives primario laeduntur, quae ipsa quoque reflexim recidunt in Societatem, in quam, ut securius commodiusque viverent, Cives cojerunt [Cap. I. l. §. VI.]. Quare labefactatio et eversio status Reipublicae, laesio et damnum singulorum membrorum, unde illa coalescit, sunt duo veluti limites, quibus universa continentur Delicta. Quaevis proinde actio, quae inter eos non comprehenditur Delictum non est, nec valet ut Delictum traduci, nisi ab iis, quorum fortasse id intersit.

3. Delicta, quibus directim Reipublicae status impetitur, poteris speciatim vocare VIOLATIONES PACTI SOCIALIS; quae vero Civibus primario nocent, proprie dixeris INJURIAS PRIVATAS.

Hoc

(1) Hoc semel initio nunc dictum, ubique opus erit repetitum volumus.

(2) Generatim illud animadvertendum omissionem, et omissionem in *Alionum* censum venire apud Jurisconsultos, et rerum moralium Scriptores. Quidquid enim agitur, vel omittitur agere est: primum cuique

primum est intelligere; alterum, si attendatur omissionem nil aliud revera esse, quam voluntariam nostrarum facultatum suspensionem. Animadvertionis utilitas continuo adparet. Ceterum, ne repetitionibus pagina turgescat, omissionum exempla petantur ex Cap.I. §.111.

III.

I. Age verò si Delictorum natura velit penitus cognosci, altius repetenda est humanarum actionum oeconomia, seu potius quae superiori Capite innuimus, heic perspicuitatis gratia necesse est enucleare. Actiones Hominum in *mechanicas*, et *morales* distinguuntur. Mechanicae in vitali, et animali functione versantur, quales sunt motus cordis, et arteriarum, humorum secretiones, et excretiones, etc. Morales, quae Legum objecta sunt, in Internas, et Externas partiti sumus (Cap.11. §.IV.). Morales itaque actiones internae aequae, ac externae mechanicarum continenter indigent auxilio, nimirum apta, et facilis organorum dispositio requiritur, ut exferantur: at non omnes actiones mechanicae voluntatis imperio famulantur; nemo quippe omni voluntatis efficacia oesa exempli gratia flexerit, humorum motus acceleraverit, etc. Quod igitur adtinet ad actiones voluntati subjectas; eae aut *directim*, aut *oblique* subjiuntur voluntati: Quae oblique, non ipsae proprie subsunt legi morali; sed eae dumtaxat actiones, quas circa illas agit, vel omittit Voluntas. (a) Ita respiratio, quae functio mechanica est, oblique voluntati subest, et si a causis mere mechanicis impediatur, itaut sequatur mors, nihil in eo est, quod crimini verti possit: sin vero voluntarie spiritum cohibeamus, itaut emoriamur, nostri su-

Ex interna, et externa actione coalescit.

(a) V. Cl. *Generatim*: De Jur. et Off. Lib.I. c.xv.

44 ELEMENTA JURIS CRIMINALIS.

sum homicidae, quemadmodum de servis Angalonensibus a GALENO perhibetur.

2. His positis nemo sane non sentit, atque experitur actionum moralium oeconomiam ita se habere, ut actiones externae ab internis pendeant actionibus, atque ab his semper proveniant. Quaevis igitur actio moralis a duplici causa producitur alia *moralis*, alia *physica*: haec, nempe corpus exsequitur quidquid ab illa, scilicet a voluntate determinatur. Oportet enim, ut facile constat, primo voluntatem praevalente intellectu decernere quod foris exseritur; secundo instrumenta ad exsequendum necessaria proportionate voluntatis nutui respondere. (1) Si paralyti detentus Tibur velim petere, membrorum recuperata agilitate nolim, nunquam Tibur invisero. Quare liberae quaecumque hominum actiones externae non modo factis ipsis extrinsecus admissis, sed etiam ex internis coalescunt actionibus, nec non ab utrisque Delictum consequenter arguendum.

(1) SALUSTIUS de Bell. Catilinar. in „ et corpore sita est; animi imperio,
princip. „ Nostra omnis vis in animo, „ corporis servitio magis utimur.

I V.

Ex actione externa arguitur.

Hominibus a statu naturae in Societatis statum migrantibus, ut securius, commodiusque vitam degerent, ab internis hominum actionibus nil metuendum. Ita enim a natura comparati sumus, ut nullum, nisi ab externis actionibus, proprie Nobis ab Hominibus possit reale damnum obvenire. Si omnes GRAECI, nedum ii, quorum intererat, excidium TROJAE tantummodo cogitassent, ea nondum eversa fuisset,

(a) Virgil.
Aeneid. lib. II.

Trojaque nunc staret, Priamique arx alta maneres. (a)

Sed

Sed licet nocerent Hominibus cogitationes, eorum tamen aciem effugerent; quum nequeant internos aliorum motus introspicere, et alieni animi, non nisi ab externis actionibus conjecturam facere valeant plerumque fallacem. (b) Brevibus adeo est circumscripta limitibus acies humani ingenii! *Aliter ergo Leges, aliter Philosophi tollunt astutias.* (c) *Leges quatenus manu tenere res possunt, Philosophi quatenus intelligentia, et ratione.* (1)

(b) V. LaCham-
bre Caract. des
Passions.

(c) Cicero de
Off. Lib. II.

(1) Non ergo convenit Jurispru-
dentiae, neque est ex usu Fori,
quod SENECA scribit de Consol. Sapien.
cap. 7. Si quis cum more sua, tamquam

aliena, concumbat, adulter erit; quam-
vis illa adultera non sit. Sic Philoso-
phus, non ita Jurisconsultus.

V.

1. Igitur de actionis externae honestate, seu turpitudine, justitia, ac injustitia arguendum prius est; ut actio jure possit argui pro Delicto. Cujusvis actionis argutio perfecto semper syllogismo terminatur: In majori propositione LEX, in minori ACTIO, in conclusione SENTENTIA continetur. (a) Lex imperat, prohibet, permittit [§. I.]. Actio vel quod a lege imperatur omittit, vel quod prohibetur committit, vel demum exsequitur, quod permittitur. Actio omissa juxta Legem, et commissa contra Legem Delicto ad censetur; permissa vero a Lege omitti, et committi in ejus auctoris arbitrio relinquitur. JUDAE ratiocinatio in exemplar perfecti syllogismi veniat. Sic enim inquit: *qui innocentem prodit sanguinem male agit*, en LEGEM, quae veluti fax quaedam praecedere semper debet; *id ego feci*, en ACTIONEM, cujus definitio necessaria, ut cum Lege conferri possit; *Ergo male egi*, (6) en denique SENTENTIAM.

Modes argu-
endi.

(a) V. Heinec.
De J. N. et G.
Lib. I. cap. 11.

(6) Matth. cap.
XXVII. v. 4.

2. Ratiocinatio, qua actio vel criminosa, vel permissa sta-

sta-

statuitur, quatenus circa proprias actiones versatur, dicitur CONSCIENTIA; quatenus autem circa alienas instituitur ab iis, quibus res humanas seu ratio, seu fors moderandas obtulerit, (1) appellari solet IMPUTATIO. Utraque, ut jam liquet ex dictis, nihil aliud est, quam Legis in actionem applicatio, quae fit unam cum alia comparando, unde actionis MERITA decretentur. (2) Omnis actio, quae pro delicto ventilatur vel a Lege difformis, vel cum ea conformis invenitur; ac proinde in primo casu decernenda POENA, in altero LIBERTAS. (3)

(1) Heic ad Legum Interpretationem volo, cui tamen illa jure exercenda sit, et quibus regulis; nondum ordo postulat ad trutinam revocare.

(2) Alienarum actionum Merita decerni rationi, et singulorum commo-
modo est maxime consentaneum: contra propriarum Philautiae opponi videretur; sed facilius est Judicem nefarium, quam Conscientiam somnolentam invenire. Adeo sui semper similis Natura, adeo sibi saepe repugnans Homo!

Exemplo quodcumque malo committitur, ipse

Displicet auctori. Prima haec est ultio, quod se

Judice nemo nocens absoluitur, improba quamvis

Gratia fallaci Praetoris piceis urna.

JUVENALIS SAT. XIII.

(3) Communis heic de actionibus meritoriis gliscit error, actiones ju-

stas praemio, poena injustas adficiens. Verum toto coelo diversa est praemiorum theoria. Praemia aut mera gratia a Legislatore promittuntur, aut debentur actionibus, i. quibus homines a Lege non obligantur, et unde generalem aliquam utilitatem Societas capit, s. l. quae Reipublicae commo-
modo necessariae reputantur, sed difficilem involvunt executionem. V. *Libellum* Neapoli editum *delle Virtù, e de' Prezzi*. Datus quidem, qui ipsa summa bonitas est, Leges tum naturales, cum positivas non sui, sed hominum causa praescripsit, eosque perquam felicissimos esse voluit: hoc sensu iustae hominum actiones meritoriae sunt, et praemia meritum dici possunt ratione imputationis, non ratione Legislatoris; quoniam ex mera ipsius gratia illa proponuntur.

VI.

De Conscientia.

1. CONSCIENTIA, sive *antecedens*, quae de actionibus nondum editis, sive *consequens*, quae de actionibus jam editis ratiocinatur, est vel RECTA, vel ERRONEA. (1) In ratiocinatione de bonitate, seu malitia actionis si una syllogismi propositio fuerit falsa, conscientia erit erronea; sin omnes verae

verae fuerint, dicitur recta. Ratiocinationem CATILINAE, quae conscientiae consequentis erat, et HORATII ratio-
 cinationem, quae erat antecedentis, exempli loco ponamus. Is, qui in Reipublicam conjuraverat, ut privatam suam sustentaret inopiam, recte ratiocinabatur aut sibi luendas poenas facinoris, aut moriendum in bello, nisi victoriam reportaret. (a) Contra hic victoria de CURIATIS relata, erronee judicabat licere sibi sororem necare, quod magis ipsa doleret Sponsi nece, quam laetaretur Fratris, Patriaeque triumpho. (b) Erat ergo Catilinae conscientia recta, erronea Horatio: nimirum alter Legem noverat, noverat actionem, et actionem adamussini cum Lege comparabat: alter, ut falso Legem posuerat, falso et actionem, et sententiam deducebat. (2) Ex quibus patet duo potissimum ad conscientiam rectam requiri: primum ut Leges ipsa calleat, et earum extensionem sciat dimetiri; alterum ut sciat actiones dignoscere, et cum Legibus comparare.

(a) Sallustius de Bell. Catilin.

(b) V. Livius lib. I. cap. x.

2. Rursus inde sequitur conscientiam erroneam esse, tum si nulla unquam Legum notitia, ipsi fuerit obversata, cum si falsam, et a natura Legum discrepantem notitiam conceperit. Hinc in adplicatione Legis ad proprias actiones conscientiae luminibus officiant *Ignorantia, et Error*, de quibus fusius suo loco. Id modo ad Delicti naturam intelligendam necessario praemittendum, IGNORATIONEM, qua ignorantiam, erroremque complectimur, esse *vincibilem*, aut *invincibilem*, ideoque hanc *involuntariam*, illam vero *voluntariam*.

(1) Non unam profecto Conscientiae partitionem fecere Philosophi: Nos modo, ne limites Operis exce-

damus, generales, et ad nostra principia necessarias solum proponimus, reliquas, ut feret occasio, declaraturi.

turi. Nemo, meo quidem iudicio, rem delicatiori acu tetigit, quam CL. BURLAMACHIUS in magno Juris Naturae, Gentium, et Civilis Opere, quod Gallico idiomate post ejus facta editum habemus. Et neminem adeo in Scholis peregrinum puto, quem aeternae lateant hac de re defensiones inter sacros rerum moralium Interpretes superiori saeculo potissimum ortae, necdum nostro bene conciliatae.

(2) HORATIUM tamen a Sororicidio absolutum prodit Historia. Duumviri quidem judicarunt Horatium perduellem: contra Populus, ad quem is provocaverat, existimavit, puellam, quae Patriae charitatis imme-

mor romanum hostem luxisset, Reipublicae inimicam habendam esse; adeoque jure caesam videri. Sed quaestio nec rite proposita Duumviris Populoque, nec ab utrisque recte definita. Duumviri Horatium condemnantes nullam ejus erga Patriam meritorum justissimam habuere rationem. Populus eandem absolvens visus est ab HORATIA virtutem exigere, quam a puella, et sponsa, et viri desiderio flagrante nimis severe, frustra quoque etiam expositas. Quae ergo debuisset an recens Horatii meritum ejus facto obstatet. Hoc sane ab illo summpere vincebatur.

VII.

De Imputatione.

I. Imputatio, quandoquidem in actiones aliorum incidit (§. VI.) generali firmissimoque nititur axioma: ut actio jure possit imputari duo constanter necessaria sunt, et ut *intelligatur*, et ut *libere agatur*. Intellectum, et voluntatem actionum moralium principia esse tenendum est (Cap. II. §. IV.). Intellectus in actionem influit conscientia actionis, et legis; Voluntas libertate electionis. (a) Quo pacto conscientiae vidimus officere ignorantiam (§. antecedent.), eodem officit VIS EXTERNA libertati. Vis externa, et Ignoratio actiones pariunt invitas, et non secus ac illa, haec quoque Delicti notam arcet. OVIDIUS, ut magisterio patrociniū Amoris adjungeret, furem JUNONEM increpans CALISTO formam inique mutantem, ait:

(a) *Gensens*. ubi supra.

(b) *Ovidius* Flor. lib. II.

Quid facis? invito peccatore passa Jovem est. (b)

Actiones itaque, quae ex ignorantia, et vi externa profiscuntur, nisi ipsi alterutrius rei causa moralis fuerimus, imputari omnino nequeunt; et idcirco eas criminari absurdum foret, ac iniquum.

Dixi

2. Dixi nisi ignorationis, et vis externae *caussa moralis* fuerimus: Quid igitur, ea sit, quousque sese extendat, videre par est. *Caussa moralis* actionum is habetur, qui eas partim, aut omnino ex suae voluntatis determinatione producit, sive ipse *auctor immediate* suis viribus, sive *caussa mediate* aliena opera eandem exsequatur. (c) Hinc si quis seu propria, seu aliena manu ad hominis internecionem utatur, semper homicidii *caussa moralis* erit. Sic caedis Phyllidis aequè DEMOPHOON, ac PHYLLIS ipsa imputabiles, „ *Ille necis causam praebuit, ista manum.* „ (d)

(c) V. *Burlamaq. Princip. du Droit. Nat. Part. 11. Chap. x.*

(d) *Ovid. Heroid. Epistol. 2.*

(1) Praeter Libertatem, de qua *Cap. II. §. IV.*, habet quoque Voluntas facultatem sibi inhaerentem sponte agendi, quae vulgo dicitur *Spontaneitas*. Quid de ea sentiam, et quam ipsa lucem sit huic loco foenera-

tura, videbimus *Cap. VIII.* hujus Libri.

(2) *ARISTOTELIS Nicom. 111. c. 1. δὲν δὲ αἰσίων ὅτι, καὶ πᾶσι, ὃ δὲ ἄγνοια γινώσκου. Videntur invita ea esse, quae aut vi, aut ignoratione efficiuntur.*

VIII

1. Non rerum exitus sed hominum consilia (a) puniuntur. (1) Etenim aliquando ab optimo consilio pessimus exitus, interdum optimus exitus a pessimo consilio resultat. Testis MILO, qui CLODIUM interficiens privatae vindictae ergo, Patriam a peste liberavit. Testis VARRO, qui ut periclitanti Reipublicae opitularetur, apud Cannas temere adversus ANNIBALEM proelium commisit, et Romam ad ultimum discrimen redegit. (b) Quapropter ut actio imputetur, duo, ut scribit ANTONIUS GENUENSIS, (c) quemadmodum in conscientia recta, necessario desiderantur, legum peritia, ut earum tota vis atque extensio animo comprehendatur, et actionis cognitio quoad omnes ejus circumstantias, ut constet utrum vere cum Lege congruat, an non. Innumerae prorsus circumstantiae efficere valent, ut actio in genere videatur imputabilis, minime

Consilium.

(a) *Cic. pro Milon. Dig. Lib. 48. tit. 3. Leg. 14.*

(b) *Livius Decad. 111. Lib. 2. cap. 26.*

(c) *Tom. IV. Metaphys. cap. xv. §. 11.*

tamen in specie: hae vero omnes reduci commode possunt ad quaedam summa capita, videlicet ad Legum interpretationem, de qua ubi de Judiciis Criminalibus, ad ignorationem, et vim externam, causaeque moralis differentiam, de quibus supra (§. VI., VII.) differuimus, et fusius infra (Cap. VIII., IX.) iterum disputabimus. Sed quoniam haec ea sectamur, quae ad generalem Delicti naturam pertinent, sive de vi externa, sive de ignorantione, seu de causa actionum morali sermo sit, in omnibus animi consilium praecipue spectandum; idcirco quid illud sit breviter exponamus.

2. CONSILIUM Nobis est, non solum excogitatum delinquendi propositum conscientiae malignitate suffultum; sed etiam voluntaria negligentia rerum agendarum, vel omittendarum. Si quid ex proposito agimus, aut omitimus, quod juxta Leges praeteriri, vel agi debeat *Dolus* est, eaque actio, et omissio maxime imputabilis. PAUSANIAS dolo Spartam, Graeciamque in potestatem XERXIS tradere conatus, ab Ephoris in aede *Minervae* merito est inclusus, ex qua semianimis elatus vita decessit. (d) Si quid vero voluntaria negligentia facimus, vel praeterimus, ex quo, licet non ex proposito, Delictum tamen mediate sequatur, *Culpa* est, iustissime item obnoxia imputationi. CICERO, si Catilinariam conjurationem neglexisset, futura Reipublicae ruina ejus culpae verti jure potuisset; quandoquidem ipsi suprema Reipublicae gubernacula, Consulatum detulerint aequi bonique Cives. (2) Quibus ex rebus haec ex doctrina contrariorum conficitur regula generalis, scilicet, actiones doli, culpaevae expertes, expertes Legum imputationis pariter, et continenter reputandae, ideoque Delicti. Sic apud HERODOTUM (e) ADRA-

(d) V. *Nepos*
in ejus vit.

(e) *Historiar.*
lib. I.

STUS

stus, qui dum jaculum in aprum vibraret, ATYM filium CROESI interemit, casu non dolo ductus homicida ab ATYDIS patre sapientissimo Lydorum Rege sua donatur libertate. Sic apud LIVIUM (f) LUCRETIAM consolantur Amici, animadvertendo mentem peccare non corpus, et unde consilium abfuerit culpam abesse.

(f) Hist. lib. 1. cap. 58.

(1) PAULUS Lib. v. Recept. Sentent. „ ulla esse excusatio non dicam ma-
Consilium uniuscuiusque, scribit, non „ le sentienti, sed sedenti, cun-

„ stanti, dormienti in maximo Ret-
(2) Praeclare idem CICERO, in „ publicae motu Consuli? „
quit, Orat. in Pison. „ An potest

IX.

I. Quaesitum ergo fuit an, et quando Delictum solo consilio censendum? Vulgatissimum illud Legum Civilium axioma *cogitationis poenam nemo patitur*, (a) huc nodi vindex referri solet: sed et delinquendi consilium juxta Romanas Leges sceleris instar aliquando fuisse, ad ea, quae de conscientia latronum sancita sunt, compellari potest. (1) Nec desunt exempla, quibus sola facinoris consilia apud diversas Gentes, nec satis barbaras, nec satis humanas a vindicatione immunia non abiisse comper- tum est. (b) Verum enim vero Leges, sanctissima hominum foedera, a jure, et natura, non a facto, et abusu omnem vim suam nanciscuntur. Nullum factum tam turpe, tam immane, tam esserum excogitari potest, aut fingi, quod Historiae auctoritate firmari non valeat; eaque ratione si cui Tyrannidem in systhema redigere volupe fuerit, satis et abunde imperia Tyrannidis Historia suppeditabit. Quo circa nil mirum si cordatiores Jurisconsulti, recta, et humaniori Philosophia duce, morem sola consilia puniendi tantopere exprobaverint. Quamquam vero

An, et quando
Delictum solo
consilio censendum.

(a) Dig. lib. 43.
tit. 19. Leg. 18.

(b) V. Gratius
de J. B. et P. lib. 1.
cap. 22. §. 18.

eorum nonnulli rem ultra nimis, quam par est, ut Ego quidem sentio, protulisse quodammodo videantur.

2: In duas haec quaestio partes scindatur oportet, ne specie veritatis error imponat. Consilium patrandi facinoris aut in sola mente moratur, necdum ullis verbis, vel factis extrinsecus sese manifestavit; aut aliquo actu mechanico, vel sermone foris quidem adparuit, sed noxae realis effectu caruit. Si primum, consilium delinquendi extra Legum humanarum imputationem vagatur, (2) ut pote nec hominibus nocere cogitationes, nec sub hominum aciem has cadere ostensum fuerit (§.III.), quod universalis, et indubia experientia (c) confirmatur. (3) Si alterum, Reipublicae certe interest, ut in hujusmodi consilium inquiratur; et tunc quaestio tam late patet, ut eam separato Capite pertractare consultum duxerim.

(c) V. Bodin. de
Republ. lib. 11.

(1) Cujacius quem honoris causa nomino, lib. viii. cap. 22. *Obs. Jur. Civil.* axioma cogitationis poenam neminem pati restringendum esse, atque intelligendum voluit dumtaxat de poena Edicli Proetoris: *Quod quisque Juris in alium statuerit, ut ipse eodem utatur*: docuitque in aliis causis non tantum effectum puniri, sed etiam voluntatem: Et hunc esse Romanorum ritum addidit STRUVIUM HONORATUM scribere VI. *Aeneidos* in illum locum.

Ausi omnes immane nefas ausoque potius.

Sed Cujacium haud recte interpretatum fuisse VIRGILIUM Commentatore, acute, docteq. animadvertit CL. BINKEROKIUS *Obs. Jur. Rom. Lib. 11. cap. 10.* Quippe potest Servius intelligi, se si dixisset ritu romano non puniri solum eventum, puta si casu mero nocitum sit, sed si adfuerit voluntas, animusque nocendi, ut rescripit Imperator ANTONINUS in L. 1. *Cod. ad L. Corn. de Si-*

car. Vel ita fuissent Servii verba accipienda, scilicet eam demum voluntatem puniri ritu romano, quam exitus sequutus est, cum non de ausu solum Virgilius meminerit, sed de ausu, ausoque potius.

(2) *Quis acquam censet* (inquietabat CATO ad Senatum) *quemquam poenas ob eam rem dare, quod arguitur male facere voluisse? Nemo opinor ... Quid nunc; et quae Lex est tam acerba, quae dicat: Si quis plus quingenta jugera habere voluerit, tantum damni esto. Atqui Nos omnes plura facere volumus, atque id nobis impune est.* A. GALL. *Noël. Attic. Lib. viii. cap. 3.*

(3) Quid ergo de DIONYSIO dicemus? hic MARSIAM quendam vita privari jussit, quod ipsum jugulare somniaverit, inquiens, nunquam id somniaturum fuisse; nisi facere vigilans cogitasset. V. PLUTARCHUS in *Vita Dionysii*: *C'etoit*, subjungit MONTESQUIEU *Esprit des Loix Liv. xii. chap. 11.* une grande tyrannie: car, quand

me-

„ même il y auroit pensé, il n'avoit „ gent de punir, que les actions ex-
 „ pas attenté. Les Loix ne se char- „ térieures „.

X.

1. Memores tamen homines imbecillitatis naturæ suæ actiones numero non paucas Legum coercitione siverunt immunes abire, quæ quævis possent Societati, Civibusque damnosæ, ideoque imputabiles videri; nihilominus fere sunt hominibus inevitabiles, quas ideo frustra insectarentur Legumlatores. (1) Quin immo quamplures injustæ actiones externæ a Divinis Legibus interdictæ, prætermisæ sunt Humanis Legibus: contra vero multas suis legibus Homines interdixerunt actiones Legibus Divinis licitas, atque permissas. Actiones, quas Humanæ Leges minime criminantur, humanitatis officia tantum lædunt, puta ingrati animi vitium, ambitio, misanthropia, (a) avarities, etc., (2) quæ omnia ab humanæ Naturæ lapsu repetenda esse, nemo, cui sanum sinciput, inficiabitur.

Quis Delictum
differat a pecca-
to?

(a) V. Guizet
de l'origin. des
Loix, et du Gou-
vern. Liv. 1.
Ch. II. art. 2.

2. Atque ex dictis in apicem profertur PECCATA sic proprie dicta (Cap. I. §. V.) non verbo tantum, sed re quoque differre a Delictis, quæ plerique Scriptores turpiter confundunt. Nam licet injustæ sint internæ æque, ac externæ actiones a Divinis Legibus discrepantes; non omnes tamen inter injustas actiones externas Delicta sunt, sed eæ solummodo, quibus publica tranquillitas Societatis [et consequenter etiam Religio, quæ ejus est validissimum fulcrum] vel privata Civium securitas perturbatur (§. I. I.). Semper est, exempli gratia, mentiri peccatum: Sit enim divino documento, et præcepto est inculcatum Fidelibus *sermo vester est est, non non*. (b) Attamen non omne mendacium crimen evadit, sed illud solum pro delicto

(b) Matth. v. 37.

Le-

(c) V. infra
Cap. IV. §. 8.

Legibus interdum habetur, quod nocet publicae, privataeque securitati. (c) Verum enim vero omnia ferre Delicta utique sunt peccata, quum Jus Naturale praescribat, jubeatque diserte DEUS, ut Homines pareant Civilibus Legibus, quae vi pacti socialis a Publica Societatis Potestate feruntur; nisi Leges Civiles Sacris, Divinisque Legibus adversentur. (3) Peccata quidem, cujusvis generis demum ea sint, et noscit, et ulciscitur DEUS: Delicta vero, siquidem vincula abrumpunt, quae Homines continent in Societate, notantur ab iis, et poenis plectuntur, ac vindicantur.

(1) PLUTARCHUS in Solone: αὐτὸ δὲ πρὸς τὸ εὐνοῖαν γράφεται πρὸς νόμον, ὃ πάλαιος χρηστὸς ἐδίδου καὶ μὴ πάλαιος ἀχρηστὸς καλῶν. Oportet Legem scribi secundum id quod obtineri potest, si quis velit paucos utiliter, non multos inutiliter punire: AUCTOR Dei Delicti, e delle Pene §. XL. Non è possibile il ridurre la turbolenta attività degli uomini ad un ordine geometrico senza irregolarità, e confusione. Come le costanti, e semplicissime leggi della Natura non impediscono, che i Pianeti non si turbino ne i loro movimenti; così nelle infinite, ed oppostissime attrazioni del piacere, e del dolore non possono impedirsene dalle Leggi umane i turbamenti, e la confusione.

(2) Ad rem SENECÆ de Ira lib. II. cap. 27. Quanto latius officiorum patet, quam juris regula! quam multa pietas, humanitas, liberalitas, justitia, fides exigunt, quae omnia extra Tabulas sunt. Quadrat heic altioris SENECÆ Poetae sententia in Troas. v. 334.

Quod non vetas Lex, hoc vetas ferri pudor:

Nam quae facta laedunt pietatem existimationem, verecundiam nostram, et ut generaliter dixerim contra bonos mores sunt, nec facere nos posse credendum est. Leg. 15. Dig. De Condit. Instiit.

(3) Hoc casu quisque Deo magis, quam hominibus obsequi debet, quemadmodum olim MACCABAEI, dein invictissimi MARTYRES egerunt: quin imo vel Ethnicorum ea sententia fuit, summum esse nefas animam praeferre pudori, ita ut admiratione dignum videatur Christianorum nonnullos Evangelica luce caecutire. Apud veterem Graecum Poetam ANTIGONA, quae fratrem POLIXICEM humani curaverat contra jussu CAZONTIA Regis Thebarum, huic sciscitanti cur suam ausus fuerit legem violare respondit:

Οὐδὲ σέθεν τοῦτον νόμον ἐν ᾧ ἐδὲ
Κυρίωςδ', ὅςτ' ἄνθρωπον ἀνθρώπῳ θύει
Νόμον ἐπιτάττει θεῷ, ἐν' ἀνθρώπων.

Neque valere tantum putabam sua Edicta, ut non scriptas, et firmas Deorum Leges posset Mortalis, qui esset, transgredi. SOPHOCLES. Antigone v. 436. et seq.

XI.

1. Ex iis, quae huc usque dicta sunt, absolutissime, ni fallor, Delicti naturam, seu essentiam mihi videor delineasse. Vidimus quam in Delicto partem habeant hominis facultates, quomodo, et quantum in illud Societas influat. Quae, quoniam eo pertractata sunt ordine, ut seorsim considerata distincte cognosci possent; operae praetium erit, opinor, heic vela contrahere, et quae hactenus fuso calamo exaravimus, uno velut ictu repraesentare. Is enim est finis analyseos, ut veritates particulares demum in generalibus, tamquam in centro, coadunentur.

2. *Quaevis igitur humana actio externa, ab interna dependens, homini conscia, libera, consilio facta, adeoque imputabilis, sive immediate sive mediate perfecta, Societatis tranquillitatem [adde et sanctitatem Religionis, a qua, ut praedixi (§. 11.), Societatis tranquillitas vel maxime pendet] et Sociorum securitatem ac commoda laedens (a), DELICTUM est.*

Conclusio.

(a) V. Le Dictionn. Encyclop. art. Crim.

3. Ex quibus fit manifestum duplici via a veritate illos aberrare, qui Delicti naturam ab omnibus hisce simul sumptis haud quaquam desumunt. Quippe nonnullos invenies rerum criminalium Scriptores, qui Delictum a solo Societatis, et Sociorum damno aestimant; (1) plurimos vero, qui dumtaxat ab animo delinquendi citra publicam, privatamque noxam Delictum illico arguant. Verum enim vero utrosque decipi [excipe in crimine haeresis] is facile deprehendet, qui et intellexerit quae a Nobis in superiori, et praesenti Capite tradita sunt, atque enucleata, et heic ad ea voluerit sedulo, ut par est, animadvertere. Quisquis legit semper oportet, ut cogitet plura, quam legat.

In

(1) In hunc scopulum incidisse videtur notissimus Auctor *dei Delicti, et delle Pene*. Supervacaneum est monere Lectorem deitru omnem humanarum actionum moralitatem, ubi Delictum a solo Societatis, et Sociorum damno aestimetur. Id namque in oculos statim incurrit vel le-

viter tenenti nostra principia. Sed de toto hoc argumento alie Nos, fuseque disputabimus Cap. XIII. hujus Libri, ubi memorati Scriptoris doctrina ex professo refutabitur, eaque Lector inveniet, quae ad hunc illustrandum locum poterit opportune transferre.



CAPUT IV.

CONATUS DELINQUENDI AN, ET QUANDO DELICTUM ?

- | | |
|--|---|
| I. <i>Definitio.</i> | VIII. <i>Calumnia.</i> |
| II. <i>Conatus Delicti absolute</i>
<i>Delictum non est:</i> | IX. <i>Scopelismus.</i> |
| III. <i>Delicto tamen non vacat</i>
<i>omnino.</i> | X. <i>Conatus distinguitur in</i>
<i>proximum, et remotum.</i> |
| IV. <i>Quando Conatus debeat</i>
<i>pro Delicto censer per-</i>
<i>fecto, et absoluto.</i> | XI. <i>Conatus quando, et quo-</i>
<i>modo puniendus.</i> |
| V. <i>Digressio ad Leges Roma-</i>
<i>nas.</i> | XII. <i>Ordinariis poenis animad-</i>
<i>vertitur in species vo-</i>
<i>luntatis expressas a Le-</i>
<i>gibus.</i> |
| VI. <i>Conjuratio.</i> | XIII. <i>Consuetudo puniendi.</i> |
| VII. <i>Arma.</i> | XIV. <i>Transitio.</i> |

I.

I. **Q**uamquam nil sit metuendum Hominibus ab improbis aliorum Hominum consiliis, utpote quae eis nocere non possunt (Cap. III. §. IV.); si tamen ea caepta fuerint extrinsecus prodi, et aliquo actu mechanico; vel sermone executioni mandari; profecto ipsorum interest in huiusmodi consilia inquirere, et ad conatum attendere delinquendi. Tunc enim incipiunt hominibus nocere flagitiosa aliorum consilia, et a delinquendi conatu aliqua persaepe realis noxa derivatur in homines, quam avertere, et vindicare finis exigit Civilis Societatis; cujus quoque salutem non raro seditiosa con-

Definitio.

H

silia

filia inique manifestata, et ausa facinora in discrimen adducunt. Postquam igitur Delicti naturam exequuti fuimus, et commodum heic, et necessarium Nobis visum est peculiari Capite intactam (1) adhuc, et quae late admodum patet [Cap. I IL. §. IX.] proponere, et examinare Quaestionem *Conatus delinquendi an, et quando Delictum?*

2. Sed ne nominis ambiguitate, et amplitudine decipiamur, praestat duplicem distinguere speciem Conatus, Conatumque definire, cujus aggredienda tractatio.

(a) In not. ad
Leg. 18. Dig. de
poen. n. 49.

Conatus, ut recte distinguit DYONISIUS GOTHOFREDUS, (a) alter extremis suis, ac fini conjungitur; in mediis haeret alter, quae ad extrema tendunt, finemque propositum. Ille, siquidem criminofum continet factum, nullatenus distinguitur a delicto, et ambigi nequit, quin delictum sit perfectum, atque absolutum. SEPTI TARQUINII flagitio nil defuit, qui conatus blanditiis, terrore expugnare LUCRETIAM; tandem obstinatum ejus vicit pudicitiam. (b)

(b) Livius lib. 7.
cap. 22.

De posteriori autem specie Conatus a Nobis sermo instituitur, primumque nunc quaeritur, an scilicet sit delictum voluntatem delinquendi incipere aliquo actu assum-

(c) Dig. lib. 50.
tit. 14. Leg. 23.

pto, ut loquitur J. C. TRYPHONINUS, (c) extrinsecus prode-
dere, et niti ad eam pervenire admittendam actionem, quae aliquod praefert Delictum. CLODIUS, exempli gratia, ut POMPEJAM CAESARIS adulteraret, muliebri amictus veste, sexumque mentitus, irrepsit in operta BONAE Deae: Quaeritur an adulterii reus, quod tentaverit, conatusque fuerit adulterare?

(1) Ordinatum de conatu delinquendi tractationem, rem Juriconsultis, qui ante Nos sunt in Jure Criminali versati, quantum scimus, intactam adhuc, ex suis principiis heic deducere, et in systema aliquod redigere,

re adgredimur. Qui soli huic rei aliquam impenderunt operam FELIX SANDAUS non obscuri nominis inter veteres Canonistas, et MANOIRUS Auctor non indoctus de causis colligendis, quibus Civili, et Cano.

Canonico Jure conatus perfecti criminis poena vindicatur, magis, ut moris est apud vulgares interpretes, solliciti, quam de principiis extitere. V. FALLIV. Tom. 3. Oper. column. mibi 2127. MENOCH. de arbitr. Judic. cap. 360. Tu interea benevole Lector, si haud invenias rem expectationi tuae pa-

rem, animadvertas velim veniam mereri aliquam, qui persalebrosam primi viam straverunt. Quod
si quid novissi vestitus istis
Candidus imperti: si non, bis alter
meum.
 HORAT. lib. 1. Epist. vi.

I L.

1. Si lubeat igitur initio cognoscere utrum conari delinquere delictum absolute debeat existimari, in antecessum oportet quid sit delictum repetere, et delicti essentiam cum ejusdem conatu aequa lance pensitare. Delictum, ut supra tradidimus, est humana actio externa, ab interna dependens, homini conscia, libera, consilio facta, adeoque imputabilis, sive immediate, sive mediate perfecta, Societatis, et Sociorum securitatem, ac commoda laedens [Cap. I L. §. XI.]. Jam vero quisque intelligit exigere quidem Reipublicae salutem non conari Cives publicam, privatamque securitatem, et commoda laedere: sed nemo non percipit commune bonum omnino requirere, ne Cives Societatis, Sociorumque securitatem, et commoda reapse laedant, atque intercipient. Sic interfuit dubio procul Reipublicae Nobiles Adollescentes inita conjuratione haud tentasse excussam paulo ante TARQUINIORUM tyrannidem QUIRITIVM cervicibus rursus imponere: (a) verum enim vero longe magis ejusdem interfuisset CAESAREM, quam erat conatus opprimere libertatem, temerario, felicique ausu non extinxisse. Conatus ergo facinorum, si cum salute Reipublicae contendatur, Civiumque securitate a delictis vel maxime distinguitur. (1) Quam enim poterit dici delictum apparare, vel incipere idem esse, ac illud apparatus, coeptumque absolvere, atque perficere; cum magis intersit publici boni a Civibus delicta

Conatus Delicti absolute Delictum non est.

(a) Livius lib. 1. cap. 2.

H 2

non

(F) V. Cl. Riff
Anionad. ad
Crim. Jur. p. 93.

non patrari, quam haud conari delinquere Cives, (b) plusque laedi communem securitatem, et commodum a delictis, quam a conatibus delictorum?

2. Praeterea, quam agunt actionem, qui conantur delinquere, ea actio non est, quae aliquod praefert delictum; sed actio dumtaxat illius actionis praeparatoria. Scilicet, quamvis assumpto actu inchoetur delictum; tamen adhuc superest quid agatur, ut vere possit dici delictum patratum fuisse, atque perfectum. Quamobrem patet conatum delicti distingui a delicto, nec ipsum esse crimen, (2) de quo quaeri contigerit.

(1) Tantum profecto quod intercedit discrimen Delictum inter, et Conatum Delicti sapientissimos illos veteres Romanos Juris Consultos latere non poterat. Itaque unus ex eis ULPIANUS delictum a conatu delicti probe distinguit, neque hunc esse delictum patenter indigitavit *Leg. 1. Dig. quod quisque jur. scribens Nil obesse conatum, cum injuria nullum habeat effectum*: Recentiores vero inter Juris Peritos doctissimus ALCIATUS *Comment. ad Leg. 53. num. 39 Dig. de V.S.* distinctionem conatus, et criminis luculentissime extulit sequentibus verbis: *Aliud est crimen, aliud Conatus, hic in itinere, illud in meta est.*

Sed ubi Jure poena irrogatur, oportet perfectum fuisse crimen; quod et in Legibus Municipalibus observatur, quia interpretationem extra verborum vim non recipiunt.

(2) His Legis Divinae verbis: *Qui percussit, et occiderit hominem morte moriatur. Levitic. 24.* differentia innuitur, quae interest delictum inter, conatumque delicti. Nam frustra duo illa verba: *qui percussit, et occiderit*: Divina Lex distinguit, si conatus caedis, qui satis exseritur percussione, idem reputaretur cum caede, sufficeretque ad caedis vindictam. V. GONZALEZ in *Cap. 1. de praesumpt.*

I I I.

Delicto tamen
non vacat omni-
no.

Verumtamen nemo ibit inficias consilium delinquendi extrinsecus prodere, conarique delinquere sceleris purum non esse, nec omnino vacare delicto; sed criminis nota, maculaque esse aliquantisper infectum. (1) Quandoquidem summopere differunt delinquendi consilium, propositumque continuasse animo inclusum, et istud, licet postea haud undique impletum; nihilominus extra men-tem

tem exeruisse, et aliquo actu mechanico exequi coepisse conari. (a) Siquidem quae animo latent flagitiosa consilia, praeter quam quod humanam aciem effugiunt [Cap. u. l. §. IV.]; nullatenus possunt hominibus nocere [Cap. x. l. §. IX.]. At quae executioni sunt coepta mandari consilia delinquendi persaepe nocent hominibus [§. I.], et si usque ad exitum perducantur, jam delicta erunt perfecta, atque absoluta. Et quamquam conatu criminum non adeo publica, et privata intervertatur securitas, quemadmodum intervertitur, atque destruitur criminibus ipsis perfectis, atque absolutis; eo tamen communis tranquillitas, Civiumque pax improbe perturbatur. Quae cum ita sint, licet conatus cujuscumque delicti distinguatur a delicto, nec ipsum sit crimen [§. x. l.], sed ejus solum adparatus, vel inchoatio [§. I.]; nihilominus ad illud quam proxime accedit, et delicto non vacat omnino. Quod Poetae indicatum voluerunt fabula ORIONIS venatoris, qui DIANAM stuprare tentavit, cujus meminit HORATIUS (a)

(a) V. Coeep.
Dissert. Proem.
XII. in Gros.
lib. 5. cap. 5.
§. 513., et seq.

(a) Lib. II. l.
Od. 4.

. *integrae*
Tentator Orion Dianae
Virginea domitus sagitta.

(1) Egregie SENECA lib. in Sapien. suam remissum cibo perdidit: venenum non cadere injur. cap. vi. Aliquis in illud dandum sceleris se obligavit, quit mihi venenum dedit, sed vim etiam si non nocuit.

I V.

1. Age nunc videamus quando Conatus debeat pro Delicto censeri perfecto, atque absoluto. Quippe licet generatim Conatus absolute Delictum non sit [§. x. l.], (saepe enim testandum hoc est) sed ejus solum adparatus, et inchoatio [§. I.] criminosaë qualitatis haud penitus ex-

Quando conatus debeat pro Delicto censeri perfecto, et absoluto.

pers [§. 111.] ; sunt tamen casus, in quibus Delictorum Conatus habendus est ut crimen perfectum, et consummatum.

2. Principio toties alicujus flagitii conatus aestimabitur tamquam scelus perfectum, et absolutum; quoties si aliter foret, facilis ad crimen ipsum patrandum aditus pateret iniquis. Deinde cum fieri aliquando possit, ut conatu frequentioris alicujus delicti traducto ut delictum, sepius quodammodo aedificetur, et occasio arceatur illud patrandi delictum; tunc debet conatus instar criminis reputari perfecti, et absoluti. Si praeterea criminoso conatu peculiare aliquod jus Civium intervertatur; ipse solus conatus perfectum merito existimabitur esse delictum. Tandem ubi ingens damnum in Rempublicam derivetur a conatu gravium facinorum, conatus erit traducendus pro facinore expleto, et consummato. (1) Unde haud ita multi videntur esse reliqui casus, in quibus delictorum conatus non debeat tamquam delictum censeris perfectum, et absolutum.

(1) In hos casus quadrat quod „ perficere, sed conari aliquid velle scripsit DONATUS in *Andr.* „ Non „ ad scelus, perfectio est.

V.

Dipressio ad
Leges Romanas

1. Si *Leges* perlustrantur *Romanae*, adparebit eas non aliis fere, quam in supra expositis casibus delictorum conatus ut perfecta, atque absoluta crimina habendos edixisse. Quod quidem sapienter est factum, et ex usu Reipublicae. Nam in hujusmodi casibus, vel quod de immanioribus res esset criminibus, vel saltem periculi plenis; graviter, prudenterque existimarunt Romani Legumlatores *plus nocere voluisse peccare, quam prodesse nunquam peccasse.* (a)

(a) *Val. Max.*
lib. vi. cap. 1.

Id

2. Id vero, ne dignam animadversione rem omitamus, sic perſepe Romanis intenditur Legibus, ut re quidem eae delinquendi conatum memoratis in caſibus non diſtinguant a tentato, et inchoato delicto; ſed ipſum conatum alio peculiari, diſtinctoque criminis nomine efferant.

3. Ceterum operae praetium erit, opinor, ſpeciminis loco heic exempla ſubnectere ſingulorum, quos enarravimus caſuum [ſ. IV.], quibus Romanis Legibus delinquendi conatus pro crimine habetur perfectio, et abſoluto.

(1) Jure Romano docet cum magno CURATIO vulgus Interpretum in gravibus quibuſcumque flagitiis conatum delicti pro crimine perfecto cenſeri, et vindicari. *Obſerv. lib. 15. cap. 25.* Quod generatim verum non eſt. Nam Leges Romanae in inſectando delicti conatu, et delinquendi voluntate puniendae graviorum quidem criminum rationem habuere, et ceterorum ſere caſuum, quos ſupra (ſ. IV.) recenſuimus: At minime id indaxerunt non ſolum in gravibus, ſed nec in gravioribus quibuſcumque Delictis. V. Clarif. BERNARDINIUS *Obſerv. Jur.*

Rom. lib. 111. cap. 10. Sollicitate alienam pudicitiam perfecto grave admodum eſt facinus. Qui illud tamen ſunt auſi perfecto flagitio capite puniuntur, imperfecto in infamiam deportantur. *Leg. 2. Dig. de extraord. Crimin.* Qui falſum moeſtam procuderint, ſi eam formare nequiverint, et tentatum crimen perſecere, abſolvuntur. *Leg. 2. ſi falſum Dig. ad Leg. Cornel. de falſi.* Poena falſi remittitur ei, qui conatus fuit ſibi, vel ſervo ſuo legatum adſcribere, ſi res effectui caruerit. *Leg. 22. Dig. cod. tit.*

VI.

CONJURATIO plurimum eſt factio jurejurando (1) inita adverſus Reipublicam, vel ſupremum Principem. Qui namque cogitarunt labefactare ſtatum Reipublicae, aut inſurgere in Principem, ubi ſua ſeditioſa conſilia ſibi invicem communicant, conjurare dicuntur. (2) Quamvis vero Conjuratio caruerit effectu, nec fuerit ad exitum perducta; tamen ſola maniſeſta voluntas, ratihabituſque a Conjuratis conſilium Reipublicam; Principemque violandi, atque per-

Conjuratio.

(a) *Cod. lib. 9.
tit. 8. Leg. 5.*

perdendi, quod desideratum magis, quam tentatum arguit flagitium, Romanis Legibus pro perduellione censetur, et crimine perfecto, atque absoluto. Ut enim inquit Imperatores ARCADIVS, et HONORIUS (a) in crimine majestatis *eadem severitate voluntatem sceleris, qua effectum puniri Jura voluerunt*. Summa porro prudentia sancitum est Jure Romano, ut vel sola voluntas, conatus, incoemptio, tractatio insurgendi in Rempublicam, vel supremum Principem, quae initur Conjurazione, haberetur instar criminis perfecti, et absoluti. Si enim aliter foret, facilis ad labefactandum statum Reipublicae aditus pateret iniquis [§. IV.], plurimique sumerent animos ad laedendam Principis majestatem, evertendamque Rempublicam. CATILINA sic suas, nec inepte, potuisset rationes subducere: Aut evulgabitur Conjuratio, antequam suum nanciscatur effectum; et hoc casu, quod solum fuerim conatus Rempublicam perdere, perduellionis crimen, poenasque evadam: Aut tempus dabitur ad exitum perducendae Conjuracionis, et tunc ero tam fortis, ut nihil mihi sit metuendum a CICERONIS eloquentia, ac consiliis, atque a vi, et armis ANTONII.

(1) Si haud interposito juramento seditiosi Cives Rempublicam, Principemque perdere proposuerint; tunc non Conjuracionem, sed *Conspirationem* initam dicunt rerum criminalium Scriptores. V. CARAVITA *Instit. Crim. lib. 1. §. 3. cap. 24. n. 19.*

(2) Antiquis in more fuit, quum Conjuracionem inirent, sanguinem

ex humano corpore haurire, et lambere in foedus arcanum, quasi mutuo cruore sacratum. V. TACIT. *Annal. 12. Fuisse scribit SALLUSTIUS Bell. Catilin. = sua tempestate qui dicerent Catilinam oratione habita, cum ad iurandum populares sui sceleris adigeret, humani corporis sanguinem vino permixtum in pateris circumtulisse.*

Arma.

VII.

1. Quandoquidem nil ferme frequentius agunt homines, durum apage genus! quam ut laxatis irarum habenis in vitam foeviant alienam; ideo caedis conatu tracto

ducto pro crimine, debet sepis aedificari, et occasio arceri crudele adeo, et immane perficiendi flagitium [§.IV.]. Non fugit hoc Romanos Legumlatores, Viros insignes civili prudentia, quibus visum vel maxime opportunum humanae crudelitati fraenum iniicere, hominesque, quoad licet, avertere a caede. Itaque Lege Cornelia de Sicariis dolus pro ipso facto accipitur, idest solum caedis consilium, atque conatus, quamvis caruerit effectu, venit pro caede, puniturque tamquam Siciarius, qui cum telo ambulaverit hominis occidendi causa, quae actio intra caedis adparatum, conatumque consistit. (1) Nam juxta Legem Corneliam, ut Imperator HADRIANUS rescripsit *voluntas spectatur, non exitus*. (a)

(a) V. Dig. lib. 78. tit. 8. Leg. 14.

2. Quin immo indiscriminatim vetitus Jure Civili usus (2) armorum: (b) Et jam pridem Lege Julia de vi publica tenebantur, qui arma domi suae, in villa, in agro coegerint, extra quam si in usum venationis, itineris, vel navigationis id fecerint, promerciiique causa habuerint, aut haereditate eis obvenerint. (c) Siquidem ubi inermes sunt homines, solent facile concoquere iram; nec solum non tentant, sed neque possunt conari caedem alienam.

(b) Cod. lib. 11. tit. 48. Leg. un. Novel. Justinian. 85.

(c) Dig. lib. 48. tit. 6. Leg. 12.

(1) *Neque dolum* (Lex Cornelia) remittit: ut scribit GRAVINA noster Orig. Jur. lib. 2. §. 103. : *si non procefferit, et quamvis nulla caedes intervennerit; caedis tamen consilium punit. It enim Graecis est homicida, qui caedem animo intendit.*

(2) Jam usque a SERVIO TULLIO.

Rege interdictum Romae usum armorum constat ex Livi lib. 1. et A. GELL. lib. 5. cap. 17; idemque refert PLINIUS lib. 24. cap. 14. a POMPEIO cautum in tertio Consulatu. Nam ob Clodiana necis tumultum edixit, ne quis in Urbe telo uteretur.

VIII.

Qui sciens dolo malo falsum crimen intendit, nullam quidem realem noxam proprie alteri infert; sed
I ten-

Calumnia.

tentat solum huic creare periculum, conaturque ejus bona, famam, caput in discrimen adducere. Quamquam vero detecta falsitate CALUMNIA (2) effectu caruerit; iniquus tamen iste conatus alteri injusta accusatione nocendi pro crimine debet haberi [§.IV.]. Jus enim est Civibus non solum, ut immunes habeant ab alienis injuriis; sed etiam ut nemo conetur eorum fortunis, bono nomini, ac vitae struere insidias. Quum ergo Calumniatores peculiare hujusmodi Civium jus, quod cunctis sanctum debet esse, atque intemeratum, nefario conatu intervertere tentaverint; eorum audacia, etsi frustra cesserit, Romanis Legibus justissime crimini ipsis tribuitur severe coercendo, et vindicando. Itaque accusator, de cujus calumnia absoluto reo Judex pronuntiaverit ex Edicto Praetoris infamiam incurrit, (a) juxta Constitutiones Imperatorias patitur talionem, (b) idest ea poena est afficiendus, quae accusatum mansisset, si crimen objectum probasset. (2) Quum BURRHUS, una cum PALLANTE, accusatus esset a PAETO quodam exercendis apud aerarium sectionibus famoso, consensisse, ut CORNELIUS SYLLA ad imperium vocaretur, detecta calumnia Accusatori exilium irrogatum, et tabulae exustae sunt, quibus oblitterata aerarii monumenta retrahebat. (c)

(a) *Dig.* lib. 3.
tit. 2. *Leg.* 1.
(b) *Cod.* lib. 9.
tit. 46. *Leg.* 10.

(c) *Tacit. Annal.* lib. XIII.

(1) Calumnia latissime accepta fit aliis pluribus modis; venit enim calumnia a *calo*, quod est decipere. V. *Josephus Nativus Anaclitior: lib. 2. cap. 21.*, ut vexandi hominis causa actionem, petitionemque inferendo, solutionem indebiti admittendo ad decipiendum, jus callide, ac per-

verse interpretando, bis idem exigendo, intimando, etc. V. CALVIN. *Lexicon Jur.* verbo *Calumnia*.

(2) Olim *Lege Remmia*, vel quae verisimilior lectio *Memmia*, littera K Calumniatorum fronti Romae inurebatur. V. *Cic. pro S. Ros.*

SCO-

I X.

1. SCOPELISMUS nihil aliud est, quam lapidum positio. „ Solent enim, ut scribit ULPIANUS (a) plerique inimicorum in Provincia Arabiae (1) praedium inimici „ σκοπισμὸν, idest lapides ponere indicio futuros, quod „ si quis eum agrum coluisset, malo letho periturus „ esset insidiis eorum, qui scopulos posuissent. Quae „ res tantum timorem habet (prosequitur Jurisconsultus) ut nemo ad eum agrum accedere audeat, crudelitate timens eorum, qui scopelismum (2) fecerunt „. Id vero non admodum miror. Quippe scimus homines, qui incolunt Asiam, horrenda pollere vi phantasiae, qua fit, ut tamquam praesentem timeamus inortem, cujus vel remotissimum impendit periculum.

2. Jam vero lapides ponere in agro inimici, ut omnes ab eo colendo minarum metu arceantur, jactatam magis profecto dixeris praeferre, quam conatam cultorum stragem. At quamvis qui scopelismum fecerunt, sese abstinuerint a comminata caede cultorum, nec propositum perfecerint crimen; nihilominus sola patefacta voluntas occidendi cultores, conatusque delicti Jure Romano pro crimine reputatur profecto, et absoluto: Adeo ut, quemadmodum idem testatur ULPIANUS, Scopelismum in Arabia graviter exequi Praefides consueverint usque ad poenam capitis. Nec fieri aliter debuit, cum ab ea re grave admodum damnum in Rempublicam derivaretur; quo in casu conatus est pro delicto habendus profecto, atque absoluto [§. IV.]. Siquidem non aliud fortasse gravius damnum potest accidere Reipublicae, quam si homines minis territi, mortisque metu percul-

Scopelismus.

(a) Dig. lib. 47.
tit. 11. Leg. 9.

si deferant Agriculturam, artem omnium utilissimam, et prae ceteris necessariam, qua neglecta vel Cives fame peribunt, vel cogentur magnis incommodis, atque periculis res sustentandae vitae necessarias apud Exteros quaeritare.

(1) Non est Arabia *Felix*, de qua loquitur Ulpianus loco citato (eam enim Romani nunquam ingressi); sed *Petra*, cujus Metropolis fuit *Bosra*, de qua mentionem facit Imperator JUSTINIANUS *Novell. 102. cap. 2. V. ДѢЮНІА. ГОТНОРК. in not. ad L. 9. Dig. de extraord. crimin.*

(2) Scopelismus peculiare est crimen Arabiae, ut sunt quaedam maleficia quasi peculioria certis provinciis. Sic in Aegypto crimen cae-

psm, porrumque violare, in Judaea edere carnes suillas, in Misia vites incendere etc. *V. ANTON. MATTH. ad lib. 37. Dig. Tit. 5. cap. 2. n. 1.* Et de Scopelismo JOHANNES PINEDA intelligit verba illa Jobi *cum lapidibus agri erit sordus tuus*, nititurque hoc argumentum, quod secundum doctorum Virorum conjecturas habitaverit Jo-
sus in Arabia, aut certe in Arabiae confinio.

X.

Conatus
distinguitur in
proximum, et
remotum.

Multa alia exempla heic possent subjungi, quibus uberius confirmaretur Leges Romanas non aliis fere, quam in casibus, quos supra recensuimus [§. IV.], delictorum conatus ut perfecta crimina habenda edixisse. Sed ne videamur nimis deflexisse a proposita tractatione, revertamur rursus in viam, disseramusque ulterius de conatu delinquendi. De quo quidem nunc dicere occurrit, apte illum distingui in proximum, et remotum. Nam eorum qui conantur delinquere, alii audaciores longius progrediuntur, parumque abest, quin tentatum scelus perficiant; alii incerti adhuc an propositum crimen perficiant, in extrema linea consistunt, et in solo adparatu Delicti. Itaque conatum remotum esse dicimus, cum quis exempli gratia gladium strinxerit, ut inimicum interficeret; proximum vero, ubi etiam insuper in eum percusserit. (a)

(a) *V. Dig. lib. 48. tit. 8. Leg. 1.*

Quo-

XI.

Quoniam vero si non securitatem, saltem publicam, privatamque tranquillitatem tentata laedunt, atque inchoata Delicta [§.III.]; proinde communis utilitas videtur exposcere, ut illa haud proprus abeant impunita, ne

Conatus quando, et quomodo puniendus.

Vaga profiliat fraenis Natura remotis.

(a) Horat.
lib.1. Satyr. 6.
v.74.

Meminisse tamen oportet conatum delicti absolute delictum non esse, nec idem damnum in Societatem, Sociosque obvenire a Conatibus delictorum, ac derivatur a Delictis ipsis perfectis, atque absolutis [§.II.]. Quare, ut verbis heic utar Viri (b) Civilium rerum prudentissimi inchoata flagitia vindicanda non erunt, nisi res sit gravis, et eo processum sit, ut ex tali actu certum malum, etsi nondum illud, quod intendebatur, sequutum jam sit, aut certe ingens periculum; itaut vindicatio aut conjuncta sit cum cautione futurae noxae, aut dignitatem laesum tueatur, aut periculoso exemplo occurrat. In his autem circumstantiis ab ausis, conatisque delinquere poenae non reposcentur, quae crimen mansissent perfectum, et absolutum; (1) sed extra ordinem initius animadvertetur in eos; (2) nisi ii casus occurrant, quibus debet conatus pro delicto ceneri perfecto, et absoluto (§.IV.), vel res sit de criminibus, in quorum conatum aequae ac in ipsa crimina Leges, quibus Respublica utitur, eandem poenam expresse decreverint. Tunc enim Leges exequi oportet, et criminis conatus, ut perfectum, absolutumque crimen punietur.

(b) Hug. Gros.
J.B., et P. lib.2.
cap.20. §.34.

Argu-

(1) Argumento esse poterit Lex Divina, quæ caedis conatum morte non videtur punire, ut vindicat eadem. *Exod.* 21. v. 12. 18. 19. *Numer.* 35. v. 16. *Deuteron.* 19. v. 4.

(2) Jurisconsulti Criminales inter legitimas causas temperandi poe-

nas recensent, si Reus fuerit conatus dumtaxat delinquere, sed crimen non perfecit. V. *TIRAQUELL. de poenis temperand. caus.* 35. De qua late differendi dabitur occasio sequenti Libro, qui erit de poenis generatim.

XII.

Ordinariis poenis animadvertitur in species voluntatis expressas a Legibus.

1. Sed quaeri heic statim merito posset quantum conari, et quousque progredi oporteat in Delictis, quorum Conatus Legibus pro crimine perfecto habetur, atque punitur; ut ordinariis Delicti poenis pateat adversus Conantem. Si varias attenderis distinctiones adductas ab Interpretibus Juris Romani, qui hanc attigerunt quæstionem; profecto eris multo incertior, quam dudum. Verum is, ut arbitror, non erraverit, qui statuatur in eas solum animadvertendum esse species voluntatis, quæ a Legibus fuerunt expressæ. (a) Exemplum ad hoc illustrandum theorema petamus iterum a Lege Cornelia de Sicariis, quæ eminentem obtinet locum inter Leges Romanas. Hac porro Lege ut Sicarius punitur is solum, qui hominis occidendi causa cum telo ambulaverit, si ve, ut loquitur SENECA, (b) qui ad occidendum jam armatus est. Item qui hominis necandi causa venenum confecerit, dederit, vendiderit, habuerit, paraverit. Præter has species, quas Lex Cornelia expresse designat, vultque puniri instar homicidii; nequit ejus sanctio ultra porrigi, et ad alios casus non expressos extendi.

(a) V. *Synkro-
tek. Obs. Jur.
Rom. lib. xv.
cap. 25.*

(b) De Benef.
lib. v. cap. 14.

(c) V. *dei De-
ritti, e delle po-
ne §. 17.*

2. Ceterum, cavere sedulo oportet, ne species voluntatis expressas a Legibus (1) interpretatione ad alias similes extendamus, quæ minime ab eis fuerunt expressæ. (c) Neque enim Nobis fas est præscribere, quod Lex proce-
terit,

teriit, nec quidquam magis decipit homines, quam argumenta voluntatis, quae facile alio possunt referri.

(1) De his voluntatis speciebus, valet, quod ait ARULIUS 3. *Floridor.*
quae diserte exprimuntur a Legibus *Ad poenam sufficit puniendi cenari.*

XIII.

1. Jurisconsulti, qui criminales res pertractarunt, testantur universali Europae Gentium consuetudine (1) receptum esse; ut non omnium Delictorum conatus, qui ordinariis poenis afficitur Jure Civili, eadem poena puniatur, ac delicta ipsa perfecta, et absoluta; sed Judicentium arbitrio extra ordinem vindicetur. Sed, ut moris est, inter se deinde dissentiant. (a) Nam alii tradunt hujusmodi consuetudine non comprehendi delicta, quae gravissima sunt, et atrocissima. Contra volunt alii etiam ad hoc supremum genus Delictorum memoratam consuetudinem esse protractam. Sed quomodocumque se habeat hujusmodi res, constat profecto principiis, quae supra constituimus [§. XI.] cohaerere universalem hanc consuetudinem, quam nemo non putabit et laudandam esse, et retinendam. (b) Siquidem, ut scribit PLATO sapienter, (c) vel fortunam ejus revereri debemus, qui non potuit exequi, quod inchoavit flagitium, vel misereri illius, quem poenituit scelus tentasse, atque incoepisse. (2) Quare a tentati quidem facinoris poena eum liberabimus; sed aliqua tamen leviori castigatione ejusdem coercemus audaciam. Ita enim clementiae laudem sectari debemus, ut tamen justae severitatis gloria non pereat.

2. Verum, quemadmodum apud plurimas Europae Nationes, sic quoque apud Nos, qui in Regionibus feliciter vivimus Romanae Ecclesiae dominio subjectis, solum in

Consuetudo
puniendi.

(a) V. *Mattb.*
ad Lib. 43. Dig.
tit. 18. n. 13.

(b) V. *Clar.*
Risf loc. sup. cit.
(c) Lib. 11.
de LL.

in multis gravissimis, sed gravibus etiam Delictis abrogata videtur specialibus Legibus memorata consuetudo, et usus undique inolitus, et in eorundem conatum eae rursus sunt impositae poenae, quae delicta ipsa manent perfecta, atque absoluta, ut suo loco opportune adnotabimus.

(1) Etiam Turcarum moribus effectum receptum, ut graviorum criminum conatus non eadem poena, quae illa manifestè perfecta, sed mitius vindicentur innuit III. VOLTAIRE *Histoire de Charles XII. Roy de Suède Liv. v. Enfin le parti du Roy de Suède étoit devenu si puissant à Constantinople par l'adresse de Poniatofky, que la sédition de l'Envoyé Moscovit crut qu'il n'y avoit d'autre ressource pour elle, que de l'empoisonner. On gagna un de ses Domestiques, qui devoit lui donner le poison dans du Caffé. Le crime fut decouvert avant l'exécution: on trouva le poisson entre les mains du Domestique dans une petite phiole, que l'on porta même au Grand Seigneur. L'Empoisonneur fut jugé en plein Divan, et condamné aux Galères, parceque la Justice de Turcs ne punit jamais par la mort les crimes, qui non ont pas été exécutés.*

(2) Adeo elegans est, pleniusque

legislatoriae prudentiae citatus locus PLATONIS, ut mereat hic totus exscribi latine: *Si quis, inquit, voluerit, cogitaveritque amicum hominem ex iis, quos prohibet Lex, interficere; vulneraverit autem, nec interficere potuerit; hunc omni remota misericordia non aliter, quam si vita privasset, dare eandem supplicium cogemus, nisi fortunam ejus non omnino proteream, Daemoneque coleremus, qui tam vulneratum, quam vulnerantem misericordia prosequunt infelicitati utriusque obstitit, scilicet ne vulnus hinc lothiferum, illi fortuna, calamitasque execranda infligeretur. Haec ergo Daemone habebimus gratiam, atque ejus beneficio minime adversati, ab eo qui vulneravit supplicium mortis inferemus, et in vicina Civitate per totam vitam exulare statuemus nullo rerum suarum fructu carentem; dampno tamen prius restituto, si quid obfuit vulnerato. Lib. ix. de Leg.*

XIV.

Transitio.

Ceterum five de Conatu delinquendi res sit, five de ipsis Delictis; id sane ex horum natura, quam late exposuimus Capite superiori, sequi patet, praecipuam nempe in Delictis partem animum Delinquentium habere, quo liberae geruntur actiones internae externas producentes actiones, quae redarguuntur de crimine [Cap. III. §. III.]. Siquidem in externis omnibus criminosis actionibus

nibus praecipue spectandum Agentis Consilium, (1) quod si ex proposito vergat in crimen *Dolus* est: sin vero ex negligentia delicto det causam *Culpa* audit [Cap. III. §. VIII.]. Hinc fit, ut admitti delicta sine dolo, vel culpa concipi omnino possit. (a)

(a) V. Clar. Boehmer. Instit. Crimin. sec. 1. cap. 11. §. 40.

(1) Recte Seneca cecinit *Hercul.* „ quicumque non sponte est nocens „
Octav. vers. 226. „ Haud est nocens „ cens.



CAPUT V.

DE DOLO.

- | | |
|--|---------------------------------------|
| I. <i>Nominis acceptiones.</i> | VIII. A. <i>Ira.</i> |
| II. <i>Quid Dolus.</i> | IX. B. <i>Amor.</i> |
| III. <i>Delicta Dolo contrahuntur.</i> | X. C. <i>Zelotypia.</i> |
| | XI. D. <i>Ebrietas.</i> |
| IV. <i>Divisiones Doli reprobatae.</i> | XII. <i>Leuius adfectuum impetus,</i> |
| V. <i>Duplex Doli species.</i> | <i>quam nequitia delin-</i> |
| VI. 1. <i>Nequitia.</i> | <i>quitur.</i> |
| VII. 2. <i>Impetus Adfectuum.</i> | |

I.

Nominis Acceptiones.

(a) *Plaut. Capt.*
2. 1.

(b) *Lib. 1.*

(c) *Aeneid.*
ib. 2. v. 389.

I. **D**Olus, quandoquidem a graeca voce *dolós* derivatur, fraudem latine significat. Ut enim *COMICUS* (a) cecinit *doli non doli sunt, ni astu colas*. Apud Veteres, ut *FESTUS* (b) observat, vox doli ancipitis erat significationis. Aliquando enim bonam in partem dolum accipiebant pro fraude ab hostibus praesertim adhibita in hostes, qua in bello uti fas esse censetur. Vulgatum est inter omnes, quod *CHOROEBUS* hortans socios ad clypeos mutandos, aptandaque sibi Danaum insignia inquit apud *VIRGILIUM*. (c)

..... *dolus, an virtus quis in hoste requiratur?*

Sed saepius ab illis dolus usurpatur in malis. Itaque discriminis causa dolum hoc sensu acceptum, dolum malum vocabant, (1) quod et bonus quidam dolus diceretur. (2)

2. Jam vero dolus malus, qui etiam absolute dicitur do-

dolus, fraudem proprie significat, machinationem, fallaciam ad alterum decipiendum adhibitam, cui opponitur bona fides: quidquid enim non est ex bona fide, id necessario venit ex mala fide: mala autem fides est dolus, et fraus. (d) Praeter hanc dolus in malam partem acceptus aliam habet significationem. Siquidem dolus usurpatur quoque ad significandum animum delinquendi, propositumque, quo homines delinquent. (e) Sic Jurisconsulti, Legesque Romanae affirmant, Nosque etiam vulgo nunc dicimus dolo delicta patrari, id est adfectu, proposito, animique destinatione. (f)

(d) *Co. lib. 4. tit. 44. Leg. 5.*

(e) *V. Diction. Tract. Crim. lib. 1. cap. 4. n. 6.*

(f) *Dig. lib. 50. tit. 16. Leg. 225.*

(1) *TERTIUS in Ennech. ad v. scem. 3.*

... Jam tum erat suspicio
dolo malo haec fieri omnia:
id est fraude.

(2) Ambigua vocis significatio *TRONIANUM* quoque movit, ut in *Pendellis*, et *Codice* Titulos inscriberet de dolo malo.

II.

Plerique Jurisprudentium, qui haecenus se in Jure Criminali tradendo exercuerunt, duas illas doli significationes, quas mox retulimus, non adeo videntur, ut oportebat, distinguere. (a) Acturi enim de dolo, quo homines delinquent, de dolo egerunt, qui fraudem praefert, et machinationem ad alterum decipiendum adhibitam, et cujus plerumque ratio in solis habetur civilibus negociis. (1) Ac de eo definiendo solliciti, expilatis scriniis Interpretum Juris Civilis multa disputant, (2) ut disputarunt olim Romani Jurisconsulti; sed quorum non erat haec locus. Quum ergo scribentibus de delictis sit differendum de dolo, quo Homines delinquent; videamus, jam quid ille sit, et quae ejus alibi [Cap. III. §. VIII.] opportune semina jecimus, fusa nunc evolvamur.

Quid dolus.

(a) *V. Furiac. quaest. 19.*

2. Dolus, qui vergit in crimen, quoque homines de-

K 2

lin-

linquunt subiicitur Consilio, quod Nobis indefinite, atque absolute esse tradidimus, excogitatum delinquendi propositum conscientiae malignitate suffultum [Cap.III. §.VIII.]. Est namque dolus interna animi injusta actio, quam admittit quicumque tacitus animo consilium init delinquendi. (b) Sed quoniam delinquitur cum faciendo, quae praetermittenda, tum omittendo, quae agenda sunt juxta Leges [Cap.III. §.I.]; ideo nequam homines modo speciatim consilium ineunt alicujus patrandae actionis prohibitaе a Legibus, modo alterius actionis praetereundae ab illis imperatae. Si quid ergo ex proposito agant, vel omittant homines, quod secundum Leges praetereundum est, vel agendum, Dolus erit [Cap.III. §.VIII.].

(b) V. Donell.
Com. Jur. Civ.
lib.xv. cap.80.

(i) GALLUS AQUILIUS, qui primus de dolo malo formulas protulit, eum esse definit, cum aliud simulatum esset, aliud actum. Quae definitio adeo placuit CICERONI, ut scriberet, *hoc quidem ab Aquilio Collecta suo sane luculenter distulisse, et ab homine perito definiendi. De Off. lib.2.* Aquilii definitionem amplexi sunt SERVIUS, PR-

DIUS, PAULUS. Sed ea tamen a LABRONE, et ULPIANO reprobata est. Labeo enim posse, et sine simulatione id agi contendit, ut quis circumveniat, et sine dolo malo aliud simulari, aliud agi. *Dir. lib.4. tit.2. Leg.1.*

(a) De definitione doli mali integrum edidit librum PATRUS VALLERIUS GRAVERRA.

III.

Jam vero constat in omnibus externis actionibus, ut valeant agenti imputari, et pro delicto censi, praecipue spectandum consilium, quo eae admittae fuerunt [Cap.III. §.VIII.]. Mens enim peccat non corpus, nec exitus rerum, ut sapienter CICERO advertit, (a) sed hominum consilia puniuntur. Quum ergo improbo delinquendi consilio constet dolus [§.II.]; eo vere, et proprie crimina contrahuntur. Hinc inepte mihi facere videntur ii rerum criminalium Scriptores, qui disputant, utrum dolus sit crimen. Siqui-

Delicta dolo
contrahuntur.

(a) Orat. pro
Milon.

Siquidem dolus fons est omnium plane criminum, et sine quo crimina censerī non solent. (b)

(b) Cod. lib. 9.
tit. 16. Leg. 1.

IV.

1. Si consulamus Auctores, qui Jus Criminale tractarunt, plures ii nobis obtrudent suo ingenio procufas doli divisiones, quae nec pertinent ad dolum, de quo nunc differimus, et ab eis obscure efferuntur. (a) Molestus esset, et vacuus utilitate labor illas singulatim heic recensere, atque reprobare. Satis ergo erit in ea solum examinanda divisione aliquantisper immorari, quae celebrior est apud ipsos, quaeque prima fronte fortasse videretur dolo etiam posse convenire, quo contrahuntur delicta [§. III.]. Itaque Auctores, a quibus exulta est Criminalis Jurisprudentia vel in primis dividunt dolum in verum, et praesumptum. Illum, quantum conicere possumus, esse volunt, cujus manifesta sunt indicia, nullique obnoxia dubitationi: hunc, inquiunt, ex indiciis, et argumentis colligi probabilibus solum, haud vero necessariis. Profecto quicumque paulo attentius hanc perpenderit divisionem, intelliget, eam non ipsum, ut necesse esset, dolum afficere, sed illa varias secerni species argumentorum, quibus potest Dolus probari. (1) Incuriosis ergo Auctores hi belle tentant imponere, quum profitentes doli divisionem exhibere, exequantur divisionem conjecturarum, et argumentorum, quibus dolus probatur.

Divisiones doli reprobatae.

(a) V. *Ursaya*
Institut. Crimin.
lib. 1. tit. 3.

2. Ceterum dolus, quo quis delinquit, verus est dolus, deque eo certissime, et vere soli potest constare Delinquenti. Dolus enim, quum interna sit actio [§. II.], latet occultus in animo Delinquentis, aliorumque hominum aciem effugit. Unde non aliter a Nobis argui potest, quam ab

ab internis actionibus, quae indicia sunt, et argumenta internarum actionum, a quibus istae proveniunt [Cap. III. §. III.]. Itaque quod ad Nos pertinet, semper dolus praesumptus est; praesumimus scilicet, concludimusque vere quemquam ad delinquendum dolo accessisse ex externis ab eo gelitis criminosis actionibus.

(1) Sed haec quoque divisio probationum doli a doctissimo MATTHAEO, qui eam exegit ad trutinam Romanae Jurisprudentiae, merito reiiicitur. *Nam si probatio, inquit, doli diversae ejusdem speciei facit, quid est in Jure, quod non vel verum, vel praesumptum dici possit? Vera servitus, verae nu-*

ptiae, tutelae, dominium, possessio etc., quae necessariis argumentis probantur; praesumpta, quae contingentibus. Itaque sic existimo, dolum unius generis esse, qui si probetur, crimen quoque probatum videri; sin minus proximum esse, ut culpa, aut casu admissum censetur: ad Lib. 48. tit. 18. Dig. cap. 4. n. 10.

V.

Duplex doli
species.

Sed si, ut docet Philosophia, a rei, de qua quaeritur, natura educendae sunt ejus divisiones, in duas mihi videtur, dolum posse dividi species. Quippe delinquendi consilium, quo constat dolus [§. II.] vel considerate, et plena, quemadmodum loquuntur, voluntate homines ineunt, vel animo adfectuum impetu commoto, et agitato. In utroque casu adest quidem in hominibus delinquendi consilium, et propterea dolus intercedit; sed in primo casu consilium delinquendi considerate, et plena voluntate initum est; in altero autem casu animo vi adfectuum commoto, atque impulso id consilii est susceptum. ABSALON monito obsequutus improbi ARCHITOPHELIS considerate, plenaque voluntate consilium iniit paternum polluendi thorum, Patris sui Concubinis coram Populo inverecundissime constupratis. AMNON autem ejus frater amoris impetu ductus fuit ad ineundum consilium violandi THAMAR fororem suam, quam nefario complexu incestavit. (a) Deliquit

(a) Reg. lib. II.
cap. 13. v. 16.

Deliquit uterque dolo, sed ille considerate, hic impetu amoris ausi fuerunt tam turpia, atque scelerata flagitia patrare. Doli ergo duae sunt distinguendae species, quarum altera *Impetus* est *Adfectum*, alteram vocamus *Nequitiam*.

VI.

NEQUITIA (*petulantiam* quoque dicere possis, *luxuriam*, *improbisatem*, nam sunt hae voces fere synonymae) malitiam heic significat, (1) qua considerate, et plena voluntate delinquitur. Profecto fuerunt olim, eruntque semper vitio corruptae naturae innumeri homines, qui consilium continuò versant in pectore, jubeque in animo habent propositum delinquendi. Hi adfectibus non excitantur ad delinquendum, sed nequitia feruntur ad quarendas peccandi occasiones. Quis, anabo, nequitia non dixerit laborasse L. illum VERATIUM, vel ut alii legunt NERATIUM, hominem egregie improbum, atque immani vecordia. Is, ut refert A. GELLIUS, (a) pro oblectamento habebat os hominis liberi manus suae palma verberare. Eum sequebatur servus crumenam ferens plenam assium, et quemcumque depalmaverat, ei statim numerari viginti et quinque asses jubebat, quos pro poena fracti liberi oris Leges XII. Tabularum pendii edixerant. Meditatio igitur semper inest nequitiae; plerumque vero etiam insidiae ei solent adjungi. Nonne OTTHONIS nequitia insidias habebat adjunctas, qui, ut scribit SVETONIUS, (b) delectabatur noctu saepe vagare, et obviorum invalidum quemque, aut temulentum corripere, et distento sago in sublime jactare? Si porro nequitiae adjungantur insidiae; tunc vero quo consideratius quis insidiabitur, eo etiam nequior erit.

1. Nequitia.

(a) Noct. Aet.
lib. 22. cap. 1.(b) In ejus
vita.

Eic.

(1) Eleganter Ovidius de Sileno lib. 1.

Festor.

Te quoque inextinctae Silene

libidines urunt.

Nequitia est, quae Te non finit esse

senem.

VII.

2. Impetus
Adfectuum.(a) Puffendorf.
J. N. et G. lib. 1.
c. p. 4. §. 9.

1. Nemo est, qui dubitet, quin IMPETUS ADPECTUUM, quo saepe correpti delinquant homines, ad dolum pertineat, dolique sit species [§. V.]. Quamvis enim actiones impetu adfectuum admissas ab hominibus mixti generis, (1) partim nempe voluntarias, partim involuntarias esse Philosophi tradant; tamen eas constat ad voluntarias propius accedere. (a) Quippe voluntariis propius accedunt non solum actiones, in quibus, et vis, et voluntas conspicitur, ut cum quis ad aliquid faciendum spe impellitur majoris boni, aut metu majoris mali; sed eae etiam actiones, quas ignoranter quidem admittunt homines, sed non tamen per ignorantiam. Hujus postremi generis sunt actiones, quae adfectuum impetu fiunt ab hominibus. Siquidem tunc principium actionis in Agente adest, nec is penitus ignorat actionis suae circumstantias: unde consilium quodammodo habet delinquendi, ac proinde dolo agit [§. II.]. Quod si circumstantias illas ignorat, ignorantia haec adfectata plerumque, vel adcersita dignoscitur. Neque enim adfectuum impetu abreptus facile delinquit, nisi qui eis nimium indulget. Jure autem ac merito vertitur vitio, et animo non moderari, et non fuisse parentem, nutritorumque adfectuum otium. Egrege AUCTOR *Rhetoricorum ad HERENNIIUM*: *Qui se, inquit, propter vinum, iracundiam, amorem rationem fugisse dicet, is animi vitio videbitur nescisse, non imprudentia. Quare non imprudentia se defendet, sed culpa contaminabitur.* (b)

(b) Lib. 1. c. 4.

2. Et quoniam generatim adfectuum meminimus, occa-

occasionem teneamus, Nobisque fas sit breviter heic vehementiores percurrere, et quibus solent homines, tamquam ventis aequora, frequentius agitari, atque in crimina rapi. Nam praeter quam quod non est injucundum delineatos conspiciere adfectus, quibus agitare; certe eorum naturam, vimque cognoscere Jurisconsulto Criminali vel in primis utile, ac necessarium. Sunt quidem, nec hercle pauci numero, vilis improbique animi homines, qui nequitia, et frigidi delinquent: at etiam exculti humanitate viri frugi, atque honesti interdum adfectuum impetu abrepti in transversum aguntur; (2) estque Delinquentibus familiaris excusatio se se adfectuum impetu deliquisse, ut Judices ad misericordiam alliciant, legitimasque poenas evadant.

(1) ARISTOTEL. NIC. III. c. 1. Ἀλλὰ δὴν ἀνεπίθετον ἔστιν. οὐδὲ γὰρ οὐκ ἔστιν ἡ ἀντιθέσις καὶ λαμβάνει ἀπὸ τοῦ ἐν τῇ ἰσχυρίᾳ. καὶ οὐκ ἔστιν ἡ ἀντιθέσις ἀπὸ τοῦ ἐν τῇ ἰσχυρίᾳ, ὅτι οὐκ ἔστιν ἡ ἀντιθέσις.

(2) Nil magis experientia probat, et ut res exemplo illustretur; nequam, et inbonestum hominem quis non fatetur CARACALLAM, qui GETAM fratrem non tulit in Imperio locum,

eumque in Matris sinu interfecit: nemo tamen bonum, strenuumque civem non agnoscit HORATIUM, etsi ira percitus sororem transfoderit hostem interemptum lugentem. Optime SINDAMUS. Ode 7. Αἱ δὲ πρὸς τυχῆν ἀντιθέσεις καὶ οὐκ ἔστιν: Ἀνίμι vero perturbationes in errorem impellunt etiam Sapientem.

VIII.

Jam vero inter adfectus, quibus commoventur Mortales, nullus fortasse saepius suscitatur, estque IRA vehementior, quam insani leonis vi comparare non dubitat FLAC-
CUS. (a) Si quid sit Ira quaeratur, ea nil aliud esse videtur, quam perturbatio, inquietudo animi nata ex sensu acceptae injuriae, in ultionem continuo tendens. Et tam inordinatas in temperamentis sanguineis praesertim, et cholericis, tamque violentas humorum, spirituumque motiones concitat; ut in tanta perturbatione nihil prius

A. Ira.

(a) Lib. 1. od. 16.

82 ELEMENTA JURIS CRIMINALIS.

animo obverfetur, quam defiderium ultionis, ad quam parandam, et exequendam voluntas veluti abripitur - Sane de Ira proprie pronunciari poteft illud ARISTOTELIS
 μὴ χρεῖσθαι λόγιον τὸ πάθος non uti ratione motum animi.
 Hinc irae

*Qui coeco stimulaturn igne
 Nec regi curat, patiturque fraenos,
 Haud timet mortem, ruitque in ipfos
 Obvius enses. (b)*

(b) Senec. in
 Medea v. 590. et
 seq.

2. At quaecumque vis sit, atque impetus Irae, nulli sunt, ut SENECA scribit (c) tam feri, ac sui juris adfectus, ut non disciplina perdomentur. Immo, quia Ira concitatis-
 simus est omnium adfectuum; plures Natura suppeditavit eam temperandi, et comprimendi modos, quos nisi homines supine negligant, vehementiam remittet, efferves-
 cet, extinguetur. Occasionem namque irascendi vitan-
 dam non tantum ratio suadet, sed et irruumpenti Irae, ac furenti remedia ministrat, I. Nos monendo, ut parum-
 per sistamus, et quietem quaerendo corpori, sinamus spi-
 ritus, humoresque, qui celeriori motu feruntur, ad pri-
 stinam redire harmoniam: II. Ne injurias renuncianti fidem statim adhibeamus, et ea exequi properemus, quae sug-
 gerit Ira: Da spatium, tenuemque moram: (d) III. Ut nos-
 metipsos veluti metuamus, nec nobis penitus permitta-
 mus: IV. Ut cogitationem avertamus ab injuriis, animum-
 que aliis ideis distrahamus, atque oblectemus. Denique
 haec locum habent seria de continendis adfectibus moni-
 ta, atque praecepta. Tunc considerari debemus, irasci
 haud unquam utile, aut necessarium. Res enim famam,
 et quae alia nobis obvenerunt damna, tutius, meliusque
 reparari per nos posse tranquillo, sedatoque animo; plura con-

(c) Epist. 116.
 (d) Stat. The-
 baid. lib. x.

contra ex ea luctuosa, ac poenitenda deinde nasci. *Irae...
altis Urbibus stetero caussae, cur perirent funditus.* Et ad
ea animadvertentes, quae Ratio nobis in animo in-
sonat,

Qui non moderabitur Irae

Infectum volet esse dolor quod suaserit, et mens

Dum poenas odio per vim festinat inulto.

Ira furor brevis est: animum rege, qui nisi paret,

Imperat, hunc fraenis, hunc tu compeste catena. (c)

(c) Horat. lib.
1. epist. 2.

3. Quamquam vero, ut plurimum in potestate no-
stra non sit irasci, tamen nascentem debemus opprimere
Iram, natam temperare. Nam ideo rationis munere homi-
nes auxit Natura, ut ejus imperio adfectus regerent, ac
moderarentur. Si excusso fraeno equis rapiatur auriga, ea
in re plerumque ipsius culpa arguitur, qui fumantia equum
colla non repressit. Ita homines, si cum deberent rationi
auscultare, iramque compefcere, maluerunt ei obsequi,
quam remedia adhibere, quibus Irae impetus refrænatur;
caussa eorum, quae forte admissa sunt, ipsi fuerunt: unde
dolo videntur egisse, et quae ira victi gessere, eisdem jure,
ac merito adscribuntur.

(1) Hominem ira percitum, atque
inflammatum veluti pingit SENECA
de ira lib. 1. cap. 1. *Flagrant, et micant
oculi, multus ore toto rubor exas-
suante ab imis praecordii sanguine. Labia
quatiuntur, dentes comprimuntur; bor-
rent ac subriguntur capilli; spiritus
coactus ac stridens, articularum seipso
torquentium sonus, gemitus mugitusque,
et parum exploratis vocibus sermo prae-
ruptus, et complosae saepius manus, et
pulsata humus pedibus, et totum con-
iectum corpus, magnaque minas agens.
Foeda visu et horrenda facies deprava-
ntium se, atque intumescantium. Ne-*

*scias utrum magis detestabile vitium
sit, an deformis.*

(2) Sunt qui iram duce ARISTO-
TELE, dummodo modica sit, et ra-
tione gubernetur, laudent tamquam
propugnaculum, atque arma vir-
tutis.

Slegno Guerrier della Ragion seroce.
Sed perbellis opinionem hujusmodi
ridet MONTAIGNE *Ess. de Moral.* sin-
gularem hanc armorum cum ira com-
parationem miratus: *Nous remuons,
scribit, les autres armes, et celle ci nous
remue; notre main ne la guide pas, c'est
elle, qui guide notre main.*

IX.

B. Amor.

1. Nec Ira minus frequens, aut violens est AMOR, affectus homini cognatus, qui his in rebus ei par, cetera tamen vel maxime differt; sed praecipue quod Ira rapimur ad delendos, Amore incitamur ad procreandos homines. Debilis, levisque initio oritur, sed vires acquirit eundo, et paullatim sic vertitur in naturam, ut non male Philosophi amorem id esse dicant in animo, quod animus ipse in corpore est hominis. Nam in eo quod amatur, cor alte defigit Amantis. Torquet deinde crudelis,

et intimas faecus vorat

Penitus medullas, atque per venas meat,

Ut agilis altas flamma percurrit trabes. (a)

(a) Senec. Hyp.
pal. v. 637. et seq.

Postremo, ut Graeci ajunt φρινας αμικαλυπτεi mentem unde quaque cooperit. Jam nil sperat, nil vult, nil cupit Amator, nisi quod misere deperit objectum. Ut eo potiatur, nulla magni habet pericula, omnia audet: quod non male Antiquorum Sophi in MEDEAE fabula demonstrarunt. Sed quid plura loquor? Quis enim tam immitis ingenii, aut melanchonici temperamenti, qui jucundam vim, trucem saevitiam, suavem insaniam quandoque non expertus Amoris? Pauci, quos aequus amavit Juppiter.

2. Ceterum, si vicerit pudorem libido, timorem audacia, et per amorem aliquid sit admissum, causa rei in Amantibus quaerenda est, qui principiis non oblitere. Quod agnovit *Amator Comicus*, (b) qui apposite Juvenem aedibus novis, ignaviam tempestati, amorem imbri comparat. Quemadmodum, inquit, Inquilinus nequam, indiligens, inunundus, cum tempestas venit, lavit parietes,

(b) In. Mostell.
act. 2. sc. 4.

tes, perpluunt tigna, putrefacit aer operam Fabri; ita cum Juvenis immigrat in ingenium suum, venit ignavia; ea tempestas est, ea verecundiam ei deturbat, et virtutis modum, quem si obtegere nequeat pro imbre amor advenit; is usque in pectus permanat, corque permadefacit; ut res, fides, fama, decusque simul deferant, atque suoapte ingenio amator nequior fiat. Igitur merito subiicitur dolo impetus amoris, et hominibus jure imputatur quidquid eo impellente peccaverint. Facile namque poterant nascentem comprimere amorem: et vero extinxissent, ut poterant, et debebant, si mens non laeva fuisset, si gustu dare dulce Amorem considerassent, fel usque ad satietatem oggerere, si denique animadvertissent levibus curis magna bona perire, eaque cum utilioribus, saevioribusque commutassent. Nam

Otia si tollas, periire Cupidinis arcus,

Contemptaeque jacent, et sine luce faces. (c)

(c) Ovid. de re med. amor.

(1) Rem quoque exornat elegans
TASSI Dialogismus in *Amynta* att. 2.
sc. 3.

Dafne. Sarà forza l'amar se non ha voglia.

Tirsi. Ma non si può sforzar chi stà lontano

Daf. Ma chi lunge è d'Amor?

Tirsi. Chi teme, e fugge.

Daf. E che giova fuggir da lui ch'ha l'ali?

Tirsi. Amor nascente ha corte l'ali, appena

Può sù tenerlo, e non lo spiega a volo.

(2) Ita MEXIA a VIRGILIO non excusatur, quod JASONIS amore captus tot patrarit facinora. *Ecl. VIII.*

Suavis amor docuit natorum sanguine matrem

Commaculare manus; crudelis tu quoque mater.

Crudelis mater magis, an puer improbus ille?

Improbis ille puer, crudelis tu quoque mater.

X.

Amoris importuna comes solet esse ZELOTYPHA, suspiciosa animi dispositio umbris dare corpus idonea, et omnia sua veneno gaudia inficere Amantium. Gelida, tristis.

C. Zelotypia.

stisque cura, in extrema desperationis, atque furoris adigere potens quicumque inconsulti facilem ei animum praestant. (1) Testis RADAMISTUS, qui prae suspitione, ne ZENOBIA uxor praegnans, et fugae impar, quam perdit deperibat, in hostium potestatem veniret, tametsi vehementer amaret; transfodit, et in Araxem provolutavit. (a) Quondam Zelotypia Asianorum dumtaxat hominum mentes incredibili vi percellerat. Sed postea nostrarum quoque regionum homines pervasit; estque nunc etiam illis infesta, quibus nullo finita limite Philautia dominatur, qui nondum didicerunt suo pondere res aestimare, quorum denique mens praedicata non est exuta opinionibus, quae fuerat recens imbuta. (b)

(a) Tacit. lib.
12. Annul.

(b) V. Montesq.
Espr. des Loix
Liv. xvi. chap.
14.

2. Quaecumque autem Zelotypiae sint vires, quicumque impetus; eam tamen avertere, atque etiam restringere prudenti non impossibile, vel malefano, ac impotenti amori, unde plerumque ortum habet, sedulam curam adhibendo, vel animadvertendo Zelotypiam, mala, quae in tantum timet, accelerare. Immo fere omnia Irae remedia et ad Zelotypiae effectus impediendos comparata sunt: quae, si qui ejus morbo laborant, adhibere neglexerint, hujusmodi ipsorum desidia, atque oscitantia in sedanda tam periculosa animi perturbatione vitio eisdem tribuetur, et dolo egisse putabuntur, si quid criminofum impetu Zelotypiae commiserint.

(1) Nemo melius Zelotypiam pinxit, quam JOHANNES CASA carmine thufco his verbis.

*Cura, che di timor ti nudri, e
cresci,*

*E più temendo maggior forza ac-
quisti,
E mentre colla fiamma il gelo mesti,
Tutto 'l regno d'Amor turbi, e con-
tristi.*

XI.

1. Denique et EBRIETAS, mentem sua fede quodammodo pellit, et eundem, quem Adfectus, impetum in hominibus gignit. Vinum, quo solent quandoque homines solvere curas, aliaeque species factitiarum potionum ebrietatem inducunt, quam praeterea ex fumis lignorum, herbarum, nec non ex opio sibi quaerunt, qui orientalem incolunt Orbis plagam. Lyei autem vis sic sanguinem agitat, spiritusque velociter in cerebrum impellit, ut non amplius ideis sua consistat firmitas, sed continuo fluitantes mutantur: tum etiam indecori motus corpore fuscitantur, et animus ad arrogantiam, libidinem, (1) loquacitatem vel maxime fit proclivis.

2. Quamquam ebrii nec compotes sui, neque eorum plerumque sint conscii, quae agunt; attamen si non fortuito, ac praeter expectationem, ut puta, quoties, suas, vinique vires ignorarent, in ebrietatem, inciderint, quae ejus impetu forte patnaverint, ipsis aequo jure adscribuntur. (a) Nam rei principium in eis fuit, qui ut debebant, et poterant, sibi non caverunt a vino. Quod si quis se excusatum a delinquendo contenderet propter meri vim, et vehementem, et inexcogitatum, ei cum Poeta ponerem: (b)

Non places: in mutum culpam confers, quod nequit loqui.

Nam vinum, si fabulari posset, se defenderet:

Non vinum hominibus moderari, sed vino homines solent

Qui quidem probi sunt: verum qui improbus est, sive subibit,

Sive adeo caret temet, tamen ab ingenio est improbus.

D. Ebrietas.

(a) V. *Matth.*
Proleg. de crimin. c. 2. n. 13.

(b) *Plant.* in Trucul.

Po.

(1) *Potae*: canit PROPERTIUS *El'g.* lib. IV. fortasse expertus: non satis unius erit.

(2) Effectus ebrietatis elegantissime HORATIUS exponit lib. I. Od. 18.

At ne quis modici transibat munera Liberi

Centauræ monet cum Lapideis rixa super mero

Debellata: monet Sathonii non levis Enius:

Szum fas, atque nefas exiguo sine libidinum

Discernunt auidi. Non ego te, canide Bassareu

Inuicium quatiam

. . . sacra sene cum Berecynthio Cornu tympana, quæ subsequitur coecus amor sui,

Et tollens vacuum plus nimio gloria verticem,

Arcanisque fides prodiga, perucidior vitro.

(3) ARISTOTELES *Nicomach.* III. 7.

Legis cujusdam meminit latae a Pittaco prudentissimo Mithylinensium Legislatore, unoque ex VII Graeciae Sapientibus, qua poena duplex in eos constituta erat, qui ebrii delinquerent; ut ita et propter crimen impetu ebrietatis committum, et propter ebrietatem mulciarentur. Statim vero subiicit: In ebriis duplex poena constituta est: in ipsi enim principium est; nam situm in ipsis erat ne ebrii fierent. Ebrietas enim causa infestitiae est.

XII.

Leuius adfectuum impetu, quam nequitia delinquitur.

Sed quamquam impetus adfectuum ad dolum pertineat, dolique sit species [§. VII.]; leuius tamen est impetu, quam nequitia delinquere. Qui enim nequitia peccant, ii considerate, et plena voluntate eligunt peccare [§. VI.]. At eorum actiones, qui impetu adfectuum rapiuntur ad delinquendum, proprie non sunt voluntariae, etsi voluntariis proxime accedant [§. VII.]. Egregie TULLIUS *In omni*, inquit, *injustitia permultum interest utrum perturbatione aliqua animi, quæ plerumque brevis est, et ad tempus; an consulto, et cogitato fiat injuria. Leuiora enim sunt ea, quæ repentino aliquo motu accidunt, quam ea, quæ praeeparata, et meditata inferuntur.* (a) Quis non magis matricidium imputandum putet NERONI, quem nullus vehementior, tritiorque adfectus ad tantum scelus impulit, sed sola nequitia, animique vecordia, quam ORESTAE, qui causam dicens cur CLYTAEMNESTRAM occiderit *ὦν μὲν γὰρ*, inquit, *ἡ προῦστα λαχὼ ἐμὴ πατὴρ, τὴν περ.* (b) Nunc enim, quæ prodidit lectum mei patris est interfecisti. Itaque licet, qui

(a) Lib. I. de offic. cap. 8.

(b) *Enripid.* Orest. v. 937.

qui impetu deliquerunt, debeant existimari contraxisse delicta, ex quo impetus dolo subiiciatur; nihilominus ratio est habenda infirmitatis humanae, et eorum, qui impetu deliquerunt, solent aequi, et humani Iudices plerumque misereri, et poenas adversus ipsos lenire, ut suo loco trademus.

(1) PHILLO Judaeus *special. Leg. 1.* esse faciunt, ubi non antecessit longae
pag. 791. edit. Parisiensis; Dimidiatum animi deliberatio.



CAPUT VI.

DE CULPA.

- I. *Culpa acceptio, et definitio.* V. *Quid Casus:*
 II. *Quot culpa gradus.* VI. *Nequit absolute homini-*
 III. *Culpa differt a dolo.* *bis imputari:*
 IV. *Ea non vere, sed quasi* VII. *Quando sit imputabilis.*
contrahuntur Delicta.

I.

Culpa acceptio, et definitio.

(a) *Cic. 1. Offic. ad Attic. lib. 15.*

SI Culpa, de qua jam dicere aggredimur, generatim et proprio sensu sumatur, ea significat *airia*, peccatum. Hinc frequentes apud Latinos Scriptores formulae *in culpa esse, culpa teneri*, (a) nempe peccato. Sed Jurisconsultis alia peculiaris erat culpa significatio, qua culpam pro negligentia accipiebant. Quo sensu Nos etiam heic culpam sumimus, atque consideramus.

(b) *V. Vin. Com. ad Instit. lib. 3. tit. 15. §. 2. n. 7.*

2. Solet autem culpa a plerisque Juris Romani Interpretibus definiri *factum inconsultum*, quo alter injuria laeditur: (b) quae definitio Nobis nec satis ampla, neque satis concinna videtur. Primum enim culpa hac definitione cohibetur ad inconsulta solum facta; quibus alii injuria laeduntur. At debent sub culpa generatim venire non solum facta inconsulta, unde laesio derivatur in alios; sed etiam illa, quae Respublica directum adicitur [Cap. III. §. II.]. Deinde factum inconsultum, quod in ea definitione effertur pro culpa, culpa effectus est, non ipsamet culpa. Rem proprius attigere illi Interpretes, qui absolute

lute culpam definierunt praetermissionem diligentiae. (c) Nam culpa proprie in negligentia consistit, seu diligentiae defectu. Attamen aliquid amplius desideratur in altera hac definitione, ut quid culpa sit penitus possit intelligi. Si itaque attendamus, constat profecto negligere, sive debitam in agendo non adhibere diligentiam rem esse, quae a voluntate profisciscitur. Quippe voluntatis est satagere, ut intellectus quid sit agendum attendat, et quomodo agendum. Culpam igitur fufius aliquanto, sed, ut arbitror, clarius, et rectius poteris definire voluntariam diligentiae praetermissionem, seu negligentiam ab oscitanti profectam voluntate, unde sequuntur delicta, et alii injuria laeduntur [Cap.III. §.VIII.].

(c) V. *Cicero*.
Inst. Crim. lib. 4.
§. 1. cap. 74. n. 92.

(1) Culpa etiam dicebatur nota censoria, quam appingebant Critici Libris, quos damnabant. V. *Scalig.*
in not. ad *Varro*. R. R. lib. 1. cap. 59.

(2) *Hottomani* Interpretis eruditi quidem, sed liberioris ingenii subti-

lior, quam oportet, est Philosophia, qui negligentiam a culpa distinguit, ut antecedens a consequente. V. *Hottom.* in L. si servum 91. Dig. de V. O. §. praeterca Inst. ad L. Aquil.

I I.

1. Quoniam vero culpa in negligentia consistit, seu quod idem est in voluntaria diligentiae praetermissione [§. I.], tot erunt e contrario ejus gradus, quot gradus sunt diligentiae. Tres autem gradus diligentiae, veluti ejus species, possunt opportune distingui. Est enim diligentia minima, seu infima, est media μέση ἐπιμέλεια, est demum maxima, quam Graeci μεγάλην, item ἀκραν, et ἀπερίστειαν appellant. (a) Ac diligentia quidem maxima est, quam homines prudentissimi, et solertissimi iis in rebus, quae sua interfunt, solent adhibere; media, quae communis, qualem habent homines frugi, et satis prudentes; minima demum, quae communissima, cujusmodi est ho-

Quot culpa
gradus.

(a) V. *Scholias*.
Harmonop. lib.
6. tit. 2.

M 2

minima

(b) V. Clar.
Gentensf. lib. 1.
cap. 4. §. 17. de
Jur. et Oñic.

minum alioquin imprudentium. (b) Ut igitur in maximam, mediam, et infimam distinguitur diligentia; ita in tot similiter gradus distinguenda culpa, seu negligentia. (1) Romani Jurisconsultri culpa divisionem in maximam, mediam, et infimam re quidem amplexati sunt; sed ex usu Stoicae Philosophiae, cui litabant, singulos hosce culpa gradus aliis extulerunt nominibus. Quippe latam dixerunt culpam, quae maxima, leviem, quae media, infimam deinum culpam adpellarunt levissimam. Verum dum re consentias, parum refert, quibus utare vocabulis. Itaque illis morem gerentes, consuetudine receptam nomenclaturam Nos etiam haud aegre adhibebimus.

2. Levissima igitur est culpa maximam negligere diligentiam, quae vix ulli hominum delicto tribui potest: nam prudentissimi rari sunt, et constat vel prudentissimos interdum dormire, ut bonus quandoque dormitavit Homerus. Hujus culpa exempli gratia redarguitur Paterfamilias, qui ignem diligentissime non custodit. Nocte intempesta non adeo caute compressus excitatur ignis, larem exurit, serpit foris, jam proximae ardent aedes, fit magnum incendium.

3. Communem vero prudentium hominum diligentiam, curamque praetermittere levis est culpa, cum scilicet non providetur, quod solet navus quilibet, et frugi providere, aut non ea adhibetur peritia, quam adhibent, qui ejusdem sunt professionis. Talis est culpa Domini, qui incuria fervorum orto incendio neglexit eam adhibere diligentiam, quam quilibet adhibuisset adtentus homo, ut flammae extinguerentur. Talis quoque est Medici culpa, (c) qui ideo agrotum occiderit, quia ma-

(c) Hist. lib. 4.
tit. 4. §. 7.

lc

le cum secuerit, aut perperam ei medicamentum dederit. (2)

4. Lata denique culpa est communissimam non adhibere diligentiam, quam humana Natura desiderat, solentque etiam discincti praestare Nepotes. Putatoris culpa lata est, si non proclamans ramum ab arbore evulsam in viam publicam deiicit, cujus ictu viator opprimitur. (3)

(1) BARTOLUS in *L. Quod Nerva Dig. Depist.* quinque tractat culpa species latissimam, latiore, latam, levem, et levissimam. Contra ZASIVS *lib. 1. Respons. singular.* cap. 2. duas solum distinguit culpa species latam, et levem. Sed nil subest causae cur ille species ampliet culpa, hic vero restringat. Profecto commode Romani Jurisconsulti culpam in tres gradus dividunt, cum hic facilius quam si plures, aut pauciores admitterentur, momentum illud significari possit, quo unusquisque gradus incipit, et finitur. Ponitur enim una media, a qua altera defectu, altera excessu

ejus distat, et si utraque ei appropinquet. V. MARCOV. *not. ad Furrand. J. N.*, et G. *lib. 1. cap. vii. §. 16. litt. a.*

(2) Sed culpa Medici nunc raro vel nunquam in Judicium vocatur. Eventus mortalitatis imputari quidem Medico non debet. Sed cur, ut PLINIVS quaerebatur, soli Medico, si imperitia erraverit, impune erit occidere homines?

(3) Hinc arborem putantes, aut tale quid facientes apud Athenienses olim proclamare solitos ΤΑΑΒΑΙ, apud Romanos CAVE offendit THEODOR. MARCIL. *ad §. 5. Instit. de Leg. Aquil.*

I I I.

Posterioribus ambae species culpa superius expositae [§. II.] jure crimini imputantur, vixque differunt a dolo malo, ut praeclare ait Jurisconsultus ULPIANUS. (a) Sed differunt tamen; adeo ut nulla sit culpa tam gravis, et lata, quae valeat dolo comparari. Quippe inest in dolo improbum delinquendi propositum, culpa autem est ex segnitie, vel ex simplicitate, quae comitem semper habet imprudentiam. Itaque quamvis non solum consilio subiecerimus dolum, sed etiam culpam [Cap. III. §. VIII.]; tamen qui dolo agit, ex proposito init delinquendi consilium [Cap. V. §. III.] qui vero culpa incidit in delictum, in eo *negative* dumtaxat consilium adest delinquendi. Culpa quidem, ut dolo

Culpa differt a dolo.

(a) *Dig. lib. 48. tit. 8. Leg. 7.*

dolus provenit generatim a voluntate: nam qui culpa irretitur in se habet agendi principium, Sed quoniam culpa (utimur verbis CL. HUGONIS GROTHII) actio neque mere scientis est, et volentis, qualis est, qui dolo agit, neque mere ignorantis, atque inviti: (b) proinde „dolus sceleris tri-
„ buitur, culpa vero imprudentiae „ (c)

(b) De J. B. et
P. lib. 11. cap. 11.
§ 4. n. 1.

(c) *Denat.* in
Hecyr. Terent.

(1) ARISTOTELES *Moral.* lib. V. c. 10, „ sed non improbo animo, culpa erit
„ Si ita praeter id, quod expectari „ aliqua: nam culpa affinis est, qui
„ potuit damnum detur, erit infor- „ in se habet delinquendi principium,
„ tunium. At si ita ut expectari, ac „ qui vero extra infelix.
„ praevideri aliquo modo potuerit,

I V.

Ea non vere,
sed quasi contra-
hantur Delicta.

(a) *Lib. de art.*
Orat.

1. Itaque dolo proprie, et vere contrahuntur delicta [Cap. V. §. III.], culpa autem quodammodo, et quasi. Aequitas enim imperat, ut rursus nos docet Philosophus Stagyrta, (a) ne pari loco habeamus injurias, et culpas; siquidem illas ex proposito improbi inferunt homines, his qui irretiuntur *negative* solum censeantur consilium iniisse delinquendi, nec ex malitia, sed ex imprudentia peccasse [§. III.]. Quare quae culpa sunt contracta delicta non veri, dolo nempe patrati criminis poena vindicantur; (1) sed vel nihil, vel lenissime, mitiusque coercentur. (2)

(b) V. *Ant.*
Matth. ad lib. 48.
Dig. tit. 18. c. 4.
n. 11.

(c) *Hercul. Fur.*
v. 1238.

2. Sed utrum pecuniaria solum poena, an etiam corpus affligens possit decerni pro delictis culpa contractis, acriter inter se dissentiunt rerum criminalium Scriptores. (b) Ego vero arbitror in eos, qui lata culpa deliquerunt levem poenam, quae corpus affligat, posse dictari. Nam parum abest, quin dolo videatur deliquisse is, qui lata culpa delictum patravit: unde *saepe*, ut cecinit SENECA, (c) *error ingens sceleris obtinuit locum*. Commenta-
rien-

rienſis incuria cuſtodiam evaſit reus, Judex per ſumnam juris imperitiam innocentem condemnavit: Quis amabo non intelligit utroſque tam gravi culpa crimen contraxiſſe, ut metuat aliqua corporis caſtigacione eorum punire maximam negligentiam, atque imperitiam. (d) Atque his exemplis, quae ex Romanis Legibus hauſimus in apriculum profertur error illorum Interpretum, qui minime, ut par erat, latam culpam ab aliis levioribus ejuſdem ſpeciebus diſtinguentes, generatim tradiderunt Jure Civili ob culpam corporis poenam haud quaquam infligi. (e)

(d) *Gomeſ. 3. reſol. 3. n. 16.*

(e) *Ferrar. in prax. titul. 52. Gloſ. 7.*

(1) *SERRA de Ira l. 16. Delictum in duobus non eodem modo (Sapiens) afficiet, ſi alter per negligentiam admittiſſi; alter curavit, ut nocens eſſet.*

(2) Culpa in primis recensetur inter legitimas cauſas leniendi, et in-

dulgendi criminum poenas, ut ſequenti Libro docebimus.

(3) *Lege Divina* is capite punitur, (quae ſumma poena eſt) cujus culpa homo periit, quod bovem corumpetam, per quem periit, ſciens aluiſſet. *Exod. 22. 29.*

V.

Quod ſi nec dolo, neque culpa fuerint commiſſa delicta; tunc ea Caſu patrata dicuntur. Eſt autem caſus, ut dixit *FESTUS*, (a) quod fortuito hominibus accidit. Propterea caſum definimus, quem nullum poteſt praevidere humanum conſilium, aut cui praeviſo reſiſti non poteſt. Caſus tamen, ſi placeat de eo aliquantisper philoſophari, valet duplici ſub adſpectu intueri. Nam caſus alter producit a rebus phyſicis, ex viribus, quae ipſis inhaerent ſecundum ordinem, connexionemque cauſarum naturalium: Alter vero eſt caſus ipſe quoque a rebus phyſicis productus, ſed quae hominum imperio ſubſunt, et quas poſſunt homines ſua induſtria dirigere, atque adtemperare. Stultum prorsus foret quaerere, an queat caſus priori ſub adſpectu conſideratus referri ad culpam, de qua haecenus diſſe-

Quid Caſus.

(a) *Lib. 1.*

differuimus. Quis potest ventis, marique praesse, aut viri frigoris, aestusque temporum, aut vices dirigere tempestatum, impetumque fraenare ignis, et fulminum, aliarumque similium calamitatum promanantium a causis naturalibus, coelitusque immissarum, quas Latini *vim divinam* dixerunt, Graeci *θεῶν βίαιαι*? Quod si quis sciscitetur, an culpa quodammodo accedat casus sub altero aspectu consideratus, inquit, secundum generalem, quam initio tradidimus casus definitionem, censendum tantum a culpa casum abesse, quantum ab eo praeviendo longe homines absunt. Hujus generis sunt naufragia, inundationes aquarum, aedium ruinae, mortes animalium, impetus latronum, pyratarum, hostium insidiae, sed itiones, tumultus, qui *casus majores* a Jurisconsultis Romanis vocantur, et damna fatalia. (b)

(a) Dig. lib. 50.
tit. 17. Leg. 23.

(1) Casus frequenter accipitur etiam pro calamitate, infortunio. Cai non notum VIRGILII illud *Aeneid.* II.

Quod si tantus amor casus cognoscere nobiscum.

VI.

Nequit absolute hominibus imputari.

Quaecumque autem casu evenere delicta, ea nequeunt hominibus imputari, sed adscribuntur fortunae, ut inquit *Poeta*, in homines peccanti. Absent enim ab agente delinquendi consilium, quod praecipue in omnibus est spectandum actionibus [Cap. III. §. VIII.]; nec ex proposito is, aut voluntaria negligentia incidit in calamitatem, sed fortuito, ac praeter expectationem [§. V.]. (1) Unde monet TULLIUS (a) *culpam nullam esse, cum id quod ab homine praestari non potuit, evenit*. ANICETUS libertus apud TACITUM (b) in pessima causa non male agebat: *Quem adeo iniquum (fore),*

(a) Tuscul. III.
16.

(b) Annal. XIV.
3.

ut,

ut sceleris assignet, quod venti, et fluctus deliquerunt? Et erat inter Graecos vetus, et celebre Oraculum

Ἐκτείνους τοῦ ἱταῖρου αἰμύων. ἢ σ' ἰμίων

Δίμα. πῖλεις δὲ χίρας καθαρώτερος ἢ παρὸς ἡ-θα:

Carum occidisti, dum vis succurrere, nullum

Crimen habes; manus est tibi purior, ac fuit ante.

Quare delicta casu commissa, existimantur, quasi non evenissent, eorumque infelices quidem, sed tamen innocentes auctores ab omni poenarum metu liberantur. (2)

Quandoquidem verissime scripsit PLATO (c) nullis infortunatos poenis esse afficiendos, quod fortunae nullus impetare possit Legumlator; sed malos solum, ignavosque debere semper puniri, ut meliores demum, fortesque evadant. (3)

(c) Lib. XIII. de LL.

(1) Duo illa fortunam, et injuriam MENANDER optime distinxit.

Ἀτύχημα, καὶ αἰνῶναι διαφοράς ἔχον
Τὸ γὰρ διὰ τύχην γίνεται τὸ δ' αἰ-
νῶναι

Injuria illud distat infortunio,

Hoc casus, illam quod voluntas efficit.

(2) NICOLAUS SYRACUSANUS in orat. pro capiteis apud Diador. lib. XIII. Εἰ τὰς εἰς ἐπιβολὴς αἰνέσαντες δικαιοὶ ἔσσι τιμω-
ρῆσαι, τὰς ἀκαίως ἀμαρτάνοντας κερταῖον
αἰ ὅν εὐργυνῶναι αἰτῶν. Sicut pat est eos
punire, qui data opera injuriam in-
ferunt, ita aequum est ignosci iis, qui
praeter voluntatem suam peccant.

(3) Caedes tamen, quamquam fortuito casu admissa, haud prorsus olim videtur abisse impunitam. SAMUEL PATIT. ad Jus Aetium lib. 9. tit. 1.

hanc ex PLATONE, et PAUSANIA legem excerptit: Quis alium casu fortuito necasset extra fines Patriae annum exul esto. De Romanis V. QUINTIL. lib. 7. Instit. cap. 4. Sed poenae hujusmodi non propter delictum irrogabantur, sed praescriptae potius videntur, ut homines ad animadvertendum in agendo excitarentur. Etiam antiquis sacris Canonibus, quos collegit doctissimus ANTONIUS AUGUSTINUS Epis. lib. 35. tit. 6. habentur in fortuitum homicidium impositae poenitentiae, quae exempli causa injungebantur, ut scilicet, qui suo facto, licet involuntario, alios movit ad peccandum, poenitentiae, et emendationis testimonio eos revocaret ad bonam frugem. V. GONZALEZ in Cap. 1. De homicidio. n. 13.

VII.

Sed saepe, qui evenit casus vel fuit culpae conjunctus, vel culpa ei causam praebuit. Athleta in stadio forte colluctatorem occidit. Casus hic cum culpa est conjunctus.

Quando sit imputabilis.

(a) *Dig. lib. 7.
tit. 2. Leg. 4.*

ctus. (a) Non enim id agere debebat, ut interficeret, sed ut vivum humi prosterneret, vinceretque. Sua culpa autem casui praebebat causam quisquis operam dat illicitis rebus, vel licitis, sed nec tempore, neque in loco opportuno. Vicini armentum in campo fugasti: Pecudes metu actae limites campi egrediuntur, incidunt in foveam, pereunt. Huic casui tua culpa praebebat causam; qui operam navasti illicitae rei. Miles alieno tempore puta vigiliarum, aut alio in loco, quam qui ad exercitandum datus est, dum jaculis ludit, praetereuntem trajecit. (b) Ei, qui evenit casui Militis culpa praebebat occasionem, qui licitae alioquin rei dedit operam alieno tempore, et inopportuno loco. Jam vero quoties casus fuit cum culpa conjunctus, vel culpa ei causam praebebat; toties non tam fortunae tribui debet, quam illi adscribendus, qui satis, ut par erat, non cavit, aut in illicita re, quod nefas, aut in licita, sed inopportune, versatus est. Itaque criminis, quod sequutum est, haud penitus expertem habebimus, sed illud quodammodo culpa contraxisse jure existimabimus. Atque his in circumstantiis verum est, quod tradit Jurisconsultus MARCIANUS casu etiam delinqui. (c)

(b) *Instit. lib.
IV. tit. 3. §. 4.*

(c) *Dig. lib. 48.
tit. 19. Leg. 11.*



CA.

CAPUT VII.

DOLI, CULPAEVE INCAPACES, INCAPACES DELINQUENDI.

I. <i>Diviso.</i>	VI. <i>Amentes, Furiosi.</i>
II. <i>Infantes.</i>	VII. <i>Prodigi.</i>
III. <i>Impuberes.</i>	VIII. <i>Senes.</i>
IV. <i>Minores.</i>	IX. <i>Dormientes.</i>
V. <i>Surdi, et Muti.</i>	X. <i>De brutis Animantibus.</i>

I.

Quoniam ergo sine dolo, et culpa, de quibus hucusque differuimus [Cap.V., et VI.], nequeunt delicta patrari; necessario inde sequitur, eos omnes delicta admittere posse, qui sunt utriusque capaces, et utroque ad delinquendum accessere. Quod de Universitatibus etiam, Collegiis, Corporibus quibuscumque statuendum venit. (a) Quum enim haec moralem constituent personam, dolo culpave membrorum, quibus coalescunt, existimantur delinquere. (1) Contra vero primum est intelligere I. qui doli culpave natura sua sunt expertes, et II. qui utriusque quidem capaces, sed utroque tamen caruere dum deliquerunt; (2) eos omnes delicta nequaquam contrahere. De his altero Capite acturi, de illis in praesenti sermonem instituamus.

Diviso.

(1) Quandoquidem qui in quamlibet coeunt Civilem Societatem idem volunt, idemque velle censendi sunt; ideo singularum Societatum concipi debet una voluntas, unusque intellectus. Hinc est, quod singulae Societates unam veluti personam constituunt, quae ad differentiam suppo-

storum physicorum moralis vocatur. V. HAINCC. J. N. et G. lib. 11. §. 20. Itaque eas perinde, ac singulos Cives obligant Leges, quas si violaverint, merito deliquisse censentur.

(2) Non ergo absolute veritati consentanea videtur pervulgata illa *Mimi* sententia v. 656. = *Quod vitiosum*

(a) V. *Reyger.*
in thes. voc. *Civitas* n. 4. *Br.*
foli. delibat. Jur.
ex L. 111. *Dig.*
quaeff. 26.

sum est, quo animo faciat, nihil interest — Adeo verum est scientiae progressui nil magis opponi, quam vulgi axiomata sine praevio examine recipere; et nihil infestius in Judiciis Criminalibus, quam principia pra-

etica sententis, adagisque suffulta. Exulcent tandem prae lucente Philosophia hujusmodi praecjudicia, et omnes, quibus obruimur, praeconceptae opiniones.

II.

Infantes.

Jam vero inter eos, qui natura sua dolo, culpaque vacant in primis occurrunt *Infantes*. Sunt porro Infantes quicumque nondum exceſſerunt septimum aetatis suae annum, sic dicti quod fari non possunt. (1) Quorum quidem imbecille corpus, organa nondum evoluta, usuque confirmata in causa esse constat, ut nequeant adhuc animi facultates exserere, quarum exercitium a corporis compage, et robore vel maxime pendet: (a) Unde brutorum instar natura sensitiva dumtaxat ducuntur, et instinctus ope vix confusas rerum ideas acquirere valent (Cap. II. §. III.): ex quo fit, ut rationis lumine eorum mentibus nondum affulgente, quae faciunt, quemadmodum scribit ARISTOTELES (b) nescientes faciant, (2) et malitia careant, consilii inopia penitus laborent. Adposite, sapienterque Poeta Philosophus cecinit: (c)

Nam veluti infirmo pueri, teneroque vagantur Corpore; sic animi sequitur sententia tenuis.

Itaque nec dolus in Infantes cadit, nec culpa; ac proinde, ut eleganter inquit Jurisconsultus MODESTINUS, consilii innocentia eos a delinquendo tuetur. (d)

(a) V. Senec. epist. 121.

(b) Magnor. Moral. 1. 34.

(c) Lib. 111. de rer. nat.

(d) Dig. lib. 48. tit. 8. Leg. 12.

(1) VARRO lib. 5. de L. L. — *Fatur* si, qui primum homo significabilem ore emittit vocem: ab eo, antequam ita faciant pueri dicuntur *Infantes*, cum id faciunt, jam fari.

(2) S. AUGUSTINUS relatus a GRATIANO in Can. aliquis 15. quæst. 1. „ Quomodo [Infans] reus constituitur, qui nescit, quid facit? „

III.

1. Qui pereundi pericula, quæ Infantia premitur debilis, atque fluxa, fauste evaserunt, sed nondum si Fœminæ duodecimum, si Mares decimumquartum ætatis suæ annum excefferunt, in pueritia versari dicuntur, et *Impuberes* appellantur. (a) Solent ut Infantes [§. II.], ita quoque Impuberes [peccandi alioqui capaces], generatim doli culpaevæ extorres censerī, et propterea delinquendi; idque in Romanis Legibus scriptum invenimus. (b) Quod tamen absolute, et indistincte verum non est; sed solum accipi debet de admodum impuberibus, qui proximiores sunt infantiae, vel qui difficile, tardeque adoleſcunt. Reliqui vero, qui non longe absunt a pubertate, vel qui citius adoleſcunt, doli sæpenumero capaces dignoscuntur. Nam augescente in pueritia corpore, evolutisque ejus organis, et corroboratis; ingenitam sibi incipiunt pueri exferere rationalem naturam [Cap. II. §. IV.], atque, ut homines decet, animi facultatibus uti. Opportune, sciteque sequitur LUCRETJUS: (c)

Inde, ubi robustis adolescit viribus ætas,

Consilium quoque majus, et auctior est animi vis.

Quum ergo tam Fœminæ, quæ duodecimum, quam Mares, qui decimumquartum annum prætergressi non sunt, doli queant esse capaces, delicta quoque contrahere possunt; (d) si ea excipias, in quæ rapit homines coeca libido, ut stupra, adulteria. Siquidem hujusmodi delicta, ut respondit Jurisconsultus PAPINIANUS, post pubertatem incipiunt: (e) unde Impuberes alioquin doli capaces ea contrahere nequeunt, sed illi solum contrahent, qui præcoces, etiam ante duodecimum si fœminæ, decimum-

Impuberes.

(a) V. *Narbon.*
de ætat.

(b) *Dig. lib. 27.*
tit. 1. *Leg. 23. lib.*
48. tit. 10. *L. 22.*

(c) *Loc. sup.*
cit.

(d) *Donell. Com-*
ment. in *Jus Civ.*
lib. 21. cap. 10.

(e) *Dig. lib. 48.*
tit. 10. *Leg. 36.*

cimumquartum si Mares aetatis suae annum vim procreandi nati sunt.

2. Sed an dum deliquerunt re ipsa fuerint doli capaces, foemina duodecim, mas quatuordecim non excedentes annos; id sagax, prudensque Judex praeter corporis habitum, a quo vis animi maxime pendet (§. II.), & moribus colligere poterit, et reliqua eorum vita: Scilicet si quae alia sunt impuberum aut dicta maligne, aut improbe facta, sedulo perpendentur a Judice, et cum acie ingenii comparabuntur, vique ratiocinandi, qua eum praeditum esse noverit. Neque enim fas erit Judici uni, aut alteri fidere conjecturae, vel probabili argumento niti. Quandoquidem nil magis est lubricum, quam ex ambiguis ut plurimum, fallacibusque indiciis de alieno animo, puerili praesertim, quidquam statuere. Puer quidam Athenis adductus est in Judicium, quod laminam auream sustulisset, quae a Dianae corona deciderat. Judices, ut doli facerent experimentum, talos, crepundia, et eandem laminam puero obtulerunt. Qui cum laminam sibi sumpsisset, punitus est tamquam sacrilegus. (f) Profecto quis non intelligit, hoc casu temeritati esse objectum, quod erat dirimendum ratione?

(f) *Aelianus*
lib. v. var. histor.
cap. 16.

(1) Non est natura universim constitutum tempus pubertatis. Nam foeminae, quarum molle corpus, et imbecille, citius pubescunt, quam Mares, qui corpore utuntur forti, validoque. V. *Berrom Hystor. de L. Honn: Tom. II.* Atque Mares inter, ac Foeminas alii citius, serius alii adolefcunt. Pendet id, ut docent filii Medicorum, a corporis temperamento, qualitate alimentorum, etc. Praesertim vero clima in causa est celerioris, aut tardioris pubertatis inter homines. In Meridionalibus plagis Foeminae

octavo, nono, ac decimo anno jam puberes sunt. In Europa decimoquarto anno Mares, Foeminae duodecimo ut plurimum pubescunt. V. *Montesq. Éssai des Loix liv. xvi.* Hinc merito ibi communiter est recepta Imperatoris JUSTINIANI Constitutio, quae, licet alia ex causa, dirempta veteri notissima Romanorum Jurisconsultorum controversia, his annis pubertas definita est. V. *Leg. ult. Cod. quando tut. esse dei.*

(2) Refert GLOSSA in sum. 10 quaeff. 1., puerum novem annos natum nutricem

tricem suam gravidasse, idemque ex D. GREGORIO narrat *AVANTIA* in C. p. 1. de delict. puer. n. 6., alia multa exempla his similia collegit FARMAGGIUS in *prax. part. 3. q. 93. n. 3.*, ad quem ab-

gamus Lectorem harum rerum curiosum. Vix haec scriptis commiseram, quam rumor Urbe increbuit, puerum decennem Virginem puberem gravidasse.

IV.

Pueritiam excipit Adolescencia, ver Naturae: hac aetate organis vim omnem suam nanciscentibus corpus perficitur: animus suas liberius exserere incipit, et exercere facultates: calor sanguinis, corporis robur alacrem efficiunt juventam: jam evolvuntur adfectus, augentur cupiditas, saeviant, dominantur. Interea cereus in vitium flecti Adolefcens, monitoribus asper, rapitur custodes remoto aestu passionum, quarum in adolescencia vehementissimus impetus. Et quoniam doli, culpaeve capacissimus, non ambigitur, quin consequenter capax sit delinquendi. Nihilominus Interpretes (b) quidam Juris Romani *Minores* tradunt non obligari ex delictis, quae omittendo contrahuntur [Cap. I. §. III.]. Quod si, ut limitat GONZALEZ, (c) cohibeatur ad eas solum criminosas omissiones, quae ex culpa proveniunt, haud vero ex dolo; (1) non admodum dissentirem. Nam Juvenis iram colligit, ac ponit temere, sublimis est, cupidusque, et amata relinquere pernix: (d) uno verbo, mutatur in horas; quod nondum vitae usu, atque experimento assueverit, serio, ac diligenter, ut par est, animadvertere. Sed qui poterit criminis expers haberi, si dolo omiserit agere, quae poterat, debebatque? Profecto aequè delictum est dolo ommittere, quae geri non debent, ac omitterea genda, et Leges juxta utrumque aestimare videntur [Cap. I. §. II.].

(1) Jure Romano ne impubes quidem servus doli capax, fugitii expers censetur, si omisit auxilium Domi-

no ferre, aut reticuerit necis auctorem. *V. Leg. 1. Dig. ad S. C. Silianum.*

Minores.

(a) V. Buffon. *Hist. de l'Homme* tom. 11.

(b) Gomez. 1. *Resolut. 2. n. 34.*

(c) In Cap. 2. de delict. puer.

(d) Horat. in art. poet.

1. Sed

V.

Surdi, et Muti.(a) V. Lettre
sur les Sourds,
et Muets.

1. Sed cito flos juventae evanescit. Virilitas conversis studiis succedit, aetas doli, et nequitiae, in qua cum versantur Homines sedato aliquantisper aestu passionum, et vitae usu edocti rarius ineptu, plerumque proposito agunt: unde capacissimi sunt delinquendi; nisi *Sur-di*, et *Muti* in lucem prodierint, aut tales evaserint ante adeptum usum rationis. De his enim, utrum ejus doli, qui requiritur ad contrahenda delicta [Cap. III. §. VIII.], sint natura capaces, ac proinde delinquendi (a), delicatior, quam vulgo existimatur quaestio est, obscurior, ac difficilior. Atque hujusmodi quaestionem, quod pertinet ad merita, ut inquirunt, et demerita pro assequenda aeterna salute, atque ad peccata Theologis examinandam, et definiendam permittentes, heic solum quod spectat ad crimina attingimus, de quibus in Foro Civili res est. Qui prae lucente Philosophia analysim instituire operationum mentis humanae, ostenderunt I. aliorum Hominum societatem, cujus sermo est instrumentum [Cap. II. §. V.] uberiores, generalioresque penum esse, unde homines ideas derivantur; II. exercitium plerarumque mentis operationum penitus quodammodo pendere ab usu vocabulorum, quae tamquam signa ideas repraesentant, atque significant. Quae si ita sint, ut esse illi tradant, jam surdi a nativitate, quod nequiverint discere sermonem, et ideis numero paucis ex aliis sensibus profectis auctam mentem habebunt, et nescii adquisitas ideas vocibus tamquam earum signis adnectere, imparēs erunt ad plerasque exercendas mentis suae operationes. Certe surdus perceptione, conscientia, adten-
tione

tione praeditus, signorum tamen experts, quibus ideas adfigat, pene reminiscencia carebit, adeo ut saepe in eodem statu constitutus haud recordabitur se alias in ipso situm fuisse: memoria carens nullum signum habebit, quo valeat absentes res sibi repraesentare: imaginatione pollens, sed qua suo lubitu uti nequit, ideae in eo haud excitabuntur; nisi forte ipsi occurrant objecta, quibus illas jampridem conjunxerat: demum vacuus reflexione, impulsiones recipiet ab externis objectis in sensibus productas, eisque instinctu obsequetur. (b)

2. *A Chartres un jeune homme de vingt trois a vingt quatre ans, fils d'un artisan, sourd et muet de naissance commença tout-à-coup à parler au grand étonnement de toute la Ville. On sçut de lui, que trois au quatre mois auparavant, il avoit entendu le son des cloches, et avoit été extrêmement surpris de cette sensation nouvelle, et inconnue. Ensuite il lui étoit sorti une espèce d'eau de l'oreille gauche, et il avoit entendu parfaitement des deux oreilles. Il fut trois ou quomois à écouter sans rien dire, s'acoutumant à répéter tout bas les paroles, qu'il entendoit, et s'affermissant dans la prononciation, et dans les idées attachées aux mots. Enfin il se crut en état de rompre le silence, et il déclara qu'il parloit, quoique ce ne fut encore qu'imparfaitement. Aussitôt des Théologiens habiles l'interrogèrent sur son état passé, et leurs principales questions roulèrent sur Dieu, sur l'ame, sur la bonté, ou la malice morale des actions. Il ne parut pas avoir poussé ses penides jusques-là. Quoiqu'il fût né des parens catholiques, qu'il assistât à la Messe, qu'il fut instruit à faire le signe de la Croix, et à se mettre à genoux dans la contenance d'un homme, qui prie; il n'avoit jamais joint à tout cela aucune intention, ni compris celle, que les autres y joignent. Il ne sçavoit pas bien distinctement ce*

O

que

(b) V. *Condition. Essai sur l'origine des connoiss. humains.* sect. iv. liv. 2.

que c' étoit que la mort, et il n' y pensoit jamais. Il menoit une vie purement animale, tout occupé des objets sensibles et présents, et de peu d' idées, qu' il recevoit par les yeux. Il ne tiroit pas même de la comparaison de ses idées, tout ce qu' il semble, qu' il en auroit pu tirer. Ce n' est pas, qu' il n' eût naturellement de l' esprit; mais l' esprit d' un homme privé du commerce des autres est si peu exercé, et si peu cultivé, qu' il ne pense qu' autant, qu' il y est indispensablement forcé par les objets extérieurs. Le plus grand fonds des idées des hommes est dans leur commerce réciproque. (c)

(c) V. Les Mémoires de l'Académie des sciences an. 1703, pag. 18.

3. Si nostrum esset inquirere, quantum sit deferendum adolescentis responsioni, de qua in superiori exemplo res est, dicere possemus crassam adeo ignorantiam non ad facultatis, sed ad attentionis, et memoriae defectum esse referendam. Hinc patet ad ideas evolvendas, et explicandas plurimum prodesse quidem exercitationem, aliorumque hominum societatem; at in hebeti, rudique minerva praedito ea tantum non valet, nisi attentione etiam, et reflexione ad ea is attendat, quae vel intus gerit, vel exterius fieri videt. Sed Nobis non vacat dilabi in quaestiones, extraneas praesertim a nostro proposito, ad quod solum confert modo adnotare Interpretes Juris Romani duo illorum, qui naturae vitio Surdi, et Muti in lucem prodierunt species consuevisse distinguere: (d) Alios enim inquirunt nullum habere intellectum, alios vero intellectum habere. Illos amentibus, et furiosis assimilantur, atque asentiuntur doli, ac delicti immunes esse censendos. De secundis contra sentiunt; adeo ut libere affirmare non vereantur eos, et capaces esse delinquendi, et pro delictis, quae commiserint, posse puniri.

(d) V. Michael. de coeco, surdo, et muto. cap. 35.

4. At natura quidam muti esse possunt, non surdi. Memoriae prodidit HERODOTUS (e) de CROESI filio, qui cum

(e) Lib. 1. Histor.

mu-

mutus a puero fuisset, articulate ad hostis impetum exclamavit ὁ ἄνθρωπος μὴ κτεῖνε Κροῖστος, et quispiam Samius Athleta, nomen illi fuit Ἀγλαῆς, cum loquens antea non fuisset ob similem causam, ut narrat A. GELLIIUS, (f) loqui coepit: qui numquam id potuissent, nisi auditu prius sermonem acceperant, didicissentque. De his nemo ambiget, quin doli, culpaque capaces sint, et propterea delinquendi, qui animadverterit eos si non activa, ut ita dicam, passiva tamen frui usura sermonis, et ab aliis hominibus, qui libere, perfecteque mentis operationes exerunt, atque exercent, hoc solum distare, quod nempe ipsi sunt aphony, illi expedito utuntur organo loquelae. Idque multo magis statuere oportet de iis, qui surdi, et muti evaserunt post jam adeptum usum rationis; quemadmodum adsequi facile poterit quicumque parumper velit attentionis, et reflexionis vim hac super re exercere. Difficile tamen est definire, utrum hi omnes, quamquam sint doli capaces, dolo reipsa deliquerint, quum fari nequeant. Unde prudenter scribit Clariss. BOEHMERUS (g) *quod confessio delicti ab huiusmodi subiectis per Interpretem facta, numquam ita comparata est, ut ad poenam capitalis descendere liceat.*

(f) Noct. Attic.
lib. v. cap. 9.

(g) Instit. Crim.
sect. 2. cap. 1.
§. 22. not. 2.

(1) Non una est causa physica fuditici; plerumque originem habet ab obstructione, seu compressione nervi acustici, vel a dura aliqua carnis prominentia, qua intercluditur tubus auricularis. V. BOISS. de Sauvages *Noëlog. M. d. class. 6.* Qui autem surdi nascuntur, ii muti necessario sunt, quia tyrocinio caret loquelae, non vero quia aphony.

(2) Ne concinnitas, claritasque, peculiare Gallicae Linguae characteres decederent, latius duximus pro-

positum exemplum describere hisdem doctissimi AUCTORIS *Memoriarum Parisiensis Academiae* verbis. Qui tamen gallice nesciunt, poterunt idem latine redditum legere apud Clariss. P. JACQUIER Collegam emeritum *Instit. Philosoph. part. 1. qu. 1. §. 1.* Aliud exemplum refert CORNOR. in *Evon. medic. art. 15. pag. 133. et sequ.*

(3) *Il seroit* [scribit Clariss. BURRON. *Histo. Naturel. de l'homme du sens de l'Ovie tom. 11. l. 1.*] *cependant tres-possible de communiquer aux sourds ces idées,*

108 ELEMENTA JURIS CRIMINALIS.

qui leur manquent, et même de leur donner des notions exactes, et précises des abstraites, et générales par des signes, et par l'écriture. Un sourd de naissance pourroit avec le temps, et des secours assidus lire, et comprendre tout ce qui seroit écrit, et par conséquent écrire lui-même, et se faire entendre sur les choses même plus compliquées. Il y en a, dit-on, dont on a suivi l'éducation avec assez de soin pour les amener à un point plus difficile encore, qui est de comprendre les sens des paroles par le mouvement des lettres de ceux, qui les prononcent : rien ne prouveroit mieux combien les sens se ressembloient au bout, et jusqu'à quel point ils peuvent se sup-

pléer ; cependant il me paroît, que comme la plus grande partie des sons se forment, et se articulent au-dedans de la bouche par des mouvements de la langue, qu'on n'aperçoit pas dans un homme, qui parle à la manière ordinaire, un sourd, et muet, ne pourroit connoître de cette façon, que le petit nombre des syllabes, qui sont en effet articulés par le mouvement des lèvres. Artem furdos a nativitate loqui edocendi primus invenit CONRADUS AMMANUS, exposuitque editis libris *Surdus loquens Amstelod.* 1692. et de loquela ibidem 1700. hodie Parisiis hanc exercet PRÉVRA. V. BURTON, BOISSIER de SAVVAGES loc. cit.

V I.

Amentes,
Furiosi.

1. De iis autem, qui vel tenera et florescunte, vel matura et confirmata jam aetate in furorem inciderint, dubitari nequit, quin sicut doli culpaeva natura sunt incapaces; ita extorres fiant delictorum, quae furentes commiserint. Idque etiam de illis statuere oportet, qui insania laborant, et sunt mentecapti. Quamvis enim si specles proprietatem verborum furor sit mentis ad omnia coecitas, insania vero, ut scribit TULLIUS, [a] inconstantia sanitate vacans, quae tamen potest officium tueri, et communem vitae cultum, atque usitatum; nihilominus apud Jurisconsultos promiscue usurpantur haec nomina ad eam significandam mentis abalienationem, qua quis bruto in agendo similior videtur, quam homini. [1] Profecto in his, qui hujusmodi morbo laborant, idearum ortus non respondent causis externis; sed ab interna cerebri dispositione pendent, nata praeter voluntatis imperium: [b] unde dolo non agunt, neque consequenter delinquent, nisi intervallis sapiant. Etenim quo tempore furor subsedit, mensque suo recte officio fungitur, si de-

(a) Lib. 2. Tusc.
quaest.

(b) V. Boerhaav.
aphor. 700. et
Wanstaeten in
not. ad eund.

si delinquant, quum potuerint dolo agere, tunc palam est eos crimine irretiri.

2. Sed prudenter heic aliquis sciscitabitur, quemadmodum valeat cognosci, fuerit ne crimen saeviente insania commissum, an remisso furore? Et haec quidem quaestio de eo non solum potest moveri, qui furit ex intervallo; sed etiam de illo, qui aliquando dicitur insanus fuisse, atque furiosus, vel in amentiam, furoriturque circa tempus illud incidisse, quo flagitium patravit. Scriptores rerum criminalium distinguendo quaestioni respondent, [c] quae distinctio non displicuit MATTHAEO. Volunt enim, ut si is, qui haecenus sanae mentis fuit, tempore admissi delicti insanisse dicatur, praesumamus potius nequaquam laborasse dementia, quum facinus perpetravit. Semper enim quis talis praesumitur, qualis debet esse natura. At natura quisque compos est mentis: aliquei vero arguit naturae defectum mentis impotentia. Sin quandoque furiosus fuerit delinquens, aut furit per intervalla; cum potius deliquisse saeviente insania, ac furore putant Doctores: idque satis prudenter ab eis traditum est. Quippe difficile convalescunt, qui hoc morbo laborant, et numquam fortasse, ut est in proverbio. Ceterum quaevis praesumptio veritati cedat oportet, [d] cujus sedulo inquirendae in Judices onus incumbit. Quamvis ergo exposita Scriptorum distinctio arguta sit, et non illaudabilis; tamen evadit inutilis, quod praesumptionibus non oporteat judicari quempiam dolo commisisse delicta. Itaque consultius suggerit JOANNES BRUNEMANNUS Medicos a Judicibus esse adhibendos, ut inquiratur, an reus semotae sit mentis, vel potius insaniam simulet, quod non raro evenire testatur. [e]

(c) Gomez var.
resol. l. n. 71.

(d) V. Thomaf.
Dissertat. de
praesumpt. furor: et demen.
edit: 1719.

(e) In Processu.
Crim. Inquis.
cap. 7. membr. 1.
n. 86.

Jurif.

(1) Jurisconsulti furiosum a mentecepto ita secernunt, Furiosus rabie quadam animi agitur: Menteca, p'us magis in quiete est, nullaque extrinsecus edit signa furoris. V. MACHON. VI. *praesumpt.* 45.

(2) Clariss. WANSVIRTEZ *loc. sup. cit.* Mutatione, scribit, superficies nervi in cerebri medulla, quaecumque fuerit, oritur in intellectum percipiente cogitationis mutatio, quod nihil repraesentat, quod est in actione organi, vel passivum ubi. *Idi.* Nervus autem idem cum illa mutatione medullae cerebri non consipitur ulla modo, et a nemine explica-

tus fuit: experimentis tamen certissimis constat, eidem mutationi necesse eundem cogitationis mutationem.

(3) Stultitia ergo, idem valde modica infania, quae vitae officia tuetur, sentitque quod agit, non excusat a delictis. Quis enim reus renunciabitur, quando nemo tam sapit, ut simul etiam non desipiat. Perbelle DARRAUX *satyr.* 4.

Tous les hommes sont fous, et malgré tous leurs sornes

Ne différens entr'eux, que du plus, ou du moins.

VII.

Prodigi.

Solent plerumque adolescentes, aliquando etiam viri utilium tardos esse provisos, et prodigos aeris: nam fenesquaerunt, et inventis misere abstinere, ac uti timent. Eos autem nonnulli Interpretes Juris Romani, qui res criminales tractarunt, excusant a delictis, in quae post interdictam bonorum administrationem non committendo inciderint, sed omittendo. (a) Cujus doctrinae, ac distinctionis eam adducunt rationem, quod *Prodigi* in Romanis Legibus comparantur furiosis, quos vidimus immunes abire a contrahendis delictis (§. VI.). Equidem fateor, Leges Romanas, illos, quibus ob luxuriam interdictum est bonis, passim comparare furiosis, et dicere, sicut Amentium, ita Prodigorum nullam esse voluntatem. (b) Sed maxime admiror, bonos illos Viros non intellexisse, vel non intelligere simulasse, Prodigos non comparari Furiosis abalienatae mentis causa, dolique defectus, sed propter vesaniam rei familiaris abliguritio-nem. (1) Quis luxu perditam Romanam Juventutem, quae duce CATILINA privatam inopiam publica ruina te-gere

(a) *Cl. qu. 66.*
n. 10. *Farinacc.*
qu. 94. n. 47.

(b) *Dig. lib. 45.*
tit. 1. *Leg. 6.*
lib. 56. tit. 17.
Leg. 4.

gere conabatur, doli flagitiique expertem habebit, an potius iniquissimae proditiōis fontem non redarguerit?

(1) Quid quod? Nonne ipsa prodigalitas crimen esse videtur, et quidem digna supplicio? V. *Leg. i. Dig. de cur. fur.* Eratque Graecis lego cautum,

refert ALEXANDER AB ALEXAND. X. *genial. dier. 14.* ut qui patrimonium prodigerat, sepulchro patrio non humaretur, sed extraneo.

VIII.

I. Quod si homines sana semper usi mente in corpore sano, quae duo summa inter humana bona putantur, aut victores morborum, quæ medio in cursu saepe solvitur vita, feliciter pervenerint ad *senectutem*, jam rursus in eum statum relabuntur, in quo pueri sunt versati, et tandem moriuntur. Nil enim non est natura obnoxium variationi; omnia postquam suae perfectionis apicem attingere, sensum imminuuntur, deteriora fiunt, pereunt; sic quoque Homo. (a) Ejus organa magno, longoque usu attrita, ac corrupta, pristinaeque expertia elasticitatis, obtusa, atque ohdurata imparem reddunt animum, quemadmodum evenit in pueritia propter illorum parvitatem, atque molliem [§. II.], ad facultates suas, ut consueverat, exserendas (b) In sene, vere scribit eleganterque SALLUSTIUS, nec umbra nomenque hominis relictum est, vires corporis effetae, sensus oculorum atque aurium hebetes, memoria labat, vigor animi obtusus; denique senio confectus parum animo valet. Plerumque tales evadunt homines, ubi ad octogesimum pervenerint annum, quae decrepita dicitur, et ultima hominis aetas (c). Si igitur effecti hi senes criminosa facta gerant, non magis videri debent capaces esse delinquendi, quam infantes sunt, puerique, qui cum dolo careant, delicta contrahere nequeunt (§. II.). Nam

Senes.

(a) V. *Buffon.*
loc. cit.

(b) *Ludov. Vivier de anim.*
lib. 2.

(c) *Narbon. de aetat. an. 80.*
quæst. 1. n. 2.

Sc-

(A) *Plant.* in
Mercat.

*Senex quum extemplo est, jam nec sentit, nec sapit,
Ajunt solere eum repuerascere. (d)*

2. Verumtamen quemadmodum puerorum citius alii, alii tardius adolefcunt (§. III.); sic inter homines quidam senescunt ocijissime, atque repuerascunt, quidam aliquanto serius deficiunt, viresque corporis perdunt, et mentis vigorem. Pendet id, ut Medici docent, ex corporis temperamento, necnon ex vivendi ratione in adolefcencia paascertim adhibita, quae, si, ut plurimum evenit, per voluptates transigatur, aeffetum corpus celerime tradit immaturae senectae. Quae cum ita sint, quando de senibus delinquentibus quaeri contingat, non tam aetatis provectae Judicantes oportebit habere rationem, quam habitus corporis, morumque senis, qui forte deliquit. Si enim qui plenus est annis, adhuc integrum servet mentis vigorem, et firmo corpore utatur; tantum abest, ut is existimandus sit malitia non deliquisse, ut potius graviore dolo ad delinquendum accessisse videatur. Quippe sunt isti diuturno usu rerum humanarum ut plurimum effecti nequiores. At ubi Judices annosum hominem viribus corporis deficientibus jam consensuisse, et animo desipiente relapsum jam esse in pueritiamprehenderint; a crimine immunem habebunt, quod expers sit doli.

(1) Hujusmodi effaetos senes Antiqui *his pueros* dixere, et pueris in toto Civili, et Canonico Jure aequiparantur.

(2) *SPORT. ODDUS de rellit. in im-*

tegr. par. 29. Ro. n. 116. vult senes perspicaces atque robustos veniam non solum non mereri, sed magis esse puniendos, quo magis, addit, delinquerunt.

IX.

Dormientes.

I. Ceterum cujuscumque aetatis sint homines, semper indigent somno, atque oportet, ut dormiant.
Cor-

Corpus namque humanum vigilia laboreque fessum reficit, levat, roborat somnus, dulce solamen miserorum Mortalium. Et quoniam somnus est intermissio functionum sensuum externorum, atque cessatio motuum a voluntate prodeuntium; (a) jam patet homines eo obrutos doli culpaeve incapaces esse, atque ideo delinquendi. Si qui ergo eo morbo laborantes, qui *Somnambulismus* audit, (1) quidpiam egerint criminofum, id eis nequaquam imputabitur. Quidquid enim gerunt, non agunt ex voluntate, sed vividissima vi perciti imaginationis, quam oppressi sopore nec advertunt, neque corrigere valent, ac moderari.

(a) V. *Le Diction. Encyclop.* articl. *Sommeil*.

2. Sed potest quandoque aliqua somno culpa coniungi, ut si sopore vineta Mulier infantem opprimat secum in lecto cubantem, aut qui solitus surgere noctu, et alios invadere, solus dormivit, nec ancipiti claustro suum cubile firmavit. Illa enim scire poterat a dormientibus pueros facile opprimi; hic vero sui sibi morbi conscius necessarias debebat adhibere cauthelas. Utrique merito culpa redarguuntur; cujus ergo si quid per somnum deliquerint, id prorsus non evadet impune. (2)

(1) Latent adhuc causae hujus morbi. Nam Medici, quos onus premebat easdem quaerendi, satis duxerunt, ut vulgus, communes Somnambulatorum historiolas audire, atque admirari. Si quis eis forte delectetur, adeat KORMAN. *de miracul. vivor.* fol. 220. et SANDLER. *disquisit. physic. medic.* fol. 152.

(2) Culpa illud quoque adjiciendum subiungit MATTHAEUS *Proleg. de Crim. cap. 2. n. 13.* ubi quis aluerit inimi-

citias, in primis capitales, quibus per somnum instigantibus surrexerit, et adversarium occiderit: *arg. Leg. si merces 25. §. Culpa Dig. locat.* Idque fieri posse historia testatur. Revert enim Interpres quidam HIPPOCRATIA Lutetiae Parisiorum contigisse, ut Noctambulus gladio cinctus sequanam transierit, interfectoque eo, quem cedere vigilans constituerat, domum redierit.

X.

De brutis Animantibus.

1. Universi rerum criminalium Scriptores multi sunt in *brutis Animantibus* a delinquendo vindicandis. Sed haud satis intelligo, cur illorum censuerint habendam esse rationem unâ cum illis hominibus, qui quoniam natura dolo culpaque vacant; proinde incapaces sunt delinquendi. Siquidem bruta animantia longe natura hominibus sunt inferiora, et ab eis valde differunt. Nam soli naturae sensitivae limitata rationali carent natura, quae prae illis homines aucti fuerunt (Cap. 11. §. III.). Propterea ratiocinandi, volendi, libere eligendi facultatum expertia bruta animantia, ac solo instinctu ducta ad agendum, in eis dolus non cadit, aut culpa; (a) nec consequenter delictum. (1) Quare jus omne, ad quod ubi exiguntur actiones, deprehenditur, an delicta sint aestimandae, hominum causa constitutum est, ut recte observavit J. C. HERMOGENIANUS, non bestiarum. (b)

(a) Aristotel. V. Eth. 10.

(b) Dig. lib. 1. tit. 5. Leg. 2.

2. Quod si quandoque caedem hominis, et inhonestiora quaedam facta etiam in brutis puniri voluisse Legumlatores, et reapse vindicata fuisse legimus; (2) id non propter delictum, cujus sunt incapacia factum est; sed ne vel contaminata nefario flagitio animantia hujus memoriam adspectu suo renovarent, vel ut illorum supplicio territi homines, quantopere sibi a delictis abstinendum sit, intelligerent. (3) Quin his de causis* in bipennes etiam, resque alias inanimes, quae forte hominibus nocuissent, Legibus DRACONIS animadversum apud Athenienses notavit BUDAEUS, (c) et PLATO ipse solum fulmen coelitus immissum sivit immune a poenis abire.

(c) In Leg. aut fact. §. eventus Dig. de poen.

Vete.

(1) Veteres tamen Romani Juris-
consulti ad haec animadvertentes,
quod ab animalibus forte contingere
damnum hominibus inferri, non vo-
carunt delictum, sed ea pauperiem
fecisse dicebant. *V. Leg. 1. §. 1. Dig. si
quadr. paup. fec. dicat.*

(2) Saxones jumentum quoque
olim punisse, cui rapta Mulier im-
posita fuerat, narrat DANIEL MOLLER. III.
Semestr. VII. n. 9. Plura animantium
cum correis hominibus Magistratum
sententia caesorum exempla habentur
apud GULD. PAR. 238. JUL. CLAR. V.

Sent. §. fm. q. 99. n. 8.

(3) Lapida sane Sasculo XV. in
multa Europae fora irreplebat Juris-
prudencia. Quasi enim insecta agros
depoplantia delinquerent, quam-
plures leguntur ea aetate serio in illa
latae a Judicibus condemnatoriae
sententiae. Quin immo plerumque
antequam promulgaretur sententia,
Advocati seligebantur, qui in Judi-
cio insecta defenderent adversus alios
perorantes pro Incolis. *V. F. Histoir.
Critiq. des pratiqu. superstit. par le
P. LE BRUN.*



CAPUT VIII.

DOLI, CULPAEQUE CAPACES, INTERDUM
INCAPACES DELINQUENDI.

- | | |
|---------------------------------------|--------------------------------|
| I. <i>Expositio principiorum.</i> | <i>rorque liberet a delin-</i> |
| II. <i>Ignorantes, et Errantes.</i> | <i>quendo.</i> |
| III. <i>Ignorantia, et Error quo-</i> | V. <i>Extranei.</i> |
| <i>tuplex.</i> | VI. <i>Involiti.</i> |
| IV. <i>Quaenam Ignorantia, Er-</i> | VII. <i>Coacti.</i> |

I.

Expositio prin-
cipiorum.

POST eos, qui quoniam doli, culpaque natura incapaces sunt, delinquendi quoque incapaces habentur, illi veniunt, qui utriusque quidem suo apte ingenio capaces, interdum incapaces sunt delinquendi. Quaestio haec continuo fortasse movebitur, qui fieri possit, ut homo doli culpaque capax; aliquando tamen incapax sit contrahendi delicta. Sed statim de hac re desinet quaerere, quicumque animadvertat non aliter, quam dolo, et culpa contrahi posse delicta [Cap. IX. §. ult.]. Si igitur homines dolo, culpaque caruerint, cum forte inciderunt in crimen; quamquam utriusque capaces, nihilominus erunt illud contrahendi incapaces. Id autem toties evenit, quoties aliquid obstat, ne aut quid faciant intelligant, aut libere agant. Tunc enim ab eis consilium abest delinquendi, quo dolus constat, et culpa [Cap. III. §. VIII.], eoque ipso criminis erunt expertes, quod contrahi sine dolo, culpaque non potest [Cap. IV. §. ult.].

Quum

Quum vero debeat actio quaecumque, ut valeat impulari, ab agente, et intelligi, et libere agi [Cap.III. §. VII.]; hinc insuper patet quidquid aut non intelligentes, aut non libere faciunt homines, id eis non esse imputabile. (1) Itaque etsi vel maxime sint doli, culpaque capaces, quoniam tamen dum inciderunt in crimen nec sua eorum voluntati libertas, nec intellectui necessaria cognitio constitit; proinde delinquendi incapaces habendi, immunesque tunc abibunt a contrahendis delictis.

2. Sed his principiis expositis, quae fundamenta sunt totius futurae tractationis, age singulatim videamus in praesenti Capite, ut supra proposuimus [Cap.VII. §. I.]; Quinam doli, culpaque capaces, interdum incapaces sunt delinquendi.

(1) Homo ens est natura sua finitum, seu limitatum, et quod ad intellectus, et quod ad corporis vires adinet. Ob intellectus limitationem ignorantiae, et errori, ob limitationem virium corporis vi externae subicitur. Quum vero ex natura sit hominem per semetipsum agere, non autem per alios ad agendum adigi;

inde sequitur saepius ignorantia, vel errore, quam vi externa impediti, quin ei actiones suae possint impulari. Recte PINDARUS *Olympion. Od. γ.*

Ἀνρὶ δ' αἰ εἰς αἰσχροῦς ὅπως ἀπληκύνει
Ἀναψύχεται κραδίηται.

*Circa hominum mentes aberrationes
Suspenduntur innumerabiles.*

II.

1. Principio qui ceteroquin doli, culpaque capaces sunt, interdum delinquendi incapaces evadunt, cum scilicet ignorantia obruti, vel errore decepti in crimina incurunt. Sunt autem Ignorantes, qui nullam, Errantes, qui falsam (1) rei ideam, atque notionam habent. (2) Ambo eadem tractatione complectimur, quod utrorumque par est ratio in delictis habenda. Immo, si accurate loqui velimus, nulli pene agunt Ignorantes, sed omnes ferme, qui tales vulgo dicuntur, errore impliciti veniunt ad agendum

Ignorantes, et
Errantes.

dum. Nam ignorantia, quae in privatione consistit, nullius forsan actionis principium potest existere. Sed ignorantia erroris, error actionis per saepe initium. Sane nullum arbitror posse exemplum adduci actionis ab Ignorante patratae, ut non et errorem quoque in eo deprehenderim. Ita ABIMELECHUS (a) SARAM ABRAHAMI adfectabat non tantum, quia eam Abrahami uxorem nesciebat, quod est ignorantia; sed potius quia haud esse existimabat uxorem Abrahami, quod error est. Jamvero, ut proposito insistamus, nesciunt Ignorantes quid faciunt, aliudque agere reentur Errantes, quam quod reapse agunt. Itaque primo cum intellectui non constiterit necessaria cognitio, quae forte admiscere, eis imputari non possunt. Deinde dolo culpaque caruerunt. Siquidem ei certe deest delinquendi consilium, qui vel nescit quid facit, vel aliud agit, aliudque agere arbitratur [§. I.]. Qui ergo Ignorantes possunt, atque Errantes delinquendi esse capaces?

2. Quod quamquam generatim, atque absolute verum sit; speciatim nihilominus multifariam restringitur, ac limitatur. Quare operae pretium erit accurate quaerere, ac definire quando Ignorantes, atque Errantes sint nec ne delinquendi incapaces, ac proinde immunes abeant a contrahendis delictis.

(1) Si addas, vel qui non sufficientem ad ferendum de re iudicium notionem mente gerunt, habebis completam, et metaphysicam WOLFII definitionem.

(2) Triplex Metaphysicis errorum fons, atque origo. I. a consuetudine ex ideis incompletis, atque inad-

quantis ratiocinandi. II. ex ficta a teneris unguiculis, et diuturno usu confirmata idearum inter se discrepantium conjunctione. III. ex quodam studio nosmetipsos decipiendi, ut Philautiae obsequamur. V. MALLERANCH. *recerch. de la verité* liv. 1. et §.

III.

1. Ut autem cognoscamus, recteque definiamus quandam Ignorantes, atque Errantes capaces sint, vel incapaces delinquendi, varias ignorantiae, errorisque divisiones explicemus oportet. Triplex adpectus, sub quo possumus Ignorantiam, Erroremque intueri, tres utriusque divisiones ministrat. (a) Ignorantiam enim, atque Errorem vel in suo objecto, vel in sua origine, et qualitate, vel demum quoad relationem, quam uterque habet ad actionem, possumus considerare. Priori casu ignorantia atque error in Juris, ac Facti distinguitur; altero casu in voluntariam, et invincibilem, involuntariam, et invincibilem [Cap. III. §. VI.]; postremo tandem in accidentalem, atque essentialem dividitur. (1)

2. Ignorantia juris est cum quis legem ignorat, cuiusmodi fuit ignorantia JONATHAE, qui non audito Patris edicto, nesciusque execrationis ab eo comminatae adversus comedentes antequam funderentur Inimici Israelis paululum mellis gustavit, Legemque fregit. (b) Est ignorantia facti, cum quis nullam facti alicujus, quod aliquomodo refertur ad actionem, quae initur, notitiam habet. Patrem interfecit OEDIPUS, matrem duxit uxorem: ceterum ignorantia facti utrumque egit. LAJUM namque sibi patrem esse nesciebat, JOCASTAM vero matrem.

3. Rursus ignorantia voluntaria ea est, quam quis evitare, ac depellere poterat adhibita diligentia, veluti cum neglexit scire, quae poterat scire, scireque eum oportebat; involuntaria vero, quae citra alicujus culpam, vel negligentiam obrepit, ut si scire non erat officii, vel sciri non potuit; qualis fuit NOACHI ignorantia, qui

Ignorantia,
et Error quotu-
plex.

(a) V. Burla-
mag. Dr. Nat.
cap. 1. §. 12.

(b) Reg. lib. 1.
cap. 10.

(c) Genes. 10. 3.

qui vini, quod recenter ab vuis expresserat, virium ignarus, incidit in ebrietatem. (c) Si autem cura, ac diligentia valuerit se quis ab ignorantia expedire, ac liberare; ea vincibilis est, ut Paganorum Polytheismus: sin autem nullo modo potuerit ignorantiam a se remove, invincibilis; ut Americanorum de Religionis verae mysteriis ignorantia, in qua versabantur, antequam reliquae humanae nationi innotescerent. (2)

(d) Virgil. Aeneid. lib. II.

4. Denique ignorantia essentialis est, quae circa circumstantias versatur actioni, quam inficit, necessarias. Talis Trojanorum ignorantia, qui ea nocte, qua eversum est PRIAMI Regnum AENEAE socios Grajorum armis indutos, pro hostibus caedebant. (d) Accidentaliter ignorantia circumstantias spectat, afficitque, quae rei essentiam non mutant; qualis Amici nostri, qui auri fame nuper pauperem foeminam provecetae aetatis, foedique oris, quam divitem putabat, duxit uxorem. Nec locuples, et potiore metallis libertate carens, incassum nunc suae queritur ignorantiae. (3)

5. Quae huc usque de ignorantia dicta sunt, eadem et de errore dicta volo: ideo utramque rem unico vocabulo ignorantiae complexi jam fuimus [Cap. III. §. VI.].

(1) Diversam Philosophi tradunt ignorantiae divisionem. Aliam namque ignorantiam agnoscunt, quae in homines derivatur ex defectu idearum, quas nullo modo possunt adquire: aliam, quae ex quarundam idearum connexionem, quam haud valent percipere, nascitur; ut vis qua corpora, et spiritus in se mutuo agunt: aliam demum, quae originem trahit ex reflexionis in ideas, quas habemus, vel habere possumus, earumque connexionem, defectu: haec sola hominibus imputabilis.

(2) Voluntariae, et involuntariae

ignorantiae distinctionem eandem Juris Publici Scriptores habent, ac vincibilis, et invincibilis. Sed materiam ignorantiae ebrii, puta, invincibilis est, quamdiu scilicet durat illa suavis insania: et tamen est voluntaria quia, ut inquit ARISTOTELIS e Nicom. III. 9. fitum in homine erat, ne ebrius fieret. Ut hinc procedentem confusionem evitent novam coguntur divisionem facere, quam Nos ut superfluum rejicimus, ignorantiae invincibilis, et involuntariae in se et in sua causa, atque in se, sed non in sua causa. V. HALLER. Jur. Nat. et Gent. lib. 1. §. 50.

(3) PUFFENDORPIUS aliam hujus loco tradit ignorantiae divisionem in efficacem nempe, et concomitantem, quarum illa sit quae si abesset actio omitteretur; haec quae nihil ad agendam vel omittendam actionem confert. Inutilis porro hujusmodi est divisio quod ad effectus, de quibus hic quaerimus, ut notavit BARBERACCIUS in *Op. de Off. Hom. et Civ. lib. 1. cap. 1. §. 2. not. 2.* qui nostram in essentialem

et accidentalem partitionem substituit. Nam ut sequenti §. videbimus essentialis ignorantia semper liberat a delicto sive efficax ea sit, vel concomitans. Sic incestus OEDIPUS, cujus supra meminimus, imputari non poterat; etsi tanto in JOCASTAM amore flagrasset, ut etiam sciens eam sibi matrem, ab ejusdem tamen amplexibus abstinere non fuisset.

IV.

1. Si modo expositas in consilium adhibeamus ignorantiae, et erroris divisiones, commode intelligemus quanam ignorantia, errorque a delinquendo liberet eos, qui natura sunt doli culpaque capaces. Ac primo quidem essentiali ignorantia, ac errore laborantes fiunt delinquendi incapaces. Quum enim hujusmodi error, atque ignorantia versentur circa circumstantias actioni, reique necessarias, et essentielles [§. III.], qualis criminosa qualitas; illorum intellectui necessaria non minus deficit cognitio [§. II.], quam voluntati excogitatum delinquendi propositum. Equidem nihil eorum, quae ignoramus, vel adpetere possumus, vel adversari: unde nullam esse ignoti cupidinem tralatitium est. Contra patet de illis, qui ignorantia accidentali irretiuntur, dici non posse eos delinquere ignorantes. Non ergo liberantur a delinquendo. (1)

2. Sed non solum essentialis, verum etiam involuntaria, et invincibilis debet esse ignorantia, ut valeat, qui ea peccavit, delinquendi incapax haberi, et criminis exfors. Nam si potuerit is a se ignorantiam depellere, noluitque facere, vel neglexit; in ipso quaerenda est causa ignorantiae, illique causam praebuit sua culpa. Quare

Q

crimi-

Quenam ignorantia, errorque liberet a delinquendo.

criminis tenebitur. Culpa autem semper adeſt illis, qui rei illicitae operam dantes ignoranter delinquant. Itaque non excuſantur a delictis, quae forte patrarunt. Praeſertim cum eorum ignorantia ſemper habeatur accidentalis; quum ſatis ſit in rem criminofam in genere conſenſiſſe. Non ergo JUDAE THAMAREM nurum ſuam ineunti praefidio eſſe potuit ignorantia, (a) quia in re illicita verſabatur; et quiſquis Adverſarium interfecturus amicum interemit, reus procul dubio erit homicidii.

(a) Genef. 38.
15.

3. Denique animadvertendum eſt ignorantiam, erroremque juris ſemper pro voluntario, et vincibili haberi. Leges enim naturales Dei O. M. providentia ſatis per rectam rationem ſano homini, vel leviter adtendenti innotefcunt. [b] Leges vero humanae ſufficienter promulgatae cenſentur, officiumque eſt boni Civis in Legum ſtudium incumbere. (2) Generatim propterea ignorantia, errorque juris non liberant homines a contrahendis delictis. [2] Secus autem ſe res habet in iis, qui ignorantia, vel errore facti delinquant. Siquidem facta propter multiplicem accidentium, et ut vocant circumſtantiarum varietatem, loci, temporis, perſonae, cauſarum incitantium, tum ob faſcinum ſenſuum, vel ignorantiam, aut pravitatem teſtium, ex quibus interdum neceſſe eſt accipere, facile, ac pluribus modis nos circumducere poſſunt, et in errorem protrahere. Ad hanc ſpeciem erroris SENECA ſignanter alluſit [c] quum cecinit:

(b) V. Domat.
les Loix Civil.
dans leur ord.
naturel.

(c) Hercul.
Oet. v. 900., et
ſeq.

*Quis unquam ſcleris nomen errori dedit ?
Multis remiſſa eſt vita,
Quorum error nocens,
Non dextra fuerat.*

Qui

(1) Qui caedens erravit, tamen occidendi consilium iniecit, et executioni mandavit. Contraxit ergo delictum. Nec obstat quod in contractibus error personae habeatur pro essentiali. Nam ut quis ex contractu obligetur necesse est non solum, ut suum ad contrahendum in genere consensum accommodaverit; sed etiam ut cum aliquo vere contraxerit: quod inerrante circa personam peraeque nequit intelligi. Ut vero quis delicto obligetur, sufficit dolo culpaque crimen commisisse, quamvis illud non fuisset commissurus, si personam novisset. In quam deliquit. *Vid. infra Cap. X. §. 11.* Ex contractu enim obligatio personae adquiritur, cum qua contrahitur; ex delicto obligatio nascitur ad poenam ex Legis violatione nullo habito respectu per-

sonae, quae crimine laesa est. *V. Cap. XI. §. 1., et 11.*

(2) Id vero non ita stricte intelligendum est. Attas namque, stupiditas, iurisque naturalis ratio aliquanto subtilior mitiorem quandoque sententiam valent suadere. Quid autem dicendum de hoc aliarum super alias acervatarum Legum, Civillum cumulo? Cum paucae hae essent, atque in Templis, et Foris publice expositae, morumque disciplina traderentur; vix ulli ignorare licebat: hodie studia sunt, et robustissimorum ingeniorum: In tanta ergo, qua jam pridem obviatum civilium sanctionum copia, quid mirum si pleraeque possis impune ignorare? Nam saepe vel doctos, accuratoque praetereunt.

V.

1. Sed quod de ignorantia, erroreque Juris modo docuimus, aliquam in *Extraneis* patitur exceptionem. Quamvis enim et isti saltem tacite se se Legibus Civitatis, ad quam veniunt, praesumantur obligare, [1] statim ac norant, ut scribit PUFFENDORFIUS, (a) *hanc legem in universum dictam omnibus, qui intra territorium ejus Civitatis cupiunt versari*; ideoque scire eos oporteat Civitatis Leges, et ad eas attendere; tamen cum plures soleant esse, nec adeo cognitu faciles, peculiare cujusque Civitatis, vel Reipublicae Leges Criminales, fieri potest, ut aliquae Extraneo, licet in eis cognoscendis diligenti, nondum innotescant. Et tunc quidem, si Legum ignarus quidpiam forte adversus eas adniserit; quum nec doli, neque culpa possit redargui; utique ipsi proderit Juris ignorantia, qua a delicto, poenaeque tuebatur. Eleganti doctrinam hanc omnem exemplo TULLIUS confirmat. [b] *Apud quosdam Lex erat, ne quis DIANAe vitulum immola-*

Extranei.

(a) Inst. N., et G. lib. 111. cap. 2.

(b) De Invent. lib. 2. cap. 31.

ret. Nautae quidam quum adversa tempestate in altum iactarentur, voverunt, si eo portu, quem conspiciebant, positi essent ei Deo, qui ibi esset, se vitulum immolatuuros. Casu erat in eo portu fanum DIANAE ejus, cui vitulum immolari non licebat. Imprudentes Legis cum exissent, vitulum immolaverunt. Accusantur. Ignorantia, qua, tamquam Extranei, tenebantur Legis, quae in loco vigeat, ad quem appulerunt, eos a crimine liberavit.

2. Duo autem heic sedulo debent animadverti: primum scilicet, ab iis quae contra naturae leges extranei commiserint ignorantia non excusari, ut pote vincibili, atque voluntaria [§.IV.]. Eos enim nosse facile intelligitur fieri nequaquam posse, ut cujuscumque Civitatis, quae exulta sit humanitate, Legibus ea non sint interdicta, quae naturâ nefas admittere cunctis hominibus Ratio suadet, quibusque non prohibitis nulla ferme potest vigere humana Societas: alterum erat Civitatis Leges, quae actiones jure naturae, ut ajunt, indifferentes propter publicam privataque utilitatem interdunt, ignorasse eum non praesumi, qui non adeo brevi temporis spatio moratus est in Civitate. Quod si adhuc ignoravit, id ei merito imputabitur; quia cum potuerit scire, atque debuerit, scire tamen neglexerit. Solet autem legibus sufficiens definiri temporis spatium, quo elapso, si extranei ipsas violaverint; eadem Leges declarant illos ignorantia non excusari, sed fieri reos. [2]

(1) Extranei censentur in Constitutiones, Legesque Reipublicae illius, atque Civitatis, in cujus territorium ingrediuntur, consensisse. Alias non admitterentur. Nam *les Loix Politiques demandent*, ut scribit MONTESQUIEU *l'Esprit des Loix* liv. xxvi. cap. 21. *que tout homme soit soumis aux tribu-*

nom du pays, où il est, et à l'animadvertion du Souverain. Quum ad hanc doctrinam non animadvertisset LOCKIUS mirum quantum a ratione aberravit, dum *Cap. I. du Gouvernement. Civil.* monstrum quoddam effingit juris puniendi Legibus, et Civilibus Societatibus anterioribus, quo omnes polle-

pollere in omnes contendit ad naturae leges vindicandas; quod fuisse opugnabimus ubi de poenis.

(2) Tempus hoc Romae, duorum, in Provinciis Romanae Ecclesiae do-

minio subiectis trium mensium, spatio est circumscriptum a Legibus Ecclesiasticis, vulgo *Bandi Generali* §. 137. 137.

VI.

1. Sed non solum quando ignorantia, erroreque obruuntur, qui natura capaces sunt doli, culpaque; sed etiam cum agunt inviti, delinquendi incapaces evadunt. Invitos heic accipimus, quorum actiones spontaneae non sunt, [1] id est a voluntate non proficiuntur se ipsam determinante ad certum, et ante cognitum finem. [2] Quod, ut facilius intelligatur, iterum meminisse oportet voluntatem aliam praeter libertatem sibi inhaerentem facultatem habere, quae dicitur spontaneitas (Cap. III. §. VII. not. 1.). Est autem spontaneitas facultas se ipsum dirigendi ad certum, et ante cognitum finem. Ex duabus huius voluntatis facultatibus hae aliae sequentes manant humanarum actionum divisiones. (a) Actiones spontaneae sunt, ad quas se ipsam voluntas determinat; liberae quas agere, vel omittere in nostra est potestate: illis actiones invitae: his necessariae opponuntur. Spontanearum porro actionum aliae ultroneae sunt, ad quas patrandas nulla hominem necessitas extrinsecus impulit, aliae coactae, quas tali urgente necessitate quis patravit. [3] Harum divisionum mox patebit utilitas, atque necessitas.

2. Jamvero constat Invitos delinquendi esse incapaces. Siquidem eorum actiones spontaneae non sunt, id est non proveniunt a voluntate se ipsam determinante ad agendum, veluti si quis mea manu alterum feriat, vel si me urgeat quo alterum impellat: unde et nullum in eis intercedit improbum consilium necessarium ad delinquen-

Inviti.

(a) Heinec. E.
lenh. J.N., et G.
lib. 1. c. 2. §. 59.

quendum, nec sua eorum voluntati constitit agendi libertas. Non sunt ergo imputabiles eorundem actiones [Cap. III. §. VII.]. Profecto vix accipiendae pro actionibus hominis, quae ab eo sunt, altero ipsius organis abutente. Itaque non est ORIGENES idololatria pollutus, quum cum in Templum SERAPIDIS SEVERI satellites rapuerunt. Manibus enim pedibusque tractus, liber haud fuit eo non venire.

3. Quod si quis sua culpa in eas inciderit circumstantias, in quibus Inviti versantur; cum non adeo facile immunem prorsus renunciarem criminosaebis. Cujus rei rationes statim occurrent intelligenti, et meditati superiores doctrinas. Ceteros DINAE docebit exemplum. Quum JACOB descendens a fratre ESAU venisset cum universa familia Salem urbem Sichimitorum, ibique tentoria fixisset, DINAM ejus filiam incescit curiositas, vitium sexvi peculiare, indigenas visendi mulieres. Itaque egressa tentorii libere coepit Civitate vagari. Filius Principis Sichimitorum forte et ipse curiosus conspiciendi formosam peregrinam (erat namque adolescens) ei obviam iverat. Vix ac aspexit, statim ejus amore inflammatus est; cui, ut cito mederetur, DINAM rapuit, raptamque in con-

(b) Genes.
XXXIV. 2.

(1) Inviti latiori sensu dicuntur etiam, qui ignorantes peccant. *Vid.* locum ARISTOTELIS, quem retulimus Cap. III. §. VII. not. 2.

(2) Scriptores in evoluendis, tradendisquē Invitorum, et Coactorum notionibus summo pere variant. Aliqui Coactos vocant, quos Nos heic Invitos dicimus, et Coactorum diversam habent acceptionem ab ea, quam se-

quenti §. exhibebimus: alii aliter. Nos significationes selegimus, quae opportuniiores, atque clariiores.

(3) Consulto actiones omisimus, quas vocant mixtas. Siquidem, ut bene advertit laudatus HENRICIUS *loc. citato*; quum eae itidem necessitate extrinsecus urgente fiant, coactis quam commodissime accenentur.

VII.

1. Verum enim vero aliter, ac de Invitis statuimus [§. VI.], sentiendum est de Coactis. Eos heic dico Coactos, qui metu ad illa agenda feruntur, quae metu non impendente, aut remoto nequaquam essent gessuri. Actiones enim coactae, quas admittunt, spontaneae sunt [§. VI.]. Siquidem voluntas, etsi metu adaeta; tamen se ad agendum ipsa determinat: unde in Coactis intercedit consilium peccandi; et consequenter ipsi delicto irretiuntur. Nec sua voluntati eorum, qui coguntur libertas non constitit, etsi tali necessitate egerint. Ut enim docte disputat Theologorum facile princeps D. THOMAS, (a) voluntas coactionem pati non potest. (1) Si quis mihi mortem ininetur, nisi me, aut alterum inique perimam; metu commovebor, trepidabo: nam homo; sed semper incolumis mihi erit libertas unum prae alio eligendi. Constat ex intimo sensu, unde libertatis humanae eruitur validissima probatio (Cap. II. §. IV. not. 2.). Et quoniam non licet trucidare, alieno ferro cadam quam meo, jus alienum non tangam. Sic demum habe nullam posse homini tantam imponi necessitatem, ut ab eo, quod semel animo concepit, absterreatur, virumque probum, ac frugi (b) *non Civium ardor prava jubentium, non vultus instantis Tyranni mente quatiet solida.* (c) Ita tres viri Judaei iram Regis, mortemque spernentes, potius elegerunt conjici in ardentem fornacem, quam mutae statuæ cultum reddere soli vero Numini debitum. *Cogi potest, qui nescit mori.* LUCRETIAM, cujus adeo celebre facinus, hoc adspectu considera, atque intueri: haud poteris certe declarare innocentem. Metu namque infamiae

Tar-

Coacti.

(a) 1-2. quæst. 6. art. 4.

(b) V. Wolff. Metaph. §. DXXI.
(c) Horat. lib. II. Od. 3.

Tarquinio est adfensa minanti cum mortua jugulatum servum nudum in lecto positurum, ut in sordido adulterio necata diceretur. Libera mori, maluit foedari. Vere ne igitur animum infontem, corpus violatum dixit ipsa Parentibus, Posteris Posteris praedicarunt? (2)

2. Si autem metus, quo quis coactus deliquit non levis sit, vanusque, sed justus, probabilis, gravis, uno verbo, qualis cadit etiam in constantem virum; aequum erit humanae misereri imbecillitatis, poenarumque rigorem adversus eum temperare, atque remittere. [3] Idque maxime observabitur, si Leges, quas Coactus violavit sint positivae, quae plerumque non censentur hoc casu voluisse obligare. *Res enim est, ut cecinit ille, (d) impetiosa timor.* (3)

(d) *Martial.*
Epigr. xl. 55.

(1) Id quoque observavit EPICTETUS apud ANNIAN. T. 17. Postquam enim adpetitionem non nisi alia adpetitione vinci posse docuit, statim sublicit: *Κίμας θνήσκει, προσέχων θανάτου φόβον, ἀνταγωνιστὴς αὐτῷ τῷ προσέχοντι, ἀδελφὸν δὲ αὐτοῦ, καὶ τὸν αὐτοῦ καὶ τὸν αὐτοῦ πάλιν αὐτοῦ. Πάλιν δὲ τὸ αὐτοῦ λόγος αὐτῷ δυνάμει, τὴν αὐτοῦ πρὸς τὸν αὐτοῦ.* Attingat quis, qui mihi mortis proponit metum, me cogit. Profecto non quod imminet in causa est, sed quia tibi satius videtur aliquid eorum facere, quam mortem oppetere. Quare te tua opinio, id est voluntas fecit volentem.

(2) Elegantissimis vernaculis verbis LUCRATIUM redarguit celeberrimus ZAPPI, cui sua non imputavit

elegantior actus *Themidis* in Romano Foro litasse, et virgines *Musas* coluisse, literasque humaniores. Sic autem cecinit.

*Renderfi al fallo, e poi morir non basta,
Fria morir che peccar; incauta, e folta
Ette in pregio il parer, non l'esser casta.*

(3) Lectorem monitum volumus Nos metum non excepsisse ab eo incussum, qui nos cogendi jus habet. Nemo enim ad delicia nos cogere potest, et efficere, ut animam praefetamus pudori. Haec, vulgata aliquot distinctio, in contractibus dumtaxat locum habet.



CAPUT IX.

QUI CAUSSA SUNT ALIENORUM DELICTORUM.

- | | |
|--------------------------------------|--------------------------------------|
| I. <i>Doctrina Fundamentalis.</i> | VIII. <i>Qui possunt Delicta im-</i> |
| II. <i>Mandatores, Mandatarii.</i> | <i>pedire, et non im-</i> |
| III. <i>Nonnullae Quaestiones.</i> | <i>pediunt.</i> |
| IV. <i>Ratibabentes.</i> | IX. <i>Distinguuntur personae,</i> |
| V. <i>Jubentes, Obsequentes.</i> | <i>et crimina.</i> |
| VI. <i>Consiliarii, Consultores.</i> | X. <i>De Maritis.</i> |
| VII. <i>Ferentes opem.</i> | |

I.

1. **N**unc age quemadmodum, qui doli, culpaevae capaces sunt, licet externas criminofas actiones ipsi nequaquam committant; delicta tamen contrahere possint, expediam.

Doctrina fundam-
damentalis.

2. Constat actiones morales a duplici causa proficisci alia morali, (1) alia physica (Cap. III. §. III.): haec non solum intellectu, et voluntate agit, verum etiam corpore, ut si quid mea manu fecerim, aut scienter omiserim, quod agere oportebat: illa influit tantum in alienas actiones, seu omissiones mandato, jussu, etc. (a) Utrique porro causae facta, vel omisa imputantur, quia sunt ab utraque (Cap. III. §. VII). CICERONIS caedes ANTONIO aequae, ac POPILIO imputanda. Nam Antonius roganti Popilio curam committens interficiendi Patriae Parentem, ejus inortis causa moralis fuit; causa vero physica Popilius, qui crudele munus est exequutus eloquentissimum suum occi-

(a) *Genuen- de*
Jur., et Offic.
lib. 1. Cap. V.
§. 22.

R den-

(b) *Heinec. J.N.*
et G. lib. 1. Cap.
IV. §. 112.

(c) *Herr. Koe-
bler. Exercit.*
jur. nat. §. 508.

(d) *Dig. lib.*
48. tit. 8. Leg.
15.

dendi Patronum. Ceterum facta, vel omiſſa nunc morali, nunc phyſicae cauſae magis adſcribuntur. (b) Si enim cauſae moralis voluntas fuit efficax, velut in hero, parente, ei magis, quam cauſae phyſicae actio, vel omiſſio imputatur; ſi minus fuit efficax, ut ſi adhuc alter egiſſet, vel omiſiſſet, plus phyſicae cauſae, quod ſequutum eſt, tribuitur, quam morali. (c) Qui igitur dolo, culpave cauſa (moralis nempe) fuerunt alienorum criminum, delicta contrahunt aequae, ac illi, qui ea exequuti ſunt, (2) ſcilicet ipſorum phyſica cauſa extiterunt. Quod cum probe intelligerent Romani Juriconſulti ſaepeius tradiderunt non ſolum teneri eum, qui fecerit; ſed etiam, qui dolo malo curaverit, ut quid fieret: nihil intereſſe utrum ipſe, quid facias, an per alium fieri cures, cauſamque crimini praebeas. (d)

(1) VALTURIUS. *de princip. beneſ., et decor.* duo recte diſtinguit genera cauſarum moralium, quarum aliae tales ſunt in ſe ipſas, et hae proprie vocantur cauſae morales, de quibus in praefenti Capite agimus; aliae vero tales non ſunt niſi per accidens, quibus proinde nequeunt cauſarum phyſicarum actiones imputari. Elegans cauſae moralis per accidens exemplum eſſingitur a QUINTILIANO *ſallit. Orator. lib. 7. cap. 3.* *¶ Juvenet quidam, qui convivari ſolebant, conſtituerunt, ut in litore coenarent. Unus, qui coenae deſuerat, nomen tumulto, quoniam extraxerant, inſcripſerunt. Pater ejus a tranſmarina peregrinatione rediens cum ad litus idem appaliſſet leſſo nomine ſuſpenderit ſe. Dicuntur hi cauſa mortis fuiſſe, nempe per accidens. ¶*

(2) Sed conſiderandum eſt, quod ſcribit Juriconſultus ULPIANUS in *Leg. 7. §. 4. Dig. de juridi.* *¶ Poſſe inquit, quis efficere ſine dolo, quod alter mandat ex dolo, ¶ ut de PRALTO Argivorum Rege, et BELLAROPONTE narrat. Quo caſu mandanti tantum crimen imputatur, ſi illud ſine dolo, ſit etiam ſine culpa. GRUVENSIS de Offic. loc. cit.*

I L.

Mandatores
Mandatarii.

(a) *Anton. Mat-
th. Proleg. de
crim. Cap. II.*
n. 12.

Mandatores itaque cum cauſa ſint, ut Mandatarii criminola ſibi mandata facta committant rei ſicut illi evadunt, eodemque crimine irretiuntur. (a) URIAE caedes non ſolum JOABO, qui eam procuravit; ſed etiam DAVI-

DAVIDI fuit divino oraculo crimini adscripta, quod eam illi procurandam mandasset. (b) Re enim vera par scelus est, nec inter se differunt improbum factum, vel sua admittere manu, vel aliena fieri curare. [1] Quia major Mandatoris culpa arguitur, quam Mandatarii: neque enim hic peccaturus fuisset absque mandato, et ille efficax fuit Mandatario causa delinquendi. [§. 1:] Mandator quidem sceleris caput est, Mandatarius manus, atque instrumentum Mandantis non ejus generis, quod inere passive se habet, ut securis in manu lictoris, malleus in manu Artificis; sed quod cooperativum in Scholis vocatur, quia in producendo effectu insita quadam vi simul movetur, ut milites Imperatoris jussu pugnam capessentes. Quemadmodum enim in bello Militum virtus, Centurionum industria, Fortuna denique ipsa plurimum sibi vindicant; laus tamen omnis feliciter confecti belli adscribitur Imperatori; sic in delictis Mandator aequae, ac Mandatarius rei evadunt; sed sceleris infamia ad Mandatorem potissimum pertinet, qui efficaci voluntate illius causa moralis fuit [§. I.].

(b) Reg. lib. 2.
cap. 12.

(1) VALERIUS MAX. lib. 9. cap. 12. „dicam? tradidit, an ipsa jugulavit?
„Ne VITICUS quidem SALASSVS proficri- „Quanto enim levius est scelus, cui
„ptus parum amari exitus, quem la- „tantummodo manus abest. „
„tentem uxor interficiendum, quid

III.

1. Quamvis vero Mandator contrahat crimen, quod Mandatarius est exequutus; quaeri tamen posset an teneatur quoque gravioris flagitii, quod ille commiserit praeter suam voluntatem, atque expectationem, ut si Mandatarius fines excedens mandati occiderit, quem Mandator solum vulnerari mandaverat. Ac nemo dubitabit,

Nonnullae
Quaestiones.

opinor, quin caedes, etsi sequuta praeter voluntatem Mandatoris; huic tamen, tamquam ejus causae, sit omnino adscribenda. Quippe scire Mandator debebat facile posse Mandatarium mandati fines excedere, nec in ejus esse potestate strictum enssem sic moderare, ut vulneretur solum, non etiam interficiatur adgressus. [1] Si enim animadvertit, vel animadvertens neglexit, caedis causa fuit, cujus procul dubio tenebitur.

2. Quod si revocato mandato, nihilominus illud Mandatarius impleverit, poterit ne sequutum crimen Mandatori imputari? Certe statim ac Mandator tempore habili revocavit mandatum, eo ipso desit esse Mandatario causam delinquendi. Unde videtur expers delicti, quod sua libidine Mandatarius commisit. Nihilominus scribunt Doctores (a) hoc etiam casu revocantem mandatum puniri extra ordinem, forte propter periculum, quod futurum imminet ex sola datione mandati. Quae ratio eodem sapienter movit, ut traderent nudum mandatum, mandatique acceptationem, ubi res sit de gravioribus flagitiis, ut criminofam in Foro debere traduci, poenisque vindicari. Sic namque deterrentur Cives a corumpendis animis aliorum Civium, improbisque vindictis mandatis sepius quodammodo struitur sceleratis hominibus, ne tam facile eorum opera noxii evadant, qui alioquin futuri essent innocui (Cap. IV. §. IV.).

(a) BAJARD. ad CLAR. §. 6n. qu. 89. GRAMM. de- cif. 18. n. 3. GOMAEZ. var. 3. n. 41.

(1) Eleganter LYCUS apud Tragicum
Hercul. Fur. v. 403., et seq.
Arms, inquit, non servant modum,

Nec temperari, nec regimini fasile
potest
Strius ensis ira.

I V.

Ratihabentes.

Si fidem adhibeamus Jurisconsulto ULPIANO so-
let *Ratihabitio* [1] non solum in contractibus, sed etiam
in

in maleficiis mandato comparari, atque ad rei gestae tempus retrahere (a). Hinc ut scribit idem Ulpianus si quis alium meo nomine deiecerit, idque Ego ratum habuero, mandasse videor. (b) Num ergo qui ratihabent aliena delicta, sicuti qui mandant, crimen contraxisse dicentur? Non desunt inter rerum criminalium Scriptores, qui tradunt adstringi me Legi Corneliae de Siciariis si ratum habuero homicidium meo nomine gestum. Sed quid poterit gestum ante delictum ratihabenti imputari, si quo tempore est patratum nesciebat illud ab alio admissum iri? Alieno sane laetatur flagitio, qui illud postea ratihabet, eoque ipso animum foedabit, improbiusque notam incurret: et hoc sensu verum est, quod ait QUINTILIANUS (d) simile nimirum esse natura scelus facere, et probare. At cum is nullatenus influxerit tamquam causa in alienum flagitium, eo nequaquam tenebitur. [2] Recte TIBERIUS causam PISONIS remittens Senatui: Si Legatus, inquit, (PISO) officii terminos, obsequium erga Imperatorem exiit, ejusdemque morte, et luctu meo laetatus est, odero, seponamque a domo mea, et privatas inimicitias non Principis ulciscar. Sin facinus in cuiuscumque mortaliū nece vindicandum detegitur; vos vero et liberos Germanici, et nos iustis solatiis adfuite. (e)

(a) Dig. lib. 50. tit. 16. Leg. 152.

(b) Dig. lib. 45. tit. 16.

(c) Decian. 12. Tracl. crimin. 38. Clarus §. fin. quaest. 87. n. 5.

(d) Declam. 225.

(e) Tacit. Annal. III.

(1) Ratihabitio expressa est, vel tacita. Expressa sit aut re, aut verbis, aut actu. V. Digest. lib. 46. tit. 8. Leg. 5. Tacita concurret pluribus in casibus, quos exequutus est PETRUS PAKJUS in cop. Ratihabitionem 10. de R. J. in 6.

(2) Ipsemet ULPIANUS id intellexisse videtur in interpretatione Edicti Praetoris de infamibus, negans infamem esse, qui nuptias contra Edictum Praetoris contractas postea ratas habuit. V. Dig. lib. 3. tit. 2. Leg. 13.

V.

Sed qui imperant delinquere instar Mandatorum procul dubio delicta contrahunt, quae eorundem jussu sunt.

Jubentes, Obsequentes.

fiunt. Est jussus Domini, Patris, Magistratus, ceterorumque, qui supra alios legitimam exercent potestatem, et imperio potiuntur. Quibus quidem si quidpiam imperetur criminofum admitti, id Jubentibus magis imputatur, quam illis, qui sunt obsequuti; quod Jubentes efficaci voluntate Obsequentibus causa moralis fuerint delinquendi. (§. I.) Nam jussus eorum, qui imperandi potestate potiuntur, vim quamdam habent admixtam, et parendi necessitatem quodammodo adferunt. Itaque imperati sceleris culpa reedit fere tota in Jubentes, [1] qui causam iis praebuere delinquendi, quibus, ut inquit TACITUS in solo obsequio gloria relicta est. Nec tamen qui paruerunt immunes abeunt a crimine contrahendo, cujus ipsi physica causa fuerunt (§. I.). Nulla siquidem tanta viro bono imponi valet necessitas, ut facinoris alicujus labe se maculet, et

Nunquam non potest esse virtuti locus. (2)

- (a) 3. Ethic. 1. Hinc recte ARISTOTELES (a) ridiculam fuisse scripsit ALMAEONIS excusationem apud EURIPIDEM, quod patris jussu matris delicta punisset. Sed propter vim, quae jussui inest poenae semper leniuntur in eos, qui deliquerunt, aliquando etiam penitus indulgentur. Ita Rex MITHRIDATES (b) ATILII sibi insidiatum merito adfecit supplicio, ejus servos impunitos dimisit, quod heri sui imperio parere coacti essent.

(b) Appian. de
Bell. Mithrid.

(1) *Ad auctores redit*

Sceleris coacti culpa.

SÆMCO. Tronol. 870. 871.

(2) Quare merito est improbata vete-

ris illius Poetae sententia = *Pro Domi-*

nio peccare etiam virtutis loco est. =

PUBL. SIK. vers. 507

VI.

Consiliiarii Con-
sultores.

- I. illi etiam, quorum iniquis consiliis alii deliquerunt causa moralis esse videntur delictorum, quae Consulto-

sultores commiserunt. Scite PLAUTUS: *Qui monet*, inquit, *adjuvat*. Pravis namque suasionibus animum corrumpit malefici insolentem, et ad peccandum efficit alacriorem. Sed cum in Consiliariis minus efficax deprehendatur voluntas; proinde crimen magis Consultori adscribendum, quam Consiliario (§.I.).

(a) in Curcul.
act. 1. scen. 3.

2. Ceterum inter eos, qui consilium dant delinquenti, alii monent solum, hortantur, instigant; alii praeterea instruunt, et perficiendi sceleris viam ostendunt, veluti si quis furem doceat, qua parte aedium paterfamilias pateat injuriae, quibus ferramentis horrea effringi possint, (a) si quis adultero locum, tempus, occasionem explicet stupri inferendi, etc. Illos PUFFENDORFIUS generale scribit consilium dare delinquendi, hos vero speciale. (b) Sed quamvis generatim utrique causa saltem inefficax sint reputandi alienorum criminum; primos tamen vix dici possunt influere in Consultorum facinora. Unde subjungit laudatus Puffendorfius eos saltem in Foro humano pro Delinquentibus haberi non posse. Interpretes quoque, qui res criminales tractant, (c) dubitasse videntur, num hortari, monere instigare quempiam ad delinquendum, generale nimirum praebere delinquendi consilium, satis sit, ut Consiliarius tamquam reus traducatur in Foro propter plurimos inter se pugnantibus locos Juris Romani. (1) Quare satius duxerunt distinguere utrum sua sponte alioquin peccaturus fuisset, qui petiit consilium; an si alter male non consulisset fore, ut is a peccando sese abstinuisset, ut priori casu Consiliarius traducatur ut reus, secus autem altero casu. At de illis, qui speciale dederint delinquendi consilium fas non est dubitare, quin ut rei sint traducendi. Hi enim longe magis, quam illi influunt

(a) Matth.
Proleg. de cri-
min. Cap. I. n. 8.

(b) J. N. et G.
lib. I. cap. 5. §. 14

(c) Farinacc.
qu. 129. par. 3.
Clarus §. 6. n. qu.
88. Menoch. 2.
de arb. cas. 357.
n. 17.

in

in aliena delicta, cum rationes aperiendo delinquendi tantum non Architecti dici possint totius flagitii.

(1) Non aliter poterunt discrepantes inter se loci Juris Romani, quos prolixè refert MATTHIAS loco supra citato, conciliari, quam si dicamus ambiguitatem nominis *consilii*, quod habetur in veteri illa formula *Opè Consilii* ansum præbuisse Jurisconsultis quaerendi utrum ex solo præbito furandi, pnta, consilio, quod nulla sequuta est præstita furto opis, consiliarius commissi furti complex fieret. SABINUS novae sectae in Jurisprudencia fundator sententiam amplexus est adfirmantem. At LASEO, qui jampridem principatum supra Jurisconsultos adseclaverat,

quamquam pronus in novas opiniones, constans tamen fuit in tuenda veteri regula Juris Civilia secundum quam ex superscripta formula *Opè Consilii* hoc impunitum abibat, nisi illa insuper accessisset. Quam regulam sequutus est quoque JUSTINIANUS §. 2. *Instit. de Oblig. quae ex delictis nasc.* His fontibus derivatae antinomiae Legum excerptarum a TRIBONIANO ex sequentium Jurisconsultorum fragmentis, quæ ut erant Labeonis, vel Sabini disciplina imbuti, diversas eorum tulerunt sententias.

VII.

Ferentes opem.

1. Quod si qui non solum dederint delinquendi consilium, sed opem praeterea tulerint Delinquentibus; ii profecto potius, una simul cum primariis flagitii auctoribus delinquere, quam alienorum delictorum causa esse videntur. Quippe non moraliter tantum, sed etiam physice quodammodo influunt in aliena delicta. Itaque eodem fere crimine tenentur, quo primarii flagitii auctores irretiuntur praesertim in illis admissis, in quibus Leges reum expresse habent auctorem delicti, ac opem isti ferentem, et utrosque pari poena persequuntur. (a)

2. Opem vero tulisse non solum is intelligitur, qui in ipso delicto auxiliaris affuit exempli gratia caesum ne fugeret, aut injuriam propulsaret attinuit; sed etiam is, qui licet crimini committendo non interfuerit; ferramenta tamen, tela, venena commodavit, sciens cujus rei causa commodaret. Illum his recte adjiciunt rerum criminalium Scriptores. [b] qui tamen si manus non moverit; delinquenti nihilominus adstitit terrendi causa; ut si quis armatus praesto

(a) *Di g. lib. 49.*
tit. 2. leg. 54. lib.
48. tit. 9. leg. 7.

(b) *Clar. §. fin.*
qu. 90. *Ferrat.*
tit. 52. glos. 6.
n. 2.

sto fuerit caedenti, aut stupranti, vel excubitoris officio functus est delinquenti. Tandem ille quoque opem tulisse existimatur, qui post commissum crimen rei fugam iuverit, instruxerit, quique latitantem receperit, atque celaverit. (1)

(1) Notissima est sententia ΠΡΟΚΛΗ-

ΔΙΣ 7. 128.

Ἀρσένιος κλέπτει, καὶ ὁ κλεψύδαμος καὶ

ὁ ἀρσίφας.

Et qui furatur, et qui celas furem,

Ambō veri sunt fures. =

VIII.

1. Postremo inter causas morales ii quoque recensentur, qui possunt impedire delicta, et non impediunt, ac prohibent. (a) Non prohibuisse dicimus non modo eum, qui cum praesto esset quievit, aut cum posset non succurrit, sed et qui cum conscius esset, non praemonuit, vel indicavit, (1) ut instans periculum praecaveretur. Atque hi, quod moraliter aliquatenus videantur influere in aliena delicta, ab eis prorsus non abeunt exfortes. (2) Nam, ut inquit Jurisconsultus PAULUS, qui non facit, quod facere debet, videtur facere adversus ea, quae non facit. (b)

Qui possunt delicta impedire, et non impediunt.

(a) V. *Genuens.* loc. cit.

(b) *Dig. lib. 50. tit. 17. Leg. 121.*

2. Sed an omnes generatim personae, quae cum possent non prohibuerunt delicta, quaecumque ea sint, ut Rei valeant in Foro traduci heic non immerito quaeras. Plerumque enim homines aut pavore, aut concordia, aut quod putent se ad id non adstringi, negligunt subvenire laboranti; adeo ut omnium fere nomina ad Iudicem deberent deferri, si in Foro Rei habeantur quicumque cum possent crimina non inpedierunt. Quod profecto non esset ex usu Reipublicae, neque communibus hominum moribus conveniret. Praefertim cum inopportune nimis eum vexes Iudiciis, qui quiescere, quam periculo se obicere maluit.

S

... ani.

(1) . . . animusque nefas scelerare fi-
lendo.

SILIUS ITALICUS lib. 16. v. 610.

(2) Sapienter CICERO: *Injustitiae*, in-
quit, duo genera sunt: unum eorum, qui
inferunt, alterum eorum, qui ab illis

quibus inferunt, si possint non propulsant
injuriam Qui autem non defendit,
nec obstitit, si potest injurias, tam est im-
mitis, quam si parentes, aut amicos, aut
patriam deserat. *de Offic. lib. 1. cap. 7.*

I X.

Distinguuntur
personae, et cri-
mina.

1. Verum enim vero rem hanc omnem facile com-
ponas, atque expedies si crimina distinguantur, atque
personae. Quod namque spectat ad crimina, si quod-
cumque delictum cum posses non impedieris, haud sta-
tim nomen tuum referam in censum Reorum, sed reus
solum in Foro eorum criminum postulaberis, quorum
Leges, quibus Respublica utitur, expresse teneri edicunt
non solum qui fecit, sed etiam, qui neglexit prohibe-
re, atque impedire. Sic Romanis Legibus in delictis
raptus, parricidii, majestatis, aliisque nonnullis cavetur
aeque flagitio irretiri horum scelerum auctores, ac ea-
dem non indicantes, neque prohibentes. (a) Hi proinde
tamquam Rei traducuntur in Foro legitimis poenis
coercendi.

(a) V. C. l. 1. b. 9.
tit. 13. Leg. un.

2. Praeter crimina oportet etiam personas distin-
guere, quae cum possent, illa non impedierunt. Nam
aliae personae ad impedienda aliena delicta nullo pecu-
liari jure obligantur, sed dumtaxat, aut communi Ci-
vitatibus pacto [sic enim in Civitates coivimus, ut alii
aliis praesidio essemus] aut ex officio generico humani-
tatis. Ad hanc personarum classem primum omnes Ci-
ves pertinent vinculo Civitatis obligati: deinde universi
omnino homines propter illam naturae societatem,
quae est inter mortales. Si hujusmodi personae negle-
xerint impedire delicta cum possent, crimen contra-
hent

hent aliquantisper, quod inter morales causas recensentur, quae influunt quodammodo saltem in alienas actiones (§. VIII.). Sed quod non sit ex usu Reipublicae, neque conveniat communibus hominum moribus, eos immunes sinemus abire a criminali quaestione, nec poterunt ut Rei in Foro traduci. (1) Aliae vero personae obligantur ex peculiari officio, aut facere, aut impedire, veluti parentes adversus filios, pastores Populorum adversus Populos, Educatores, seu Civiles, seu Ecclesiastici, Magistratus, Legum custodes, et administri, excubiae, ii quibus negotium mandatum est, ceteri. (2) Igitur si praetermiserunt, quoniam causa fuere alienorum delictorum (§. VIII.), dubium non est, quin ut Correi redarguantur de crimine, (2) et tamquam delinquentes traducantur in Foro. Ut enim sapienter cecinit SENECA Tragicus, (c)

(b) V. *Mari. Antonin. lib. ix. §. 5. cum not. Grotius.*

(c) *Troad. v. 391.*

Qui non vetat peccare cum possit, jubet.

(1) aliquando tamen Civilibus Legibus contrarium expresse sancitum est, ut olim in Egypto quicumque crimina non impedivissent cum poterant, eadem poena puniebantur, qua illorum auctores. Item obtinuisse apud Laeae-
demonios meminit PLUTARCH. *Instit.*

Laconic.

(2) Quare TULLIUS se criminali Verris daturum profitebatur, etiam quae CARGILIUS sine Verris commisit, quod eum non prohibuerit, cum summam ipse haberet potestatem. *Drin. in Verr. n. 35.*

X.

Utrum *Maritus* has inter personas sit collocandus, quae peculiari jure obligantur aliena impedire delicta, jam olim disputavit MATTHAEUS (a) doctissimus omnium Interpretum, qui ex professo res criminales tractarunt. Quae quidem quaestio semper gravis, nec in-
jucunda, certe non inutilis videtur hoc seculo, quod
haud inepte vocayeris mulierosum. Nunc enim tam mol-

De Maritis.

(a) Proleg. de crimin. cap. 1. n. 16.

libus homines imbuuntur moribus, veluti perpetuo foeminis servituri. Et siquidem recta ratio suadet debilem viribus, animique impotentem regi a forti, et sagace, estque Divina Lege sancitum foeminas viris subiectas esse debere, idque secumfert ipsa praefens conditio connubiorum; jam patet viros peculiari officio obligari animis moderandi muliebribus. Si dotis compendio illecti, aut seducti sexus illecebris Mariti patiantur domesticum sibi imperium extorqueri ab uxoribus, quā poterunt ab earum flagitiis immunes censeri? (b) Sapienter VALERIUS MESSALINA olim Majores nostros monebat, differens in Senatu *frustra nostram ignaviam ad alia vocabula transferri: nam viri in eo culpa si foemina modum excedat.* (c) Sed vincant segnes numero mariti, novae vitam ducendi rationis liberi sectatores, qui gliscente mollitie, veterumque morum corruptione prope nunc sunt innumeri, donec apud nos Lege aliqua nominatim caveatur, ut crimen sit uxori non paruisse marito, et huic imputetur neglexisse impedire foemineam licentiam, vimque maritalis imperii ab uxoris, vel superbae, vel blandae infidiis non defendisse. (1)

(b) V. Juvenal.
Satyr. vi.

(c) Tacit. II. L.
Annal.

(1) Eo solum casu cautum id invenimus Jure Romano, ut nempe, qui Provincias regunt, si cum uxoribus proficiscantur, ex delictis teneantur, quae esse in Provincia forte commiserint. V. Leg. 4. Dig. de offic. Praesoful. Alii TAGITUM Annal. IV. 20. Sed Legibus Angliae maritus respondere, et satisfactionem praestare tenetur si quid uxor lingua, aut opere adversus

alium egerit; eo quod non sit usus potestate qua pollet ejusdem errata corrigendi. Quin immo si matitus, et uxor simul feloniam committant, a Legibus uxor neque ut principalis habeatur in delicto, nec tamquam accedens; quod ratione obsequii, quo tenetur erga maritum, vis ei ab hoc illata putetur. V. EDUARD CHAMBERLAIN notit. Angliae par. I. c. 26.

CA-

CAPUT X.

ADVERSUS QUOS DELICTA COMMITTUNTUR.

- | | |
|--|---|
| I. <i>Explicatio.</i> | VII. <i>Suicidium.</i> |
| II. <i>Incognitae Personae.</i> | VIII. <i>Quando olim Romae delictum de se ipso statueret.</i> |
| III. <i>Personae, quae sensu careant.</i> | |
| IV. <i>Foetus.</i> | IX. <i>De Mortuis.</i> |
| V. <i>Volenti an fiat injuria?</i> | X. <i>Appendix.</i> |
| VI. <i>An quis possit in se esse injurius?</i> | XI. <i>Cautelae.</i> |

I.

1. **S**ED non solum a quibus contrahuntur Delicta; sed etiam adversus quos ea possunt committi, par est cognoscere, atque enarrare. Certum est delicta omnia in Societatem generatim admitti (inter quae et illa comprehendenda, quibus Religio violatur, praediximus Cap.III. §.II.); siquidem eam labefactant, ejusque fini opponuntur. Praestat tamen heic rursus animadvertere, nonnulla inter delicta directim adficere Societatem, quae speciatim appellavimus *Violationes Pacti Socialis*; alia vero delicta, et haec numero longe plura, singulos Cives primario laedere, quae ipsa quoque reflexim demum recidunt in Societatem (Cap.III. §.II.). Nam si nefas nocere Patriae, ut graviter SENECA ratiocinatur, ergo Civi quoque; nam hic pars Patriae est. Sanctae partes sunt, si totum venerabile est. (a)

2. Civium instar hac in re *Extraneos* etiam habebimus

Explicatio.

(a) De Ira lib.
2. cap. 31.

bimus (Cap. III. §. V.). Quippe statim ac Extraneis licuit per Magistratus in suum ingredi Territorium, in Civitate morari; eo ipso intelligitur eis concessum fuisse publicum patrocinium, Legumque indultum praesidium, ut tuti securique instar Civium degerent in Civitate: Unde in eos quoque delicta admittuntur.

3. Jam vero delicta, quibus Cives primario laeduntur, proprie sunt, et dicuntur a Nobis *Injuriae Privatae* (Cap. III. §. II.). Quando igitur constat delicta omnia in Societatem generatim admitti, convertendus est hoc Capite sermo, et cohibendus dumtaxat ad Socios, seu Cives, de quibus quaeri meretur quoniam inter eos injuriis affici possint. (1)

(1) ANTONIUS MATTHAEUS jam saepe a Nobis laudatus se primum esse gloriatur, qui hujus Capituli argumentum peculiari tractatione adnaverit. V. *Prolegom. de crimin. cap. XI.* Nos ingenue, ut decet, fatemur

multa ab eo nostrum in usum huc transulisse: Quae tamen sic nostro more deduximus ex suis genuinis principis, remiscuimus, et novis quaestionibus auximus, ut Nobis non defuisse possimus consideranti videri.

I I.

Incognitae
Personae.

Principio non ambigitur, quin omnes indiscriminatum possint affici injuria, qui sunt ejus sentiendae capaces. Itaque existimabimus etiam in illum injuriam inferri, quem quis nolens affecit injuria. Nam facit injuriam, ut recte innuit Jurisconsultus ULPIANUS, (a) qui scit se injuriam facere, etiamsi nesciat cui faciat. (1) Et licet is si cognovisset Cajum, puta, non esse Lucium Titium abibiturus se foret ab injuria ei inferenda; tamen haec circumstantia non impedit; quin Cajus injuria intelligatur affectus. Praevidere enim poterat Injuraturus, atque debebat se facile errare posse in persona; unde si nihilominus non destitit injuriam inferre, videtur

(a) *Dip. lib. 47.*
tit. 10. leg. 7.

tur etiam in incognitum voluisse delinquere. (b) *Prævalet*, adposite concludit Jurisconsultus PAULUS, (1) *quod principale est eum injuriam mihi facere velle. Nam certus Ego sum, licet me alium putet esse, quam sum, et ideo injuriarum habeo.* (2)

(1) Certe fas non est huic potius, quam illum injuriari. Unde cuicumque injuria sit illata, semper qui intulit sit reus injuriarum, si sciens, prudensque ad injurandum accessit. V. Barbeyrac: ad POTH. *Droit de la Nat. des Gens Liv. 1. Chap. 111. §. 49. not. 1.*

(2) Sed injuriarum non tenetur, qui cum servum suum cadere vellet ad-

stantem liberum. percussit, putans suum esse servum. Nam injuriandi animus abest ab eo, qui servum suum cadere vult, quod ei licet jure potestatis. V. L. 4. *Dig. de injur.* At qui cadem, intendit, sed non ejus, quem destinavit, is dolo non caret. Unde merito injuriarum tenetur, nec errore excusatur a contrahendo delicto. V. *supra* Cap. VIII. §. 11. not. 1.

(b) V. Cujac. recit. in *Paul.* Tom. 5. Oper. (c) *Dig. lib. 47. tit. 10. Leg. 18.*

III.

1. Nec solum adversus personas, quae sentiunt injurias (§. II.); sed etiam contra personas, quae incapaces sunt injurias sentiendi, inferri possunt injuriae, veluti infantes, amentes etc. Quippe, ut inquit paulo ante laudatus ULPIANUS, *injuriam ex delicto procedentem is etiam, qui non sentit pati potest.* (a) Et re quidem vera non ex sensu patientis metiendae sunt injuriae, et pendenda delicta, sed ex dolo ejus, qui injuriam inferre est aggressus, et crimen patrare (Cap. V. §. III.).

2. Ceterum nil refert, quod hujusmodi personae se sponte plerumque obiciant injuriis. Quum enim intelligendi facultate uti non valeant (Cap. VII. §. I. et VI.), quid velint prorsus ignorant. Volebat, inquis, caedi Furiosus: at nesciebat quid vellet: Immo quā poterat velle, cujus nulla intelligitur esse voluntas? Tu igitur, qui obsequutus es, injurius in eum fuisti; et ideo injuriarum teneberis. (b)

Personae, quae sensu carent.

(a) *Dig. lib. 47. tit. 10. Leg. 3.*

(b) V. Mart. proleg. de Crim. cap. 3. n. 2.

IV.

Foetus.

(a) Dig. lib. 35.
tit. 2. Leg. 9.(b) Jur. N. et
G. lib. cap. 1.
§. 7.

An vero in illum, qui nondum prodiit in lucem, sed adhuc est in utero matris injuria possit inferri, dubitabit fortasse aliquis, quod alia ejus videatur esse conditio, ac personarum, quae sentiendi facultate carent. Siquidem partus nondum editus in lucem, si fides Jurisconsultis, homo non recte esse dicitur. (a) Injuriis porro ab aliena improbitate profectis, qui homines sunt adficiuntur, haud vero, qui nondum sunt nati. Quae vere quidem ab aliquo dicerentur de foetu adhuc informi, et inanimi. Quis enim potest intelligi facta injuria brutae materiae? Quamquam alioqui qui destruendo foetui operam dederit, in naturam peccaverit, Societatemque deliquerit, quarum illi hominem nasciturum subtrahit, istam futuro Cive privavit. (1) Sed qui in utero est Infans jam vivus, si ejus corpori nocitum sit, non solum parentes ipsius, sed etiam is videtur injuria esse affectus: Adeo ut tradere non dubitet PUFFENDORFIUS (b) posse infantem postquam acceptae in utero matris injuriae hausit notitiam, suo nomine agere adversus Injuriantem, ut tunc sibi illata sarciatur, et vindicetur injuria.

(1) PHILLO lib. de Legib. special. pag. 612. edit. Genev. sic interpretatur notissimam MOYSIS Legem, quae habetur Exodi XXI. 22. Si foetus adhuc est informis, qui percussit matrem debet solvere multam, tum quia impedit nativam; ne perficeret opus suum, vitamque daret animanti adeo specioso, qualis est homo. At si foetus formatum jam est integrum, cuius scilicet omnia membra naturalem occupant locum, et suis propriis pollent qualitatibus, percussor morietur. V. SALDEN de Jur. Nat. et Gentium secundum disciplin. Hebraeorum lib. IV. cap. 1.

V.

1. Nihil vulgatius est inter homines, magisque audias communi sermone usurpatum, quam nullam volenti fieri injuriam. Praejudicata hujusmodi hominum opinio nova non est, sed antiquis innititur auctoritatibus. Nam legimus ARISTOTELEM (a) expresse tradidisse alicui consentienti damnum quidem inferri posse; minime vero injuriam, quod injuria nemo adficiatur praeter voluntatem. Sicuti enim τὸ ἀδικεῖν, id est injuriam inferre est spontaneum quiddam, et voluntarium; ita ejus contrarium nempe τὸ ἀδικεῖσθαι, seu injuriam necesse est esse ἀκυστὸν τι, id est quiddam involuntarium. Itaque subjungit Philosophus GLAUCUS aurea arma permutans cum aeneis, nullam a DIOMEDE passus est injuriam; siquidem erat in ejus potestate dare, vel non dare. Veteres quoque Romani Jurisconsulti, quod fortasse miraberis, vulgare hoc adagium amplexati, illud pro regula habuerunt Juris Civilis. *Usque adeo, scribit ULPIANUS, injuria, quae liberis nostris infertur pudorem nostrum pertingit, ut etiam si volentem quis filium venderit, patri, suo quidem nomine competat actio injuriarum; filii vero nomine non competat, quia nulla est injuria, quae fit in volentem.* (b)

Volenti an
fiat injuria?

(a) Ethic. V.

11.

(b) Dig. lib. 35.
tit. 10. Leg. 1.

2. Sed nihil magis est falsum, quam memoratum essatum, et regula Romanae Jurisprudentiae, qua effertur nullam volenti fieri injuriam. Caedi siquidem, exempli gratia, deiici e saxo, aut fama laedi qui vult homo, id nec ex recta ratione vult, neque velle in ejus est potestate, denique imperfecta eligit voluntate, cum nempe adfectus excusso fraeno rapiunt aurigam. Ita in-

T

ter-

terdum homines ignominia, aut doloris impatientia victi mortem sibi volunt inferri, quam recta ratione fugiendam intelligunt, perfecta voluntate fugere vellent, et adfiscere in sua haud positum est voluntate; uno verbo, ut de se fatebatur MEDEA apud OVIDIUM, (c) deteriora sequuntur. Si quis ergo licet ultro rogatus turbatae istiusmodi hominum morem gerat voluntati, in eos injurius censebitur, seque delicto implicabit. (1) Cogitare enim debet is, qui rogatur volentem affici injuria, vix distare a furioso, cujus voluntati ratio non moderatur. Si nihilominus se vinci passus est, injuriaque volentem adfecit, suae audaciae debitas poenas persolveret. SAUL, qui primus fuit Rex Hebraeorum, ammisso proelio adversus Palaestinos jam instantibus hostibus, et undequaque urgentibus, imminenti conturbatus periculo, et peccatorum conscientia agitatus ultro voluit ab Armigero occidi. Hunc autem, si ei obsequutus fuisset, injurium futurum in dominum suum, nec sine crimine potuisse ipsum, etsi volentem, interficere, docuit eventus. Quum enim palantium non nemo genere Amalekita DAVIDI ementitus esset Saulem in proelio ultro volentem interimi occidisse, cum ultimo adfeci jussit supplicio adjecto hoc elogio: „Caedis tuae causa est super caput tuum: nam os tuum testatum est contra te, „dicendo ego morte adfeci untum Jehovah.“ (d)

(c) Metamorph.

(d) Samuel.
II. 1.

(1) DEIMAIRA hortans HERCULEM, ut ei mortem inferret,

Non eris, inquit, totum scelus a te peractum;

Dextra sternar tua, sed mente nostra.

apud SENECA. *Hercul. Oct. 2.995.*

FLO-
RUS *rer. roman. lib. 4. cap. 7. in fin. Regis,*

scribit, sapientissimos Viros (Brutum, et Cassium) non miretur, ad ultimum non suis manibus usus; nisi hoc quoque ex persuasionem non desuit, ne violarent manus, sed in abolitione sanctissimarum, sapientissimarumque animarum judicio suo, scelere alieno uterentur.

V L

1. Quae hæcenus enarravimus evidenter ostendunt quantopere oporteat cavere ab effatis vulgo celebratis, atque etiam a plerisque regulis, quas Jurisconsulti praescribunt. Nam saepe veritatis specie errorem obrudunt, et si sedulo non animadvertatur, imponunt etiam probis Viris; qui cetera alioquì prudentes, piaculum tamen aestimant axiomata communiter recepta ad examen revocare, vel quia stulta, et importuna reverentia ducuntur, vel, quod frequentius est, metuentes, ne quae juvenes didicere, cogantur senes perdenda fateri. Hinc tot in humana vita absurda, hinc tanta errorum copia in Criminali Jurisprudencia.

An quis possit
in se esse inju-
rius?

2. Atque ex his, quae supra a Nobis exposita sunt praeterea intelligitur, (quod cominus respicit propositum nostrum) num in se quis possit esse injurius, nempe delinquere. Quum enim non omnia quae facimus, aut patimur in nostra sint potestate; sequitur, ut si quid nobis intulerimus, quod in nostra potestate non est, in nos simus injurii, idque debeat crimen esse censer. (1)

(1) Sed regerit hæc quoque Aristoteli non posse quemquam sibi facere injuriam. Nam, inquit, aut contra universalem, aut contra particularem justitiam sibi injuriam facere diceretur. At contra neutram. Ergo etc. Quod etsi largiremur de secunda propositionis parte, quia justitia particularis est virtus, quae exercetur in alios; tamen altera propo-

sitionis pars manifesto falsa est. Si enim ceterae deficerent Leges, adest certe sancta Naturae Lex rectae rationis ope hominibus a Deo promulgata, quae diserte eis vetat in se esse injurios, ut sequenti §. fusius observabimus. Unde patet contra universalem justitiam peccare quicumque sibi injuriam inferre adgrediuntur.

VII.

1. Non est porro in nostra potestate vitam deferre, extremumque oppetere fatum. Nam DEUS, ut sa-

Suicidium.

(a) In Phae-
do.

pienter ratiocinabantur PYTHAGORICI apud PLATONEM (a) nos in hac vita tamquam in statione collocavit, cuius injussu nefas est ab ea discedere. Nam primigenia Deus est, et sola causa nostrae existentiae, qui proinde solus ejusdem dominus, et arbiter est. Itaque nihil quidquam juris nos in vitam nostram habemus; de qua si aliquid triste velimus statuere, quod folius Dei jus est, illegitime usurpamus. Et quemadmodum nunquam desinit Deus nostrae existentiae principium esse; ita nullus potest contingere casus, quo nobis fas sit vitam nostram, quae ejus est opus, et munus destruere, et legitime uti jure, ac potestate, quae ipsi unice competit. (1) Quasi vero recta ratio, qua clare haec colligitur, praesto semper non foret hominibus aestu passionum plerumque in transversum abreptis; potentissimum eis infaevit studium conservandae vitae, amoremque vivendi. Adeunt homines, ut cetera animalia, statim atque nati sunt, ipsi sibi concilientur natura, et ab interitu alienentur, iisque rebus, quae interitum videantur afferre. Praeclare SENECA *nallum animal*, ait, *ad vitam prodiit sine metu mortis*. [b]

(b) De benef.
IV. 17.

2. Nec si mala, quibus forte Mortalis urgetur, numero, et gravitate longe superent bona, quae paucis levibusque, et malo semper admixtis fruitur; proinde hic furor non erit, ne moriari mori. (2) Siquidem mala moralia mala non sunt; nisi eis adfentiamur. Cohibere adfensum, jam penitus tolles; quin oporteat in te met ipsum esse crudelem. Mala autem physica si gravia non diuturna, si levia ferenda, pleraque opinione intollerabilia sunt non natura, omnia minora sunt patientia, meliorisque sortis spe leniuntur, quae bene praeparata pecto-

pectora semper fovet, atque sustentat: (c) nam *via prima salutis, quod minime reris*: Et quamvis non desinant afflictiari; tamen

(c) V. *Formey*
Diss. sur le me-
urtre de soi-même.

Fortius ille facit, qui miser esse potest. (d)

Praesertim quum non liceat nobis Numini refragari, a quo sortes pendent humanae, et provide, sapienterque bona, et mala hominibus tribuuntur. (3)

(d) *Martial.*
Epigr. III.

3. Profecto Civilium Societatum Fundatoribus, et iis, qui deinceps Populis Leges tulerunt, cum conspicerent quemquam suoapte ingenio satis valide ad vivendum hortari; supervacaneum visum est, in quod imus, impellere. Non desuere tamen olim quoque Gentes; apud quas Autorichia, cujus nullae adducerentur idoneae causae, Legibus improbata, et punita. (e) Verum nunc communi calculo recepta est doctrina illorum Romani Juris Interpretum, qui volunt homicidam esse, et Lege Cornelia de Sicariis teneri, qui violentas sibi manus intulerit, seu occidendi animo se vulneraverit. Nam si occiderit supervacuo quaeremus an Legis sit reus. Atque is sane videtur esse in Societatem injustus, qui cum gavisus commodis fuerit, quae ab ea in Cives derivantur; dein morte se subtrahit ab iis reddendis officiis, quae vi pacti socialis debet adversus eandem praestare. Hujuscemodi redarguebantur injustitiae Cives illi Romani, qui, ut evitarent operas cloacarum communi commodo indictas a TARQUINIO PRISCO, se se vita privabant, quorum proinde corpora Rex cruci jussit affigi, et spectanda Concivibus, volcribusque objecit voranda. (f) Quin immo moribus alicubi obtinuit; ut eorum, qui mortem sibi intulerunt cadavera furcae appendantur, aut a Carnifice Civitate extracta sub patibulo humentur. Quod esset

(e) V. *Alexand.*
ab *Alex.* genial.
dier. lib. 4. cap. 28.

(f) *Plin. Hist.*
Natural. lib. 26.
cap. 15.

esset semper ubique inviolate observandum, quoties triftis hic casus contingit, ut opinione confirmetur, quod natura nos monet, et divinis, sacrisque Legibus inculcatur, nefas, nimirum, hominibus esse suo lubitu animam a corporis custodia dimittere, sibi quae audaci, foevaeque manu extremum properare fatum. Sic olim cum temere Virgines Milesiorum suspendio vitam passim finirent, nec posset ullatenus furor compefci, cautum, ut quae molli pectori non pepercissent unco impacto nudae a Carnifice traherentur. (g) Tunc demum pudore victa muliebris audacia, quae forte incommoda evaserat Milesiis hominibus.

(g) A. Gell.
Noct. Att. lib.
15. cap. 10.

(1) Haec fuit Sapientiorum inter Antiquos doctrina. *Vetus ille dominant in Nobis Deus* tradit TELLUS cit. lib. 1. *Tu, quae, inju tu hinc suo Nos demigrare*; et apud Inferos torquerios, qui ausi se interficere, ostendit VIRGILIUS his versibus.

*Proxima deinde tenent moesti loca
qui sibi letibum*

*Insonit proterere manu, lucemque per-
vosi*

*Proferere animas, quam vellent uthe-
re in alto*

*Nunc paupertatem, et duros perferre
labores.* Aeneid. lib. vi.

Non pauci tamen olim florere Philosophi, qui Svididium docuerunt, atque laudarunt. Ab eorum doctrinis praecipue derivati sunt mores, quamplurimum Gentium, quibus Autochiria ut actio habita est illustis, vel saltem indifferens, Multi vero Antiquorum memorantur, qui frigidi, et consequenter ad varia sythemata, quae sibi conflagrant, se ipsos interfecerunt. Sed vetus hic furor videtur hac nostra aetate rursus homines invasisse, praesertim qui incolunt boreales Europae plagas magis vi Phantasmis, qui est seculi morbus, quam defectu philitationis spirituum animalium. V. VOLTAIRE *Tom. du Svi-*

cide. Consuli meret *Istoria Critica, e Filosofica del Svididio Ragionato* Lucra 1761., cujus doctissimus Auctor, quamvis voluerit fictitio nomine latere; notissimus tamen est universae Italiae, cujus literariam gloriam aliis etiam auxit ingenii sui foetibus.

(2) Sunt hac nostra aetate, equis nescit? non pauci, qui malefana, triftique imbuti Philosophia, ut CYRINIACUS HAGASIAS in Libro *εὐναγγοῦ* cujus meminit CYSERO *I. Tuscul. 2. quae.* fallaci eloquentia enumerant incommoda, mala depingunt, quae hominum vita urgetur, et afflicta, ut vivendi odium ingenerent Mortalibus; suadeantque Svididium, quod nec vetitum, neque illicitum, et perperam contendunt, et impie docent. Crudeles eorum conatus, beneficio Naturae, quae potentissimum cunctis animantibus insaevit vivendi desiderium in irritum cedunt; nec timendum, ut quam ipsi non exequantur doctrinam, multi amplectantur. Summopere tamen interest Religionis, et Societatis, ne femina haec pestifera serpant in vulgus. Nam difficile haud est iis imponere, qui vi phantasiae laborant, et Infortunati (neque enim a Felicibus adeo arbitror metuendum) possent fortasse sedu-

seduci. Salutaris autem timor, quem et Religio ingerit, et sanctio Legum gignit, pene reddetur inutilis, si suusum eatur hominibus melius mori quam vivere, neque impium illicitumque extremum sibi consciscere factum. Itaque severe prohibendi huiusmodi Misanthropi, ne scribendo incautos, maleque animo adfectos conentur corrumpere, quemadmodum Hegesias a Rege Ptolemaeo sapienter prohibitus fuit de huiusmodi argumento dicere in Scholis, quod multi eo audito violentas sibi manus inferrent.

(3) S. AUGUSTINUS quaenam esse debeat Christiani hominis doctrina lucubenter exponit *lib. 1. de Civ. Dei cap. 26.*, ex quo sequentia haec placet Lectorum oculis verba subicere: *Hoc dicimus, hoc asserimus, hoc modis omni-*

bus approbamus neminem spontaneam mortem sibi inferre debere velut fugiendi molestias temporales, ne incidat in perpetuas: neminem propter aliena peccata, ne hoc ipso incipiat habere gravissimum proprium, quem non polluebat alienum: neminem propter sua peccata praeterita, propter quae magis hac vita opus est, ut possint puniendi sanari: neminem velut desiderio vitae melioris, quae post mortem speratur, quia reos suae mortis melior post mortem vita non suscipit. E conspectu huius sanae, veracisque doctrinae unusquisque percipiet, quid sentiendum de pluribus his exceptionibus, quas nonnulli prudentes aliqui Scriptores proponunt circa Svidium, praesertim HARNIACUS, et SAMUEL DE COCCIS Jurisconsulti gravissimi Comment. in HUG. GROT. de J. B. et P. lib. 11. cap. 19.

VIII.

Sed Romae nulla libertate florente Lex fuit, quae mortis contemptores faceret reos. Et re quidem vera in Romana Historia multa occurrunt illorum exempla, qui sine crimine mortem occuparunt, immo quorum, vel ex hac ipso posthuma gloria narratur. Cui non auditus CATO ille UTICENSIS, qui a TULLIO praesertim summis in coelum laudibus effertur, quod liber mori maluerit, quam cum pudore, atque dedecore CAESAREM pati tyrannum, et Reipublicae fato superesse. Nam Romani, digna liberis hominibus doctrina sic instituebantur a teneris usque unguiculis, ut ingenuo strenuoque Civi nil turpius ducerent pudore, ac dedecore, nil desiderabilius fama, atque gloria. Itaque vitae etiam periculo, ac discrimine illud fugiendum, hanc adipiscendam censebant. Nec toto, qua late patet, Jure Romano Svidium in hominibus sui juris, vel punitum, vel improbatum repe-
rias.

Quando olim Romae delictum de se ipso statueret.

(a) V. Eward.
Ottom. de Stoic.
J. G. philoso-
phia.

(b) Dig. lib. 15.
tit. 1. leg. 9.

(c) Observ. Jur.
Rom. lib. 15. c. 4.

(d) Histor. 1. 3.

rias. Quippe et ipsi Romani Jurisconsulti, cum essent stoice eruditi [a] ex Stoicorum philosophia in Jurisprudentiam transtulerunt celebre illud axioma *mori licet cui vivere non placet*, ut ULPIANUS respondit de Servis, quibus naturaliter dixit licere in corpus suum soevire. (b) Et MARCIANUS puniendum quidem videri, inquit, qui manus sibi intulit, nec perpatravit, si nulla causa id fecerit; sed statim addit ex Stoica disciplina fatis causae esse si taedio vitae, vel alicujus doloris impatientia ita de se statuerit. Quae causa quoniam fere est perpetua, ideo recte ex tota illa disputatione, quam prolixè habet Marcianus, collegit acutissimus BYNKERSOEKIIUS (c) Jure Romano cuilibet fas de se ipso statuere; nisi quis mori, quam damnari voluerit ob conscientiam criminis.

2. Atque hic solus est casus, quo demum extincta Reipublicae libertate, imperioque unius inducto coepit Romae delicto Legibus verti sibi parere lethum. [1] Scilicet ea res, quod illorum commodo cederet, quibus metuendum erat ab Imperatorum tyrannide, et judicia, carnis exque imminerent, passim Urbe frequentabatur. Eorum namque, qui de se statuebant, humabantur corpora, testamenta manebant, pretium, ut scribit TACITUS, (d) festinandi. Sic evitata bonorum publicatione, Fiscus privabatur eorum compendio. Postquam ergo Imperatores crudelitati, qua vel levibus suspicionibus capiti illustrioris cujusque Civis struebant insidias, avaritiam conjungere, durum sibi visum, ut fortunis fraudarentur ditiorum, qui voluntaria morte atroces calumnias, corruptaque Judicia praeveniebant. Itaque iis, quos designarant ad caedem, utile duxerunt viam intercludere propria conservandi

di bona, sanxeruntque crimen fore (c) sibi adimere vitam ob conscientiam, metumque alterius flagitii. (2)

(c) *Bellum.*
Gover. de potest.
in se ipsum lib.
1. Cap. 3.

(1) Quamquam non defuerant Interpretes Juris Romani etiam eruditi, qui indiscriminatim docerent prohibitum eo Jure sibi mortem inferre. Sed exemplum, quod de milite affuerunt, qui ubi se vulneravit, sibi que intulit manus, nec factum peregit; nisi id fecerit impatientia doloris, aut taedio vitae, aut morbo, aut furore, aut luctu, aut pudore, quibus casibus cum ignominia mittitur *Leg. 6. §. 7. Dig. de re milit. Leg. 38. §. ult. Dig. de poen.* nihil eos juvat. Etenim quod juris est in milite ex militari disciplina, non continuo licet transferre ad non milites, quorum ab illis ratio est longe diversa. Nimirum locant milites se vitamque suam pro salute Principis, atque Reipublicae: unde faciunt iniuste, injuriamque Reipublicae interunt, si extra eam causam vitam perdere volunt. Nec si naturaliter servo sis est in semetipsum scire; id civiliter quoque ei licere videbitur. Quippe de se statuere nequit citra Domini injuriam.

Propterea malus servus a ULPIANO appellatur in *Leg. 23. §. 3. Dig. de Adil. Edic.*, cujus auctoritatem memorati Interpretes afferunt. V. BINKERSOKE: *loc. cit.* Quia immo pessimus erat vocandus, quia qui mortem contemnit, non magis utilis esse potest emptori, quam Lacedaemonium illud mancipium, quod maluit illisum parieti caput rumpere, quam operas Domino praestare, ut narrat *SANCTA EPISTOL. LXXVII.*

(2) Scite ergo observavit MONTESQUIEU *Leges Graecas*, quibus Auctoritatem improbat, cui non idonea causa, sed imbecillitas animi dedisset, diversum a Romanis Legibus finem intendisse in prohibendo, puniendoque Svcidio. *La Loi de Platon*, scribit, *étoit formée sur les Institutions Lacédémoniennes, ou l'ignominie étoit le plus grand des malheurs, et la faiblesse le plus grand des crimes. La Loi Romaine abandonnoit toutes ces belles idées: elle n'étoit qu'une Loi Fiscale: Espr. des Loix Civ. liv. XXIX. chap. IX.*

IX.

1. Difficilior, et salebrosior videtur esse disputatio num *Mortui* possint adfici injuria, sintque aliqua in ipsos admittenda delicta. Negat heic iterum ARISTOTELES, quia injuria haud fit personis, quae sensu carent, quales, vel in primis sunt Mortui. (a) Certe cadavera non sentiunt injurias, et non perituros animos alias in sedes translatos probra non tangunt mortalis exuviae. Sed cum PLATO, ut refert in ejus vita LAERTIUS, tria statuisset genera justitiae, quorum primum circa Deos, alterum circa homines, tertium denique circa Mortuos versatur: quod postremum illi exequuntur, qui Mortuis justa per-

De Mortuis.

(a) *loc. sup.*
cit.

solvunt; consequens est, ut his fieri dicatur injuria, si quis iusta nequaquam perfolvat. Proinde ULYSSES apud SOPHOCLEM monens MENELAUM ad humandum AJACEM

Menelae, inquit, post tot dicta sapienter cave

Injurius sis in hominem mortuum.

(b) Dig. lib. 2.
tit. 7. Leg. 12.

Idque etiam Romani videntur probasse. Nam Jure Civili cautum, (b) ut si haeres, vel is cujus curae hoc testator injunxerat, defunctum non funeret, ammittat ab eodem relicta tamquam indignus, aut de dolo teneatur, aut extra ordinem cogatur. (1) Quin immo eo Jure actio competit haeredi, vel bonorum possessori ob contumeliam cadaveri illatam, (2) et constituta est extraordinaria accusatio sepulchri violati adversus eum, qui aperto sepulchro ossa eruit, cadavera vexat, spoliatur. Quod si quis tamen mordicus pergat urgere injuriam Mortuis proprie fieri haud posse; non admodum repugnabimus, solumque defendemus, quod fit in Mortuos, juris saltem interpretatione pro injuria haberi.

(1) SOLON quoque, ut CICERO refert lib. 1. de Leg. poenam constituit in eos, qui defunctorum busta injuriis affecissent.

(2) ULPIANUS Leg. 7. §. *Est forte Dig. de injur.* Est forte cadaveri defuncti fit injuria, cui haeres, bonorumque possessor ex titimus,

„injuriarum nostro nomine habemus
„actionem: spectat enim ad existimacionem nostram, si qua ei fiat
„injuria, PAULUS Leg. 27. Dig. cod. tit.
„Si statua patris tui in monumento
„posita saxis caesa est, sepulchri violati agi non posse, injuriarum agi
„posse Labeo scribit.

X.

Appendix.

Ceterum illud heic appendicis loco opportunum erit subjungere, aliquando nimirum evenire, ut quamquam quis, vel maxime invitatus patiat injuriam; nulla tamen ei illata videatur injuria, nullumque crimen adversus ipsum intelligatur esse commissum. Quod toties contingit, quoties Leges ipsae nos armant aduersus Delin-

linquētes, publicaeque devotionis vindictam privatis permittunt. Tantum namque abest tunc committi delictum, ut e contra Reipublicae plurimi interesse videatur, ut de quibuscumque nocentioribus Reis a quocumque statuatur. Quo casu injuria hujusmodi fursuris hominibus illata a privatis, quasi fungitur vice publicae poenae. Quippe frustra perfaepe in holce Reos Magistratum imploraretur auctoritas, et Legum vindicta expectaretur. Ita exempli gratia furem nocturnum in agris, obsessorem viarum, desertorem militiae, et transfugam fas erit cuicumque occidere, quin delicto irretiat. (1) Sic olim SCIPIO NASICA irruens in concionem sine crimine, immo cum laude TIBERIUM GRACCHUM interfecit, qui seditiosis rogationibus Reipublicae statum conabatur evertere. (2) SALUS PUBLICA SUPREMA LEX ESTO. (2)

(1) *Liv. Dec.*
3. lib. 4. Cap. 4.

(1) *Legibus Romanis quamquam vis omnis interdicta esset: nam Legibus XII. Tabular. expressum: Vis a Populo abesto: tamen licebat insuper privata auctoritate prehendere adulterum Leg. capite 25. Dig. ad Leg. Jul. de adul.*, et retinere debitorem fugientem, sique nummos extorquere *Leg. ait Praetor Dig. de his, quas in fraud. credit.* Nam in his quoque specie-

bus vel maxime in mora periculum.

(2) Apud ARISTOTELIUM *Orat. I.* (pag. 220. Edit. Wechel.) sequens extat Lex Atheniensium adversus Reipublicae perturbatores, et eversores. *Si quis democraticam Athenis evertat, aut si quis imperio populari soluto, Magistratum aliquem habeat, Atheniensium hostis esto, impuneque interficiatur.* Confer. *Burdum de jur. Zolotarum in Gent. Haeb.*

X I.

Cauthelac.

1. Verum enim vero cavere sedulo oportet ne Legibus ultro, atque extra necessitatem publica vindicta privatis permittatur. Ut enim sapienter monet J. C. PAULUS (a) non debet singulis concedi, quod per Magistratum publice fieri potest: alioqui occasio suppeditabitur majoris tumultus faciendi, et rixas excitandi inter Cives. Imprudenter ergo, ut silentio cetera praeteream, quae haec exempla possent afferri, PLATO impune permisit

(a) *Dig. lib.*
50. tit. 17. *Leg.*
176.

V 2

occi-

(6) Lib. vi. et
vi. de Leg.

occidere curatorem agri, qui a convivio publico una diē nocteque abfuerit, et eum, qui praeter Legis voluntatem nuptiis, aut liberis procreandis operam navaverit. [6] Nam leviora sunt haec admiffa; et alia ratio est illorum, qui ea commifferunt, ac transfugarum puta, desertorumque militiae, ac perturbatorum, everforumque status Reipublicae. Nam hos omnes publicae vindictae cauffa interficere potest cuique permitti. Quippe periculum imminet, ne dum Publicae Potestatis vis exoscitur, et expectatur elapsi, hostium potiāntur, vel statum Reipublicae evertant, regimen immutent, Civitatem opprimant. At illi possunt commodē a Magistratu comprehendi, quin adeo metuendum de gravi noxa, aut de fuga, quam licet arripiant, nullum tamen ab ea periculum Reipublicae impendet.

2. Quod si tandem hujusmodi aliquid publicae devotionis cauffa Legibus permittatur Privatis; id semper tale esse debet, ut poenae locum possit honeste subire. Sic caedere hominem et poena esse potest, et crimen. Recte ergo privatis valet permitti, ut propositis insistamus exemplis, transfugam, desertoremque militiae, hostem, ac everforem Reipublicae occidere. At adulterium, puta, crimen dumtaxat est, nec poena esse potest. Si itaque CLODIOS POMPEJAM CAESARIS adulteravit, nequit vice poenae Caesari permitti, ut Clodii uxorem adulteret. Turpis profecto haec esset retaliatio, quam nefas sinere Leges Civiles, quae sunt, vel esse debent Legum Naturalium, vitaeque honestatis vindices, atque custodes. Idque de stupro, furto, convicio, calunnia dicas, similibusque flagitiis, quae naturā probra sunt, nec ulla Legum permissione licita evadunt.

CA.

CAPUT XL

OBLIGATIONES EX DELICTO NATAE.

- | | |
|---|--|
| I. <i>Obligatio ex delicto duplex,</i> | VII. <i>Quanti aestimanda.</i> |
| II. <i>Fundamentum obligationis subeundae poenae.</i> | VIII. <i>Obligatio reparandi damni non perimitur red-
ditiōe poenae.</i> |
| III. <i>Haec obligatio non egreditur personam Delinquentis.</i> | IX. <i>Quid si Reus damnetur ad mortem?</i> |
| IV. <i>Damnum quid.</i> | X. <i>An, et quatenus huiusmodi obligatio transeat in haeredes.</i> |
| V. <i>Unde obligatio reparandi damni.</i> | XI. <i>De Universitatibus.</i> |
| VI. <i>Quae damna surcienda.</i> | |

I.

QUicumque adversus Cives sunt injuriosi [Cap.X.], ^{Obligatio ex delicto duplex.} et directim delinquant in Societatem, vel caussa sunt, ut alii aut injurias Civibus inferant, aut quomodolibet Rempubicam laedant [Cap.IX.]; omnes ex suis, alienisque delictis, quibus causam dedere, obligantur. Est obligatio morale vinculum quo necessitate adstringimur alicujus rei gerendae, vel tollerandae [Cap.II. §.VIII. n.2.] Scilicet Delinquens intrinseco veluti sensu imbutus cogitur judicare merito se pati debere malum, quod imminet non obsequenti Legibus, quia illud, Leges, ut par erat, observando, facile potuisset vitare. (a) Dum ergo quis in Rempubicam directim deliquit, tenetur poenam sufferre, quae in suum delictum praescribitur Reipubli-

(a) V. *Puffend.*
J. N. et G. lib.
1. Cap.6. §.5.

blicae Legibus. At quando Civis Civem adfecit injuria, quoniam haec injuria reflexim recidit quoque in Rempulicam, cujus est ille membrum [Cap. II. §. I. Cap. X. §. I.], ideo tunc ipse, et sustinendae poenae obligatione premittitur, et obligatione insuper faciendi damni, quod ex sibi illata injuria forte passus est laesus. (1) Quum enim in omni delicto semper concurrat publica noxa, et aliquando etiam damnum privato illatum; illi poena respondet, huic damni reparatio- (2) Unde duae ex delictis nascuntur obligationes altera poenae subeundae, qua semper, altera damni reparandi, qua tunc solum delinquentes tenentur, cum alteri damnum injuria dederint.

(b) Grot. de
J. B. et P. lib. 2.
Cap. 17.

(1) Recte ergo docet Imperator Justinianus §. 1. *Instit. de oblig.*, quae ex del. nasc. obligationes ex delicto procedentes omnes ex re nasci, id est ex ipso maleficio. Qui autem differunt obligationes a delicto patet ab obli-

gationibus, quae ex contractu proveniunt, facile intelligitur. Nam ad constituendam ex contractu obligationem requiritur mutui Paciscentium consensus. At ex delictis obligamur nolentes etiam, et inviti.

II.

Fundamentum obligationis subeundae poenae.

Et ad poenam quidem Cives delinquentes obligantur vi *pacti socialis*, unde subsistit Civilis Societas. Nam nisi poenae sancitae fuissent adversus eos, qui in Societatem, Sociosque peccassent; jam quo immodo potuissent homines fraeni impatientes contineri, ne eam rursus sibi vindicarent partem suae libertatis, qua se in commune commodum abdicarunt?

(a) Juvenal.
Satyr. III.

Rari quippe boni numero vix sunt totidem,

Quot Thebarum portae, aut divitis ostia Nili. (a)

(b) V. Heinec.
J. N. et G. lib. 2.
§. 161.

Itaque intelliguntur consensisse Cives, ut quisquis eorum delinqueret poenas teneretur subire publicis Legibus in suum delictum (b) indictas. (1) Hic fons, hoc fundamentum est obligationis subeundae poenae.

Qui.

(1) Quicumque vult finem, is necessario consentit in media, sine quibus finis obtineri non potest. Quum ergo sine poenis in delinquentes infligendis publica tranquillitas, et privata securitas, quae finis est status Civilis (Cap. II. §. x., nequeat haberi,

proinde ad eas subeundas merito Civet, si deliquerint se se obligasse censentur: istaque obligatio descendit deum a pacto sociali, quo Cives convenire in Rempubicam, et Civilis Societas substatinetur -

III.

Subeundae autem poenae obligatio, quae vi pacti socialis manet Delinquentes (§. II.), nequit alios apprehendere, et egredi extra illorum personas. Neque enim potest intelligi homines in Civilem coeuntes Societatem adeo sui curam neglexisse, ut vellent non solum ex propriis, sed etiam ex alienis delictis ad poenam obligari, atque consensisse, ut huiusmodi obligatio praeter fontes alios quoque innoxios constringeret: siquidem id crudele foret, atque iniquum, nec necessarium dignoscitur adsequendo fini, propter quem poenae sunt in civili statu sancitae; (a) immo etiam videretur ab eo esse alienum. Quare, etsi ad liberos quodammodo pertineant laudes, et probra parentum; tamen in eos non transit obligatio subeundae poenae, quam illi delinquendo contraxerunt. Similiter in haeredes ceterae omnes transeunt defuncti obligationes hac una excepta sustinendae scilicet poenae, (1) quam defunctus promeruit. Quippe haeres in bonis, quibus succedit, non in meritis, quae sunt mere personalia, defunctum repraesentat. (b) De vadibus quoque ambigendum haud est, quin obligatio in eos non transeat subeundae capitalis poenae, aut alterius cuiuscumque corpus affligentis vice illius, pro quo fidejusserunt. (2) Quum enim praeter jus fasque id sponponderint; eorum promissio nequaquam tenet. Ceterum satis est proposito nostro haec indi-

Haec obligatio non egreditur personam delinquentis.

(a) Senec. de Ir. lib. 2. Cap. 4.

(b) V. Dig. lib. 16. tit. 4. Leg. 3.

indigitasse, summisque labiis attigisse. Nam ex instituto Libro sequenti erunt a Nobis exponenda, quo poenas generatim spectabimus.

(1) *PAULUS Leg. 20. Dig. de poen. ¶ Si poena alicui irrogatur, receptum est commentitio jure, ne ad haeredes transeat* ¶ Quod ait *commentitio jure*, Majorum traditione accipio, insitaque naturae ratione, non scripta Lege. *V. GERVASIUS. de Jur. et Offic. lib. 2. cap. 8. num. 23.*

(2) Quod pertinet ad reliquas poe-

nas, quae corpus non affligunt, puta pecuniarias, Vades videntur se posse, quodammodo obligare. At etiam in his nequaquam intelligitur alienam obligationem in ipsos tranfire; sed potius ex proprio inconsulto facto obligari. *V. PUFFENDORF. Jur. Nat. et Gen. lib. 3. cap. 3. §. 32.*

IV.

Damnum quid.

(a) *Grot. cit. Op. lib. 2. Cap. 17. §. 2.*

Nunc vero fusius differamus de altera, quae aliquando ex delictis nascitur [§. I.] obligatione reparandi damni. Damnum forte a demendo dictum est το ἱλατον (1) cum quis suo minus habet. (2) Quaedam porro sua sunt alicujus natura, quaedam accedente facto humano, puta dominio, aut pacto, sive ex lege. (a) Natura homini suum est vita non quidem, ut perdat [Cap. X. §. VII.], sed ut conservet, corpus, membra, actiones propriae, quas jure suo tractat, et in quibus non oportet eum impedire. At hominis sunt accedente aliorum hominum facto res, quarum traditione adquisivit dominium, juraque, quae nascuntur ex Legibus, quale jus est exempli gratia, quod habet pupillus exactam diligentiam exigendi a Tutore, qui ejus res administrat. Si quis igitur, aut ipse per se, aut per alterum [Cap. IX. §. I.], praeter jus, admissoque delicto quemquam rebus deminuerit, quae sua sunt natura, vel facto humano; is et laesum in integrum restituere debet, quatenus per naturam licet; aut si non licet, quod saepe malum irreparabile sit, quod interest, et cui spectat, attribuire.

VAD-

(1) VARRO *lib. v. Damnum*, scribit, a *demotione cum minus re factum, quam quanti constat*. Alii derivant a graeco *δανειν*, ut sit *dapnum*, deinde *damnum*, ut *δανος* somnus, deinde *somnus*. Nec absurde deducas a *δανον*, quod est *audus*, aut *δανία* *damia*, *damnum*, ut *regia*, *regnum*.

(2) Jure Romano *damnum com-*

muniter accipitur pro diminutione patrimonii nostri, L. 3. Dig. de damno infer., quas *acceptio* venit ex *Lege Aquilia*, ut advertit *TITIVS Obseruat. c. l. v.* Sed nos in amplissima significatione accepimus *damnum*, ut omnem laesionem eo complectamur, non solum rebus, sed etiam corpori, famae, pudicitiae hominum illatam.

V.

Manat hujusmodi reparandi damni obligatio ab ipsa *Lege Naturae*, (a) quae vetat malum cuique facere, jubet reficere factum: (1) Nequit enim hoc praeceptum ab illa prohibitione divelli, quin prohibitio vana sit, et stulta. Et re quidem vera incassum homines prohiberentur *Natura* sibi mutuo nocere, si *damnum*, quod alter intulit, patienter esset a laeso ferendum. Nec a se invicem laedendis unquam abstineret pravitas *Mortalium*, nisi ejusdem *Naturae* *Legibus* obligatio imponeretur laedentibus reparandi *damnum*, quod *injuria* dederunt. Quin immo haud ita facile laesi animum ad pacem cum laedente agendam componerent, quamdiu passi damni reparationem non obtinuerint. Quare etsi homines nunquam coissent in *Civiles Societates*, sed adhuc pergerent vivere in naturali statu; tamen eos obligatio maneret a *Lege Naturae* perfecta *damnum* sarcienti aliis *injuria* datum. (2) *Humanae* autem *Leges*, quibus haec eadem obligatio rursus imposita, et inculcata est, nil aliud hac in parte egisse videntur, quam *Legis Naturalis* custodiam, et observantiam sanxisse, atque imperasse.

(1) Sapienter CICERO: *Detrahere aliquid alteri, scribit, et hominis incommodo suum augere commodum magis est contra Naturam, quam mori, quam*

paupertas, quam dolor, quam cetera, quae possunt, aut corpori accidere, aut rebus externis: nam principio tollit consilium humanum, ac societatem: si enim

X

sic

Unde obligatio
reparandi dam-
ni.

(a) V. S. Tho-
mas 2. 2. qu. 62.
art. 1.

se crimini affecti, ut propter suum quifque emolumentum spolici, aut violet alterum, disrumpi necesse est eam, quae maxime est secundum naturam humani generis societatem. De Offic. lib. iil. cap. 4.

(a) Quod adeo est immotum, ut Reges, Supremique Populorum Rectores, qui vivere in statu naturali putantur, ut ceteri Clives, damni a se illati reparationem detrectare minime possint. Qui certe eo magis debent huic satisfacere obligationi; quo

facilius valent ejus implendae onus impune evitare. Refert STRABO *Geograph. lib. xii. edit. Paris. pag. 539.* АНТИАНАТНЕМ Cappadocum Regem amnis Melani exitum per lasciviam obstruxisse, cujus perrumpentis impetu elatus Euphrates magnam partem Cappadociae disjecit, et gravissima Galatiae, et Phrygibus intulit damna. Cum autem rei arbitrium judiciumque permissum fuisset Romanis; hi damna a Rege reparanda esse edixerunt, qui tercentis talentis dispendium sarcivit.

VI.

Quae damna
farcienda.

(a) *Diodor.*
lib. iv.

(b) *Ad V. Nicomach. Aristotel.*

Ceterum ab eo, qui obligatus est ad damni reparationem, quaenam sint peculiariter damna farcienda videamus. Et primum is, qui injuste occidit, solvere tenetur expensas funeris, et si quae factae sunt in Medicos. iisque, quos occisus alere ex officio solebat puta liberis, uxori, parentibus tantum dare, quantum spes illa alimentorum, habita ratione aetatis occisi, valebat. (1) Sic HERCULES legitur IPHITI, quem occiderat, filiis multam pendisse, quo facilius expiaretur. (a) Certe ut scripsit MICHAEL EPHESIUS (b) is, qui caesus est capere quodammodo videtur quae uxor, aut liberi, aut cognati ex bonis homicidae ferunt. Vulnerator quoque tenetur reficere ei, quem vulneravit mercedes Medicis praestitas, ceteraque impendia, quae in curatione facta sunt: Praeterea operarum aestimationem, quibus caruit, aut cariturus est, ob id, quod inutilis factus est. [2] Cicatricum quoque, et deformitatis corporis fieri aestimatio debet, et a vulnerante praestari. [3] Nam quamvis haec proprie pecunia farciri non possint; tamen possunt quodammodo pecunia reparari, quia communis est pecunia rerum omnium utilium mensura. Atque deformita-

mitatis ratio est vel in primis habenda si mulieris innuptae facies foedata sit: neque enim nubere poterit, nisi ampliore dote promissa; (c) cum formosis dos altera forma sit, cujus uniuersale, potentissimumque imperium. Quod si Virgo vi, aut fraude imminuta sit, nempe deflorata, corruptor tenebitur ei rependere quanti minoris jam ipsi defloratae valet spes nuptiarum. Est quippe communi hominum opinione non mediocris instar dotis flos virginittis: [4] unde aequum est, ut qui cum abstulit invitae (neque enim de illa loquor, quae victa est non aegre proditione sua) id ipsi refundat, ut amplitudine dotis facilius inueniat maritum. De fure vero, et raptore nemo non intelligit eos adstringi ad subreptam rem restituendam cum suo naturali incremento, et cum sequente damno, lucroque cessante.

(c) V. *Finl. ad Leg. i. Dig. de bon. matr.*

(1) Magnus Cujacius lib. xiv. *observat. cap. iv.* novum non esse probat exemplo ADRIANI, et CONSTANTINI PORPHYROGENITAE, ut pars bonorum interfectoris addicatur occisi liberis, vel patri, vel uxori, maxime si paupertate premantur; quamvis caedes citra dolum facta sit, sed tamen injusta.

(2) Extat expressa Dni Lex Exod. cap. 21. v. 10. Si rixati fuerint homines, et percusserit alter proximum suum lapide vel pugno, et ille mortuus non fuerit, sed jacuerit in lecto, qui percusserit operari ejus, et impensas in Medicis restituat.

(3) Jure Romano nulla cicatricum

ac deformitatis corporis fiebat aestimatio, quia ex sententia veterum Jurisconsultorum liberum corpus nullam recipit aestimationem. *Leg. liber homo 13. Dig. ad L. Aquil.* Sed haec ratio gravio, quam verior videtur, nec est publici sapientis. V. Titius *Observat. 163. in Lauterbach.*

(4) Elegans est locus apud ARRIANUM in *Apolog. pag. 102. Edit. Piroet.* „Virgo formosa, etsi sit oppido pauper, tamen abunde dotata est. Adfert quippe ad maritum novam animi iudolem, pulchritudinis gratiam, floris rudimentum. Ipsa virginittis commendatio jure, meritoque omnibus maritis acceptissima.

VII.

Tanti porro damnum est aestimandum, quanti eo die, quo datum est res valebat. Nec aliter fieri debet damni aestimatio. (1) Siquidem ejus dumtaxat indemnitas

Quanti aestimanda.

X 2

ser.

fervandi ratio est habenda, qui damnum substinuit; haud vero in facienda aestimatione laedentis quoque coercitio intendenda, ut PLATO intendisse videtur, qui voluit damnum in quadruplum exsolvi vulnerato, iussitque vulnerantem pro eo militare, ni vellet tamquam militiae defector accusari. (a) Aestimationem vero lucri cessantis, seu operarum hominis occisi Judicantium arbitrio necesse est permittere. Qui tamen in aestimatione facienda temporis habebunt rationem, quod verosimiliter occisus vixisset. Nec solum futurae vitae spatium, (2) sed etiam habitum corporis, valetudinemque interfecti in censum Judices referent; quibus omnibus pro sua prudentia subductis decernent quanti damnum sit aestimandum, quod ex occiso homine derivatur. Sed damna, quae ex mutilati membri usu impedito, aut sublato emergunt pro conditione temporum, hominum, facultatum aestimanda, et sarcienda sunt. In qua aestimatione facienda Judices dolorum quoque, quos vulneratus passus est, rationem habere oportebit. (b)

(a) Lib. ix. de Leg.

(b) V. Boecier. ad Grot. L. 11. c. 1. §. 16.

(1) Jure Romano tanti cem aestimari ex Lege Aquilia expresse jubetur quanti plurimi supra damnum res in eo anno, aut in diebus triginta proximis fuit, qua ratione creditum est, inquit Imperator JUSTINIANUS §. In his autem Inst. de Leg. Aquil. poenalem esse hujus Legis actionem.

(2) Recepta usu est computatio,

quam sequitur Jus Romanum in vultatissima Lege Computations Dig. ad Leg. Falcid. In ea igitur computatio fit a prima aetate usque ad annum trigesimum: a trigesimo tot annorum, quot super sunt ad annum LX. ab anno sexagesimo computatio fit V. annorum cujuscumque aetatis fuerit is, de quo alendo res est.

VIII.

Obligatio reparandi damni non perimitur redditione poenae.

Nonnulli sunt inter Interpretes Juris Romani, rerumque criminalium Scriptores, qui non dubitarunt tradere Reo ad poenam condemnato, perimni obligationem, quae in eum incumberebat refarciendi damni, quod suo deli-

delicto aliis intulerit. (a) Quippe durum eis videtur Reum propter idem delictum, et poenam pati, et damni substinere reparationem. Sed qui solent esse inopportune crudeles, ibi clementiam adfectant, ubi nullus potest esse pietati locus. (1) Nam poenae Reus subiicitur vi pacti socialis [§. II.]; ad reparandum vero damnum adigitur naturali aequitate [§. V.]. Unde cum duae hae obligationes distinctae e fontibus deriventur, una perempta, altera non extinguitur. Quod illius exemplo fit manifestum, qui diversis ex causis duorum est debitor. Si enim uni solvendo obligationem extinxit, quam cum eo contraxit; haud tamen relevatur ab obligatione alterius satisfaciendi, cujus distincta ex causa debitor evasit. (b) Quam obrem si Reipublicae in quam reflexim recidit delictum, quo Reus alteri primario nocuit [Cap. III. §. II.], poenas solvit; satisfacit quidem obligationi, quae cum manet vi pacti socialis: At alteram non adimplet potiore obligationem proficiscentem a Jure naturae, quod praescribit illatum damnum laeso esse sarcendum (§. V.), qui ex ejus supplicio non redintegratur in pristinum. (c)

(a) *Berlieb. conclus. 24. nu. 49. Moller. Modestini. Friedlieb.*

(b) *Cap. Sicut dignum de homicid.*

(c) *V. Just. Oldenkops decad. q. 2. contr. Cargew.*

(1) *BINSELDIUS in Traß. de injur., et damn. dat. multiplicis generis argumenta collegit ad offendendam sal-*

nitatem expositae Interpretum doctrinae, quae quisque, si libeat, ab eo poterit commodè mutuari.

IX.

1. Quid vero statuendum erit si Reus damnetur ad mortem? Profecto patet eandem poenae mortis habendam esse rationem, ac aliarum poenarum, quae citra vitae discrimen Delinquentibus infliguntur. Neque enim Leges Naturae, quibus generatim, atque absolute injungitur damni reparatio, hujusmodi exceptionem patiuntur. Statuamus igitur eum quoque, qui ad mortem damnatur

Quid si Reus damnetur ad mortem?

ad

ad faciendā illata damna teneri (1) instar debitoris, cujus morte non extinguitur obligatio, qua premitur debita luendi, si habeat, unde possit satisfacere creditoribus. (a) Nam si nec ipse, nec Reus sint solvendo, frustra de jure disputabitur. [2]

(a) V. *Schilter. Exercit. ad D.* 19. §. 76.

2. Sed quibusdam in Regionibus Leges cavent expresse, ut de Saxonia refert CARPZOVIVS, (b) ne qui poenam Reipublicae corpore luit, quidquam teneatur damnorum nomine iis rependere, quibus nocuit suo delicto. Quae Leges defendi non possunt, si ad vetustiore, sanctioreque Naturae legem exigantur, quam saepe diximus jubere, ut damna injuria illata sarciantur. Atque id testatur JOSEPH LUDOVICUS [c] usu etiam apud nos invaluisse. Quamquam vero non temere hujusmodi consuetudo sit abroganda, quod laesi ei se accomodando juri suo, quod obliterari non potest, renunciassē videntur; tamen si ii a Jurdicentibus postulent, ut praeter poenam Reus damnetur ad faciendā damna; non poterunt illi iustissimae huic eorundem postulationi non obsequi, si Reus sit solvendo.

(b) *Prax. crim.* part. 1. qu. 39. n. 42.

(c) *Decif.* 62. n. 31.

(1) Opportune MARTIN DEL RIO *disquisit. magic. lib. vi. cap. 6. sect. 3. V. de tertio illo*, cujus auctoritate uti non dubitamus, quando veritati. et rectae rationi non repugnat: *Non enim*, scribit, *Malefici per mortis poenam evadunt obligationem restituendi: Nam mortem subeunt propter injuriam Reipublicae irrogatam, non propter injuriam privatorum.*

(2) Haud recte quis haec Nobis obii-

ceret vulgare axioma, cujus meminit etiam Imperator JUSTINIANUS in *Novell. xxi. cap. 20.* nempe quod *mors omnia solvit*. Nam mors extinguit quidem personales obligationes, sed ea non perimuntur debita, quae ita bonis inhaerent, ut transiant cum eis in quemcumque dominum. Atque ad hoc genus debitorum pertinet admissum damni reparatio.

An, et quoties hujusmodi obligatio transcat in haeredes.

X.

Jamvero adeo certum est obligationem reparandi damni, quae manat a naturali aequitate (§. V.), non perimi

mi redditione poenae (§. VIII.), etiam si Delinquens ad mortem damnetur [§. X.], ut ea secus, ac esse tradidimus de obligatione subeundae poenae (§. III.), in ejus haeredes transeat. Non enim, ut illa, soli Delinquentis personae adfixa est (§. III.); sed inhaeret ejusdem bonis. Itaque unâ cum illis transit in haeredes, qui in ipsis met bonis defuncti personam repraesentant. Et quemadmodum obligatio luendi debita, et creditoribus satisfaciendi defuncti ob eam causam transit in haeredes; ita similiter debet transire obligatio ex ejus bonis damni sarcienti, quod aliis, injuria dedit. [1] Quod demum Canonice Legibus indutum videtur, [a] quibus haeres adigitur damnum a defuncto datum sarcire, quatenus bona patiuntur ab illo relicta; idque etiam in Civili Foro receptum, observatumque merito videmus; siquidem innititur aequitati. (2)

(a) Can. 3.
caus. 16. qu. 6.
cap. ult. de seq.

(1) Legibus tamen Romanis haeres in id tantum tenetur, quod pervenit ad eum ex delicto defuncti.

(2) In Cap. 5. de raptor. haec alia redditur ratio, cur haeres debeat reparare damnum a defuncto illatum, ut sic nempe defunctus a peccato valeat

liberari, id est ut reatu solvatur anima, et praestita ab haerede satisfactione tanto citius ignem purgatorium evadat. Quae ratio, quidquid effutiant Jurisconsulti Heterodoxi, digna est Catholico homine, et convenit aini Legum Sacrarum.

XI.

1. Sed, quae de obligationibus cuique Delinquenti inhaerentibus diximus, eadem de Universitatibus erunt dicenda. Quum enim Universitates quoque existimentur delinquere [Cap. VII. §. I.]; ideo consequens est easdem pro delictis obligari, quibus fuerint fortasse irretitae.

De Universitatibus.

2. Ceterum heic etiam distinguamus oportet obligationem subeundae poenae ab obligatione reparandi damni, si haec quoque nascatur ex delicto Universitatis. Et quod
sp-

spectat ad obligationem subeundae poenae iterum necesse est distinguere Universitatem tamquam ens morale, a singulis personis, quibus ea constat. Nam pro delictis Universitatum aliae poenae ipsam manent Universitatem quâ talem, aliis vero poenis personae afficiuntur, quae sunt ex Universitate. Non ambigitur, quin Universitas delinquens poenas pati debeat, quae ei quâ tali conveniunt, ut puta ammissionem privilegiorum, etc. [1] At obligatio subeundi poenas, quibus pro Universitatum delictis personae, quibus componitur, adficiuntur, eis solum adhaeret, qui actu consenserunt in crimen: Unde ab initio dissentientes, et dissentiri constanter perseverantes, ut expertes sunt criminis Universitatis; ita et ab obligatione immunes abeunt subeundae poenae, quae a singulis repeteretur. Iuste ergo se gessit ALEXANDER, qui cum captis Thebis omnes Thebanos sub corona vendidisset, illis libertatem concessit, qui contradixerant decreto, quod conditum fuerat de Societate solvenda cum Macedonibus. (a) Quin immo illi etiam videntur excusationem mereri, qui quum ab initio dissensissent; post tamen victi a majori parte, cujus decreta pro Universitatis decretis habentur, Universitatis decretum exequuti sunt. (2) Sic GRAECI memorantur ANTENORI, et AENEAE pepercisse, qui auctores fuerant HELENAE reddendae, ut ut hic pro Patria non segniter adversus eos arma tractasset. Quod vero pertinet ad obligationem reparandi damni ex Universitatis crimine illati, ea contra videtur in omnes indiscriminatiim, qui sunt ex Universitate, etiam dissentientes, infontesque transire. Nam ut Tutor periculum sentit, et obligatur ex dolosa alterius Tutoris administratione, quod in solidum sint obligati; ita cum personae, quae sunt

(a) Plutarch. in Alexand.

sunt ex Universitate, in solidum obligatae existimantur; ad damnum sarcindum omnes obligari censendum.

3. Quamdiu porro durent hujuscemodi obligationes quaerunt Auctores, (b) qui de hoc argumento scripsere, et consentiunt extinctis personis, per quas Universitas deliquit, extinctas quoque censi obligationes ab ejus delicto natas; nisi illud a sequentibus rati habitum sit, vel renovatum. Nam Universitas prout talis est, et spectata sine relatione ad personas, quibus componitur, incapax est delinquendi. Quum ergo omne in eam crimen derivetur ex actionibus eorum, quibus constat [Cap.VII. §.I.], his sublatis, aut extinctis crimen quoque unâ cum obligationibus ab ipso manantibus oportet peremptum, extinctumque censi. (3)

(b) V. Gros. de J.B.; et P. lib.2. cap.21. §.8.

(1) Certae sunt, et peculiares poenae, quae pro Universitatum delictis ab eis repetuntur, atque ab illis, quibus componitur Universitas: quas omnes sequenti Libro persequemur.

(2) *Plinius L.vi. Epist.xiii. Singula: integrare, dissentire fas est, pericula, quod pluribus placuit cunctis tenendum.*

(3) Contra sentit PLUTARCHUS, qui in lib. de sera Numinis vindicta: Urbem,

inquit, perdurantem volumus obprobriis Majorum obnoxiam esse, quo etiam sibi gloriam eorum, et potentiam vindicat. Sed si aequum est posteros praemiis cumulari propter Majorum merita; non ideo aequum erit eisdem ob Majorum delicta punire. Nam beneficii ea est indoles, ut in quemvis etiam immeritum gratis conferri possit: poena autem non nisi in meritis potest pro delictis inferri.



CAPUT XII.

QUOT MODIS TOLLANTUR OBLIGATIONES
A DELICTO NATAE.

- I. *Obligatio subeundae poenae tollitur 1. morte:* IV. *Obligatio farciendi damni tollitur 1. ejus reparatione:*
 II. *2. Redditione poenae:*
 III. *3. Criminis extinctione.* V. *2. Laesi remissione.*

I.

Obligatio
subeundae poe-
nae tollitur 1.
morte.

I. **Q**UAE duae ex Delicto nascuntur obligationes altera nimirum subeundae poenae, altera damni farciendi aliis forte illati (Cap. XII. §. I.); eae ambae instar obligationum ex contractu prodeuntium diversis modis tolluntur, qui breviter nunc sunt recensendi.

2. Jam vero subeundae poenae obligatio, quae vi pacti socialis, unde subsistit Civilis Societas manet Civis Delinquentes [Cap. XI. §. II.], vel in primis tollitur morte. Quis enim nescit mortem tollere omnia, quae inhaerent personae [Cap. XI. §. IX. not. 2.]? Cujus generis cum sit obligatio subeundae poenae [Cap. XI. §. III.]; sequitur eam mortem Delinquentis penitus auferri. (1)

3. Sed quamquam morte Delinquentis tollatur obligatio, quae ex suo delicto eum premebat; tamen nonnulla sunt crimina, quae propter eorum gravitatem, vel mali exempli periculum Leges etiam post mortem Rei persequuntur. Ita Romano Jure (a) crimen perduellionis etiam

(1) *Od. lib. 9.
tit. 8. Leg. 5.*

etiam vita functo Delinquente exercetur, cujus memoria damnatur, publicantur bona, liberi omni dignitate, et successione spoliantur.

(1) Non ergo solum, quia emendari, quem mors subduxit, non potest poenae non statuuntur in mortuos, ut sensisse videtur Jurisconsultus PAULUS in *Leg. 3. Dig. de publ. Judic.*

I I.

1. Ceterum redditione poenae proprie tollitur obligatio, qua ejus substinendae Reus obstringitur. Ut enim solutione ejus, quod debetur, omnis obligatio tollitur, quae ex contractu descendit; ita etiam redditione poenae obligationem auferri est necesse, quae ad subeundam poenam in Delinquentem incumbit. Et sane non minus esset iniquum ob idem facinus reum bis accusare damnaeque; quam est iniquum semel iterumque idem exigere debitum. (a)

2. Redditione poenae.

2. Sed sicut creditori satisfecisse non intelligitur, nisi qui solidum solvit; ita obligatio ejus non videtur pereimpta, qui penitus poenam non luit, ad quam subeundam est condemnatus. Quam ubi totam reddiderit; jam nil interest si leviozem Magistratus inflixerit, quam Leges imponant in suum flagitium. Quippe satisfecisse Legibus est dicendus, qui Magistratui satisfecit Legum Ministro, et Executori; (b) nisi forte Judices cum Delinquente colluserint. Tunc enim tantum abest obligationem extingui, ut ex collusione nova in utroque oriatur obligatio ejus subeundae poenae, quae versipelles manet Judicio. rum collusores.

(a) *Dig. lib. 48. tit. 19. Leg. 28.*

(b) *Dig. lib. 48. tit. 19. Leg. 35.*

(1) Jure Romano Reus repeti potest, qui ob Accusatoris praevagationem est absolutus. *L. 3. §. 1. Dig. de praevoc. l. 1. Cod. de accusat.* unde consequens

est eo Jure et illum teneri, cogique posse ad obligationem suam penitus adimplendam, qui colludente Judice minore poena adfectus est.

Y 2

1. Prac-

III.

3. *Criminis
extinctione.*

(a) *V. Matth.
ad lib. 48. Dig.
tit. 19.*

(b) *V. Cod.
libr. 1. tit. 19.
Leg. 7.*

1. Præter mortem (§. I.), et poenae redditionem (§. II.), tollitur etiam obligatio subeundae poenae criminis extinctione. Proprie crimina extinguere non possunt: siquidem, ut est in vulgari proverbio, infectum factum reddere nemo potest. Sed ex usu Criminalium Scriptorum crimina extinguere dicuntur, cum perempta eorum accusatione obligatio ferendae poenae remissa intelligitur. (a) Atque hoc sensu criminis extinctione Nos quoque asserimus tolli obligationem, quae ad sustinendam poenam nascitur ex delicto.

2. Tribus autem modis Jurisconsulti Criminales crimina extinguere docent: I. Principis indulgentia, II. temporis praescriptione, III. sententia Judicis absolutoria. Et Principis quidem indulgentia, cum scilicet Princeps poenae gratiam Reo facit, pleneque securitate Delinquentem donat, non solum perimitur delicti accusatio; sed etiam obligatio tollitur nata ex delicto. (b) Quum enim Princeps repraesentet Rempublicam, cui Delinquens ad subeundam poenam obligatur vi pacti socialis [Cap. XI. §. II.], Respublica ipsa videtur hanc illi obligationem remittere, ubi Princeps iustis ex causis, quemadmodum praesumendum, poenas indulget.

3. Temporis quoque praescriptio efficax merito reputatur ad extinguendam unâ cum criminis accusatione, obligationem quoque subeundae poenae natam ex delicto. Ne semper enim accusationem, poenamque timerent, qui sunt crimine aliquo irretiti, solet Legibus temporis curriculum definiri; intra quod si adversus eum non sit institu-

stituta accusatio, vetitum amplius quaerere de crimine, quod tunc veluti non commissum habetur. Sic Jure Romano post spatium XX. annorum crimina omnia extinguuntur, quibus praescribendis brevius tempus haud est definitum. (c)

(c) Dig. lib.
48. tit. 17. Leg. 2.

4. Tandem sententia Judicis absolutoria, sic perimitur accusatio criminis adversus aliquem instituta, ut si propter idem delictum amplius non possit in Judicium adduci. At obligatio subeundae poenae tunc solum tollitur Judicis absolutoria sententia, cum nempe, qui est ea absolutus revera nocens fuit. Nam propter auctoritatem rei judicatae Delinquentem absolutum tutum praestabimus, et ei remissam existimabimus obligationem, quam contraxerat cum Republica. (d) Quando autem causa cognita delatus Reus tamquam innocens absolvitur, dici jam nequit obligationem auferri, quae non commissio delicto nasci minime poterat. (1)

(d) Dig. lib.
48. tit. 2. Leg. 7.

(1) Singulos hosce modos, quibus praesens tractatio; rursus tamen de tradunt rerum criminalium Scriptores extingui delicta, haec tantum attigimus, quantum visa est postulare Elementorum, qui erit de Judiciis Criminalibus.

IV.

Quod spectat ad obligationem damni farciendi, quae praeter obligationem subeundae poenae nascitur ex delictis, unde Cives primario laeduntur [Cap. XI. §. I.], facile intelligitur eam tolli damni reparatione, (a) quam Delinquens illi praestiterit, cui suo admissio damnum injuria intulit. Ut enim obligatio satisfaciendi debita tollitur solutione ejus, quod debetur; (b) ita reparatione damni obligatio tollatur oportet, quae ejus farciendi ex naturali aequitate

Obligatio farciendi damni tollitur s. ejus reparatione.

(a) Puffendorf.
J.N. et G. lib. 5.
Cap. 11. §. 1.

(b) Infit. tit.
quib. mod. toll.
oblig.

tate in Delinquentem incumbit [Cap.XI. §.IV.]. Sed nihil interest utrum Reus ipse damnum faciat, an alter ejus nomine. Siquidem obligatione luendi debita; inter quae onus refertur damni facienda, liberatur debitor alio pro ipso solvente. Ubi vero damnum a suo Auctore illatum faciant haeredes, in quos transit haec obligatio [Cap.XI. §.X.]; Auctorem, etsi vita functum, damnum reparasse dicimus. Haeredes namque in implendis obligationibus, quae defuncti bonis inhaerent, qualis admissum est obligatio damni facienda, defuncti personam repraesentant.

V.

2. Laesi remissione.

1. Si vero laesus liberaliter laedenti remittat debitam sibi damni reparationem ecquis ignorat? hoc quoque modo tolli obligationem damni facienda, quae eum manebat. Quippe haec obligatio illius ergo, cui injuria noticum est, in laedentem incumbit. Quoties ergo laesus reparationem damni remittat laedenti, tollitur obligatio, quam iste contraxerat, ut obligatio perimitur debitoris, cui creditor debitum condonaverit.

2. Sed nemo poterit damni reparationem remittere praeter ipsum laesum, cui laedens obligatur. Itaque consentiunt rerum criminalium Scriptores [a] Principem poenae gratiam Reo indulgentem, liberare eum non posse ab obligatione damni facienda, quod suo delicto alteri injuria dedit. [1] Nam obligatio reparandi damni comprobatur quidem Civilibus Legibus, in quibus posse dicitur Principem arbitrium suum exercere. Sed ejus fons
ab

(a) Apud Bonfin. ad Bann. Gen. cap. 70. num. 12.

ab anteriori illa sanctiorique Naturae Lege derivatur (Cap.XI. §.V.), cui non licet derogare; nisi publica salus, quae suprema Lex esse debet, necessario videatur exigere, ut Cives Principis auctoritati, et arbitrio ultro adquiescant.

(1) Hinc in Foro, quando, ut
ajunt, Reus admittitur ad compen-
sationem, semper haec adijcitur clau-
sula: *Concordata Parte, vel sine pra-
judicio Partis offensae. V.Bonfa. l. c. cit.*



CAPUT XIII.

DE QUANTITATE DELICTORUM.

- | | |
|--|--|
| I. <i>Connexio.</i> | VII. <i>Opinio Auctoris Libri</i> |
| II. <i>Quid Quantitas in actionibus.</i> | <i>dei Delicti, e delle Pene.</i> |
| III. <i>Varia secundum varias relationes actionum quantitas:</i> | VIII. <i>Communis Jurisperitorum Criminalium sententia.</i> |
| IV. <i>Hinc varii Errores.</i> | IX. <i>Quid senserint accuratiores Juris Publici Consulti.</i> |
| V. <i>Paradoxon Stoicorum.</i> | X. <i>Systhema nostrum.</i> |
| VI. <i>De quorundam Scriptorum doctrina.</i> | |

I.

Connexio.

(a) Descrip-
tion de la Chi-
ne Tom. 2.

Philosophus quidam Sinenfis, ut refert P. DE HALDE, (a) scite eleganterque dictitabat quemadmodum voci affonat Echo, corpus umbra affectatur; sic poenam sequi delicta. Re enim vera obligatio subeundae poenae, quae praeter obligationem damni sarcienti, si quod ex delicto alteri obvenit, manet Cives delinquentes [Cap. XI. §. I.]; nascitur statim ac crimen admittitur, nec proprie tollitur, nisi redditione poenae [Cap. XII. §. II.]. Quamvis autem quicumque delinquit, generatim obligationem contrahat alicujus poenae luendae; tamen non ex quovis delicto ad eandem subeundam poenam Reus obligatur. Jus quidem habet Societas, seu qui Civilem repraesentant Societatem poenas adversus crimina praescribendi;

di, easque a Cive delinquente sumendi, ut sequenti Libro explicabimus: At non omnia delicta, si generatim, et absolute loquamur, eisdem paribusque poenis, et debent, et possunt ab illis vindicari. Sunt enim poenae certis rationibus aequandae delictis, ne crimen scutica dignum horribili flagello sectetur. Itaque illud videbatur heic a Nobis non esse omittendum, ut scilicet eas consideraremus conditiones, seu qualitates, propter quas possunt, ac debent graviores, vel leviores praescribi, et exigi criminum poenae ab illis, qui in Republica easdem infligendi jure potiuntur. (1) Sunt autem hae conditiones, seu qualitates veluti delictorum mensura, quae eorundem quantitatem constituunt, atque determinant. Si quidem recta ratio suadet, ex Justitiae fonte promanat, ut

adfit

Regula peccatis, quae poenas irroget aequas. (b)

(b) Horat. lib.
1. satyr. 3.

(1) Si quis fortasse Nobis obiciat praesentis Capitis argumentum pertinere ad tractationem, quam de poenis generatim instituemus Libro II. horum Elementorum, impense eum rogamus, ut velit animadvertere easdem res multiplices sub adpectu posse considerari. Quum igitur ipsis delictis insit fundamentum proportionis, quam ea debent cum poenis habere; nemo inficias ibit, quia illud valeat quoque spectari, ut generalis proprietas delictorum. Ceterum oportebat, ut illorum Scriptorum haberemus rationem, a quibus quantitas considerata est, tamquam aliquid re ipsa inhaerens delictis: Unde Nos quoque necessarium duximus de quantitate

Delictorum differere, et demonstrare eam nil esse aliud, quam eorum relationem ad regulas sequendas in dictandis, et repositendis poenis. Quod dum jam facere aggredimur, sedulo curabimus praejudicatas opiniones, quae hac de re inoleverunt, impugnare, et evellere; eo praesertim animo, ne Lectores nostri querantur aliquid a Nobis omisum, quod aliqua ratione potuisset desiderari in tractatione de delictis generatim, quam hoc Libro persequimur. Interea tamen, si nostra eis arident, haud aegre ferent accuratissimam hujus explanationem ab altero Libro patienter expectare.

II.

Quantitas, ut rem quemadmodum et decet, et solet nostri esse moris alte repetamus, vox est, quae spatium

Quid quantitas in actionibus.

Z

tium

tium significat, seu extensionem. (1) Proprie non nisi quam ad extensas res indigitandas valet adhiberi. Itaque quando de moralibus hominum actionibus differitur nemo non intelligit vocem hanc in proprio accipi sensu; et re quidem vera ita Nos heic accipimus. Jam vero hujusmodi praemissa animadversione quantitas erit ea qualitas moralium actionum, propter quam eas majores, aut minores vocamus. Quantitas enim in amplissimo sensu accepta id est, propter quod dicitur aliquid majus esse, vel minus. (a) Vocamus porro majores actiones illas, quarum effectus habita relatione ad aliquod objectum sunt majoris momenti, et magis in illud influunt. Actiones contrarias dicimus minores. Ex quo sequitur, ut quantitas moralium actionum non aliter concipi possit; nisi aliquod simul concipiatur objectum, in quod eadem influant actiones, et ad quod referantur. [2]

(a) V. le *Diction. Encyclop.*
articl. *Quantité*.

(1) Ne decipiatur qui legit eum monitum volo quantitatē nomine quantitatem continuam me designare, quae sola referri potest ad argumentum, de quo nunc differimus. Neque enim ulla potest heic ratio haberi quantitatis discretas, qualis multitudo, vel quantitatis continuas impropriae, seu continuas successivae, qualis tempus est, et duratio.

(2) Ex hoc argui valet, quod intercedit discrimen morale inter quantitatem, et quantitatem physicam, aut mathematicam. Nam quantitas physica, aut mathematica concipi potest so-

la comparatione unius magnitudinis cum altera: At quantitas moralis, ut concipiatur, necesse est relationem habere ad aliud objectum, atque ex differenti relatione, quam ad illud habent, quae duae metiendae sunt actiones, ipsarum quantitas concipitur. Itaque ex sola rectanguli alicujus cum alio rectangulo comparatione inquit unum altero esse majus. Sed nequeo dicere homicidium majus contumelia esse crimen, nisi consideraverim secundum systema *Austri dei Delitti, e delle Pene* illud ista Societati esse nocentius.

III.

Varia secundum varias relationes actionum quantitas.

Quoniam vero I. objectum illud ad quod morales hominum actiones referuntur diversum esse potest, II. actio, quae magis in certum influebat objectum fieri potest,

test, ut minus influat in aliud; hinc patet quod actiones, quae habita relatione ad quoddam objectum majores existimatae sunt, ubi ad alterum referuntur objectum, minores debent reputari. Placet hoc Theorema opportunis, elegantibusque THESEI, et filiorum OEDIPI exemplis illustrare. Profecto si ratio dumtaxat damni habeatur, quod obvenit Societati majus fuisset Thesei delictum, qui negligens nigra solvere velle, albaque attollere, ut cum Patre constituerat si monstrum necasset, causa moralis exitit mortis ejusdem; (a) quam fuit crimen filiorum Oedipi, qui condita opera eum custodia retinebant inclusum, soeveque vexabant. (b) Attamen si consideraverimus actionem internam, agendique consilium; intelligemus crimen filiorum Oedipi majus fuisse Thesei peccato. Nam illi dolo erant in Patrem injurii, hic solum culpa peccavit. En eadem criminosa actiones, quae prout ad diversa referuntur objecta, majores sunt, vel minores: quod erat demonstrandum.

(a) Valer.
Flac. Argonaut.

(b) Stat. The-
baid. lib. 1.

IV. .

Jam vero nunc nemo mirabitur si Philosophi, et Jurisconsulti actionum moralium, et delictorum quantitatem diverse determinarunt. Nam prout ad unum, vel aliud objectum relationem habuerunt in comparandis, et pendendis actionibus, atque delictis; ita quoque diversa est ab eis eorundem quantitas praefinita. Sed in determinanda criminum quantitate nihil, vel parum ad rem faceret ad quod quisque objectum habuisset relationem; nisi postea contendissent ejus quantitatis, quam singuli praefinierant, habendam esse rationem in puniendis delictis. Siquidem ut plurimum ii criminum quantitatem nequa-

Hinc varii
Errores.

quam collegerunt, ac determinarunt ex relationibus cum principiis necessario connexis, juxta quae poenae imponendae sunt, et distribuendae. Hinc varii errores nati, plures in praescriptione, et distributione poenarum inolitae praejudicatae opiniones, quas ex parte nunc dissipabimus, amplissime vero sequenti Libro evellemus. Quod si quis inter eos Philosophos, et Jurisperitos noluit quantitatis criminum, quam praefinierunt, rationem habendam esse in eis puniendis; oleum perdidit, et operam. Nam, ut initio adnotavimus, hac de causa de quantitate delictorum disputatio instituitur, ut colligi possit, et definiri quemadmodum debeant poenae singulis accommodari delictis, et eis aequa proportionem respondere.

V.

Paradoxon
Stoicorum.

(a) V. Zanotti
la Filosofia Mo-
sale par. 3. c. 15.

1. Stoici quondam doctrinae, sapientiaeque laude florentes omnia delicta paria esse definierunt, (a) idque magno argumentorum apparatu aggressi sunt confirmare. (1) Si barbati hi Magistri considerantes nullum committi delictum, nisi Lex aliqua* violaretur hac de causa crimina omnia aequalia esse docuerunt, quia nimirum in universis aequae criminibus violatio intervenit alicujus Legis, a veritate non aberrarunt. Sed opus non erat, ut enunciationem certam, et cuique evidentem tamquam paradoxum efferrent. Sicut enim omnis linea curva, etsi vel minimum a rectitudine desectat, curva est, non recta; sic omnes actiones etiam vel minimum ab aliqua Lege aberrantes injustae sunt; et hoc sensu sustineri potest delicta omnia esse paria. Si autem posthabitis reliquis relationibus, quas praeter Leges ad alia objecta habent delicta, generatim contenderunt omnia delicta paria esse, et pro-

et propterea paribus poenis vindicanda, principium posuerunt absurdum, et publico bono contrarium. Re enim vera si quis, puta, diversum consideraverit damnum, quod a diversis delictis in Societatem derivat; intelliget non omnia crimina esse paria, et Reipublicae magis interesse ne unum prae alio flagitio admittatur. Hac ratione Antiquitas non solum ut iniquas, sed etiam, ut ridiculas irrisset, ac reprobavit Leges a DRACONE Atheniensibus latas, quibus inconsulta severitate eadem poenae delicta manebant, ex quibus leve, ac crimina, unde grave damnum Reipublicae, Civibusque obveniret. (b)

2. M. TULLIUS, qui jampridem ex Accademicorum sententia affirmaverat distincta esse genera delictorum, et dispares poenas; [c] quum deinde expositum illustrare suscepisset Stoicorum paradoxon, nihil eorum omisit in medium afferre, quibus reebatur posse illud aliqua ratione defendi, atque fulciri. In primis vero contendit aliqua delicta merito majora dici posse, quia nimirum alia multa sub se complectantur, et propterea digna esse, ut majori poena vindicentur. Itaque exemplo utens homicidii adversus patrem, et adversus servum commissi inter utrumque illud interest, inquit, quod in servo necantis, si adsit injuria, semel peccatur, in patris vita violantia multa peccantur. Violatur is, qui procreavit, is qui aluit, is qui erudit, is qui in sede, ac domo, atque in Republica collocavit. Multitudine peccatorum praestat, eoque poena majore dignum est. [d] Sed, ut erat ingenio acutissimus, probe perspexit allatam a se rationem, etsi possit in adducta exempla quadrare; tamen ineptam esse ad probandam generalem Stoicorum thesim, omnia nempe delicta paria esse. (2) Itaque Philosophum agere deserens, partes

(b) V. Leg. Attic. Mursi. edit. Floren.

(c) In Orat. pro L. Muraen.

(d) Paradoxor. III.

tes suscipit Oratoris, et rhetorio artificio quaestionis nondum solvere declinat. *Nos enim concludit in vita non quae cuique peccato poena sit, sed quantum cuique liceat spectare debemus.* Sed quidquid Stoici contendunt quidquid Cicero disserat, (3) quemadmodum sapienter cecinit HORATIUS, (c) qui nullius addictus jurare in verba magistri hujusmodi stoicum paradoxon ad sanioris philosophiae trutinam revocavit,

(c) Lib. 1. Sat.
tyr. 3.

*Non vincet ratio hoc tantundem ut peccet, idemque
Qui teneros caules alieni fregerit horti,
Et qui nocturnus Divum sacra legerit.*

(1) ZENO CITRICUS auctor, et princeps Stoicorum sic ratiocinatur apud DIOGENEM LAERTIUM lib. vii. segm. 120. edit. Amstelod. *Peccata omnia sunt aequalia. Ut enim nec ideo verius, nec falso quicquam magis falsum est; ita neque fraus fraus, neque peccatum peccato noxius est. Nam, et qui centum stadiis, et qui uno a Canopo abest, aequi uterque Canopi non est. Sic etiam, qui magis minusve peccat, aequi uterque a recte facto abest.*

(2) Quisquis parumper animadverterit quonam artificio usus sit CICERO in probationibus adducendis expositi paradoxo, statim sentiet eum causae diffidisse, quam propugnandam suscepit. Et sane consulto omittit duo crimina, et genere, et effectibus, quos pariunt, diversa inter se comparare, ut agere non dubitavit HORATIUS, qui Stoicorum paradoxon et sapide ridet, et graviter reiicit, qualia sunt caules furari, et sacrilegium committere. Omnis autem comparatio

Tulliana versatur circa delicta ejusdem generis, et naturae, ut libido in mulierem ignotam, et in generosam, et nobilem virginem, caedes patris, et servi, quae exempla ideo adhibita sunt a Cicerone, quia poterat arte ea suo accommodare proposito.

(3) Idem CICERO laudat hanc Stoicorum doctrinam veluti opportunam ad probitatem hominibus ingenerandam: *Quae vis enim, inquit loc. cit., quae magis arceat homines ab improbitate omni; quam si senserint nullum in delictis esse discrimen?* Ego vero contra arbitror stoicam hanc doctrinam non solum periculi plenam esse; sed etiam summopere noxiam; siquidem nemo est tam innocens, qui aliquando non deliquerit, et fecerit in aliquam Legem. Quum autem primus ad flagitia transgressus est gradus, qui difficilis esse solet adscensu, ut fert vulgare adagium, facilis ad cetera criminis est aditus, ea praesertim opinione, quod omnia delicta sunt paria.

V I.

De quorumdam
Scriptorum
doctrina.

Nec Stoicis minus illi errasse videntur. qui contenderunt Delicta (neque enim, ut jam alibi saepe monuimus heic Nobis res est de peccatis) ex majori, vel mino-

minori dolo, seu malitia dumtaxat esse aestimanda, qua homines deliquerunt. [1] Principio siquidem quâ possent accurate, quemadmodum est necesse, delicta metiri, quando nequeunt homines internos aliorum motus introspicere, nec nisi quam ab externis actionibus alieni animi conjecturam facere valent, plerumque fallacem (Cap. III. §. IV.)? Est autem dolus, seu malitia actio interna, quam Nos possumus quidem ab externis arguere actionibus, quae indicia sunt, et argumenta internarum actionum (Cap. VI. §. III.): at ejus, ut ita dicam gradus distinguere, et dein metiri, vel prorsus nequimus, vel si possumus, merito semper timebimus in eis supputandis decipi Nos potuisse. Verum enim vero non solum fallax, sed etiam falsa deprehenditur hujusmodi delictorum mensura, quoties exempli gratia diversum consideretur damnum, quod ab eis in Societatem derivatur. Sunt namque crimina levis momenti, quorum auctores non immerito argui valet graviori dolo, seu malitia irretitos fuisse, quam illi, qui tamen delicta admisserunt, unde grave damnum obvenit Societati. Quis autem ibit inficias haec illis majora habenda esse, et reputanda, ubi hoc sub adspectu considerentur? Nemo quidem opinor. Quidquid enim sit de majori minorique dolo, seu malitia Delinquentium; profecto constat magis interesse publici boni, ne crimina admittantur, unde grave damnum proficiscitur, quam quae Societati Sociisque parum, aut nil fere nocent. Haec igitur quin patrenrur minor vis, ac diligentia adhibetur; et admisa leviori poena debent vindicari: Contra vero de aliis delictis fieri est necesse, unde Respublica, et Cives grave capiunt detrimentum. Sycophanta ille, qui pro oblectamento habebat sibi obvios in
via

(a) V. *Aul. Gall. Noct. Attic. lib. Cap.*

(b) *Dig. lib. 11. tit. 2. Leg. 31.*

via depalmare dolo agebat. [a] In putatore illo memorato a J. C. PAULO, qui ramos ex arbore evulsos deiiciens neglexerat viatorem, ut sibi caveret monere, eumque occiderat, culpa solum aderat. (b) Verum enim vero hujus delictum majus illius crimine erat. Siquidem unusquisque intelligit majori vi, ac sollicitudine curandum esse, ut homines caveant a negligentia, culpaque, cujus adeo tristis, et nocens effectus, quam, ut se abtineant a levioris momenti injuria Civibus inferenda.

(1) Haec videtur esse sententia *Crispini Libri dei Delitti, e delle Pene*, in quo jurisprudentiam omnes desiderant; studium vero Religionis, juriumque Summarum Potestatum probi

Viri laudassent, si ab injuriis abstinisset, et cavillationibus indignis amatore veritatis, qualem se dicit esse. V. *Not. ed Offere. sul Libro intitol. dei Delitti, e delle Pene pag. 37. 38.*

VII.

Opinio Auctoris *Libri dei Delitti, e delle pene.*

Sed hunc scopulum cupiens evitare novissimus *Auctor Libri dei Delitti, e delle Pene* evenit, ut in contrarium scopulum inciderit. Postquam enim docte, graviterque ostendit errasse illos, qui dolum, seu malitiam unice inspiciendam tradunt in inveniendis delictis, statuit solum Societatis damnum veram esse delictorum mensuram. Quamvis autem haec ejus opinio prima fronte speciosa, et verosimilis appareat; tamen penitus corrui, ubi sedulo ad trutinam revocetur. Si enim, ut laudatus Auctor contendit, solum Societatis damnum vera esset delictorum mensura; jam omne illud tolleretur discrimen, quod certe intercedit, inter crimina dolo commissa, et culpa [Cap. VI. §. III.], adfectuum impetu patrata, et considerate, ac plena voluntate (Cap. V. §. XII.). Quod quidem non solum a delicti natura est alienum (Cap. III. §. ult.); sed etiam omnem destruit humanarum actionum moralitatem. In omnibus enim actionibus, ut valeant Agenti impu-

imputari, praecipue spectandum est animi consilium (Cap. III. §. VIII.). At ubi solum Societatis damnum statuatur esse delictorum mensura; quum illud produci etiam possit absque delinquendi consilio; jam patet eo ipso destrui humanarum actionum moralitatem. Alibi autem opportunius probabimus hujusmodi de mensura delictorum doctrinam publico quoque bono adversari.

(1) In hoc proprie stat fallacia, atque imperfectio systematis illustr. *March. BECCARIAE*, haud vero in difficultate el objecta a supra memorato *Censore*, quod nimirum juxta ejusdem systema damna furoris etiam, vel casu illata crimina essent existimanda. Siquidem propositio haec delicta metienda sunt ex damno Societatis summopere differt ab hac alia propositione, scilicet delictum non est actio hominis, sed solum Societatis damnum erit. Nescio cur, acutissimus alioqui, Auctor citati Oper. omiserit obviam hanc cavilloso Censori suo responsionem reddere, eique regerere maluerit, *che un delitto fatto da un*

pezzo è meno dannoso del delitto fatto da un furio, poichè questo insegna a far dei delitti, e quello non dà altro esempio, che di crudeli pezzi. V. Rispos. alla Not., ed Osserv. ac. xi. Sed praeterquamquod haec responsio non adeo clara est, et evidens, ut superius allata, ex ea sequeretur delictum ab amente commissum levius quidem esse reputandum: id autem satis non est; nam insuper probari oportet illud crimen nequaquam esse. Quod si nostra non adhibeatur responsio erit locus urgendi, quod sicuti delictum commissum ab amente semper damnum affert Societati, sic nunquam desinit esse delictum.

VIII.

Vulgus Criminalium Scriptorum criminum quantitatem a poenis, quae ea manent, solet aestimare; ita ut apud illos majora habeantur delicta, in quae major infligitur poena, minora, quae minori poena (a) vindicantur. (1) Sed nil excogitari potuit ineptius. Primo enim Scriptores hi pro certo ponunt id, quod nunc quaerimus. Nunc siquidem quaeruntur a Nobis conditiones illae, seu qualitates, quae valent efficere, ut crimina majori possint, vel minori poena compesci. Atque hoc adamussum est, quod veluti jam inventum effertur a memoratis Scriptoribus. Deinde ab eis pro certo ponitur

A a

illos,

Communis
Jurisperitorum
Criminalium
sententia.

(a) *Farinac.*
quæst. 10. n. 61.

illos, qui *Leges* tulerunt nunquam errasse in dictandis, praescribendisque criminum poenis; sed iustam semper observasse proportionem delicta inter, et poenas. Verum neminem arbitror adeo hospitem esse in Jure Criminali, qui ignoret apud omnes pene Gentes saepe factum esse, fierique, ut graviores, vel leviores delicto poenae Legibus maneant Delinquentes. Veterum Saxonum Leges (b) capitis poenam praescribunt adversus furantem caballum, nobilis occiforem aere mulctant. Constitutionibus Siciliae falsam monetam scienter accipientibus mors imponitur, adulteris confiscatio irrogatur. (c) Singulares reconditaeque generalis hujusce phaenomeni causas heic detegere neque decet, neque oportet: sufficit ejus effectus noscere atque experiri, ut intelligatur ineptam, fallacemque esse delictorum mensuram, quam vulgus sequitur Criminalium Scriptorum.

(b) Titul. 4.

(c) Lib. 3.
tit. 4.

(1) Hinc orta differentia criminum atrocissima, de qua sequenti Capite in levia, leviora, atrocia, atrociora, §. 5. differemus.

IX.

Quid senserint
accuratiores Juris
Publici Con-
sulti.

Tandem juxta plerosque accuratiores Juris Publici Consultos quantitas delictorum est in ratione composita damni Societatis, et doli, seu malitiae Delinquentis. Etenim docuerunt delicta eo majora, vel minora esse aestimanda, quo majus minusque damnum in Societatem derivatur ex externa actione, et simul quo major, aut minor malitia appareat inesse actioni internae, [1] siquidem delictum ex utraque interna, et externa actione coalescit [Cap. III. §. III.]. Quae doctrina, ut quisque intelliget, qui nostra de natura delicti principia in mentem revocaverit, eis valde videtur esse consentanea. Ceterum necesse

celse est fateri eam non levibus obnoxiam esse difficultatibus. Profecto rationi consonat, nec caret concinnitate asserere delictum majus, minusque esse quo leviores, sunt gravioreque, idest quo magis, vel minus *intensae* sunt ambae internae, et externae actiones, quae illius essentiam constituunt. Sed quoniam non solius damni Societatis, et doli, seu malitiae Delinquentis ratio est habenda in graviori, vel leviore poena adversus crimen imponenda; proinde exposita de criminum quantitate doctrina videtur adhuc esse imperfecta. Quantitas enim delictorum est in ratione magis composita; quin non solum ex damno Societatis, et malitia Delinquentis, sed ex aliis etiam conditionibus, seu qualitibus debeat aestimari; ut jam tandem ostendere aggredimur.

(1) S. JOHAN. CHRYSOSTOM. lib. 3. de Sacerdot. Non enim ad solam mensuram delictorum poena imponenda est (nimirum habita dumtaxat damni ratione, quod ex delicto proficiscitur), sed et inquirendum quis fuerit ejus, qui peccavit animus. ANTON. GERVASII de Jur., et Offic. pag. 96. Quantum damnisique quis voluerit, et intulit injuria-

rum, scribit, conficere veram delictorum quantitatem: Siquidem, subjungit, quantitas criminum ab utraque est causa, prava voluntate, et quantitate laesorum jurium, illataque injuria: In idem recidunt GROTII, et PUFENDORFII sententiae de criminum quantitate, quamvis angustioribus comprehensae limitibus.

X.

Quoniam Nos in criminibus quantitatis nomine intelligimus rationem quam secum invicem habent eae conditiones, seu qualitates delictorum, quae debent influere ad majores, vel minores poenas adversus ipsa imponendas [§. II.]; ideo oportet, ut has omnes conditiones, seu qualitates simul jungamus, et ab eis delicta metiamur. Quum autem ipsae magna ex parte pendeant ex generalibus doctrinis, quae circa poenas locum habent,

Systhema nostrum.

mutuabimur a Libro II. horum Elementorum, qui erit de poenis generatim, sequentes propositiones. I. Omne delictum eo magis, minusque puniendum est; quo magis, minusque nocet Societati, idest quo magis minusque interest publici privatique boni ne admittatur. II. Tanto magis crimen puniri debet, quanto magis sua voluntati delinquentis libertas, et intellectui necessaria cognitio constitit; hoc sequitur ex natura actionum hominis moralium; hoc praeterea exigit quoque communis utilitas, publicum bonum Societatis. (1) III. Quo periculosius est exemplum, quod aliis delicto praebetur, eo gravius illud vindicandum est, nempe quo facilius crimen, et committi, et occultari potest; eo severioribus impositis poenis impedire oportet, quin admittatur, idque exigit publica, et privata securitas. IV. Quo plures, et vehementiores sunt causae, quae homines ad aliquod crimen patrandum impellunt; eo severioribus indictis poenis ab illo gerendo avertendi sunt homines, ut quantum fieri potest libretur impulsus delinquendi cum metu poenarum. Singulas has propositiones sequenti Libro a Nobis demonstrabitur fluere ex fine poenarum, cohaerere rationibus cur justae sunt poenae, et necessariae in statu civili, descendere ex privato, communique bono, ex publica salute, quae suprema Lex esse debet. Interea colligendum est, ac statuendum quantitatem delictorum esse in ratione composita singularum conditionum, seu qualitatum criminibus inhaerentium, quas superioribus propositionibus complexi fuimus, nempe I. damni Societatis, II. libertatis, et cognitionis Delinquentium, III. mali exempli prodeuntis ex crimine, IV. impulsus ad delinquendum,

dum, et *Exponentem* compositae hujus rationis veram esse delictorum mensuram; unde ipsorum quantitas est aestimanda .

(1) Omnes fere Juri Publici Consulti asseruerant communem quoque utilitatem , bonumque exigere , ut tanto magis crimen debeat puniri , quanto magis sua voluntati Delinquentis libertas , et intellectui neces-

saria cognitio constitit . Sed a nemine forsan id deductum est ex suis veris principiis , atque evidenter demonstratum , quod Nos praestare sequenti Libro tentabimus .



CAPUT XIV.

DIFFERENTIAE DELICTORUM.

- | | |
|---|--|
| <p>I. <i>Delicta multifariam discriminantur.</i></p> <p>II. <i>Ratione doli, vel culpae 1. alia proprie, et vere Delicta sunt, alia quasi, et quodammodo.</i></p> <p>III. <i>Ratione personarum, quae delinquant 2. Delicta alia communia sunt, alia propria alicujus generis personarum.</i></p> <p>IV. <i>Ratione modi, quo Delicta patrantur 3. alia notoria, alia occulta sunt.</i></p> <p>V. <i>Ratione quantitatis Delicta 4. graviora sunt alia, alia leviora.</i></p> | <p>VI. <i>Ratione nominis, quo designantur a Legibus Delicta 5. alia nominata, alia sunt innominata.</i></p> <p>VII. <i>Ratione formae Judicii, qua olim Romae Delicta cognoscebantur 6. sunt alia publica, alia privata.</i></p> <p>VIII. <i>Ratione Judicum, qui de Delictis cognoscunt 7. alia ecclesiastica, alia secularia, alia mixta sunt.</i></p> <p>IX. <i>Ratione poenae Delicta 8. alia capitalia sunt, alia nec capitalia.</i></p> |
|---|--|

I.

Delicta multifariam discriminantur.

I. **R** Eliquum esse videtur, ut postquam genuina principia constituimus, ex quibus aestimanda est Quantitas Delictorum (Cap. anteced.); nunc quomodo, et quatenus ea differant, exequamur. Ita demum perfecta, atque, ut arbitror, numeris omnibus absoluta erit tracta-

tractatio, quam primo hoc Elementorum Juris Criminalis Libro instituiamus de Delictis generatim.

2. Age ergo omnia fere Delicta multiplici sub aspectu valent intueri, prout ad diversas eorum circumstantias diversas quoque habent relationes, quae possunt distincte considerari. Hinc est, quod delicta non una ratione discriminantur, pluresque extant criminum differentiae. Ac earum quidem aliae in Legibus expressae inveniuntur, aliae a rerum Criminalium Scriptoribus indicatae, propositaeque fuerunt. Singulas autem hasce differentias praesenti Capite eo ordine numerabimus, atque exponemus, qui concinnior Nobis, et opportunior videbitur.

I I.

Prima, ac praecipua Delictorum differentia nascitur ab animo Delinquentium. Interest siquidem maxime utrum quis dolo, an culpa deliquerit. Ex proposito namque improbum inuit delinquendi consilium, qui dolo peccavit (Cap. V. §. III.): At in eo, qui culpa incidit in delictum, *negative* dumtaxat adfuit delinquendi consilium (Cap. VI. §. III.). Hic oscitantia potius, et negligentia peccavit: ille malitia deliquit, considerate, cogitato: unde vere delictum contraxit; secus ac alter, qui quasi deliquisse dumtaxat videtur (Cap. VI. §. IV.). Ratione igitur doli, vel culpa, quibus delinquitur ab hominibus, (a) alia vere, et proprie delicta sunt, alia quasi, et quodammodo. (1)

Ratione doli, vel culpae 2. alia proprie, et vere Delicta sunt, alia quasi, et quodammodo.

(a) V. Boemer. Elem. Jurisp. Crim. sec. 1. cap. 2. §. 29.

(1) Haec differentia Jure Romano proposita, atque expressa habetur. V. *Instit. lib. iv. tit. v. ubi Interpret*: Ea Philosophiae ferri debet accepta, cujus sacris, qui non erant initiati, il

olim Romae minime audebant Jurisprudenciam profiteri, quae est ipsa Philosophia a contemplatione translata ad hominum negotia, usque communes.

Si

III.

Ratione personarum, quae delinquant 2.
 Delicta alia communia sunt alia propria alicujus generis personarum.

Si ab animo Delinquentium ad personas ipsas, quae deliquerunt, considerandas transeamus, aliam habebimus criminum differentiam. Quippe delicta, vel ita comparata sunt, ut a quibuscumque personis possint admitti, vel ea nequeunt patrare, nisi certae solum personae. Illa communia habentur: nemo enim non valet committere, ut furta, homicidia. Haec vero sunt propria quarundam dumtaxat personarum; nempe in soli illa committunt, qui alicujus sunt conditionis, ordinis, coetus, collegii. (1) Sic propria Militum exempli gratia, aut Clericorum ea dicuntur delicta, quae ab utrisque quâ Clericis, atque Militibus perpetrantur. Miles, ut hostium potiatum excedit agmine, aut laboris pertaesus stationem deserit. (a) Delicta sunt utique ista peculiaria Militibus, et quae proinde militaria vocantur. (b) Propria quoque Clericorum solummodo sunt illa admissa, quae ipsi adversus Sacrorum Canonum praescripta gesserint, veluti ambitus superioris ordinis pecunia sustentatus, irreverens sacrorum ministeriorum tractatio, etc.

(a) Dig. lib. 49.
 tit. 16. Leg. 1.,
 et 3.

(b) Donell. ad
 Leg. et militibus
 Cod. de milit.
 testam. Tom. 8.
 edit. Luc.

(1) Diversitas ordinum, ac conditionum necessarium est consequens Civilis, in qua vivimus Status. Quam enim primo hic constare non possit, si imperent alii, alii obediant; inde natae potissima Civium inter se dissimilitudo: Quinque praeterea alii aliud vitae genus, conditionemque in Civitate sequantur, hinc est, quod alii, atque alii coetus sint, sive or-

dines, in quos veluti in classes Cives fere omnes dispartiantur. Jamvero cum quisque ratione muneris, exercitii, vitae generis, quod sequitur delinquere possit; proinde singulis personis, quâ alicujus conditionis, ordinis, coetus propria sunt quaedam, et peculiaria delicta. Sic proprium est Magistratuum crimen colludere cum Reia Mercatorum monopolia instituire, etc.

IV.

Ratione modi, quo Delicta patrantur 3. alia notoria, alia occultata sunt.

1. Sed nulla sunt fere Delicta sive communia ea sint, sive quarundam personarum propria, quae et clam, et palam committi non possint. Itaque hoc sensu unum idem-

idemque crimen interim occultum esse potest, interim vero notorium. Furtum exempli gratia plerumque quidem clam peragitur, et remotis testibus: sed interdum fur ita improbus est, ac manifestarius, ut vel inspectante turba audeat animose furari. Ratione igitur modi, quo delicta committuntur, possunt ea vel notoria dici, vel occulta: primum si coram aliis, et palam; alterum si clam, nulloque observante patrentur.

2. Scriptores pene omnes, qui hactenus de Delictis egerunt, ulterius sermone progressi tradunt Delicta notoria esse, quae ita sunt manifesta, ut nequeant a Reo inficiari. (a) Hic certe effectus oritur ubi Delicta palam commissa sunt, et multitudine inspectante. Incredibilis namque audaciae esset, aut dementiae id negare, de quo milleni te possunt testes convincere. Quis potuisset ABSALOM inficiari se thorum temerasse paternum, quum impudentissimo ausu Patris sui concubinas coram universo Populo constuprasset? (b) Haud tamen memoratis adfentior Scriptoribus, qui animose subjungunt in notoriis probationibus opus non esse. Nam, ut cetera omittam, decipi vulgus facile potest oris similitudine, aut vi phantasiae percitus ludificari; et quis nescit sensus plerumque incautos fallere, aliquando adtentos etiam, solertesque in errorem inducere? quid vero si fuerit data opera multitudini impositum? Quamquam nulli essent ignotae rapinae, furta, concussiones, quas VERRES in Sicilia exercuerat; tamen quaelitio Romae instituta, inducti testes, nec nisi solemniter, legitimeque probatis latrociniiis, alioqui notissimis, repetundarum damnatus est. (c) Delicta autem occulta ea esse scribunt iidem Doctores, quorum probatio

(a) *Farinacc.*
quaest. 418. n.
107. *Clarus* §. fin.
quaest. 9.

(b) *Reg. lib.*
cap. 13.

(c) *Tull.* act. 7.
in Ver.

ab iis, quae communiter eveniunt, haud facile deducitur; unde concludunt esse probata difficilia; in quo quidem non repugno. Tale fuit crimen AMMONIS, qui remotis arbitris THAMAR sororem accitam, ut pharmanca ministraret, suo in cubiculo violavit. (d) Sed quò occultiora sunt delicta, et difficiliora probatu; eò ne leviores, ut ipsi docent, probationes sufficient, eruntque admittendae nutantes conjecturae, incerta indicia? Rem hanc omnem gravissimi momenti alte discutiemus, fuseque tractabimus, ubi de Judiciis Criminalibus. Nec enim heic locus de ea quidquam dicendi.

(d) *Reg. cit.*
loc.

(1) Clariss. CARAVITA *Instit. Crimi.* mal. lib. 1. §. 1. n. 22. post doctissimum MATTHAEUM crudite observavit BALDUM turpiter esse deceptum, qui Jure Romano notiorum criminum mentionem fieri scripsit *Comment. in Leg. 1. Dig. de accus.* Nam notoria, vel noto-

riae, quae ea in Lege memorantur, nil aliud significant, interpretante magno CUSACIO 1. *Observe.* 33., quam elogium, et literas Curiosorum, et Irenarcharum, quas ad cognitionem Magistratus mittunt.

V.

Ratione quantitatis Delicta 4. graviora sunt alia, alia leviora.

Jam vero constat clam aequae, ac palam commissae Delicta, non omnia esse paria, sed eorum alia leviora esse, alia graviora. Quantitas Delictorum Nobis est in ratione composita I. damni Societatis, II. libertatis, et cognitionis Delinquentium, III. mali exempli prodeuntis ex crimine, IV. impulsus ad delinquendum (Cap. XIII. §. X.). Itaque quò majus damnum ex crimine obvenit Societati, major constitit Delinquentis libertas atque cognitio, periculosius est malum exemplum ex delicto manens, vehementior demum impulsus ad delinquendum; crimen gravius erit: Contra levius. Ratione igitur quantitatis Delicta leviora sunt, vel graviora: et haec criminum differentia prae ceteris meret observari: nam pendet

det ab ea proportio, et distributio poenarum. (Cap. XIII. §. I.).

2. Sed apud rerum criminalium Scriptores, qui delictorum quantitatem communiter metiti sunt a gravioribus, vel levioribus poenis, quae secundum Leges ea manent, (Cap. XIII. §. VIII.), vulgaris est Delictorum differentia in levia, atrocia, atrociora, atque atrocissima. (a) Quae delicta levi poena coercentur, puta multa, ea levia esse volunt laudati Scriptores: atrociora autem, quibus ultra relegationem, sed infra mortem, poena Legibus imposita est. At atrociora vocant delicta, quae morte puniuntur; atrocissima tandem, quorum poena mors est exquisito aliquo, acerbiorique cruciatu inferenda, velut igne.

(a) *Corpus*.
prax. 1. Crimin.
par. 3. qu. 102.
n. 60. *Ref. prax.*
Crimin. cap. 6.
num. 18.

VI.

Pleraque porro crimina, praesertim vero graviora, peculiare nomen habent, quo designantur a Legibus, et ab aliis criminibus distinguuntur. Sed aliquando tamen nonnullae possunt, solentque occurrere actiones criminosae, quae distincto, sibi quoque proprio nomine haud effeuntur: nimirum quamvis generali Legum prohibitione comprehensae; peculiare tamen eis nomen non est a Legibus inditum, veluti verberare, vi domum alienam ingredi, etc. Hinc alia prodit criminum differentia in nominata, et innominata. (1)

Ratione nominis, quo designantur a Legibus Delicta 3, alia nominata, alia sunt innominata.

(1) Jure Romano vix ullum reperiri crimen innominatum se non dubitare, quin affirmet, inquit MARTINUS *Proleg. de crim. cap. 4. n. 13.* nisi stellionatum excipiendum putes, qui tunc demum obicitur, cum deficit alterius criminis appellatio. *Leg. 3. §. 1. Dig. de Stellion.* Sed Jure Canonico multa habentur admissa clericorum tam in sacris peragendis mini-

steris, quam in suorum munerum exercitio, aut vita sanctius duenda, quae licet poenis coerceantur a Sacris Canonibus; nullum tamen habent sibi ab eis impositum nomen, sed nanciscuntur dumtaxat nomina facti, ut observavit DECIANUS *tratt. crimin. lib. 5. cap. 2. n. 9.* Eorum centum, et ultra sparsa in corpore Juris Canonici collegit KAYNALDUS *Tom. 1. ad c. 1. suppl. 5.*

Bb 2 Ce

VII.

Ratione formae Judicii, quae olim Romae Delicta cognoscantur 6. sunt alia publica, alia privata.

Ceterum Delicta, cujuscumque generis ea demum sint, debent cognosci in Judicio, cujus instituendi non una olim Romae ratio, formaque fuit. Alia enim Judicia publica erant, quae a Praetoribus exercebantur a Populo constitutis, et in quibus unicuique Civi jus accusandi patebat: alia vero Judicia erant privata, in quibus Privati actione civili persequerentur damnum sibi illatum alieno delicto apud Civiles Magistratus. Hinc prodiit, quae Jure Romano princeps, celebriorque est, criminum differentia in publica, et privata. Publica ergo delicta vocabantur, quae ex Lege quadam descendebant publicorum Judiciorum, poterantque a quovis e populo jure non impedito accusari. (a) Privata vero dicebantur, de quibus ad privatum commodum agebatur, quaeque ii solum persequerentur, quibus damnum obvenerat. (b) Sed sensim delicta omnia coeperunt Romae extra ordinem cognosci a Magistratibus, qui praeerant criminali jurisdictioni: unde eo Jure, quod sub Imperatoribus invaluit, delicta cujuscumque generis fuerint, extraordinaria evaserunt. (1)

(a) Dig. lib. 38. tit. 1. Leg.

(b) Instit. tit. de priv. delict.

2. Nunc moribus totius fere Europae Gentium nulla sunt delicta privata, sed omnia publica censentur, eo quidem sensu, quod omnia crimina sive directim, sive reflexim, tandem recidunt in Rempublicam [Cap. III. §. II.], cujus summopere interest ea et cognosci, et puniri. Quod fit institutis criminalibus Judiciis apud Magistratus, qui Publicae Potestatis vice criminalem jurisdictionem supra Cives exercent. Nec tamen amplius incolumis viget libertas, quae olim Romae unicuique inerat publica accusandi delicta. Ufu enim, Legibusque obtinuit, ut onus, et cura

cura delicta quaecumque accusandi in certas Personas incumberet, quales sunt Fisci Advocati, et Procuratores. (2) Quod sane constat melius esse comparatum. Praeter enim quam quod sic opportune est consultum, ne delicta inopia accusatorum publicam cognitionem, et animadversionem evadant; privatis Civibus ab accusando remotis magna ex parte interclusus est aditus discordiis, odiisque privatis, quae ex veteri accusandi licentia, ac libertate non poterant non frequentia, et gravia oriri. [c] Vix nunc observatum videmus, ut privati, ubi suam, vel suorum persequantur injuriam, accedant ad accusandum. Quod si quaedam excipias crimina, in quibus observatur, ut non nisi certarum personarum quaerelâ de eis quaestio instituitur; etiam per inquisitionem, ut ajunt, in delictis procedunt Magistratus, qui praesunt criminali Jurisdictioni, quemadmodum Libro III. horum Elementorum fusc trademus.

(c) V. Gaspar. Contaren. lib. 3. de Republ. Venet.

(1) Praeter publica, et privata etiam extraordinaria Judicia Romae aliquando exercebantur. Si nimirum quaedam essent atrocius astricta, de quibus nullae extarent Leges, ea non ab iis, apud quos ordinariae criminum quaestiones publica exercebantur Judiciis, sed extra ordinem ab aliis supremis Reipublicae Magistratibus, puta, Consulibus cognoscebantur, et poenis vindicabantur ipsorum arbitrio irrogatis. V. *Grevium animad. ad Sigon. Tom. 1. 1. Thesaur. Antiq. Rom.* Jam vero quam vetus publicorum Judiciorum mos, qui immutata Reipublicae forma summae unius potestati minas conveniret Tisacri artibus primum, deinde sequentium Imperatorum Constitutionibus recessit ab usu; caeperunt publica delicta a Praefectis, et Praefidis extra ordinem cognosci, et vindicari. Et qualiam delicta privata ipsa quoque reflexim, in Rempublicam recidebant; ideo consuetudo irrepit, ut laesus suo lu-

bitu posset tam civilis actione persequi, quod ei nocitum fuerat privato delicto, quam criminaliter ad vindictam agere, et ad poenam delinquenti infligendam illius arbitrio, qui praerant criminali jurisdictioni. *Leg. ult. Dig. de injur.* Tandem Judicia privata, et consequenter delicta, penitus extraordinaria evaserunt; itaut, quemadmodum scribit Cujacius lib. VIII. *Observat. cap. 3. omnia extra ordinem agantur omni ex causa.* Nobis, nec foret immerito, blandimur paucis hic multiplices illustrasse quaestiones, in quibus enodandis aqua haesuit quampluribus eruditis etiam interpretibus Juris Romani.

(2) Sub Augusto duo primum creati fuere Magistratus, Praefectus nempe Aerarum, et Procurator Fisci, quorum alter in Urbe, alter in Provinciis pecuniam publicam administraret, et si quid de ea controverteretur, jus quoque dicebat. V. *Cujac. in Leg. 1. Dig. de Jur. Fisc.* Sed quoniam non adeo

adeo visum est aequum, ut in Fiscis causis lidem et Patroni essent, et Judices, sub Imperatore Adriano de constituendo Fiscis Advocato cogitatum *Leg. nam intelligitur §. Multa Dig. cod. tit.*, cujus erat Fiscis jura tueri sive in Urbe, sive in Provinciis, atque instantibus delatoribus bona vacantia, caduca, thesauros, mancipia vaga etc. Fisco, seu Principis aerario addicenda postulare; quumque publica delicta quandoque a delatoribus patefierent, unde Reorum bona essent in Fiscum inferenda; criminibus quoque persequendis ob Aerarii commodum vacare consuevit: Deficientibus vero delatoribus ob falsas eorum accusationes maxime sub Imperatore

Honorio *Leg. deferre 18. Dig. de jur. Fisc.* Fiscis Advocato tantum, et publico Aerario tuendo, et criminibus deferendis praesse datum fuit, ut docet citatus Cujacius in *Paratit. Cod. de Advoc. Fisc.* eratque olim Romae unus tantum, deinde duo constituti, qui fiscalibus causis vacarent, *Leg. binos Cod. cod. tit. Vid. Clariss. ALPHANI Jur. Criminal. lib. 1. tit. XVIII. §. 11.* Hinc derivatus mos, qui nunc, ut innuimus, in tota fere viget Europa, ut accusantibus Fiscis Patronis crimina inquirantur, Reique puniantur. Sed quae tuendi aerarii, et crimina persequendi erat olim conjuncta provincia, in praesentiarum ubique est divisa.

VIII.

Quoniam vero ratione diversi status, et conditionis diversae sunt Judicum personae, apud quas criminum quaestiones exercentur; hinc alia nascitur criminum differentia. Duae apud Christianos agnoscuntur distinctae, et supremae Potestates Imperium, et Sacerdotium. Illi quâ Cives subsumus vi pacti socialis, unde Civilis subsistit Societas; huic coelesti institutione subiicimur quâ sanctissimae Christianae Religionis alumni. Utrique sua constant in homines jura. [1] Si crimen ergo a Civili Magistratu cognoscatur, tunc prophanum vulgo dicitur a Jurisconsultis Criminalibus, velulare. (a) Delicta vero quorum cognitio instituitur apud Sacros Ecclesiae Antistites appellantur Ecclesiastica. Tandem mixtorum criminum, seu mixti Fori nomine veniunt, quae ab utraque Civili, et Ecclesiastica Potestate cognoscuntur.

Ratione Judicum, qui de Delictis cognoscunt, 7. alia ecclesiastica, alia secularia, alia mixta sunt.

(a) *Clar. 5. Sent. §. 1. n. 7.*

(1) Haec si voluisset saepe a Nobis laudatus MATTHAEUS animadvertere, haud certo hanc criminum differentiam amare irrisisset, ut Ecclesiasti-

cae Potestati invidiam crearet, Clericosque contumeliose traduceret *Prolegom. de crimin. cap. 4. n. 6.* Qui libris alios docere profuerunt, omnibus se exuant

exuant oportet praepjudicatis opinionibus educationis, aetatis, consuetudinis, sectae etc. Hac in re laboravit Matthaeus homo heterodoxus; quod

monitum volui lectorem, ut caveat a falsis ejusdem doctrinis circa Ecclesiasticam Potestatem.

I X.

Delicta in Judiciis legitime cognita, ac comprobata poena tandem premere debet, ac vindicare. Ratione igitur poenae delicta alia capitalia sunt, alia nec capitalia. Jurisconsulti Romani praeter naturale aliud insuper fictione juris civile caput agnoscebant, quod ab eis definiebatur status, vel conditio hominis in libertate, civitate, familia consilens. (a) Hinc capitalibus delictis ea quoque ipsi ad censuebant, quorum reis hujusmodi civile caput libertas, puta, aut civitas adimeretur. Proprie tamen capitalia sunt crimina, quorum poena mors est. Cetera delicta, quae salvo reorum capite aliis poenis coercentur corpus affligentibus, aut restringentibus commoda vitae, aut marisupium turbantibus, aut demum aestimationem, famamque laentibus sunt (b) non capitalia. (1)

Ratione poenae Delicta 8. alia capitalia sunt, alia nec capitalia.

(a) Instit. tit. de cap. de minut.

(b) Boemer. loc. supra cit.

(1) Aliae habentur apud Criminales Jurisconsultos delictorum differentiae, velut in delicta, quae omittendo sunt, et quae committendo patrantur, in delicta excepta, ut vocant;

et non excepta, etc., quas vel quia levioris momenti sunt, vel scitu minus necessariae, consilio praetorimus, ne nostra tempora frustra tectis arguamur.



CA-

CAPUT XV.

DIVISIO DELICTORUM.

- | | |
|--|---|
| I. <i>Animadverso.</i> | V. 3. <i>Delicta, quibus Reipublicae tranquillitas perturbatur.</i> |
| II. <i>Delicta dividuntur in quatuor genera:</i> | |
| III. 1. <i>Delicta, quibus Religio violatur.</i> | VI. 4. <i>Delicta, quibus singulorum Civium securitas laeditur.</i> |
| IV. 2. <i>Delicta, quae Bonis Moribus adversantur.</i> | |

I.

Animadversio.

1. **S**I quis vel leviter animadvertat ad varias, quas superiori Capite recensuimus criminum differentias, facile intelliget nullam esse inter eas, quae commode possit generalis Divisionis loco adhiberi. Nam primo innituntur pene omnes extrinsecis criminum circumstantiis, quae parum, aut nihil conferunt ad aptae divisionis limites figendos, ac designandos. Deinde nequaquam pares sunt universas criminum species sub se continere, eumque exhibere characterem, qui peculiaris unicuique delicto, unum eorundem genus ab altero genere proprie distinguit. Nihilominus, qui haecenus de delictis singulatim egerunt, aliquam ex eisdem differentiis, quam in enumerandis, exponendisque singulis criminibus sequerentur amplexi sunt; praesertim vero illam, qua delicta disperuntur in secularia ecclesiastica, et mixta, seu mixti Fori [Cap. XIV. §. VII.]. Nec quidem immerito; quum nulla sit inter eas commodior, et usui forensi opportunior.

2. Sed

2. Sed Nobis novam Juris Criminalis tradendi viam non infelici, quemadmodum speramus, ausu ingressis, novam proponere, atque in medium afferre et opportunum, et necessarium videtur criminum differentiam, quae undequaque Divisionis nomine digna sit, et quam commode sequi, ac adhibere possimus postremo horum Elementorum Libro, qui erit de Delictis, et Poenis speciatim. Quam quidem divisionem etsi ingenui ducimus esse pudoris fateri excogitatam, et propositam primum fuisse ab eo perspicacissimo Viro, qui de Legibus hac aetate prior est ausus philosophari; [a] tamen sic hausimus ab eodem, atque ita rursus subegimus, ut nostram quodammodo fecisse possimus consideranti videri.

I I.

1. Age ergo, omnia quidem Delicta ita sunt comparata, ut vel Societatem directim adficiant, (et consequenter Religionem) vel Socios primario laedant, quae ipsa quoque reflexim recidunt in Societatem (Cap. III. §. II.), in quam ut securius, commodiusque viverent, et felicitatem undequaque perfectam mentis scilicet et corporis assequerentur, homines cojerunt (Cap. II. §. II.). At praeter generalia haec univerforum criminum objecta, sedulo consideranti patebit a speciali, ut ita dicam, objecto, in quod singula Delicta proprie ac peculiariter feruntur, et tendunt, derivari characterem, quo unumquodque flagitium a reliquorum criminum turba secernitur, atque distinguitur. Quatuor autem esse videntur specialia hujusmodi objecta Religio nempe, Boni Mores, Societas ipsa, et membra Societatis: Societas quidem, quatenus ejusdem tranquillitas directim perturbatur, Socii quatenus eorum securitas primario laeditur; Religio vero quatenus violatur, et Boni Mores quatenus corrumpuntur, atque evertuntur. Si attendas nullum invenies crimen, quod praeter memorata generalia objecta, proprie,

(a) *Montesqu.*
Esp. des Loix
Liv. XII. chap. 4.

Delicta dividuntur in quatuor genera.

C c

et pe-

et peculiariter in aliquod non impingat ex specialibus illis objectis. Saepe profecto quod bonis moribus adversatur crimen, idem laedit Civium securitatem, et a quo delicto violatur Religio, ab eo etiam aliquando tranquillitas Reipublicae perturbatur. Veruntamen satis patet singula Delicta signanter, ac magis in unum prae alio ferri ex memoratis objectis; nec quod praediximus impedit, quin debeat uniuscujusque flagitii character determinari a speciali objecto, cui praecipue adversatur. Quaecumque ergo Delicta primario, ac peculiariter vel Religionem violant, vel Bonos Mores; vel Reipublicae tranquillitatem, vel singulorum denique Civium securitatem intervertunt. Haec, quae ex speciali objecto, et character cuique delicto peculiari nascitur genuina, atque universalis criminum differentia, Nobis erit divisio Delictorum, quorum quatuor sequentia genera omnes sub se species complectuntur. Itaque Delicta dividimus in ea I. quibus Religio violatur, II. quae bonis moribus adversantur, III. quibus Reipublicae tranquillitas perturbatur, IV. quae singulorum Civium securitatem laedunt. Delicta quibus Societas directim afficitur, et delicta, quae Socios primario laedunt veluti trunci sunt infestae arboris *mali civilis*, cujus radix humanae naturae corruptio, atque invetitum nitens hominum ingenium, fructus vero damnum Societatis, et Sociorum [Cap. III. §. II.]. Ab illis quatuor quasi rami germinant Delicta Religionem violantia, Delicta bonis adversa moribus, Delicta tranquillitatem Reipublicae perturbantia, et Delicta singulorum Civium securitatem laedentia, qui latissime proferuntur ad insciendam, obscurandamque ferali influxu, gravique umbra suarum; ut ita loquar, frondium civilis vitae serenitatem.

2. Ceterum operae pretium est singula haec percurrere,

re, et breviter definire delicta, quae ad unamquamque pertinent superius constitutam criminum classem. Hoc namque exequi oportet quisquis generum divisionem molitur, proponit, ut scilicet species, quae sub eis veniunt, recenscat. *At non mihi*, ut cecinit opportune VIRGILIUS, (a) *si linguae centum sint, oraque centum, ferrea vox omnes scelerum comprehendere formas possem*. Postquam enim homines in hunc coierunt, in quo vivimus, Civilem Statum, tum praeter obvia cuilibet animanti, plurima alia industria, ingenioque effinxerunt suorum adfectuum, et adpetituum irritamenta; tum innumeris fere Legibus sociali statui necessariis suas coacti sunt actiones attemperare. Multiplicatis Legibus, auctis passionum objectis, multiplicata sunt delicta, aucta hominum nequitia; adeout et ingens sit numerus delictorum, quibus misere obruuntur, et eorum nequitia eo usque processerit, ut vere jam olim quereretur *Satyricus* (b) nil futurum ulterius, quod humanis moribus adderet Posteritas. Itaque mihi foecundo culpae seculo scribenti de delictis, sat erit graviora exequi, ac recensere facinora, et ea in quae solent homines frequentius incurere. Incipiam vero ab illis, quibus Religio violatur.

(a) Aeneid.
lib. vi.

(b) Satyr. III.

III.

1. Nihil pietate in Deum, ac religione sanctius debet esse generi hominum, quibus sublatis fides etiam, et societas humani generis, et una excellentissima virtus Iustitia tollatur oportet. (a) Nam si spes sit fallendi civiles sanctiones, quas aliquando non impossibile eludere; jam praecepta in scelera, atque delicta ruent homines; quos nullus coercet Numinis metus, nulla Religionis impedit reverentia, quin suis cupiditatibus obsequantur. Hinc semper est existimata Religio basis, et fundamentum cujuslibet

1. Delicta.
quibus Religio
violatur.

(a) Cic. de
nat. Deor. lib. 1.
cap. 2.

(b) WARBUR-
TON della divi-
na missione di
Mosè.

(c) in Libr.
advers. Colotem
som. 2. Oper.

(d) in Epist. 6.

(e) Joban.
XIII. 4.

humanae Societatis; (b) adeo ut, quemadmodum scribit PLUTARCHUS, (c) facilius sit absque solo Civitatem aedificare, quam eam sine Religione constitui, constitutamque subsistere posse. (1) Siquidem impietas, (2) ceteraque in Religionem admissa quum basim evertant, et fundamentum concutiant humanae Societatis, quod ipsa est Religio; directim fini adversantur, propter quem homines in civilem statum convenerunt, atque in eo vivunt. Nil vero magis turbat publicam tranquillitatem, privatamque concordiam, quam Civium in Religione dissensio. Quod docet Historia, experientia confirmat. Quare violatarum religionum, ut SENECA testatur aliubi, atque aliubi diversa poena est, sed ubique aliqua. (d)

2. Christiana sane Religio (de hac enim Nobis speciatim dicendum) quae sola vera, siquidem divinitus manifestata, fortius est vinculum humanae Societatis, validiusque monumentum Imperii [Cap. III. §. II.]. Nam ea tota, quod spectat ad officia erga alios praestanda, in mutua perfectissima versatur dilectione inculcanda. (e) Et generatim quidem fere nullum reperietur delictum, quo non appareat ipsa violata, si ad haec ejus praecepta exigatur. Quippe constat ex illis abstinendum hominibus esse ab iis omnibus admittendis actionibus, quae justis Sacrae, Civilisque Potestatis Legibus interdicuntur, ac prohibentur. Verumtamen neque hoc sub adspectu intuemur, nec hujusmodi amplissimo sensu delicta haec accipimus, quibus Religio violatur. Sed ad hoc criminum genus ea solum flagitia referimus, quibus peculiari ratione laeditur Deus, Christianae Religionis majestas, certitudo, sanctitas, divina auctoritas, et potissima quaedam ejus praecepta pessumdantur. Itaque sub hujusmodi delictorum genere, quibus Religio violatur, sequentes complectimur criminum species.

L. Blas.

I. *Blasphemia*, qua voce a graeco verbo βλάβη educta convicia veniunt, injuriae, maledicta, execrationes in Deum, Divosque nefarie prolatae, delictum est, quo non solum divinitus revelata, sed naturalis quoque in singulorum sensibus, animisque insculpta Religio violatur. Utraque enim homines docet non solum rectas, verasque de Deo opiniones mente esse habendas; sed etiam eum laudibus, et gratiarum actionibus jugiter prosequendum.

II. *Perjurium*, seu Jusjurandum falsum, juramentum violatum, est contempta, quae in jurejurando inest religio. Quum enim sit jusjurandum religiosa affirmatio, quoties aliquid quasi Deo teste asseritur; jam quod ex animi tui sententia divino interposito testimonio juraris non facere, perjurium est.

III. *Apostasia*, quae graeca vox latine redditur desertio, ab Imperatoribus GRATIANO, VALENTINIANO, THEODOSIO appellatur facinus violatae ac desertae Christianae Religionis, idest defectio a vera Christiana Religione.

IV. *Haeresis* graecum est nomen, quod latine sectam dicere possis. Apud Ecclesiasticos Scriptores, haeresis nomine quodlibet dogma intelligitur Orthodoxae Religionis dogmatibus contrarium. Quo sensu communiter nunc accipitur haeresis, et crimen significat eorum, qui eligunt, ac profitentur falsa dogmata, et ab Ecclesia damnata.

V. *Schisma* vox graecae originis scissuram latine sonat, et translate dissensionem quoque, seu discordiam. Schismatis nomine, ut docet S. THOMAS, divisio intelligitur, qua quis se ipsum ab Ecclesiae Catholicae, et Romani Pontificis, qui centrum est ecclesiasticae unitatis, communione separat.

VI. *Sor-*

VI. *Sortilegium* proprie est futurarum rerum per sortes, et superstitionas observationes exploratio. In latissima significatione *Magiam* quoque comprehenditur, id est genus omne superstitionis, artiumque magicarum.

VII. *Simonia* est crimen eorum, qui res spirituales, vel quasi spirituales commercio hominum exemptas audient venales habere. Crimini nomen venisse tradunt a SIMONE Mago, qui post promulgatum Evangelium primus potestatem impartiendi SANCTI SPIRITUS dona, atque charismata pretio comparare tentavit, ut alijs deinde venderet.

VIII. *Usura* significat usum, seu facultatem utendi aliqua re. Metonymice ponitur pro commodo, sive fructu ex rei alicujus usu proveniente: Et sic accepta Usura criminis nomen est, in quod illi incidunt, qui contra divinum CHRISTI praeceptum \equiv *mutuum dantes nihil inde sperate* \equiv lucrum capiunt ex mutuo, et aliquid paciscuntur pro usu foenebris pecuniae.

(1) Necessitatem Religionis in Societate omnes agnoverunt, quicumque Leges hominibus tulerunt. Ideo Religione tamquam basi sunt usi, cui cardo inniteretur universae eorum legislationis. V. PLUTARCH. et WARINGTON. in supra citatis Operibus.

(2) PETRUS BAYLIUS facile princeps recentiorum omnium liberi Ingenii Virorum veritus non est pluribus in locis suorum Operum contendere Atheismum non solum Societati minus superstitione noxium fore; sed etiam nil damni ex eo Societati obventurum; adeo ut subsistere possit Societas, quamvis nulla in eadem profiteatur, vigeatque Religio. Nullum isto impius eisingi potest paradoxon, falsus, atque periculosus. Neque enim minus evidens est Atheismum,

(idem dic de prophanis systematibus Deistarum, Naturalistarum, ut vocant) sic esse Societati damnosum, ut ejus constitutioni, et durationi directum adversetur; quam sit evidens geometricum illud axioma si aequalibus aequalia addas, aut demas, semper erunt aequalia. Sed fatis erit animadvertere, cujus usus sit in Republica Religio, effectus expendere, qui ab Impietate prodirent, ut falsitas in oculos incurrat hujusmodi paradoxi. Rem diligenter, acuteque pertractavit PERPENDORPUS Auctor non invisus liberi Ingenii Viris, cujus illustre est locus lib. 1. de Offic. Homini. et Civ. cap. 17. §. 12. ubi compendiarie expositae sunt rationes, quibus omnia illorum sophismata invicte evertuntur.

I V.

1. Pudor, quem cunctis Natura tribuit, (a) homines satis monere videtur corruptrices illas animorum corporis voluptates, quamvis procreandi causa ab ipsa datas, et hanc unam ob causam retinendas; non aliter tamen, quam certo ordine, ac modo, certisque conditionibus, ac servationibus delibendas esse, atque hauriendas. (1) Quod sane fons est, ac fundamentum publicae privataeque vitae honestatis; ad quam qui conformantur Mores, (2) ii boni merito habentur, ac appellantur. Nil autem heic aliud est vitae honestas, quam morum disciplina, verecundia, castitas ad modum, ordinemque composita, quem in decerpendis, fruendisque voluptatibus hominum procreationi conjugatis Natura, Hominesque praescripserunt. Ac praepotens quidem Naturae vox cum omnibus aequae insonet hominibus, vix ullae inveniuntur Gentes tam immanitate barbarae, ac ignorantiae tenebris offusae, apud quas aliqua vitae honestatis, bonorumque morum non fuerit habita ratio. Hac de causa bonos mores Romani Jurisconsulti naturales, omniumque Gentium graviter, sapienterque appellarunt. (b)

2. Delicta, quae Bonis Moribus adversantur.

(a) V. *Cons. berland. de Leg. nat. c. 5 § 46.*

(b) *Dig. lib. 22. tit. 2. Leg. 3.*

2. Si igitur homines inpotenti libidine acti omnem exuant audaces pudorem, et nullum in venereis cupiditatibus modum adhibeant, ac servationem; in Naturales Leges, ipsamque Naturam facere videntur, quae pudorem eis tribuit pro monumento honestatis, voluitque, ut ipsi stimulo perciti, et Veneris voluptate illecti suavius, faciliusque ad genus suum propagandum allicerentur. Nec minus peccant in Leges Civiles, quae sollicitae, ut Cives sanctis obsequantur Naturae dictatis, ea sanctionibus suis munierunt, ac confirmarunt. Praeterquam quod, quae ratio Nos movet, ut quae sunt admissa contra bonos mores recenseremus ante reliqua criminum genera, eadem urfit Legumlatores ad illa ac-

acri-

(c) *Cic. de Senect. VII.*

acribus indictis poenis prohibenda, et infectanda. Pudor enim est sepimentum virtutis, quo semel perrupto, ne reliqua quidem est ulla Legum vis: et constat omnia fere delicta ab iis plerumque nasci flagitiis, in quae rapit homines caeca libido. (c) Ecquis sane ignorat animis per libidinem corruptis nil esse tam sanctum, quod non violatum, tam iniquum, quod non ausum? Hinc saepe amicitiae rescissae, societates diremptae, distractae affinitates, foedera fracta, ac soluta perjurio: Hinc manus fraterno, civilique sanguine foedatae, familiae deletae, prodita Patria, Respublicae, et Imperia everfa, atque collapsa. Et quamvis hujusmodi delicta ita sint comparata, ut Religionem violent, a qua prohibentur, tranquillitatem perturbent Societatis, Civium denique securitatem laedant; tamen quum ea praecipue, ac directim bonis moribus adversentur; proinde distinctum, ac peculiare constituunt delictorum genus, quod sequentes complectitur species.

I. *Stuprum*, quae vox proprie dedecus, maculam, turpitudinem sonat. Hinc stuprare Latinis idem, ac foedare. Notissimi sunt hi *NEVI* versus

Seseque ei perire mavolunt ibidem,

Quam cum stupro redire ad suos Populares:

id est dedecore, infamia. Stricte acceptum criminis nomen est, et significat corruptionem virginis, aut viduae honeste viventis.

II. *STUPRUM PUERI*, vulgo audit *Sodomia*, nomine a Sodomae Incolis ad nefandum crimen traducto, qui ut narratur in Sacris Scripturis tanto scelere omnes erant coinquinati. Est corruptio pueri, quum Natura, ut inquit Imperatores, sexum mentitur, nec quid quaerit invenit.

III. *ADULTERIUM*, ut *FESTUS* scribit, cujus mihi verior

rior opinio, dictum est quasi ad alterum itio, sive accessus, cum scilicet quis ad alterius uxorem se confert. Nam Romanorum Jure Adulterium corruptionem, ac vitiationem praefert ejus, quae alteri nupta est, seu concubitus cum aliena uxore. Juxta Sacras Leges, quibus omnium Christianarum Gentium mores adhaerent, Adulterium est violatio fidei conjugalis, quae a Viro aequae, ac a foemina concubitu fit.

IV. LENOCINIUM, quo solent stupra, et adulteria conciliari: translate ponitur pro illecebra, delinimento. Quoniam vero Lenones animum adolescentium delinendo seducunt, eorum officium, crimenque Lenocinium vocatur.

V. INCESTUS quamcumque pollutionem, et impuritatem generatim significat. Incestare namque Latinis valebat impurare, ac polluere. Est personarum, inter quas aliqui non esset futurum legitimum matrimonium, conjunctio, ac venerea commixtio contra pudorem, et reverentiam sanguini, et Legibus debitam. Aliqua *κεῖνος* cesto deducunt, id est cingulo Veneris, quo in honestis nuptiis utebantur Antiqui ad conciliandum maritalem amorem. Turpes enim nuptias, ideo incestas dici observavit vetus Scholiastes ad Statii Thebaid., quia in eis cingulum illud honestatum insigne non adhibetur.

V. VENUS MONSTROSA. Hoc nomine designamus varias species nefandae, faedaeque libidinis, quae fini adversantur, in quem veneream cupiditatem Natura procudit, cum scilicet haec non ea ratione, et modo exercetur, qui ad ipsam explendam est a Natura provida, suaviterque institutus.

VI. OSCULATIO, actus osculandi. Oscula, quae fere preludia criminum omnium venereorum, ipsa sola

D d

pecu-

| peculiare crimen constituunt, quo irretiuntur, qui sua-
via rapiunt, figuntve mulieribus, intellige invitis.

(1) Nonnulli inter novissimos libe-
rioris ingenii Philosophos veriti non
sunt antiquam *Cyrenaeorum* sententiam
amplecti, et asserere pudorem non in-
situm naturā hominibus esse, sed na-
tum cum civili statu, acceptumque
ferri debere praepudicatis opinionibus,
quibus, qui vivunt in Societate a pueris
imbuuntur: et fuit etiam, qui ultra
progressus animose contendit pudorem
commentum ab hominibus, veluti em-
bama voluptatis, nilque aliud esse
quam *une volupté raffinée*: Sed *Mon-*
taigny sequenti ratiocinio omnia

diluit sophismata horumce *Epicuri* de
gregge porcorum: *Il est écrit de la*
nature des êtres intelligens de sentir leurs
imperfections: la nature a donc mis en
nous la pudeur, c'est-à-dire, la honte des
nos imperfections. Esprit des Loix Liv.
xvi. Chap. xii.

(2) Prudens Lector facile intelliget
bonos mores heic a Nobis non accipi
in sensu philosophico pro inclinationi-
bus voluntatis per veram virtutem
emendatae; sed *in sensu vulgari* pro
moribus compositis ad regulas natura-
lis pudoris.

V.

3. Delicta,
quibus Reipu-
blicae tranqui-
litas perturba-
tur.

(*) *Gravin.*
Orig. Jur. lib.
III. §. 10.

I. Quaecumque Civitas nunquam satis constituta cen-
setur; nisi ea Civibus ipsis sancta sit, ac venerabilis. (1) Quid namque prodest Urbem muris circumdare, ut ab externa vi defendatur, si intus lateant insidiae, ut ubi se occasio dederit, in commune damnum erumpant? Et sane Civitas non tam aedificiis, moenibus constat; quam ex Civium conjunctione resultat, cujus diremptio, ac solutio interitum secumfert ipsius Civitatis. (2) Quare hoc vel in primis grave putatur, si scilicet Cives Reipublicae statum, regimen, oeconomiam audeant labefactare; et inter crimina, quibus in Civili Societate locus patet, nullum est majus, quam in Summam Potestatem insurgere, cui omnes Cives salutem suam crediderunt, in commune commodum quidquam moliri, atque uno verbo publicam tranquillitatem quovis demum modo, ac ratione perturbare. Suprema enim Lex, Populi salus.

2. Neque vero quidquam magis cordi esse Civibus debet publica tranquillitate. Quemadmodum quippe nequeunt membra valere, nisi corpus universoni sanitate fruatur; ita singulis Civibus securitas constare non potest, si seditiones,
discor-

discordiae agitent Civitatem, et Cives privata sua communibus commodis anteponant, [2] et publicam tranquillitatem perturbent. Bifariam autem publica tranquillitas perturbatur, vel proprie, et directim, vel indirectim, et improprie. Primum si status Reipublicae concutiat, aliquid machinetur in eos, qui Rempublicam repraesentant, ac administrent, Civitatis, Civiumque quieti vis inferatur. Deinde ubi peccatum sit in publica comoda, et damnum communi bono illatum. Ad utramque classẽ sequentia crimina spectant.

I. LAESA MAJESTAS. Majestas a magnitudine dicta nihil est aliud, quam cujusque rei dignitas, atque amplitudo. Heic majestatis nomine intelligitur magnitudo Reipublicae, vel Principis, qui Rempublicam repraesentat, quam qui laedunt, crimen laesae majestatis admisisse dicuntur. Pluribus autem modis in hoc crimen incurritur.

II. PERDUELLIO species atrocissima criminis laesae majestatis. Duellis apud priscos Latinos sonabat hostis: *per* heic teste CHERISIO significat *perquam*, *valde*: unde perduellis idem, ac valde duellis, seu hostis. Est perduellio conspiratio hostili animo inita, vel exequuta adversus Rempublicam, vel Principem.

III. COLLEGIA ILLICITA. Collegium est plarium personarum coitio, atque societas, quam non licet in Civitate habere sine Publicae Potestatis venia propter metum, ac pericula conjurationum, et seditionum.

IV. VIS PUBLICA, ET PRIVATA. Vis heic accipitur pro violentia, seu injuria a Civibus facta Civibus, qua quies publica perturbatur. Si sine armis

D d 2 infer-

Proprie,
et
directim.

Indirectum , et improbie .

infertur *vis privata*, si cum armis *vis publica* nunc vocatur.

V. **CRIMEN FALSAE MONETAE**. Moneta, pecunia signata a *monendo*, quia nota inscripta nos monet auctoris, et valoris. Si falsificetur, damnum commune resultat. Nam signum moneta evaluit, et inensura rerum omnium, quae in hominum commercio posita sunt.

VI. **PECULATUS** auctore FESTO a pecore dictus est, quia ab eo in quo Veterum consistebant opes, initium fraudis esse coepit. Furtum audit pecuniae publicae, vel sacrae.

VII. **CRIMEN REPETUNDARUM**. Hoc committunt, qui munere publico fungentes, ob iudicandum, decernendumque pecuniam accipiunt quo magis, vel minus officio suo satisfaciant. Ita dicitur a repetendis pecuniis a Magistratibus injuste extortis.

VIII. **FRAUDATA ANNONA**. Nomen ab *anno*, vel ab *alo*, quasi alimonia, res frumentaria, et quidquid ad annum victum reponitur. Contrahunt hoc crimen qui quomodocumque dolo malo caritatem promovent, et annonam flagellant, vel maxime peccantes in publicum commodum.

(1) Omnes, qui vivunt in civili statu meminisse debent, quod est sapienter scriptum a CICERONE in *Sonn. Scipion*: *Nihil esse*, nimirum, *illi principi Deo*, qui omnem hunc mundum regit, quod quidem in terris sit acceptius, quam con-

cilia, coetusque hominum iure sociati, qui coetus *Civiles* vocantur.

(2) Nil verius effato Imperatoris illius Philosophi: *Quod examini non conducit, nec api conducit*. V.M. ANTONIN. lib. vi. §. 54.

V L

3. Delicta ;
quibus singulo-
rum Civium se-
curitas laedi-
tur.

(a) *Synec. Epi*
NoL 121.

I. Constat homines, ut cetera animalia, statim ac nati sunt, ipsos sibi conciliari naturam, et ab interitu alienari, iisque rebus, quae interitum videantur afferre. (a) His veluti calcaribus impelluntur homines ad curam propriae

priae salutis, et ad quaerendam sibi, comparandamque securitatem vacuum a metu, omnisque periculi expertem. Veruntamen a nulla alia re, quod valde mirandum, magis est homini metuendum, quam ab hominibus; adeout pleraque graviora mala, unde genus affligatur humanum, homines ipsos habeant auctores. Improbi nimirum, quum suam vim sentiant, qua possunt abuti, aliis hominibus dominari nituntur, illis insidiantur, eosque rebus libertate, ipsa etiam vita spoliare aggrediuntur. (b) Qui cum ratione olim ad meliora traduci nequirent; propterea vetustissimi Mortalium, et ex eis progeniti suae conscii imbecillitatis, proprias conjungere vires, et relicto naturali statu, in quo pax inrerdu[m], pacis fiducia nunquam erat, exemplo domesticarum Societatum in maximas illas coaluerunt, quas Civitates, vel Respublicas appellamus. (c) Atque in his demum consociati homines coeperunt domesticae paci consulere,

(b) V. Hæfof.
Theogon. v. 8.
et seq.

(c) Aristotel.
Eth. viii. 2.

et ponere Leges

Ne quis fur esset, neu latro. neu quis adulter; (d) ut singulis Sociis quaesita constaret, et optata securitas.

(d) Horat. I.
Satyr. 3.

2. Quivis autem homo hoc in primis quaerit, nimirum, ut vivat. Et vitam quidem impense diligimus, cujus conservandae desiderium, et anxietatem Nobis insaevit Natura. Unde fit, ut etiam aptas, integrasque velimus habere corporis partes, et refugiamus praeterea vitam nostram indiscriminatim esse in aliena potestate. Deinde quaerit, ut bene audiat apud illos, quibuscum vitam agere debet. Nam statim ac homines simul conversari coeperunt; nata est inter ipsos comparatio, quam sequitur bona de his, mala de illis apud alios opinio. Vix autem prodesset vivere in societate, nisi homines, cum quibus eam agitamus, nostri fideant, nos ament, bonam de Nobis praefese.

seferant opinionem. Tandem omnis homo quaerit, ut res ad vitam sustentandam necessarias, quibus sive fortunâ, sive industriâ auctus est, proprias sibi habeat, atque conservet: nam hunc etiam in finem homines in civilem statum migrarunt. Quamobrem in Civili Societate id peculiariter, et praecipue intenditur, ut scilicet singuli Cives de persona praestentur securi, de fama, ac demum de bonis. Potiora ergo delicta, quibus singulorum Civium securitas laeditur, in tres classes non inopportune possunt distingui, in quarum primam referantur crimina, quibus vis inferitur Civium personis, in alteram delicta, quibus Civium aestimatio oneratur, bonumque nomen inficitur, in tertium demum collocentur ea facinora, quibus Cives bonis suis, rebusque spoliantur. Age vero singulatim haec omnia crimina enumeremus.

I. HOMICIDIUM ab *homine*, et *caedo* componitur: significat enim hominis caedem, necationem. Heic tamen non quaevis venit hominis caedes, sed ea tantum quae dolo fit, culpaque, quaeque crimen est homicidii, cujus sequentes distinguuntur species.

1. *Homicidium ex insidiis commissum* est, quod insidiis committitur ex improvise in homines nil tale caventes.

2. *Homicidium proditorium* est, quod fide tacite, vel expresse data ab amico committitur, vel ab alio sub amici specie.

3. *Assassinium* est homicidium commissum ab aliquo in id mercede conducto. Fertur *Assassinos* Asiae quondam incolae, et Mahometis sectatores *Senioris*, seu *Arfacidae* mandato necare solitos quoscumque Christianam fidem profitentes. Ab his derivatum nomen *Assassinii*, quod recte turcicum

Viam
inferunt
Civium
personis

cicum esse notat ex *Matthaeo Parisensi* ad annum 1251. celeberrimus HEINECIUS.

4. *Veneficium* fit cum alter alterum veneno necat.

5. *Parricidium*. Parricidii vox apud priscos Romanos denotabat quodcumque capitale delictum: Postea haec vox Legibus restricta ad caedem parentum, ac eorum, qui ejus affectionis sunt, ut nuncupatione parentum, aliorumque collateralium comprehendantur; quamvis in sensu strictissimo solam caedem parentum, et liberorum complectatur. Sub parricidio proprie veniunt *Infanticidium*, *Infantum expositio*.

II. RAPTUS actus rapiendi. Fere refertur ad *Stuprum*, estque violenta abductio personae honestae de loco ad locum libidinis exercendae causa.

III. PLAGIUM est a *πλάγιος* quod proprie notat *oblique*: metaphorice autem pro *doloso* sumitur. Itaque Plagium nihil aliud est, quam dolosa suppressio liberi hominis, et secundum veteres Romanas Leges etiam alieni servi.

IV. INJURIAE. Injuria generatim est omne id, quod non jure fit. Haec in specie est quaevis contumelia dolo malo alteri contra jus illata.

V. LIBELLI FAMOSI. Sub horum nomine veniunt injuriae scripto commissae, quibus quid alicui obicitur ad ejus infamiam.

VI. FURTUM J.C. Sabinus a fraude dictum existimavit. Labeo a *furto*, quod clam, et obscure fiat, et plerumque noctu. Sunt qui a ferendo, vel auferendo nuncupatum volunt. Vulgo definitur dolosa rei alienae invito domino contrectatio facta animo lucrificandi.

VII. RA-

VII. RAPINA. Rei alienae ablatio vi gesta, ut lucriferet.

VIII. FALSUM. *Varro* derivatur a *fando*, quia alii *fando* decipiantur, et contra quam dictum est fiat: sed venit a *falso*, quod proprie est supplantare. Falsi crimen communiter definiri solet fraudulentam veritatis supplantationem, vel suppressionem in prejudicium alterius factam, et quidem ut plurimum, ut par est adnotare, ad alios bonis spoliandos.

IX. STELLIONATUS. *Stellio*, unde huic crimini nomen versatissimum est lacertae genus, quo nullum animal, ut *Plinius* scribit, fraudulentius homini invidet. Ipsum hoc animal stellionis nomen meruisse videtur, quod stellatis guttis distinctum sit. Jure Romano accusantur *Sellionatus*, qui improbius fraudare, si crimen aliud non sit obiiendum, quod usu receptum.

Sed lassum sumus labore graviora hominum, et frequentiora persequendi Delicta. Felices quibus datum est scribere de virtutibus, easque homines docere. Nil contra durius, quam in hominum vitiis enumerandis, exponendisque versari. Siquidem contristatur animus cogitatione miseriorum, quibus sui similes urgentur, et affliguntur, cumque alto perfundit pudore intueri, quot sit capax malorum humana nequitia. Itaque Nos, longum alioquin jam spatium emensos, heic parumper quiescere, et respirare par est.

LIBER I. EXPLICIT.

INDEX

INDEX

RERUM PRAECIPUARUM.

A

- A* *Cuius hominis, qui dicantur?* pag. 35
Affectio humana quae? *ibid.*
 Bona, vel mala. *ibid.*
 Interna, et externa. *ibid.*
 Moralis, et mechanica. 43
 Spontanea, invita. 125
 Libera, necessaria *ibid.*
 Utronea, coacta, mixta. *ibid.*
 Iusta, iniusta. 33
 Quid requiritur, ut possit imputari? 48
Adfectus quid sint? 22
 Cognoscere necessarium J. C. Criminali. 81
 Eorum impetu etiam frugi viri quandoque rapiuntur ad delinquendum: *ibid.*
 Levius tamen, quam nequitia delinquitur. 88
Adulterium, quid? pag. 208
Amentes incapaces sunt delinquendi. 118
 Intervallis sapientes possunt delinquere *ibid.*
Amor quid? 84
 Non excusat a delinquendo. 85
 Quibus remediis sanandus. *ibid.*
Amor proprius, seu Philautia. 22
Annonae fraudatae quale crimen. 212
Apostasia quid? 205
Armorum usus recte prohibitus. 65
 Vetiata deferre crimen. *ibid.*

B

- B* *Læphemia* quid? pag. 305
Bruta animantia solo fere instinctu ducuntur. 23
 Incapacia sunt vitii, virtutis: 25
 Et proinde delinquendi. 114
 Cur quandoque punita? *ibid.*

C

- C* *Alumnus* quid? pag. 65
 Latissime accepta fit pluribus modis. 66
 Olim qua poena coercita. *ibid.*
Causa definitio. 95
 Duplici adpectu potest intueri. *ib.*
 Nequit absolute hominibus imputari. 96
 Quando sit imputabilis. 98
Causa moralis quatenam dicatur. 49
 Alia in se, alia per accidens. 130
 Ei aequae, ac physicae delicta imputantur. 49, 129
Causa physica quatenam sit. 129
 Quando delicta ei magis, quam causae morali imputentur. 130
Civibus nocere crimen. 42
 In eos commentum *deus* dicuntur injuriae privatae. *ibid.*
 Quatenam delicta eorum securitatem proprie laedant. 214
Coacti quatenam dicantur. 127
 An immunes a delictis? *ibid.*
Cogitationes humanam aciem effugiant. 45
 Earum poenam nemo patitur. 54
 Non nisi ab externis actionibus argui valent. *ibid.*
 Hominibus non nocent, nisi in externas actiones erumpant. 44
Collegia illicita habere crimen est. 218
Conatus quid in delictis? 48
 Absolute delictum non est. 62
 Delicto tamen non vacat omnino. *ibid.*
 Quando debeat pro crimine persequi censeri. 61
 Quibus casibus Jure Romano habeatur pro delicto consummato? 62 et seq.
 Distinguitur in proximum, et remotum. 68
 Quomodo et quando puniendus? 69
 E c Quid

- Quid consuetudine circa ejus poenas receptum. **71. 72**
Conjuratio quid? **63**
 Qui differt a conspiratione. **64**
Consentientia quid? **46**
 Antecedens, consequens. *ibid.*
 Recta, erronea. *ibid.*
Consiliarii an, et quando teneantur ex delictis Consultorum? **135**
Consultum quid nobis sit? **50**
Consultoribus magis quam Consiliariis tribuentum delictum. *ibid.*
 In actionibus, praecipue spectandum. **73**
Crimes in stricta significatione opponitur delicto. **17**
 Sic acceptum quid significet apud I.C. Romanos. *ibid.*
Culpa quid? **90**
 Quor ejus gradus. **91**
 Differt a dolo. **93**
 Ea non vere, sed quasi contrahuntur delicta. **94**
 An pro delictis culpa contracta poena corporea possit infligi? **95**

D

- Damnnum* quid? **pag. 160**
 Ejus reparandi obligatio unde? **161**
 Quale sarcendum a Reo. **162**
 Quanti aestimandum. **164**
 Illud an haeredes delinquentium debeant sarcire? **167**
Delicti etymologia. **15**
 Varia nomina. **17**
 Generalia natura quae? **40**
 Delictum juxta Leges humanas. **41. 55**
 Ex interna, et externa actione coalescit. **43**
 Ex actione externa arguitur. **44**
 Omissa, et commissa complectitur. **16**
 An, et quando solo consilio censendum? **51**
 Qui differat a peccato? **53**
 Ex eo quatenus obligationes nascantur? **57**
 Delictorum origo duplex. **22**
 Quantitas unde aestimanda. **188**
 Delicta an omnia sint paria? **190**
181.

- Multifariam discriminantur. **191**
 Alia propria, et vere delicta sunt, alia quasi, et quodammodo. **191**
 Alia communia, alia alicujus generis personarum propria. **192**
 Notoria, et occulta. **193**
 Graviora, vel leviora. **194**
 Nominata, et innominata. **195**
 Publica, et privata. **196**
 Ecclesiastica, secularia, mixta. **198**
 Capitalia, et nec capitalia. **199**
 Dividuntur in quatuor genera. **200**
et seq.
 Qui possunt impedire, et non impediant an Rei? **137**
 Distinguuntur personae, et crimina. **138**
Delicta privata quatenus Jure Romano? **17**
Despotismus an regularia humanae Societatis forma? **36**
Deus peccata punit. **54**
 Ei magis obsequendum, quam hominibus. *ibid.*
Doli acceptationes. **74**
 Definitio. **75**
 Divisiones reprobatae. **77**
 Duae species distinctae. **78**
 Eo propria, et vere contrahuntur delicta. **76**
Dormientes incapaces delinquendi. **112**
 Quid si aliquam somnii culpam conjungant? *ibid.*

E

- Ebrietas* an, et quando excuset a delinquendo? **pag. 37**
Ecclesia jus habet condendi Leges. **34**
Error quid? **116**
 Quotuplex. **117**
 Qualls liberet a contrahendis delictis. **121. 122**
 Officij conscientiae. **47**
Entranci praesumuntur consensisse in Leges Civitatis, ad quam veniunt. **123**
 Adversus eos delicta committuntur. **123**
 A delinquendo quando excusentur, et in quibus delictis? **123. 124**
Falsi

F

- F** *Alibi* crimen quale . pag. 216
Fortis quale dicatur J. C. Romanis . 144
 An injuria ei possit inferri . *ibid.*
Furiosi incapaces sunt delinquendi nisi intervallis sapiant . 109
 Quemadmodum a J.C. distinguantur ab Amentibus . 110
Furtum quid ? 215

G

- G** *Gravitas*, vel *levitas delictorum* ex quibus aestimanda . pag. 187. et seq.

H

- H** *Heredes* quid ? pag. 205
Heredes quatenus obligentur ex delicto auctoris . 214
Homicidium quid ? 214
 Quenam ejus species . 205
Homo duplici constat natura . 21
 Libere agit . 28
 Est imbecillus . 97
 Ad Societatem impellitur . *ibid.*
 An ad Societatem redactus plena securitati frui queat ? 29

I

- I** *Innocentia* quid ? pag. 118
 Vincibilis, invincibilis . 4. 119
 Voluntaria, involuntaria . *ibid.*
 Juris, et facti . 119
 Accidentaliter, essentialiter . 120
 Quenam liberet a delinquendo . 121. et seq.
Impetus adfectuum subicitur dolo . 80
 Et levius quam nequitia delinquitur . 88
Impuberes qualem dicantur . 101
 An, et quando capaces nec ne delinquendi . *ibid.*
Imputatio quid ? 46
 Quae in ea faciendi requirantur . 48. 49
 Quae ei opponuntur . 50
Isops quid ? 209

- Infantes* quanam sint, et unde dicti ? 100
 Cur incapaces delinquendi ? *ibid.*
Ingeniorum differentia inter homines unde ? 30
Injuriae privatae quanam dicantur ? 42. 142.
Injuria in specie quid ? 215
Injuria an fiat in personas ignotas ? 143
 Et in personas, quae sensu careant . 143
 Quando in invitum inferatur sine delicto ? 154. 155
Injurius an quis in se possit esse ? 147
Intellectus quid ? 22
Intellectus quid ? 22. 24
 Est principium actionum moralium . 25. 48
Inviti quanam dicantur ? 125
 Incapaces sunt delinquendi : *ibid.*
 Quando tamen in culpa esse reprehendantur . 126
Ira vehementissimus est omnium adfectuum . 82
 Ejus impetus non liberat a contrahendis delictis . 83
 Quibus remediis compescenda . 83
Jabentes delinquere magis delinquant, quam *obsequiosos* . 124
Jurisprudentia Criminalis quae ? 2
 Ejus divisiones . 3
 Utrum scientia, an ars ? 3
 Scientifico modo pertractabilis . 5
 Quibus ex scientiis principia desumat . 5. et seq.
Jus in genere . 34
 Naturale . 34
 Gentium . *ibid.*
 Civile . *ibid.*
 Canonicum, seu Ecclesiasticum . *ibid.*
 Criminale . 2
 Municipale . 8
 Romanum . *ibid.*

L

- L** *Enocinium* quid ? pag. 209
Lex quid ? 33
 Divina, humana . 34
 Justa, injusta . *ibid.*
 Naturalis, civilis, ecclesiastica . *ibid.*
 Ejus effectus . 41
Lex aeterna quae dicatur . 2
 E c 2 *Leges*

Leges Criminales quatenus sint. 1
 Earum praesentia. *ibid.*
Liberi non obligantur ex delictis parentum. 157
Libertas, seu arbitrium quid? 27
 Ei officit vis externa. 48
Libertas Civilis in quo consistit. 1
Libelli famosi crimen quale sit? 215

M

Majestatis laesae crimen quale sit? pag. 211.
Malitia hominis, in quo consistat. 30
 Quousque procedat. *ibid.*
Mandator aequae reus, ac Mandatarius. 130
 Tenetur etiam si Mandatarius fines excedat mandati. 132
 Quid si revocato mandato Mandatarius illud impleverit? *ibid.*
Mortuus, an teneatur ex uxoris delicto? 139. et seq.
Minores, an obligantur ex delictis omitendo patris? 103
Minesae falsae crimen quale sit? 212
Mores quinam dicantur? 25. 26
 Boni qui sint. 202
 Quae delicta eis adveniant. 207. et seq.
Mori voluntaria semper illicita. 148. et seq.
 Quo sensu intelligendum morte omnia tolli. 166
Mortui an possint affici injuria? 153. 154

N

Nepotia est doli species. pag. 79
 Ex gravius, quam impetu adfectum delinquitur. 83

O

Obligatio quid? pag. 33
 Quotuplex ex delicto nascitur. 157
 Subeundae poenae, in quo fundata. 158
 Non egreditur personam Delinquentis. 159
 Tollitur morte. 170
 Et reditione poenae. 171

Nec non criminis extinctione. 172
 Reparandi damni, unde nascitur. 161
 Non perimitur reditione poenae. 165
 Quid si reus damnetur ad mortem? 166
 An, et quatenus transeat in haeredes? 167
Obsequentes in delictis ab eis non excusantur. 134
 Minus tamen eis, quam Jumentibus imputantur delicta. *ibid.*
Opem ferentes delinquentibus instar illorum rei censentur. 136
 Eam tulisse quinam dicantur? 137
Ofensio quale crimen. 209

P

Peculatus sociale liberam causam agnoscit. pag. 55
Peculatus accipitur pro quocumque delicto. 19
 Communi usu coercetur ad ea, quae contra Divinas Leges patentur. *ibid.*
 Hac causa, qui differat a delicto. 53
Peculatus quid? 212
Perduellio quid? 211
Perjurium quid? 205
Permiso an Legis effectus? 45
Plagium quid? 215
Poenae necessariae in Civili statu. 158
 Eas subeundi obligatio, unde in Reos incumbat. *ibid.*
 Quando debitae. 46
 Quibus casibus temperandae. 89
 94. 136
 Quemadmodum proportionandae delictis. 187. 188
 Universalitatem quatenus sint. 168
Praemia quibus actionibus debita? 46
 Eorum theoria. *ibid.*
Prodigi, quo sensu comparantur furiosis. 110
 An immunes a delictis omitendo gelis? *ibid.*

Q

- Q**uantitas proprie quid significet .
 pag. 173.
 In actionibus quid ? *ibid.*
 Varia est secundum varias earum
 relationes . 179
 Delictorum an ex poenis in ea
 indictis metienda ? 185
 An ex damno Societatis ? 184
 An ex malitia Delinquentis , et
 damno Societatis ? 186, 187
 Unde aestimanda . 188

R

- R**aptus quid ? pag. 314
Ratibabitio quae , et quotu-
 plex . 133
 An in delictis comparanda man-
 dato ? *ibid.*
Rei publicae variae formae . 36
 Ejus tranquillitatem quae delicta
 proprie perturbant . 211
Regimina Civilium Societatum di-
 versa . 35
 Unde orta varietas . 36
Religio quid ? 34
 Firmum Societatis vinculum .
 34, 42, 202
 Ei quatenam delicta directim ad-
 versentur . 203, et seq.
Reputandum crimen quale sit ? 212
Retulatio in quibus casibus illicita . 156

S

- S**chisma quid ? pag. 209
Scopelismus quid ? 67
 Peculiare crimen Arabiae . *ibid.*
Senes an , et quando delinquendi in-
 capaces ? 111
Simonia quid ? 206
Societas Civilis quid ? 36
 Ejus finis . 28
 Commoda . *ibid.*
 Quatenam Civilium Societatum re-
 gimina . 35
 Unde variae earum Leges . 36
 Singulae Societates moralem per-
 sonam constituunt . 92
Sonnambulismus quid ? 113

- Eo laborantes , an delinquant . *ibid.*
Sortilegium quid ? 206
Spontaneitas quid ? 125
Stoicorum paradoxum de omnium deli-
 ctorum aequalitate . 180
Stultitia , seu valde modica infamia an
 liberet a delinquendo ? 110
Stuprum quid ? 208
Stellionatus quid ? 216
Suicidium . 247, et seq.
 Quando olim Romae delictum . 151
Surdi , et *Muti* a nativitate , an delin-
 quendi incapaces , 104, et seq.
 Tales facti post adeptum usum ra-
 tionis capaces sunt delinquen-
 di . 107
 An poena capitalis in eos statui
 possit ? *ibid.*

T

- T**heslogia quid ? pag. 9
 Inluit in Jurisprud entiam Cri-
 minalem . 10

V

- V**aleri an , et quatenus obligentur
 ad poenam ? pag. 157
Venus monstrosa quid ?
Violationes pacti Socialis quatenam deli-
 cta appellanda . 42
Vis externa officit libertati . 48
 Actiones parit invitas . *ibid.*
Vis publica , et *privata* qualia crimina
 sint ? 211
Volenti an fiat injuria ? 145
Voluntas quid ? 22
 Efficax , inefficax . 130
 Coactionem pati non potest . 127
 Est principium actionum mora-
 lium . 25, 48
Universitas moralem constituit perso-
 nam . 99
 Delinquens , quibus poenis affi-
 ciatur . 168
 An , et quousque obligetur ad dam-
 ni reparationem ? 169
Virus quid ? 206

Z

- Z**elotypia quid ? pag. 86
 Ejus impetu delinquere doleo
 non caret . *ibid.*

ERRA-

ERRATA

CORRIGE

voluitque multam ab eo esse luen- dam	pag.17	voluitque multam ab eo esse luen- dam	
et inconstanti voluptate, etc.	pag.22	et inconstanti, ac undique perfecta tum mentis, tum corporis voluptate	
an homo ad Societatem redactus plena securitate frui queat	pag.29	an homo ad Societatem redactus plena libertate frui queat	
qualem, verbo, saeculum	pag.38.	qualem verbo Saeculum.	
non a facto et ab usu	pag.51	non a facto et ab usu.	
solum in multis gravissimis	pag.71.72	non solum in multis gravissimis	
Romani Jurisconsulti	pag.75	Romani Jurisconsulti	
parentem nutritorumve	pag.80	parentem, nutritoremve.	
Dimidia sum esse facinus	pag.89	Dimidia sum esse facinus	
rarius ineptu	pag.104	rarius impetu	
Lapida sane Saeculo XV.	pag.115	Lapida sane Saeculo XV.	
sequitur eam mortem Delinquen- tis	pag.170	sequitur eam morte Delinquentis	
obligatio ferendae poena remissa	p.172	obligatio ferendae poenae remissa	
et reposcendae poenis	pag.177	et reposcendis poenis	
Civilis, in qua vivimus status	pag.192	Civilis, in quo vivimus, status	
eò ne leviores	pag.194	eò ne leviores	
famamque lentibus	pag.199	famamque laedentibus,	



Oesterreichische Nationalbibliothek



+Z168310807

